







6-18-E-14  
P A V L I  
A E M I L I I  
S A N C T O R I I  
C A S E R T A N I

X I I.

VIRGINES, ET MARTYRES.



SVPERIORVM PERMISSV.

R O M Æ,

*Ex Typographia Gulielmi Facciotti.*

CID ID XCVII.

AD USUM  
FR. A. BENTIV.  
SUÆQ. COMMUN.



**E** Go Hieronymus Florauantius ex Societate Iesu,  
Iussu Reuerendissimi Magistri Sacri Palatij perlegi  
has Sanctarum Virginum Vitas ab admodum Illustri D.  
Paulo Aemilio Sanctorio scriptas, & nihil in his reperi  
contrarium fidei, aut bonis moribus; immo & laude, &  
luce dignas existimo.


*Imprimatur.*

Fr. P. Ioannes Saragoza pro Magister Sacri Palatij.

*Imprimatur.*

Fr. Ioannes Baptista Lancius Sacri Palatij Magister.

SANCTISSIMO  
AC  
BEATISSIMO PATRI  
ET  
DOMINO NOSTRO  
CLEMENTI VIII  
PONTIFICI MAXIMO.




Paulus Aemilius Sanctorius Felicitatem.



V A me, Beatissi-  
me Pater, maie-  
stas, atque beni-  
gnitas diu ancipi-  
tem tenuere, utrum Tibi ueluti  
uiuenti Petro ad Ecclesiae clauū  
sedenti has a me Virginiū ui-  
tas exercitationis caussa conscri-  
ptas

ptas dicarem; fluctuabam nam-  
que ( ut ita dicam ) animo , &  
quam mihi benignitas Tua in-  
iiecerat uoluntatem, adimebat  
maiestas. uerebar quippe ne te,  
qui omniū Ecclesiarū onus susti-  
nes, hac lectione grauarem, sed  
uicit uniuerso Christiano orbi  
prospecta benignitas Tua, uicit  
morum suauitas, qua omnium  
ad Te animos allicis, uel summa  
pressum negotiorum mole, ui-  
cere tandem Tua maxima in Iu-  
lium Antonium Cardinalē Pa-  
truum meum merita, quem Ma-  
ioris Pœnitentiarii munere orna-  
tum esse uoluisti. Nam sicut ma-  
gni

ris geris, non ingratum fore hoc  
meae humilitatis obsequium.  
Te uero munusculū hoc meū,  
quamuis nulla ex parte tantae  
par maiestati nō aspernaturum  
eximia illa, quae tibi merito no-  
men dedit, clementia pollicetur.  
Deus Te Optimus Maximus  
diutissime seruet incolumem.  
Romae xiv. Kal. Septembris,  
Anno CIO.ID.XCVII:





THE  
HISTORY OF THE  
CITY OF LONDON  
FROM THE  
FIRST  
SETTLING OF THE  
TOWNE  
TO THE  
PRESENT  
STATE  
OF THE  
CITY  
AND  
PORT  
OF LONDON  
IN THE  
SEVENTEENTH  
CENTURY  
BY  
JOHN STOW  
1660



4

CATALOGVS  
SCRIPTORVM  
EX QVIBVS DESVMPTAE  
HARVM SS. VIRGINVM  
VITAE FVERE.



S. THECLA.	S. Ioannes Damascenus.
 Ertullianus.	
 S. Cyprianus.	Basilus Seleucensis.
S. Ambrosius.	Theodoretus.
S. Hieronymus.	Euagrius.
S. Augustinus.	Metaphrastes.
S. Gregorius Nazian	Beda.
zenus.	Aldelmus.
S. Gregorius Nyssenus.	Nicephorus.
S. Maximus Tauri-	Vsuardus.
nensis.	Ado, & alij.
S. Epiphanius.	
S. Ioannes Chryso-	S. FLAVIA.
stomus.	

Gesta Sanctorum  
b 2 Ne-

*Nerei, & Archillei.*  
*Eusebius Casariensis.*  
*S. Hieronymus.*  
*Latina manu scripta.*  
*Beda.*  
*Nicephorus.*  
*Vsuardus.*  
*Ado.*  
*Historia Tarracinen-*  
*sis, & alij.*

**S. CAECILIA.**

**C**odex manuscri-  
ptus ipsius Eccle-  
siae.  
*Vita Paschalis Papae*  
*I. & illius litterae*  
*Apostolicae.*  
*Sigebertus.*  
*Metaphrastes.*  
*Vsuardus.*  
*Molanus.*  
*Lipomanus.*  
*Surius, & alij.*

**S. BARBARA.**

**G**raeci in Meno-  
logio.  
*Acta Ioannis Dama-*  
*sceni, seu Arsenij.*  
*Codex Graecus manu*  
*scriptus.*  
*Codex manu scriptus*  
*ad S. Mariae ad*  
*Martyres.*  
*Metaphrastes.*  
*Vsuardus.*

*Ado.*  
*Surius.*  
*Mombritius.*  
*Theodorus, & alij.*

**S. AGATHA.**

**S.** *Damasus Papa.*  
*S. Adelmus.*  
*Venantius Fortuna-*  
*tus.*  
*Metaphrastes.*  
*Beda.*  
*Hymni in Breuiario*

To.

Toletano.  
Codex manu scriptus.  
Passionaria.  
Lipomanus.  
Surius, & alij.

S. EVGENIA.

**A**lcimus Auitus.  
S. Aldelmus.  
Graeci in Menologio.  
Fortunatus.  
Metaphrastes.  
Lipomanus.  
Surius, & alij.

S. MARGARITA.

**R**omanum Martyrologium.  
Manuscripta S. Mariae ad Martyres,  
& S. Caeciliae.  
Beda.  
Metaphrastes.  
Usuardus.  
Lipomanus.

Mombritius.  
Hieronimus Vida, &  
alij.

S. DOROTHEA.

**A**Delmus.  
Beda.

Usuardus.  
Ado.  
Mombritius.  
Hymnus in Breuiario  
Toletano.  
Surius.  
Thomas de Chempis,  
& alij.

S. AGNES:

**S.** Ambrosius.  
S. Hieronymus.  
S. Augustinus.  
S. Damasus Papa.  
S. Maximus Taurinensis.  
Prudentius.  
Beda.

Theo-



Theodorus Lector.

Nicephorus.

Vsuardus.

Ado.

Durandus, & alij.

S. LVCIA.

S. Adelmus.

Manu scripta.

Sigebertus.

Surius.

Mombritius, & alij.

S. CATHARINA.

M<sup>E</sup>nologium Graecum.

Graecus Codex.

Metaphraſtes.

Beda.

Euthimius.

Ado.

Molanus.

Chriſtianus Adrichomius.

Latina manu ſcripta.

Surius.

Lipomanus, & alij.

S. VRSVLA.

B<sup>E</sup>da.

Sigebertus.

Vuandelbertus.

Rogerus Ciſterciensis.

Ricardus Praemöſtra  
tenſis.

Gaufridus Episcopus  
Aſaphenſis.

Böſinius de rebus Hun  
garicis.

Claudius Rota.

Mombritius.

Surius.

Manu ſcripta latina.

Hiſtoria Coloniensis,  
& alij.











# S : T H E C L A

I.



**T**H E C L A, in muliebri sexu Martyrum Princeps, summisq. laudibus ab antiquissimis, sanctissimisq. Patribus celebrata, merito prima fulgebit in opere, eductura in aciem aduersus inferos, tyrannosque, reliquas Virgines, haud mollis imperatrix. Iconij in Lycaonia editur in lucem, non humili inter Iconienses genere, obruto patris nomine: Tocchia mater dumtaxat apud scriptores memoratur. Iam nubilis, duodeuiginti annos nata, a matre (excesserat ex humanis iam genitor) Thamyridi, inter ciues clarissimo, pulcherrimoq. iuueni in uxorem traditur: sed, dum nuptiale sacrum apparatur, dum genialis sternitur torus, dum mimi accersuntur, reliqua. Asiaticae instrumenta luxuriae, alius praeclearior quaesitus uirgini sponsus, nobiliorq. inhaesit pectori ignis. Enimvero Paulus Apostolus, post Arabum spolia, & Nabathacos triumphos, multarumq. praeterea deuictarum nationum trophaea, cum in Lycaoniam Iconium, auspicante Claudio V. Imperij annum, in consulatu M. Vinucij Quartini secundo, Marciq. Statilij Coruini deuenisset; diuertissetq. in aedes Onesiphori, praestantis pietate, ac nobilitate uiri; per alios iam Apostolos Christi signis, militiaeq. mancipati, late egregia sua illa facundia euulgare Christianae religionis arcana, multa de uirginitate atterere, eiusq. laudes caelo tenus efferre: natum memorans

A

ex Vir-

ex Virgine Christum, Virginum gaudere connubio, in quo fugatis illecebris, haud commixtis corporibus, lactissima soboles, & in aeternum propagata floresceret, miro cum incremento uirtutum, gloriaeque. Quae cum crebro concionaretur Apostolus, fieretq. ad eum non mediocris hominum, feminarumq. concursus, haud Theclae in gynaeceo celebratur, dum a limine nemo arceatur, & quotidie gratulationae ad sponsam mulieres uicinae, affines, notaeq. commeant. Fit de Paulo mentio. ad eius nomen, nouamq. doctrinam illa Theclae mollities durescere; & quodam ipsa modo amarior facta, haud laetanter in chorearum ludicro iactare corpus, indulgereq. musicae inter amatoria dicta, conuiuiorumq. apparatus. alma mox ducete aura, ad quandam gynaecei fenestram, aegra curis, incubuit: ubi dum sibimet displicet, tristatur, & cubito faciem fulcit. allabitur auribus Pauli uox, de uirginitatis celsitudine differentis. ea quippe fenestra secretiora aedium Onesiphori respectabat. sublata ceruice, attente audire, interq. audiendum tepescere, tristarique, damnatis nuptijs, & incerta, uehementiq. raptari cupidine, atque incendi castitatis amore; sibimet ipsi indignata, quod, tantae sprete dignitatis praerogatiua, in obscena deiecisset animum, passura amplexus, alteriusq. imperium. Acer eam uidendi Pauli, alloquendique, & communicandi consilia, tuendaeq. castitatis ardor, & cupido incescere: multa. uoluentem non sumpto cibo, non dara oculis quiete, triduo, ac noctibus totidem, adeuntium haudquaquam turba mulierum a fenestra retraxit, spretis quoque maternis precibus, imperioque, per noctem pulso tenebris uisu, Pauli uocem ueluti tubam in pectore terribilius strepentem sentire, haud fessis dicentis lateribus. quare offensa mater Thamyridem generum accersit: factum exponit: iubet molliore obstinatum amplexibus mentem, & retorquere pristinum

stinum ad obsequium . instruit furentem amantem coniugalibus dictis , ruentemq. suspicione amittendae praecipitat coniugis . tunc iuuenis , suspicione anxius , amantium animis semel obrepente scrupulo , metuque , nulla quiete fruentibus , libidine ardens , currit ad uirginem : obtremit pectore : tacite pulchritudinem contemplatur : haeret : nec urgere illā audet . Prius mater incaepit castigare temeritatem , damnare peruicaciam ; impudicae esse asserens , frequentare fenestras , & externorum oculis membra exponere : esse illi sponsum : si uenus torreret animum , si natura ciceret ignem , si iuuenta incalesceret , expetitaq. mulieri uoluptas sollicitaret , raperet amantis oscula , frueretur amplexibus , mitigaretq. flammam . Deiectis puella in terram oculis , mutescere , uariisq. coloribus inficere , ex moribus animi nunc pauentis , gementis ue , nunc sperantis . Tunc Thamyrides , tremula uoce , cum gemitu , ignem quoque in uerba rapiens , Quid tam triste ( inquit ) omen inuasit animum ? quis mentem uexat angor ? quae ex inopinato curae pectus cōfodiunt ? unde tam subito turbata serenitas ? affare , mea Thecla : occulta pande animi uulnera . omnis quippe dolor , si celatur , funestus ; si erumpat , mitigatur . porrige dextram , inuiolati pignus amoris : effunde inter oscula , & complexus arcana : ne indignare mecum sociare consilia . matrimonij nomen non uoluptates modo , sed aerumnas habet communes . simul uiuere tecum , lactari , ac mori , iam pridem statutum . dedecet thalamum luctus , & turpis in sponsa maeror . cur matris uocibus oculos non attollis ? cur , mea lux , tristaris ? uerte in me tranquillas faces : me saucia : ebibe cruorem : omnemq. in me uim destina armorum . nudatum pectus habes . cur cunctaris ? uoluntarie perferenti ; expetentiq. cruciatus nulla sit iniuria . heu , carissima sponsa , exhilara , quaeso , uultum , animumq. pristinos reuoca in lusus , meq. in felicitate tua ,



gaudioq. fortuna. sit primum amoris praemium, non spreuisse preces. Ruere exinde in amplexus, oppletus lacrymis, & amore insanus. Ceterum illacrymari puella, reiicere ab se amantem, auersari blanditias, aliamq. ad partem deflectere oculos. Obortae circumstantibus lacrymae, magnusq. exauditus gemitus cum maerore. funesta illa, non nuptialis, credi domus. Thamyrides, ira feruidus, uenere, & cupidine aestuans, pallefcere, rubere, toruosq. minaciter torquere in Onesiphori domum oculos, in uirginem mites, & auxilium poscentes. mox furibundus proripuit se ex aedibus sponsae, secum ignes, diras, & funera trahens: Paulo minatur: spirat crudelitatem: ipsoq. se in dolore exacerbat. Occurrunt festinanti in domum Onesiphori amici, monentes, uti saniore uteretur consilio, daretq. irae languendi spatium: multa impetu infaulta, ac saeua agi memorantes, quae considerata subeunte paenitentia incassum deplorantur. accusaret aduersarium ad tribunal Caesaris: uteretur iure: ne diffideret iudicis aequitati: neue caussam intempestiua ira peruerteret. Quibus adductus Thamyrides, omni conuocata familia, ac manu nobilium, ad praetorium accessit: de Paulo uehementissime queritur; petulantissimeq. in hominem inuehitur, quantum dirae, quantum audacia, impudentia, suspicio, amorq. eloquentiae indidere. aderant in Pauli comitatu Demas, & Hermogenes, detestandae ambitionis homines, ingenio perfidi, lucro, & fortunae inhiantes, atque ab Apostolica doctrina prorsus degeneres. hi, Paulum ab Onesiphoro sibi praelatum aegerrime ferentes, funesta illi ominari, machinariq.; Thamyridi se iungunt; sociant iras; & in furorem acerbius impellunt Paulum maledictis, ac iniurijs prosequentes. Illico rapitur ante tribunal Paulus, praegrauante etiam Iudaeorum inuidia. quae illi in Isauria ad Derben accidisse, propter eandem superstitio-

stitionis euulgationē, memorantium. incertae circa con-  
 cionem uoces, & confusi strepitus exaudiri. quisque po-  
 tens, infimusque, ad mortem Paulum depolcere. Pro-  
 consul, haud temere agendum ratus, interrogatum de  
 doctrina hominem in carcerem coniecit, non mediocri-  
 ter motus illius grauitate, & fiducia in refellendis Iu-  
 daeorum calumniis. At Thecla, nulla iam magistri uo-  
 ce feriente aures, maesta, ac sordidata, secum lamenta-  
 ri, ardereq. cupidine perdiscendorum malorum, quibus  
 Paulus uexabatur. Quae ubi cognouit, reuoluta in la-  
 crymas, Pauli nomen flebiliter inuocare; simulataq.  
 quiete, cū altus omnes sopor occupasset, collectis unio-  
 nibus, gemmisque, quibus effullerant iam caesaries,  
 brachia, collumque, tacita domo proficiscitur. labefa-  
 ctato pecunia maternae domus ianitore, ad carceris fo-  
 res deuenit; aureum custodi speculum offert; seq. ad Pau-  
 lum intromitti, postulat. quem undique uinculis con-  
 strictum cernens, procidit ad genua; demississime rogat,  
 ut se Christianis instruat praeceptis; enarrat ardorem  
 animi, & moriundi noua pro religione cupidinem. Pau-  
 lus, laudato consilio, grauissime, & ut Paulo dignum  
 erat, de Christiana pietate differuit, puellamq. non in-  
 curiose, per noctem aperiunte omnia arcana Deo, cru-  
 diuit, ac lustrali expiauit aqua. Ipsa interim Pauli cate-  
 nas, & uincula ore lambere, atque osculari, & extrema  
 uestium lauare lacrymis. At, dilucente aurora, ubi  
 ianitis thalamus est repertus, tunc uniuersa domus que-  
 stibus impleri: & omnia gemitibus, ac lamentis perso-  
 nabant: uarij in urbe sermones feri, uariaeq. oboriri su-  
 spiciones: alij impudicitiae fugam illam, alij desperatio-  
 ni, alij timori tribuere, nonnulli incitiae; alij ad durio-  
 ra retrahere; quisque suo ingenio facilia sibi, aut ardua,  
 decora, aut turpia, necessaria, aut praecipitia fingere.  
 genitrix, uelut altera Niobes, dolore, ac pudore atto-  
 nita,

nita, simulacri speciem praebebat. Sed Thamyrides, impotens irae, dolorisque, strepere, iactare caput, angorem animi non ultro premere, caelo irasci, execrari deos, mugire, & in praecipitia ruere. at, ubi nuntiatum est, puellam Pauli ad pedes decumbentem subsidere, pendentemq. ex ore illius, noua rursus animos perturbatio occupauit: & Tocchia, tanta calamitate in oculis ciuitatis obuerfante, perturbatior, dirissima filiae impre-  
cari, detestata deos, quod tanta ignominia penates affecissent, donata puellae luce in nefario piaculo rebel-  
lantis a placitis maiorum. Simulq. gentiles ad uindictam cohortata, incitare Thamyridem, ut iure uteretur suo, accurreret ad carcerem, raperetq. impudicam ante Pro-  
consulare iudicium; non amor, non sexui parceret; ad-  
uersus crudam, impiamq. usurparet crudelitatem. Ipsa uero, passo capillo, atrata, adspectu lugubri, in summo squalore, ad Praefectum Urbis deueniens, cum diu siluisset, soluissetq. in fletum oculos, uehementissimis tandem precibus obtestatur hominē, ne deorum iniurias obliuioni traderet, ne ue, puellae miseratus, factum ignoratio-  
ni adscriberet, sed affligeret fontem animum, prolemq. nefastam, ad aliarum uirginum exemplum, absumeret incendio, deleret execrabile piaculum, pacaretq. nefandae uictimae cruore Deos immortales: si uero eorum iniurias contemneret, & parcendum uirgini in animum induceret, sensuros superum iras Romanos; faciundamq. omnium uirginum iacturam, occasurumq. defectu sobolis terrarum orbem, suadente gentibus uirginitatem Paulo, damnantemq. connubia, iactans. Praefectus, matronae lacrymis, uocibusq. permotus, Paulum, male affectum, ac uerberibus diuexatum, opido pellendum censet, Theclam uero tradi ignibus iussit. Concursum ab uniuersa ciuitate ad spectaculum, uulgus feminarum, in multo fletu, ac dolore, horrere atrocitatem supplicij:

plij; & uirgines, paullo ante Theclae comites, sodalesque, una cum illa instructae, educataeque, lacrymis periturae sociae parentabant; metuq. ipsae pauidae, praestolari uel inuitae finem a parentibus cogeantur: Tocchia, uultu atrox, & pectore laeta ouare in filiae calamitate. pyra ingens, medio in theatro exstructa, resina, pice, ac sulphure linita, ad concipiendam quam protinus flammam assurgebat: & circum illam uolitare ministri. Rapta ad supplicium uirgo, dum animo Christi coquit dolores, & magistri sanctitatem, Angelum, in Pauli specie inter turbas uersantem, & paullo post petentem caelum, uidit. Quo uiso, ardentior facta, properare in flammam: ubi uero nudata, cum purpura, & uenustas inter candorem, niuemq. emicuisset, cumq. manu, ac rabie licitorum iniiciunda in rogam foret, elato saltu, laetabunda se iecit in flammam. miriores hominibus ignes, magno in umbilico relicto spatio, se in orbem circumfuderunt, stupetibus omnibus. illa, Hebraeis pueris laetior, inter Babylonicas olim flammam uolutatis, Christo praeconia canere, & idolis maledicere, poenasq. eludere: cum subito uastarum globi nubium texere caelum, emicueretq. sonitu horrendo fulgura, cuius fragore auris: mixtaq. hinc imbre lapsa grando cum turbine exstinxit ignem, multis e turba occisis, trepidis ceteris, & in fugam coniectis, Thecla, intellecto Dei beneficio, strata humi, cum demississime egisset gratias, uestimentum nacta suum, Paulum perquirat. id tantum curae supererat. Paulus, cum uniuersa Onesiphori familia, sub dio, in quodam extra urbem monumento, precibus uacabat, Theclae non incuriosus. urgebantur fame paruuli Onesiphori filij: nec quidquam ciborum in manu aderat. tunc Paulus, detracta sibi ueste, pergere quendam ad emendos panes puerum, sciscitandumq. de Thecla iubet. exsecutus mandata puer intrat urbem, uagatur,

gatur, omnia perluſtrat oculis, Theclam conſpicit : eam de Paulo edocet : laetamque, ac mire plaudentem perducit ad Paulum, non minori laetitia perfuſis ſociorum animis. Quae ſibi obueniſſent, Thecla enarrat. Dant ſe iterum precibus : & cibum cum gratiarum actione deſumunt. Ibi Virgo Paulum obteſtatur, uti, deſonſa coma, indui uirili ſe habitu pateretur, ipſumque, quocumque tenderet, ſequi, ſeu Aſiam peragraret, ſeu uolueret animo Romam : ſummum bonum, ſummam utilitatem captaturam ex eius praefentia, & monitionibus, ſi abſtracta eius oculis, ac pedibus eſſet : nudatam conſilio non mediocria adituram pericula, atque inſidias, neque id nouum, Romanis, Graecisq. paginis eſſe in fama, Hypſicratiam per fluenta Euphratis, deuia Colchidos, Iberosq. uertices, ac Boſphoranas undas ſubſecutam armatum uirum fugientem ſigna Romana, uictricesq. Aquilas, ſe uero non impudicitia rapi, non cupidine gloriae, ſed Chriſti flagrantem amore id anhelare, neminem patria inter ſuos meliorem fieri aſſerens. Obluctari Paulus, negans decorum hoc puellae, aut natalibus ; nec tutum tantae pulchritudini : reſtrixiſſe in hominibus pietatem, exſtincta quoque animi ſimplicitate : corruptos iam mores, & auctam licentiam : & omnia foeda uolui apud mortales : nec, ſi capilli honores demeretur, aut ipſa ſago circumdaret membra, roburq. effingeret uiri, haud depulſum iri ueneres obtuſo oculorum ſplendore, aut fugata ſuauiſſe oris, omne facinus in cupidine, & ardore excuſabile, ementitum & latitans ſpecie pietatis adaugeri, ſi in lucem erumperet ipſam puellam eſſe, ( non id decore iuuentutis, ac pulchritudinis in obſcuro futurum ) grauem ſibi, reiſq. Chriſtianae infamiam, ſummam ipſi futuram ignominiam ; ſaepe euentu ſpem trifti eludi, & nimiam fiduciam inſauſta ſortiri confirmat. hoc acrius inſtare precibus Thecla, & magnanime polliceri ambobus

auxi-

auxilium, nō haec sibi infusa forent, si displicerent caelo, sequi Paulum gentium magistrum, (quem ipse sibi Deus in Euangelio ad erudiendum orbem terrarum congregarat) optimam salutis uiam, ac saluberrimum consilium esse dicere. rogantibusq. cum ea etiam sociis, inuitus assentiens Apostolus, cum Isauriam, Pamphiliamque lustrasset, uoluissetque Theclam honestissimo, sed muliebri uestitu incedere, Antiochiam Pisidiae contendit. ad urbis portas obuium habet quendam Alexandrum Syrum, inclytum diuitiis, & auctoritate, iuuenem audacem, & manu promptū, ac libidinosum. hic praetergreddiētem Theclam cum diu legisset oculis, & formosissimā iudicasset, incendi paullatim, & torrerī libidine, facile in uenerē inter tot decora pruriente animo. hausta flamma, hausti q. furores impulere in scelus, blandiri uirgini, lasciuiam ostentare, decus oris, corpus insigne, oculosq. laudibus attollere. ubi intelligit non moueri illam, & sperni blanditias, tacito rubore decurrente per faciem, implente repulsae locum, in biuio, conspectuq. multorum uirginē amplectitur: inuadit in collum: oscula infigit, uel apud scortum modestior. at Thecla, perturbata, inter flammās oris, oculorumq. minas, in toruo supercilio, unguibus aduersarij os dilacerat, auellit crinem detracto capitis tegumēto. scindit uestem: facessit iniuriam: constanter, generoseq. ab se repellit. Alexander, etsi fronte uerecundiam ignoraret, minaciter fremere. &, quia Christianam ex uirginis ore ipsius didicerat, minitari poenas, & supplicia, commemoratis equuleis, bestiarumq. feritate, ac dente. At Virgo, spretis, quae dicebantur ab Alexandro, prosequi comites, & intermissum repetere iter, anxia, ubi Paulum reperiret: quem bis, gemina sua calamitate, quodam modo subreptum dolebat. Sed Paulus, cū uniuerso Christianorum consilio, non quietem pati, aut capeffere somnum, sed



spiritu feruenti, magnisq. precibus discipulae caussam  
 Christo commendare. Alexander interea, anhelans cru-  
 delitatem, amorem uertit in odium, pruriginem libidi-  
 nis in caedem, oscula ad plagas, sitimq. cruoris, uictum  
 se indignissime fremens, inter saeuendum tacitis cogi-  
 tationum uulneribus non mite cruentari: adit Procon-  
 sul: sacrilegij, impietatisq. uirginem accusat: uene-  
 ficam, rebellem, diis, Caesaribusq. maledicentem asse-  
 rens. Proconsul, auctoritate dicentis impulsus, accersit  
 uirginem. Fatur illa generose, Christum ab se coli: &  
 cultum iri, postpositis omnibus idolis, affirmat. Procon-  
 sul, patria superstitione euictus, & gratia simul Alexan-  
 dri, post triduum puellam subiici bestiis iubet. Illa hila-  
 ris petit a Proconsule, ut apud aliquam matrem familias  
 caste asseruaretur. Annuat Proconsul: traditurq. Try-  
 phaenae, grauissimae feminae, notaeq. Augustali aulae,  
 ac Senatui, uiduato paullo ante toro, & funestis penati-  
 bus occasu unicae filiae, Falconillae nomine, (ut est apud  
 Ioannem Damascenum, grauem in primis auctorem, at-  
 que doctissimum) in luctu uersanti, insignis modestiae,  
 ac uerecundiae. hanc tanto statim sibi Thecla amore de-  
 uinxit inter enarrationem caussae, & innocentiae, atque  
 castissimos mores, ut matrona redditam sibi Falconillam  
 crederet, illius maxime uisa in somnis specie, auditaq.  
 uoce precantis, ut humanissime cum Thecla ageret. In-  
 terim peruagatur opidum fama, puellam aduenam, pul-  
 chritudinis mirae, ac uenustatis, Alexandri praegraua-  
 tam iudicio, pugnaturam cum bestiis: magna subito ad-  
 miratio oborta: concussae omniū mentes, ac pietate per-  
 strictae, uel Thracem, ac myrmillonem in tali casu lu-  
 gentes: anxie tamen expectari certamen. elapso triduo,  
 omnis ad theatrum turba cucurrit, impleuitq. loca. ac-  
 cessit & ipse Proconsul, cum ingētibus nobilitaris agmi-  
 nibus, Alexandro inter turbas eminente, & procaciter ad  
 femi-

feminarum choros attollente oculos. Tryphaena, miserata adolescentiae uirginis, cum manu mulierum eam in theatrum comitatur, inhaerens ceruici, amplectens, osq. suauians. par comitantiū erga uirginem miseratio, cum gemitu, ac lacrymis. nulla in theatro populi uox, sed maestae omnium frontes, aegriq. animi. at Thecla impauide decurrere in necem, respectare supplicij locum: non mortem horrens casus deslere suos; sed, intenta: caelo, demisse IESVM CHRISTVM precabatur, illiusq. dulcissimum nomen saepe inuocando repetere: & sic absente cum Paulo (cuius haud quaquam inter discrimina, & pugnas obliuisceretur) tacita loqui: Cuius nunc gentis, fulmen Christi, classicumq. terrarum, aures deuerberas? quae tam fortunata gens sacro tuo fruitur alloquio? quae te Regio fouet amplexu? quibus ue circumcluderis caeli cardinibus? Syri, Phoenices, Ionaë, an te uortices admirantur, Euphratis pauente Seleucia? quis te mihi turbo raptum ea tulit ad sidera, ignotumq. axem, uirtute Heliae parem, & munere clariorem? age nunc, maxime Paule, quam praesens inter carnifices, mortesq. dereliquisti, tueare absens. spatia terrarū non metitur Deus: animorum sinceritate, & religione gaudet. sed absit opinari, me tua eiectam ex mente. nefas hoc. non temere aberras. qui arcana Dei feliciter haufisti, si preces pro me fuderis, non trepide occumbam. expeto iam ferrum pro Christo. nullo mortis terrore cōturbor: fatietur cruore leo: dilaceret mēbra leaena: urforum exsulet in ceruice crudelitas: rabo, ac uisceribus diffuant ora tygridum: hoc mihi amarum, te nō uidentem cadere. Laxatis interim repagulis, emittuntur e cauca leones, longa inedia macerati, &, sublato rugitu, iubas quassantes, seq. cauda deuerberantes: & procedunt in arenam. hi conspecta uirgine, mitigati, praebent obsequia, cuius feritate, placide circumcursant, ac blandiun-



diuntur . accurrit Tryphaena, nō audente dignitati mulieris contraire liētoꝛe . Virginem domum ducit hilariſ, plaudensque . uerum Alexander, nec beſtiarum iudicio ulctus, opinioneq. circumſtantium iterato furoꝛe, Theclam in iudicium, atque arenam depopoſcit : ſed repreſſit hominiſ impudentiam, audaciamq. Tryphaena, foꝛibus arcens . tunc a Proconſule miſſi liētoꝛes in theatꝛū uiētricem perduxere, ad experiundam iterum beſtiarum ſacuitiā . ante alioſ impaſtus plureſ per dieſ praccucurrit leo, ſparſurus uiſcera, impleturuſq. ingluuiem, cum, ad conſpectum uirginis pulſata feritate, ueluti catelluſ ad illiuſ pedes procumbit, cauda adulatur, lambit plantas, non audet nuda uirginis membra reſpicere, torue caueā, arenam, & ſpectatoꝛeſ intuetur, cruentuſ fremit, percuſſoꝛeſ laceſſit ad pugnam . induit bellua humanitatem, qua exciderat homo . concurſum inter ipſaſ belluaſ, ob tuendam uirginem, pugna atroci, ac funeſta . ſatiſfactum auidiſ cruoriſ, & certamiſ cupidiſ . Populuſ, miraculo ſtratuſ, nō loqui, illacrymari, uertere in omen, & pietatem animoſ, diffidere diiſ ſuiſ, & innoxia puellam credere . Alexander hauꝛ ſibi deeſſe, urgere Proconſulem, & ex adſtantium peſtoꝛibuſ fugare pietatem, & in uirginem armare, aliud inſtituendum certamen, & aliud ſupplicij genus placandoſ ad deoſ, propitiandaq. numina aſſerere . nihil amante in ira, & poſt repulſam crudeliuſ, aut turbulentiuſ . ex faucibuſ leonum innocenſ in ſerpentium foueam deiicitur . pergit audaciter, nec ſerpentem expauit : ſed uincitur iterū humana crudelitaſ manſuetudine beſtiarum : omne uenenum in colla ſerpentis collegit : internecinuſ, atque immortale cum muliere bellum intermiſſit : detreſcat pugna, quam non infauſte pugnarat : ſuū mulcet ipſe ardorem, ac furoꝛem retundit : exigū ſibi quaſi exſiliuſ, in aqua angulū deſcribit : ceruicem interdum euibrat, & noxiaſ faceſ, intortuſq. explicat

plicat corpus, quo terreat uirginis hostes . uerum ignis , cum alijs elementis , in uirginis fauorem certans, micantis globo flammae & uirginem texit , enecauitq. serpentes . Sublato populi murmure , aperte Virgini fauentis , Tryphaena , in aggere stans, uirgini dexteram extendit, trahitq. ex aqua, ac candidam illi stolam iniecit . Quod uidens Alexander , aegerrime , ac tristissime ferre , rem magicis artibus tribuere , ualere Christianos maleficijs, ualere nefastis diris, atque carminibus , quibus hominū mentes terrentur, concilianturque : non cessandum a tormentis, donec uenefica diriter occideret , expiarenturq. deorum sacra . magnum pudorem cum ignominia casurū dijs, si uiua saltatrix post frenatam bestiarum ferociam, hebetatamq. uim ueneni , laetabunda , ac uictrix populorum animos Christi iussis, sacrisq. prosterneret , dicere . Quod ubi excepit Virgo pietati inferri iniurias, rēq. diuinam ueneficijs adscribi indignata , in conspectu multitudinis ita disseruit : Nimirum hoc est ingenium inuidiae . ut caeca in bonis, oculata in malis, ridet , & deneget , quae fugiunt obtutum ; deprimit, & obscurat, quae non fugiunt . ibi delira , hic liuida, utrobique impia , dū aut numina mortalibus eripit, aut mortalia numinibus; & uero, si, quae cernitis admirabilia, magicæ arti adscribi possunt, & Deo, quae uos schola, quae religio docuit præferre homines Deo, puluerē caelo, caduca sempiternis, & errantium moderatorem astrorum non modo lapillis addicere , & alligare myricae, sed, quod foedius auditu est, nequissimorum hominum uitae, uerbisq. postponere, contradicente fide , repugnante ratione , reclamante natura ? non est , ut putatis , acuti homines, uis haec perpetrandi miracula communis cum Deo . Solius enim est Dei , qui facit mirabilia magna solus . Etenim , si miraculum illud est , quod naturae uires , & facultatem superat, illius tantum erit patrare miracula , qui non subditur

tur naturae legibus, qui nullius coercetur arbitrio, qui famulantem sibi naturam intuetur, & obsequentem imperijs, qui solam habet uoluntatem pro lege, pro idea faciendarum rerum seipsum. quare, quae uobis praeter communem usum fieri uidentur, si naturalium caussarum limites, & efficientiam transgrediuntur, a Deo sunt, non ab hominibus; si non excedunt, speciem quidem habere poterunt magnarum rerum, & laruas praeferre miraculorum, adumbrataq. simulacra; quia tamen supra naturam non sunt, miracula uera haud sunt. Ibat Oraturus ad Salomonis templum Petrus, Apostolici Senatus Princeps, a Christo Salvatore meo constitutus, pauper auro, salute, & potestate ditissimus, cum in ipso ianuae uestibulo (quae Speciosa dicebatur) claudum offendit, ab utero, mendicantem. constitit. misertus est. indixit paralyti discessum. iussit iacentē surgere. nec mora, morbus omnis abscessit; nouum inuasit robur artus. &, Ecclesiae ba-  
 „ si praecipiente, protinus consolidatae sunt bases illius,  
 „ & plantae. stetit, & intrauit cum illo in templum exsi-  
 „ liens, & laudans Deum. Quam grande miraculum? super-  
 sunt maiora, umbra ipsa Apostolorum Principis uni-  
 uersorum facta est languorum antidotum, omnis malag-  
 ma uulneris, cunctarum oblitteratio cicatricum: &, con-  
 uerso rerum ordine, tenebrae lumina moderabantur, um-  
 bra corporibus medebatur. quid umquam auditu maius?  
 quid poterit sanguine, qui tot praestitit umbra? afferant  
 uestri, si quid habent simile, (licet iactentur Syriacae  
 fabulae, & Aegyptia portenta) ubi non adhibentur me-  
 dicamenta, aut extrinsecus membris, aut uenis intrinse-  
 cus non miscentur pocula. non manes ab inferis accersun-  
 tur: non cineres temperantur damnatorum: non lineae  
 ducuntur in fabulo, ut a Magis fieri consuevit, inito cum  
 daemonibus foedere: sed, ad testificandam Dei naturam,  
 in Christo solo, Christi nomine, & uirtute, patrantur.

Audi-

Audite talis umbrae ductorem, & obstupefcite. Coni-  
 citur in uincula, frementibus Iudaeis. in iudicium uoca-  
 tur, non alterius criminis reus, quam collatae salutis.  
 cauffam cogitur dicere, ac potestatem tueri, quam tam-  
 quam e caelo delapsam colere debuiffent. O scelus! non  
 uereri uices gerentem Dei: non frõtem, non uerticem ex  
 timefcere, omnium gloriam Regnorum, omnium decus  
 infularum: non perhorrefcere maiestatem, ex ore, ex ocu-  
 lis, ex umbra manantem? Dixit tamen intrepidus, ut Pe-  
 trum decebat. non timuit aut accusatores, non carcerẽ,  
 non ipsam mortem, qui crucem habebat in uotis: nec ad-  
 scripsit sibi diuinæ characterem uirtutis. in eum retulit,  
 a quo acceperat, suae contemptor gloriae, studiosus, &  
 33 praedicator alienae: Et quid (inquit) miramini, uiri Is-  
 33 raelitae, aut nos quid intuemini? quasi nostra uirtute,  
 33 aut potestate fecerimus hunc inambulare. Deus patrum  
 33 uestrorum glorificauit filiũ suum Iesum, cuius nos testes  
 33 sumus: & in fide nominis eius hunc, quem uos uidetis,  
 33 & nostis, confirmauit, deditq. integram sanitatem istam  
 33 in conspectu omnium uestrum. Quid mirabere, uirtutem  
 operantis, an loquentis humilitatem? illa speciosior,  
 haec praestantior. sed quam bene & fontem miraculo-  
 rum, & finem attigit Christum, & fidem? omnis ab illo  
 potestas oritur: huc omnis dirigitur, ut ueritatem fidei  
 stabiliat, & fulciat. nullum ergo miraculum non ab illo:  
 nullum ad faciendam mendacio fidem, aut stabilimentũ  
 errori: cum nec falli possit sapientia, nec bonitas fallere.  
 Sed, quis tot prodigiorum magnitudinem, uarietatemq.  
 recensere possit? quotidianis nuntijs incalescunt aures  
 uestrae e Syria, Iudaeaq. uenientibus. Inhorret Orontes,  
 ac finitimae gentes obstupefcunt, omni ferme Asia iisdẽ  
 concussa motibus: & uos portiunculam quandam magi-  
 co murmuri tribuitis, nullo iudicio, nullo delectu? Sed  
 uideamus alia, quae nec ex daemonum quidem confor-

tio facere possunt uestri sapientes . excitabunt illi quidē  
 tonitrua , uibrabunt fulmina , turbabunt flatibus maria ;  
 grandine siluas obruent , turbinibus aedificia concutient :  
 sed restituant , si possunt , defunctos uitae , reddant caecis  
 animantibus lumina , sistant stellarum , ac lunae cursum ,  
 aut aliquem ex caelestibus orbibus motu concitatiore  
 propellant . non alijs hoc datum uiribus , quam illius , qui  
 caeli , terraeq. molē sua ui sustinet indefessus . non enim  
 subiecit Deus Angelis orbem terrae , sed huius uniuerfi-  
 tatis partes , quas firmissimo nexu coagmentauit , ac uin-  
 xit , suae reseruat curae , suis dumtaxat nutibus subijcit ;  
 unde pondus omne rerum , & stabilitas nostra uibratur .  
 Hinc ad illius crepundia omnia plena miraculis . in illius  
 obitu omnia concussa , spectante caelo , terraq. auctorem  
 suum , fractis humeris , dehiscentibus plagis , nunc sub  
 Crucis sarcina laborare , nūc ad nostrorum cogitationem  
 scelerum in sanguinis imbrem liquefcere , nunc conclama-  
 ri sacrilegum , qui est sanctitas sacerdotum , nunc reum  
 „ amentiae fieri , per quem reges regnant , & legum condi-  
 „ tores iusta decernunt : denique confixis manibus , pedi-  
 busq. tolli in excelsam trabem plebis imperitae ludibriū ,  
 non sustinuit tam atrox , & immane spectaculum natura .  
 emolliti sunt lapides in sensum doloris : quandoquidem  
 potuere mortalium pectora lapidescere : elementa terra-  
 rum hiatu , montium ruina , scissione lapidum tamquam  
 nouis linguis in caput nostrum protulere sententiam : in-  
 fernae specus , atque sepulcra mortuorum ossa , ac cineres  
 reddidere , ut proderent de tumulis iudices , qui de uiuo-  
 rum crudelitate cognoscerent : ipsa denique astra , nigris  
 obducta uelis , & pulla ueste , ingemiscēte terrarum or-  
 be , Creatori suo dederunt inferias , ut his admirabilibus  
 prodigijs uiuentium perfidiam , & morientis diuinitatem  
 testantibus resipiscerēt Crucis auctores , ac fabri , ipso re-  
 dempti sanguine , quem fuderunt . Inter risum , ac lu-  
 dibria

dibria excepta dicentis oratio, miscente clamores Alexandro, & maiora moliente certamina, irasq. aduersus uirginem, pariq. audacia perurgente Proconsulem ad defensionem numinum, gloriose a Thecla stratorû, in summa populorum admiratione. indomiti tauri, siluestresq. incitatissimae feritatis ex Alexandri consilio producuntur in medium, horrendo mugitu auras implentes, & ungulis quatientes humum, sparso puluere, iactatisq. palearibus, & minacissima fronte, caudaq. arrecta. Annuente Proconsule, inter duos media tauros uirgo alligatur, igne obscena bestiarum adurente, quo ferocius, immaniusq. proruerent, raptarentq. innocentē. obstrepit concio. geminatur clamor ad irritamenta bestiarum. illae non loco moueri, non procurrare, aut in saltus attollere corpora: sed funibus ambustis haesere, uirgine nihil laesa, trepidi, stupentesque. Quod ubi animaduertit uulgus, sensereq. optimates prodigium, damnante imprudentiam suam Praefecto, dicere sanctam, & dijs carissimam uirginem, Ioue natam, Mineruae germanam. iam inseruisse bestias: puduisseq. atrocitatis temere in castissimam usurpatae homines: non defutura ad obsequium sidera in coetu caelestium. quisque Alexandri furorem execrari, & male sanos amores, damnareq. funestam libidinem, obstrictam scelere ciuitatem, & dijs inuisam fore, ni piacularia fierent ad placandos deos, elutisq. facinoris sordibus, lustraretur, purgareturq. opidum. His uocibus personanti theatro affertur rumor, nimia erga innocentem miseratione, nimioq. dolore cuiusdam in mortem exspirasse Tryphaenam. ruere omnes, aggeratisq. uocibus perstreperē: casum nobilissimae mulieris lamentari: maerere, nec continere lacrymas, addito a Caesare metu, si ulcisci iniuriam mulieris, & sceleris immanitatem uindicare uelit. quisque ad exanime cadauer accurrere. iniecta aqua, reuocatur, ueluti e graui sopore emergens,

gens, turbidis luminibus, & ore . tunc Proconsul accersitam uirginem placide affatur . fatentem, se Christi ancillam esse, cōsolatur: nudam uestibus amicare iubet: temeritatem suam excusat: illius . constantiam celebrat: Iconiensibus scribit in hanc sententiam: Vobis Theclam uestram, uerum colentem Deum, dimitto . Tunc feminarum uulgus, in spectaculum effusum, uictrici feliciter inclamat: uictoriam illius suam ducit: circumcursat: Christum Theclae Deum laudibus concelebrat: uirginē amplectitur: aëtoq. de bestiis, hominibusq. triumpho, comitatur euntem in Tryphaenae domum . ibi hāres exasse a matrona instituta non desistit Christi doctrinam euulgare, credentes erudire, ac confirmare in religione . Iamq. ab omnibus cultam tam tranquilli status tacere incepit, procul certaminibus, quasi lasciuientem . In summa rerum ubertate, & uidendi Pauli cupido, & erga hominem amor depasta iam pectus quietam uirginem non sinebant . ergo, ut audiuit Myris in Lycia esse latefundentem Christi nomen, acriori inflammata cupiditate, legit itineris comites, iuuenes, ancillasque: detractaq. stola induit uirilem habitum: desumptoq. uiatico, multo cum Tryphaenae gemitu, ac dolore, ab amplexibus diuulsa, pergit ad magistrum, non itineris longitudine, non laboribus, non aestu, aut algore defatigata . quam conspicatus Paulus, post salutem, admirationemque, sci scitatur ab ea, quo in statu res essent, quidue illi euenisset: simul & de comitatu interrogat . illa, traducta in Hermiae domū, cuncta ordine exponit, quae sibi Antiochiae in Pisidia obtigissent, laetis omnibus, & prae gratiarum actionibus in preces prouolutis . tunc Paulus, instante maiorum periculorum mole, nondum Asia perdomita, Iudaeisq. compressis, & Graecia suarum fastu disciplinarū adhuc tumente, Romanis superstitionibus imminens, hortatur uirginem, ut Iconium repetat, patriam inuisat: nihil de-



hil decentius asserens, quam, ob Christi amorem, si necessitas urserit, in patria pro ciuibus cadere. Thecla, etsi inuita, intellecto magistri oraculo, parendum in animum inducit: solatium suum posthabet: auctoritati monentis acquiescit: post preces, & mutua caritatis officia, consalutatis amicis, abscedit Iconium Lyciam, Pisidiamque emensa, Lycijs fortibus delusis, dante Patarae responsa Apolline ex fabulis poetarū. nec uenientem matris amor, aut penatium dulcedo exceperet, sed Pauli sacra uestigijs humus: teritq. osculis lacrymabunda in Onesiphori aedibus locum, ubi subsidens docuerat Paulus. tanti summae, praecellentissimaeq. uirtutis Doctorem gratissima discipula aestimabat, suum licet Socratem, Plato iacet, Platonemq. Aristoteles, ac Theophrastus at tollant. Sponso e uiuis exempto, reperit uiuentem matrem: conatur ad Christianam religionem traducere: in id studiosissime incumbit. ubi non flecti, ac moueri sensit Idolorum superstitionibus inuolutam, uetulam pertinacem, morosam matrem, elatam scēminam, impios exorsa lares, proficiscitur ab urbe, locumq. extra moenia, Pauli adspectu, ac precibus nobilitatum, dum ipsa cum igne certaret, uenerabunda adit: contendensq. in Isauriam, inter Lycaoniam, ac Ciliciam sitam, deuenit Seleuciam: offensa deinde frequentia loci, ac quietis cupidine capta, procul euripis rerum humanarum, per mille passus recessit in montem urbi proximum, (arundinetum, rosetumq. incolae uocabant) lucentis fulgore nubis praeeunte: nataq. speluncam, pro paterna domo eam sibi fingit: ibi caelestia meditari, cubare humi, beatarumq. mentium alloquio frui, solitudine prorsus ipsa perbeata. tantam sanctitatem, caelestisq. uitae instituta subsequuntur admiranda prodigia non modo cum animarum salute, sed etiam corporum. quippe fundi, ac fugari quotidie daemones, longaq. corporum possessione detrudi, ululantesq.



gementesque, & aegrota corpora ad adspēctum spelun-  
 cae, nondum Virginis oculis illata, subito conualere, ac  
 uirere morbis omnibus depulsis cernebantur. gentem  
 crudelem, latrociniis infamem, deorumq. figmenta fe-  
 ctantem, in pietatem, admirationemq. miracula frege-  
 rant, spreta Coo, Hippocratis sui nimium iactatrice. ef-  
 fert animos Isauria, tanti miraculi, ac sanctitatis con-  
 scia. nec amplius ad P. Seruiliij, magniq. Pompeij tam  
 ieiune, atque humiliter memoriam, nomenq. intremi-  
 scit: sed oritur illico aduersus uirtutem non leue certa-  
 men auaritia, atque inuidia familiaribus hominum mor-  
 bis in illius excidium arma, facesq. ministrantibus. co-  
 gunt consilium Seleucenses medici. queruntur de The-  
 cla grauissime. inopiam suam fatentur, sensuri grauiorē,  
 intolerantioremque, si patiantur latius fundi uirginis  
 nomen, illam memorantes Ephesinae Dianae ministrā,  
 ac sacerdotem consecrasse numini castitatem, Deamq.  
 pectori inhaesisse diuina afflantem in medicae artis ludi-  
 brium, & caelestium suaue domicilium esse Virginis pe-  
 ctus. audendum igitur, nec ferendum ut diuinum poste-  
 ritati munus contemptui sit, Chirone, Aesculapio, &  
 Apolline decora sua, artesq. in aeternum defeturis. ex-  
 pugnandam uirginis castitatem, & polluendam animam  
 existimant: quibus stratis, cessura caelestia dona, & fe-  
 lices artes arbitrantur. deligunt quosdam feroci pectore  
 iuuenes, insaturatae libidinis, & uaecordis audaciae,  
 expertosq. certaminum inter ludicra ueneris, amplexus-  
 que. post epulas, ac uina, sermonibus eos acuiunt: in-  
 flammant ad gloriam: uoluptatem ostentant: promissis  
 onerant: furere iuuenilis manus, & acri in obscena motu  
 conciri, ac se ipsam rapere in nefas. scandunt impigri  
 montem, & scelus anhelantes, speluncam petunt. oc-  
 cluserat fores praescia futurorum Virgo: illi inuerecun-  
 de instare, fores quatere, moliri feras, & obiecta impe-  
 dimen-

dimenta luctari. deploranti iniuriam uirgini impudicissime concitati aestus causam aperiuat, iubent capeffere imperata, seq. in amplexus accingere. Illa protritum iuuentae florem, macidam iam squalore faciem, albertem crinem, rugas, & extremae mala, ac turpia senectae memora-  
 bat. Iuuenes magis magisq. insanire: &, uenere incalescentes, foribus euulsis, multa se ui in speluncam inferunt: uirginem apprehendunt: explorare libidinē per-  
 tentant. Illi, caelum suspicienti, caelestis redditur uox, deponere metum, scissumq. in effugium lapidem respice-  
 re imperans, aeterna mox subsecutura felicitate. Igitur confirmata uirgo, diu inter audacissimorum iuuenum manus uersata, imbellis, & uetula aduersus praeferores, & robore corporum praestantes integra aufugit, seq.  
 hianti inserit lapidi, qui post receptum uirginis corpusculum, ne uestigio quidem scissurae exstante, integer sibi cohaesit, attonitis iuuenibus, & conlaceratum dumtaxat intra manus, lacertosq. uelamen spectantibus.  
 Sicq. Protomartyr, octauum ac decimum agens annum, paludata pro Christo in aciem processit, perq. octo, & septuaginta annos fortissime depugnauit, clarissimis celebrata triumphis: uictrixq. hominum, ignis, bestiarū, atque serpentium, extremam uitae periodum quam ornatissime, ac felicissime clausit, migravitq. ad Deum plusquam nonagenaria, Paulo, magistro terrarum, pæne par, reliquis omnibus antelata uirginibus. Fortunata diu Isauria uideri potuit tantae claritudine Virginis, ac tumulo, uel P. Seruilij, Magni Pompeij, Probiq. Aurelij laurea calcata Isaurorum excidiis, ac sanguine insigni. Intellexit id Zeno Isauricus, obscurissimi licet sanguinis, ac turpissimae formae, uilissimus homo, Augustae maiestatis sempiternum dedecus, & foedum naturae portentum, ad clades, interitumq. Catholicae religionis, atque Reip. exsutus namque imperio, fugatusq. a Basili-  
 sco,



lifco, omni spe destitutus, uertit animum ad uirginem:  
 eiusq. precibus, opeque, pari furore, ac scelere in Ca-  
 tholicos ritus debacchante Basilisco, in fasces attollitur,  
 factum, rebellionemq. aduersarij crudelissimis ultus sup-  
 pliciis; non tamen uirgini ingratus, insignis magnitu-  
 dinis aede in uirginis honorem constructa, ad testan-  
 dam ingentissimi beneficij memoriam nobilitata Seleu-  
 cia. uixissetq. feliciter, nisi nefaria rursus arma aduersus  
 Deum, religionemq. sumpsisset. ceterum spurcissimus  
 homo, grauatus uino, ex conuiuio, Arianda uxo-  
 re iubente, tumulto infertur, & uiuus, uiuo-  
 rum aura priuatus, inter mortuos ui-  
 uens miserrime exspirat. Theclae  
 reliquias per sancte Mediola-  
 ni in augustissimo tem-  
 plo, nulliq. in ter-  
 ris secundo,  
 asser-  
 uari conspexi-  
 mus.







S. FLAVIA  
DOMITILLA  
II.



Quantum eximia Romani nominis uirtus, aeternumq. nomen cum gloria ceterarum omnium transcendit decorationum, tantum Romanas inter uirgines Flaviae Domitillae praestantia gloriosior effulget, seu tuenda in castitate, seu spernenda in purpura, rerumq. fastigio. Maternum illi genus trium Augustorum stemma cōtingens, ipsum Consulare, paternum non obscurum, Flauianum genitorem Tarracinēsis nuncupat historia manuscripta. impositum illi amitae nomen, T. Flauij Clementis uxoris, sanctissimae feminae, quae, Christiana ob sacra, post caedem uiri, deiectosq. a spe potiundi rerum liberos, quos, aliis inditis nominibus, Domitianus fastigio destinarat, in Pandatariam insulam deportatur, seu ut renouaretur matris, germanaeq. Augustorum memoria ad captandam beneuolentiam. Plautillae matris, pietate studioq. a B. Petro Christiana doctrina imbuitur, sacratissq. undis expiatur. Hoc quoque illi magnificunt inter splendorem, decusq. natalium, Augusta etiam inter Christianos manu ablui. Ceterum adhuc tenella humanioribus instruitur disciplinis, ipsi praeceptorum ardore uirtutum, ac disciplinarum admirabilis, fulciētibus eius

D latera

latera Nereo, & Archillaeo Eunuchis. Irrepererat namque Parthicus mos, damnataq. Babylonis lasciuia spadonum educandi greges, & in secreta admittendi, Romanos etiam in penates, ipsamq. aulam. adeo nefarie degeneratum a maioribus in culmine rerum, & felicitate. Hi, nequaquam desides, ignauique a B. Petro una cum Plautilla baptismo loti, ac Christianis praeceptis instructi, miro ardore uirginem ad gloriam, Christumq. quam religiosissime, castissimeq. colendum inflammabant; ad perdiscenda quoque, rimandaq. ulteriora Philosophorum arcana acuere; iniectisq. interdum ambagibus, & ancipitibus, facere castitatis perpetuae desiderium. Interim moritur Plautilla, xij. Kal. Iunij a nece Apostolorum tristis, squalensque, & pietate erga filiolam, penatesque, simul & erga Christianos crudelissimis cruciatibus uexatos: ciuilibus quassato iam bellis orbe Romano, & undique concurrentibus in Reip. funera, cladesq. Principibus. siquidem Nerone sublato desciscētibus exercitibus Sergius Galba in Hispania fasces assumit, quantum in iuuenta Reip. utilis, tantum in summa potestate inutilis senecta & auaritia, funestiori omine ante aras & templa penatium militari furore trucidatus, Siluio Othone ciente militum iras, tractis in se opibus, haud feliciore euentu: Othonem euertit miscendi proelii cupido, Germanicis exercitibus pro Vitellio dimicantibus. Victorem nulla sua uirtute, aut merito Vitellium intemperantia uoluptatum, luxusq. fregere obiectum Vespasiani gladio, foedeq. conlaceratum recepere Germaniae tum primum Augusto cruore insignitae: Vespasianus, triumphata Iudaea, orbeq. pacato, Iani fores clausit: Titum filium, paterno dominatu insolentem, & amoribus infamem, maiestas imperij, & cura Reip. mutauere in melius orbe decepto uenerabilem, amatumq. uiuentibus, fratris comparatione nefaria. Domitianus, gentilia



cia decora exhorrens, statim in animum Caij uacianiam, Claudij ignauiam, Neronis sacuitiam, Othonis flagrantissimas libidines, Vitellij inertiam, atque intemperantiam transfudit, subdolos, inuidus, ambitiosus, imbellisque. Foedo in principatu noua furoris monstra emergere, Apollonij Tyanaei, sceleratissimi hominis, proculcato pudore, diuinam impudentissime sibi naturam, cultusque asserentis, atque Ebionis, reliquorumque sectariorum: & Principis gladius cruentissime in Christianos bacchabatur, aequae nostris, ac sapientiae professoribus infausti, inter creberrima funera, stragesq. nobilitatis non uirorum modo, sed etiam feminarum, stratoq. mortuorum acruis foro, suburraq. inter trucem adspectum intuentis, ciulatumq. morientium. Itaque rebellatum superiore in Germania a L. Antonio, feliciter tamen per Appium Norbanum bellū sorte confectum, non Principis uirtute, distractis ruina pontis aduersariorum uiribus. Incurساتae etiam Moesiae, concussae Pannoniae, euastataeq. Thraciae insolentia Dacorum, & trucidata auxilia, legionesq. infamiam augebant, inter plurimorum odia, ipsa Domitia Longina, Aelij Lamiae filia, Principis uxore, in complexu Paridis, formosissimi histrionis, (ne scenica ludibria, & libidines capitis supplicio piarentur, non inscia Claudia Messallinae casum) machinante excidium. Tulerat Domitianus seuerissimas de tuenda castitate leges, sanciueratq. uel innocentissimarum cruore Vestalium Corneliae, Maximae, Licinae, Marciae, & Aemiliae, cum ipse Censor, & lator turpissime omni iure, potestateq. abuteretur, de foedato Iuliae neptis, Titi filiae, pudore, adactae partum abiicere, prorsus in omne libidinum genus deiectus: simulq. filere iusserat Babylonicam mollietiem, Semiramisq. commentum, astumq. eneruato uirorum robore praepeditae geniturae. Ceterum, decedente ex huma-



nis Plautilla, iussu Fl. Clementis germani tutela, rerumq. procuratio Auspicio nō stolidi ingenij, sed spectatae indultriae, ac moderationis uiro defertur, qui paullo post piis Eunuchorum fratrum alloquiis ad Christianos defecit, damnatis superstitionibus, carior hinc, acceperiorq. puellae. At, Domitiano, multorum precibus, lacrynisq. expugnato, Flauiae thalamum exposcentium, dignissimus ex omni pube Romana Aurelianus uisus propter egregiam pulchritudinem, maiorumq. opes, ac gloriam. cōcepta illico uota, caprataq. auguria: perq. Diales, & Flamines uniuersa supplicatum per templa: consulti harioli fausta omnia canentes: transmissa sponsae amplissima dona, quae aduentium matronarum dictis inter Fescenina carmina, in sponsae personam transiens, non suppressere cupidinem, nec illepide respondere dicentium sali. Sed Nereus, & Archillaus, memores obligatae Plautillae dexteræ, grauius ingemiscetes, tristari, ac fremere tantam pulchritudinem, formq. castitatis unius Ethnici, impuriq. hominis conculcatum iri libidine, clarissimumq. tot uirtutum, & castimoniae praeconium illico obruendum, anxij, ne; temerata uirginitate, haustisq. osculis, proueretur in nefas, amplectens idolorū superstitionem: quandoquidem uitae societate, caritateq. tori, captis iam amoris pignoribus, facile flectantur animi ad uiri nutum, simul & ad praeclara, & turpia. si hoc modo cōtingeret, nihil amarius, aut luctuosius maternis uotis, animaeque, nihil Christiano nomini foedius. cum tripudio inferorum, in summo discrimine rem esse, bellum ingens, ac difficillimum instare, omnia iam esse ancipitia, & dura, non cunctandum, in celeritate ponendam uictoriam asserere. Itaque calenti lacrymarum imbre irrorato solo, euocatisq. in cernam superis, ad mutandum uirginis pectus, melleq. leuanda dicentium ora cum tore pietatis taciti uirginis cubi-

cubiculum ingrediuntur: qua cum ita coepere: Si tantum curae, sollicitudinis, ac studij in exornanda anima, propitiandoq. numine adhiberes, o decus Martiae genitrix, Flauia, o lux imperij, quantum in augendis naturae donis, quibus Aureliani caduci, mortalisque iuuenis impleatur cupido, ciaturq. beneuolentia, defudas, dubio procul per aeternas nuptias aeterni Christi in complexu sederes inter aequalium cantus, & choreas, in augustissimo illo thalamo, cuius omne ad aeuum integra, & inuiolata manent cum castitatis, tum gloriae monumenta: cuius fauore elegantissima ista species aeternis beatorum coetibus immortalitate uestita donaretur, nec ruga foedanda, nec ullo funestanda dedecore, aut debilitanda morbo. hoc maternum uorum fuit: haec excedens e uiuis Plautilla mandauit: haec tibi perferenda nobis imposuit. Tunc uirgo, suffusis rubore genis, placida fronte: Quae maior, inquit, propiorq. Romanae pietas esse potest, aut praestantior laetitia, quam non detrectare taedas, amplecti sponsum, & gignere prolem, qua populi Romani nomen augeatur, propageturq. familiae nostrae decus, & quodammodo per seriem liberorum perennem esse in fama, & laude apud posteros? Aut quid alia ex parte inhumanius, quid saeuus, quam mortalium deuitare cōsortia, subterfugere societatem, (nihil enim, ea sublata, nos a bestiis ditiungeret) declinare congressum aequalium, exhorrire uultus, & caelesti formata manu lineamenta? Quid uero inurbanius, aut morosius, quam calcare uoluptates, blandientemq. spernere fortunam, semperq. esse in maerore, & gemitu? Ne id quidem a Stoicis traditur, quorum inter philosophos inhumanior, remotiorq. a uoluptatibus exstitit scēa: neque apud nostros improbantur nuptiae, si sius in terris agentis Saluatoris adpectu, miraculoq. sacrae. Equidem praestare magis existimo, iugata exlingui in semina in-

cen-

eendum, quam impotenter, & saepe cum scelere diuexari, urique. Tunc Nereus: Magnum hoc crimen uiro-  
rum est, & usitatum, deseruire ficta beneuolentia aman-  
ti, cunctaq. anhelanti amplexus, uoluptatesq. puellae  
suauia, & dulcia ostētare suppressa amaritudine. id quod  
in uirgine nec reprehensione caret, temere ruit in uolu-  
ptatē: gaudiorumq. facile specie circumscribitur: unaq.  
laetitiae hora aeterno antefertur maerori. facile deci-  
pimur, dum libidini credimus, & omnia incommoda no-  
stra trahimus. Ergo legetur excellens ille flos uirginalis?  
ergo pelletur odor, tantaq. deiiciatur parua mercede  
praerogatiuae fastigium? fiet Flauia Domitilla ex uirgi-  
ne mulier, unius erit praeda raptoris, quae populi Ro-  
mani amor, quae puellarum decus, quae ciuitatis de-  
liciae est appellata? quae coniunctissimas lauantes secum  
uirgines non tulit, (ne Tyrium ostrum, Argaeaq. nix fa-  
tiaret oculos) exteri nunc hominis, ignotiq. concubitus,  
impuramq. libidinem patietur? iacebit ad iussa, oblita  
dignitatis, oblita nominis, decorisque? triumphabit de  
Flauia Venus? inter oscula, & pectora, mammaramq.  
splendorem, tripudiabit Aurelianus? quam cunctarum  
antea uicticem Roma cupiditatu extulit, uiderit in im-  
pudicos deuoluntam amplexus, deiectam de sede, spolia-  
tam uirginitate, famulantem ueneri, Aurelianoque?  
Ruat omnis iam in scelus, nefasq. Roma, Domitillae  
praecipitata exemplo. grauissimum facinus, & horren-  
dum, nolle solā cadere. audient hoc piaē, felicesq. ma-  
tris claritas, animaue. uideant superi. nec ullus incu-  
titur metus aut reuerētia ingenuae uirginis? Pietas etiam  
post mortem uiget, & maioribus debetur. Iam uero, quid  
commemorem domesticas angustias, (durum, infelixq.  
praefagium, sed uerum) quotidianas querelas, alterca-  
tionesq. cum uiro? Dum arcebitur limine nutrix, dum  
expelletur collactanea, dum domesticorum ora, uultusq.  
sub-

subtrahentur. Itaque te, quam paullo ante benignissi-  
 mam puellarum est experta pubes, ut duram, morosam,  
 arrogantemq. increpabit. non culpa tua, sed aliena. At,  
 quia libens, sciensq. huic colla iugo subieccheris, culpa  
 non carebis: nec immerito. iamq. tot ornamenta uirtu-  
 tis, tantaq. decora pulchritudinis subtrahcta populi Ro-  
 mani oculis uiri iniuria unius, suspicioq. obscurabit, cal-  
 cabit, & in abstruso concludet. omnia rimabitur, omnia  
 in deterius interpretabitur: iustis tuis lacrymis saepe do-  
 los, saepe iram, cupiditatem, & scelus inesse existimabit.  
 intolerandum, & maxime funestum in amore, uel iustis  
 in facibus, in summa praesertim pulchritudine, suspicio  
 malū est. depascitur ista pestis animos, depopulatur assi-  
 due, nec quemquam finit expertem timoris, angorisque:  
 ubi irrepserit, breue gaudium, aeterna infelicitate pen-  
 sante. quippe secreta uoluptas, & interna uni cognita a-  
 mare eiusdem euoluuntur in pectore metu sui, cunctorū  
 in se intentis oculis, curisque. Omnis quippe felicitas  
 obnoxia inuidiae: tua post decerptum florem, stratamq.  
 in thalamo uirginitatem seruilis pectora metus subierit  
 Romanae turpis. An non memoria tenes, suspicione ui-  
 rorum uel ipsa in flamma tot editas strages, patratas cae-  
 des, mactatasq. puellas? Excellentis gloriae, eximiaeque  
 uirtutis Mariamnem, Alexandrae filiam, uxorem Hero-  
 dis, Iudaeorum Regis, quo alio absumptam fulmine le-  
 gimus, nisi insania uiri? dum uritur amore, dum molli-  
 ter uiuit in flammis, dumq. amatae in luce caecutiatur?  
 Stultum siquidem est, non discere alterius malo, aut ex  
 aliena fortuna non metiri tuam. Tunc Flauia: Haeret pe-  
 ctoribus, haeret animo Plautillae meae memoria, quam  
 omni, quo uixit, aeuo dura uiri exercuit mollities, iun-  
 cta suspitioni, sic, ut non raro in Gynecaei abstrusis la-  
 crymans fuerit reperta. & tamen, quibus genitrix mori-  
 bus, qua castimonia fuerit, commune Romae loquitur  
 deſi-

desiderium, ipsaq. mulieris sanctitas: sed, prauo unius ingenio, non est omnium uirorum faciundum iudicium: & fortasse melioribus ipsa nupsi auspiciis, largis etiam in hoc superis: maternaq. calamitas felicitate obruetur meae: eam enim futurae, aeternaeq. sp̄e concordiae egregia Aureliani mei indoles, & spectata morum grauitas in tam iuuenili aetate iniecit, ut, si huic locum dubitationi relinquerem, ferele esset. nihil diri, trucis ue intra clarissimam illam oculorum facem, mitia alloquia, uitamq. pietatem potest obtegi. Tunc Archillaeus: Male cum amātibus ageretur, ni pro ipsis simulatio foret, suppressis, queis abundant, uitiis, obtentaque, qua penitus carent, a qua ue longissime absunt, uirtute inter pollicitationes, iocos, risumque mortiferam puellis potionem. nam, quibus inhiant, quasq. tanto ardore abs se amari simulant, potiti, expleto iam uoto, exsaturataq. libidine, ac parto imperio, uel ipsa copia nauseantes facile postea contemnunt. praeproperae in iuene flammae, & primus furibundus occurfus: at mora, & uictoria, omnia languida, fracta, & uilia: & illi profecto infelices nexu, quos cupido, & oculi metiuntur, & contrahunt: nihil in illis laudabile, aut tranquillum. Quam enim sibi adeo liberaliter factam in furore a uirgine copiam recenser, ne aliis fiat, curiose circumspicit, altis semper pressus angoribus. Itaque, si qua in animo suspiciuncula turget, ab osculis statim concurrere ad cōrumelias, ab amplexibus ad uerbera, a uerberibus ad ferrum, necemq. uidemus. eadem dirae, quibus auctoribus exarsere in nefas, fontes agūt animos, uexantque. dant poenas praecipitata cupido, & expetita Venus: omnia uertuntur in luctum, frustra subeunte animos paenitentia. calcatur illa puellae ceruix modis indignis, & trucibus, quae sui dominium ad alterum tulit cū fortunis, cum spoliis maiorum: quaeq. blandientis, aut leuiter irascentis non tulit ge-

lit genitricis iram, & uoculam, seruili iam pectore exterrae famulatur libidini. pauet ad iussa uiri: obtremuit ad nutum: pallescit ad uocem. quid, si alteri communicatas uiderit faces, & genialem torum offenderit? hoc intolerabile sibi, acerbissimumq. malorum omnium iudicat: hoc uno omnes euincuntur dolores: ista tela perpetuo, altissimeq. figuntur in pectore. Quis praeterea funestorum exempla casuum queat explicare? Quis recensere funera, & mortes? Non iura considerantur humanitatis: non affinitas, cognatioq. respicitur: non tori pignoribus, communicatisq. ante amplexibus refrenatur ira, mulceturq. dolor. pronum in ultionem muliebri genus impatienter irascitur, prorumpitq. in nefas. Dum enim uiri quaeritur ceruix, dum sititur sanguis, natorum diriter uiscera sparguntur, & innoxio sanguine, iris, ultioniq. parentatur. Pro immane, horrendumq. scelus, alio detortis exiguum intra tēpus ardoribus, omnia humana, & diuina in exitium trahere? Reticeatur Lemniarum cruenta prurigo, nefariaq. Prognēs, Althaeae, Ariadnes, Herekillaeq. sileat damnata crudelitatis memoria: obruantur Leodices Antiochi cognomento Dei, aut Thebes Phaeraci Alexandri, Arsiones Demetrii, aut Cleopatrae Nicanoris uxorū nomina, ob summam, sceleratissimamq. crudelitatem. In ipsa profecto scelerum commemoratione obtremuit animus, diriterq. torquetur. Sed fingamus, nihil horum in Aurelianum cadere: id quod tamen est in incerto: polleat ille mansuetudine: non subiaceat cupiditatibus: seruet immaculatum torum ab alterius amplexibus: non irascatur: effulgeat liberalitate: excellat cōsilio: amet: sit denique Romanus, dignus maioribus. Num alia effugisti incommoda, aut euitatura es tormina uentris, grauem fetibus uterum, iactationē uiscerum, tracta pondera diu noctuque, cruditatem, debilitatemq. stomachi, fastidia ciborum,

E

noxio-

noxiorum cupidinem, pallorem oris, arentia labra, & squalida, infirmitatem crurum, tumorem femorum, dolorem laterum, coagulatum intra mammas lac, & saepe noxium, prolem inde infaustam, & debilem, (pulchrae matri uulnus profecto sempiternum) degenerem, obcaecatam, aut taetro agitatam spiritu, ita, ut cum aura caeli egeat adiurationibus. & non dubias quoque mortes, & saepe horribiles, effusis uisceribus, caesis ue uteris. unius horae momento geminum funus effertur: gemina anima nati, matrisq. pellitur luce. Affatim exemplorum se praebet copia cum acerbitate: sed praeterire in animo est: illud equidem pudenti matrifamilias nihil acerbius, duriusq. posse cōtingere existimo, quam, membra tim extractis utero infantibus, cum fetida sanie, atroq. cruore, ea physicis inspicienda praebere, quae ipsa conspicere erubescit, quaeq. egregia parens natura non incuriose obtexit. Ecce refert digna se trophaea prurigo: fluxaq. illa dulcedo amara tunditur paenitentia.

Subtacente Archillaeo, rursus orditur Nereus: Quam illustis, inquit, quamq. excelsa uirginitatis gloria, horum quam expers malorum, gratissima Deo, cara superis, uerenda hominibus est, omne scelus paenitentia, fletuq. non difficulter deletur, ruptumq. cum Deo foedus rursus percuti potest: sola semel libata uirginitas pristinae restitui integritati nō potest. Rarum donum, & ideo angustum: at, quam foede eorum, earum ue aberrat inficitia, quantamq. contrahit labem, qui castitati uim facit, qui regalem decerpit florem, qui beatarum mētium domicilium ueneri deuastandum non minus libidinoſe, quam turpiter tradit? Parua mercede a fastigio deturbamur. uix tentata pugna, atque hostili degustato cruore, pauidi, flammanti uertimus terga prurigini, aeternam ignominiam, clademq. nullis lacrymis, uiribusq. deleturi. Profecto impudenter, furioseq. concidimus, dum

nostra



nostra in funera breuissimae cupidine uoluptatis nō coa-  
 æt euoluimur. insidet statim a facinore pectoribus hor-  
 ror; relanguenteq. prurigne tristatur, ingemiscit, mae-  
 retq. animus, nec assequitur, quod temere stulteque con-  
 tempnit. Habet suam in altissimo, excelsissimoque gradu  
 curulem uirginitas, secundam a martyrio thyram ge-  
 stat, omnibus insignitur, amaturque uirtutibus, Fide cir-  
 cumuallatur, Spei haeret amplexibus, Caritatis osculis  
 fatigatur, Sanctorum omnium pio cantu, obsequioque at-  
 tollitur. Nihil uirginitate praestantius, nihil clarius, ni-  
 hilque diuinius. Variata inter lilia spatiatur, aeternos pa-  
 rit odores. cedit Panchaia, silēt felices Arabum terrae,  
 Nabathaea erubescit, non attollit sua thura Pactolus,  
 uirescit cum laude sui, & uoluptate spectantium: nullis  
 subiacet incommodis: nullis tunditur morbis: nulla ta-  
 bescit aegritudine: laeta in se, laeta aliis, & tranquilla  
 florescit, sua triumphans ubertate deliciarum. Haec  
 commemorantem Nereum excipiens frater, Cursim tan-  
 tae, inquit, praconia uirtutis decurruntur a fratre, stri-  
 ctim percensentur: nulla quit id expromere, enarrareque  
 uox: non Oratorum lateribus, aeternis uel Poetarū canti-  
 bus, aut immortalibus historicorum monumentis: lan-  
 guerent in commemorando Athenae: deficerent rostra:  
 emutesceret forum. nulla ad tam sublime donū adscen-  
 dit collatio. uictrix, amataque uirginitas cunctarum per  
 ora uolitat gentium: nullius ueretur insidias: nullo pro-  
 pellitur hoste: omnia sunt ei terra marique pacata. sub-  
 strati fasces honorant, trabearum cedit auctoritas. Sed  
 age, pulcherrima Flauia, existima tecum sic unam e bea-  
 tis affantem mentibus: Puella, quo te mucrone uirgini-  
 tas fauciauit? quae in te pila contorsit, ut illam tam sae-  
 ue abs te propellas, infestissimamque sibi uenerem accer-  
 sas? unde tam dirum bellum, & tam subito sumpta saga?  
 Illa te materno prodeuntem ex utero est comitata: una



tecum alta, una tibi assueta ministrare, socia in uagitu,  
inter lucem, & tenebras, inter gaudia, & uoluptates,  
maerorem, & aegritudinem blande ludit tecum, blande  
te fouit, libauit oscula, strinxit ulnis, non a te insudan-  
te disciplinis recessit, non Christi amplexantem imperia  
refugit; una tecum caelesti cubauit in toro aeternis ra-  
diantem margaritis, & multo pyropo. Sacro Christi lau-  
baris cruore, & ipsa membra tergebat: cur ergo illius  
obliuisceris? cur fugatam, eiectam, hostemq. iudicatam  
persequeris? & in sacrario scelerum, bustoq. uirtutum ad  
ipsas ueneris aras mactare quaeris? Si te candor oris, si  
proceritas corporis, si dignitas uultus, si fulgor oculo-  
rum, si flaua caefaries, si maiorum insignia, si decora, si  
triumphi, uictoriae, trophaea, curules, trabeaeq. dele-  
ctant, omnia non ne cernis in Christo? Si tibi nuptiae  
denique placent, si expetis sobolem, en non ne in Chri-  
sto aeternos fetus, & diuinam progeniem uides? Quam  
clarus, augustusq. maritus est Christus, quā secunda ma-  
ter Ecclesia, temeratis haudquaquam corporibus? Pa-  
tent caelestis dumtaxat uirginibus thalamus, & secreta  
cubilis: ibi aeterna inter oscula, immortalesq. uolupta-  
tes, & iocos nulla praeripitur saeuiente libidine castitas,  
nullisq. inquinatur illecebris: & tamen gignendi nō au-  
fertur facultas sine ulla tristitia, metuq. mortis. Si haec,  
Domitilla, ingereret Angelus, nonne amplexareris? nonne  
admitteres animo? non ne priora connubia dam-  
nare? At ipse te Christus affatur: (non enim sine Chri-  
sto tecum de his loqui seruales animae auderemus) ipse  
tui ardescit amore: ipse se tibi aeternum promittit spon-  
sum; cestumq. ipse cupit exsoluere. Ipsum ergo, puella,  
ne dedigneris, frustra postea requisitura. captandū con-  
siliū dum facultas adest implendi. His utroque a  
fratre dictis, puellae uultus inter loquendum, audien-  
dum, intuendumq. modo albescere, modo inducto ef-  
ful-

fulgere rubore: lacryma conspecta in oculo, intraq. pudore reiecta, exauditi gemitus, cum detestatione facti & cupidinis, fecisset, inquit, saluator Deus, ut clarius haec mihi doctrina fuisset, nec recentia arcana. profecto non tam foede has in sordes deiicissem mentē, blanditiis circumuenta, elusq. fallaci spe uoluptatum, dum omnia maiora, dulcioraq. assentatio, & aequalium feminarum uoces ostentarunt. Facile uersutis fuit, decipere puellam, haud talibus assuetam. nihil iam sincerū, tutumq. in aula uideo, & inter sceptrorum insignia liberam uocem, si ingeratur, excipi cum stomacho, & pelli auribus ueritatem, ludibria pro laudibus esse. familiarium crebro adulatione iugulamur, haud quaquam tam noxio hostili ferro. Ceterum, postquam Dei placuit benignitati, non admitti tantum dedecus, pelliq. tantum ex animo meo piaculum, maiori ardore, ipso iuuante Deo, (neque iam despero, auxilium pie deposcens) ac fortiori animo (confert in posterum ad cautelam lapsus) tantam tuebor dignitatem, parata ad omne certamen subeundum: uos afferte consilium, & precibus attollite. Coepta enim, ni deducantur ad finem, cum ignominia, & risu a mortalibus eluduntur. Hoc laetissimi Eunuchi responso, uirginis celebrare consilium, & generositatem laudibus efferre: cohortari, ne deficiat. Ipsi, statim abeuntes, Clementem Pontificem adeunt: rem gestam enarrant: praedam ostentant: decreta uirginis perferunt, & ardorem. Laudat miris illos laudibus Pontifex: actisq. Deo gratijs, martyrij palmam auguratur. Erat Clemens, familiae splendore insignis, sanctitate eximius, honoris praerogatiua effulgētissimus, Petro exstiterat carissimus, moribus egregijs; atque doctrina, tantaq. demissione, ut oblatam a Petro ultro curulem alteri cesserit, modestia, praecellentiq. ingenio diuinus. Is, cum Eunuchis, tacitus ad Domitillam accedit: eamq. procumbētem ad genua

nua benigne affatus, sacrata caput uitta circumdedit:  
 faustissimaq. apprecatus, abscessit. At Flauia, professa  
 uirginitatem, mirum dictu est, quanta religione, quan-  
 taq. eluxerit pietate, sic, ut asperitate uitae quisque fa-  
 cile terreretur. humus illi pro strato, abiectoq. ostro.  
 praetexta mēbra uincire: duri pili cilicio interna uexan-  
 te: assidua in precibus: uelle pro uirginitate dilacerari,  
 occidique. Sed res, ad Aurelianum delata, turbauit se-  
 renitatem, horribili procella concussis Christianorum  
 omnium animis, post Neronem stringente in eos ferrum  
 Domitiano, Aurelianus repulsus a sponsae foribus, ac-  
 cepto quoque repudio uehementissime cruciatus, deie-  
 ctusq. spe, non coercere rabiem, non abstinere a minis,  
 non temperare linguam; quin etiam in uirginem profa-  
 na, & obscena impuro ore euomeret. Nec tangebāt ani-  
 mum familiae imagines, ipsa maiestas, penatium sancti-  
 tas, inuiolati foci, decusq. uirginale, & quondam sponsi  
 nomen. Furibundus ergo decurrit ad Domitianum; pa-  
 refactaq. re, incusat Flauiae temeritatem, Auspicij pro-  
 ditionem, Eunuchorum impietatem, exaggerans factū,  
 obtestans deos patrios, Augustorumq. numina: denique  
 molitorem omnium insidiarum Clementem Pontificem  
 asserit. Acer effulsit Caesaris ex oculis ignis, prorupitq.  
 minitabunda uox, sancita per deorum numen, umbrasq.  
 maiorum, uicturum Christianorum neminem. consola-  
 tusq. Aurelianum, in Palatium ad se uirginē perducen-  
 dam curauit, quam ad se uenientem conspiciatus grauif-  
 sime ingemuit. Quam enim paullo ante, splendido in-  
 cedentem Eunuchorum, praetextatorumq. agmine, cho-  
 roq. uirginum, matronarumq. illustri, coruscante crine,  
 purpura auro, gemmisq. praefulgente exornatam, tra-  
 hentem speciem dignam opibus populi Romani, dignam  
 imperio, & fastigio, laetissima fronte, afflanteq. uel tri-  
 stibus gaudia, & dulcedinem, nunc proclinata ceruice,  
 uitta-

uitatam, deiectisq. oculis auersam populari ab aura fa-  
 stuq. aulico, patriis descendentem a diis, illudentemq.  
 Dialibus Iouis, Martisq. contemplabatur, quam proxime  
 accedentem, submisseq. affusam pedibus apprehensa  
 dextera in cubiculum ducit, sedensq. una cum uirgine  
 maerens, crebraq. imis pectoribus suspiria trahens, ita  
 coepit: Si hoc fato Imperium, fascesq. Populi Romani  
 nobis a superis data essent, ut domesticis claresceremus  
 infortuniis, utq. externis insigniremur cladibus, dubio  
 procul hic spiritus, & aura horrenda, atque inuisa forent.  
 Etenim, post stabilitam, aeterna fatorum lege, in  
 penatibus nostris, nutantem alieno scelere rem Romanam,  
 post Dacica trophaea, Catthicam lauream, madefactamq.  
 Sarmatarum cruore Peucem, liquatasq. Istri  
 pruinas, post expiata rebellantis cruore & anima signa,  
 Oceanumq. compressum, restituto iam Capitolio, civili  
 exciso, inflammatoq. furore, Ioueq. sua in sede locato,  
 praecelso domesticorum cingimur funerum uallo, diris  
 rursus urgemur angustiis, nouo, inopinatoq. sternimur  
 uulnere in ipsa curuli, in palmata, sacratissimoq. Caesarum  
 domicilio, & in ipsis penatibus, tua, o filia, (quid enim  
 dulcius, optatiusq. noster in te desiderat nomen amor?)  
 incitiam, atque simplicitate, paucorumq. temeritate,  
 atque inexpressibili facinore. Non incertus iam rumor  
 nostras conuulnerat aures, (utinam his caruissemus & oculis)  
 ne ista flagitia, tantumq. scelus exaudiremus, cerneremusque.  
 Non iam parietibus uulgare se murmur continet: uociferatur  
 in foro: strepit ad rostra: exagitat curiam. nimis  
 praepropere credulitate, nimia simplicitate aberrasti,  
 Flauia. parcendum aetati, & cupidini, molli animo  
 feminarum ad fabulas, qui decepit, qui induxit, ei  
 feriunda ceruix, profundenda anima. rebellasti, Flauia,  
 nullo concita lluore, nulla laceffita iniuria, nullo  
 adaecta supplicio, nullis impulsu maiorum exemplis,

plis, auctoritateq. ab immortalium maiestate deorum, ab aeternis numinibus, vetustissimisq. sacris: nec euagantem tenuit animum fauorum amplitudo, non coercuit metus, nō terruere supplicia. quid enim noxiis tanta praesertim impietate, & scelere est exspectandum? uiolentus usus, sed necessarius, paucorum poena, ceterorum documentum, & disciplina. nec a tam immani, nefarioq. incepto nostri reuocauere numen, aut puellaris uerecundia. Quid nobis potuit euenire calamitosius, quid amarius, quid foedius, in tanto rerū fastigio, tamq. lato subiectarum ambitu gentium, quam, Flauiam a Domitiano, gentilem a cognatis, puellam a uiro, feminam ab Augulto, Romanam discrepare a diis, inq. turpissimam, conscleratam, & seruilem Christianorum sectam abire? Haecce accensa altaribus thura, exquisita exta, fibraeque, inspectusq. astrarum cursus tuo primo in uagitu, auraeq. afflatu celebritatem, & gaudia portendere, ingentibus uestruibus illati sideribus ignes lucem, splendoremq. praesagiuerunt? Fallaces mortalium spes, & incerta uora, dum cupiditati magis, quam rationi, deseruimus. elusi iam ipsi, Martiae quoque gentis frustrabimur uota, exspectationemque? Viduatus in laribus thalamus, cui Acesines, Coaspesq. tributum miserant, extinctaeq. faces cum iniuria deum, cum cōtemptu nostri, cum maerore populi, luctuq. Senatus iacebunt? An non ne melius, & gloriosius est, nostro te esse audientem dicto, nostraq. capeßere imperata, & exsequi consilia, quam scelerati illius uenefici (cuius iam diri feralem in capite augurij gestas amictum) depruari consiliis? An suspecta tibi sunt nostra, & damnata consilia? Miserimum eum dixeris, quem cognatione nudatum fortuna effudit. nostris Romana humeris moles tamquam Atlas te caelum fulcitur, nutabit leuibus puellae secretis? Illius est fugiundum consilium, cuius non manus a maleficio,

ficio, & rapina, non lingua a maledictis, non mens a facinore est umquam auocata, quieuitque. Ille te ex amantissimi, pulcherrimiq. amplexibus sponsi euulsit: ille te ex oculis populi Romani, ille ex gremio subtraxit: qui te adegit in rabiem, flexit ad infanda mentem, qui tibi amara, horrida, & insuaui pro dulcibus, gloriosis, excelsisq. subiecit, & magico carmine, diroq. uerborum sonitu per calamitates, & dedecora, explosa honestate, (quo Mariae nati calces uestigia, & thalamum somnies) in exitium praecipitat, & adhuc tamen hostiis, sacrificiisq. precantium, umbrarumq. felicitate nostrarum apud deos sustentaris. hebescit tot lectisterniis caelitem mero. adhuc suspensa a caede manus, auersumq. est ab ultione fulmen, quibus ista ne redditur merces? Quod te diuina forma bearint, quod nos uictores fecerint gentium, quod Aquilas, sibilumq. Draconum per extrema terrarum felici circumtulerint cursu, quod denique Tarpeiam aequarint Olympo, ut tu tam stulte, nefaricq. desciscas, ut Christo in ligno uexato, in ligno litato seruientium Deo aras attollas, & offeras thura? & si detur occasio, (adeo fortasse animus) in Capitolio loces, expulso suis Ioue penatibus, tumultata Bellona, & obruto Marte? Quid, misella, existimas fortasse non transituros fuisse nos Christiana ad sacra, ni profana, ni turpia, ni obscena forent? An nos circa animorum salutem, felicitatemq. desides credis, ut mortis obliuiscamur, & condicionis? Curae eadem ante nos Diuis fuere Caesaribus: & tamen fabularum commentum est, atque experientia deprehensum, nihil uerius, certiusq. posse existimari de diis, quam quod a maioribus statutum, & religiosissime traditum est. Errare cum pluribus, humanum, atque excusabile: soli sibi sapere, arrogans. Intemerata est populi Romani religio, & certissimae caerimoniae, & non dubia sacra: quibus instructi, in uoluptate, & deliciis traducimus uitam,

tam, nec erramus. In terris cum diis uiuimus, fruimur eorum uocibus, & oraculis, certi, post fata ( si quid sensus animorum erit ) cum illis aeternae uicturos. tu modo, filia, depone istum furorem: utere praeceptis, sancitisq. Augustalibus: pande animum consiliis, & iuuetam gentilium moderare caritate, & monitis. parum in femina prudentiae, & consilij, plurimum fragilitatis, iuuenili praesertim in aetate, quae, praebita commoditate, perenni in igne, ebullienteq. sanguine, immodicis uastatur erroribus, & foeditatibus. Si repugnaueris, si nostra spreueris mandata, si amorem, si consilia, quid inde infamiae, quid ue dedecoris prouenturum sit, agnosceret uel infans, caecusq. conspiceret. Frustra uirginitatis praeconia anhelas, si contumacia animum obuallaue-  
ris. Caret morositate, & arrogantia uirginitas, & falso nominatur, si modestia erga maiores, & obsequium abfuerint. Virgo, nihil Augusti mota blanditiis, nihil ter-  
rita uultu, aut mollita precibus, breuiter, & generose re-  
spondit: non se ituram infitias, aut quae gessisset nega-  
turam: dignam rem esse oculis mortalium, & luce: ru-  
borem cerni in crimine, cui supplicium praemium, & pe-  
riodus est: ueritatem satis per se illustrem, & excellen-  
tem nullo pacto obrui posse: & si diu scelere latuerit ho-  
minum, a saxorum, aerisq. cultu, ab illecebris, & corrup-  
telis libidinum transisse ad Dei cognitionem, ad decus  
uirginitatis, & famam, libertatemq. sui, cum sempiterni  
spe praemij: sua consilia quoad obsequia, cultumq. er-  
ga maiestatem, semper ipsi fuisse addicta, & addicenda:  
turpe, & intolerandum esse, iura proculcare naturae, in  
Christi uero amplexando dogmate discreta: optatam il-  
li tamen pacem, & diuturnum aeuum, pia quoque de-  
creta: nihil sibi cum Ioue, nihil cum Minerva, aut Mar-  
te, nihil cum Iunone esse: darent alij thura, plicaret ge-  
nu, litarent, propitiarent, sibi litandum Christo, il-  
liusq.



liusq. inuocandum, adorandumq. numen: si lacefferentur iniuria custos Capitolij, & Sator, concitatorq. bellorum, & sanguinis haustor ulciscerentur, uibrarent in uiolatores fulmina, nihil minus sibi timendum esse: turpe, & ridiculum dici, deos hominum egere auxilio in ulciscendis iniuriis: fractas ab se Christi benignitate corū impietates: detectas fallacias: praecisam omnem, quam nefastis uotis ex sua strata conceperant castitate, laetitiam: emunctum efferuescentem animorum ardorem: nullum sibi ob susceptam Christianam religionem relictum paenitentiae locum: nullum inhaerentem scrupulum, nec uelle: mutationem consilij ad meliora optandam: sibi esse optimum, & ad satietatem cum incredibili uoluptate, cerni in se patriam generositatem: non abfuturam Christianam pietatem: iamq. pro Christo mori statutum subtexens. Tunc Domitianus, maxime aeger, & uultu tristis, Magna rursus inquit, filia, pietate erga te mea retardor: rursus, recordatione aetatis, languescit furor, rursus irae mitescunt in tanto pulchritudinis, uenustatisq. splendore, uel pulsatis pectoribus, caloreq. corda cuiibrante, ipsamq. dexteram in tela, caedemq. ducente, non indigna, & merito deorum ante conspectum larium nostra manu uictima caderes, ut cruore tuo elueretur labes, expiareturq. contractum piaculum. Non desunt exempla maiorum, qui minori in re suam erga patriam testati sunt caritatem. Nos te, erga deos nefarie factitantem, turpiter maledicentem, impie detrahentem, adhuc impune ferimus. Imitabimur hac in re deos immortales, qui fortasse nondum de salute tua desperarunt. Euincamus nosipfos: triumphemus in peruicacia: summaq. in potestate teneamus iram. Etsi haud facile sit, in magna iniuria, & in offensa praesertim deorum, iustum cohibere dolorem. gemina in te uersatur impietas, reluctandi nobis, & spernendi uim potestatemq. numinum.



minum. Sed a diis desciscenti omnes se facile dirae affo-  
 ciant. Haufisti tot per annos arcana philosophorū, Ora-  
 torumque: nihil tamen sanēti, ac pij reportasti: quod ad  
 felicitatem, quod ad maiestatem, & incrementa Reip. at-  
 tinet, abiicisti: feralibus sacris applicasti animum: ma-  
 trimonia, sobolis posteritatem penitus ex hominum me-  
 moria, & usu tollendam uoluisti, oblita naturae legum.  
 ad id femina procreata, quo prolem gignat, natam edu-  
 cet, stratoq. quodam modo mortis imperio per intertu-  
 ptam liberorum seriem naturae subleuet imbecillitatē.  
 In prole tua, filia. quis non Flauiorum renouata sibi de-  
 cora existimabit? Quantum hausturi gaudij sumus, si per  
 te, mea Flauia, Vespasianum patrem, Sabinum patrum,  
 aut Titum fratrem, familiae nostrae lumina, amplexari  
 licuerit? Quamobrem, filia, hoc infame abiura supersti-  
 tionis genus: crudum ex animo pelle: decretum: utere  
 focus, utere gentiliciis sacris: cunctarum ne dedignare  
 Romanarum morem, institutumque. peculiaris usus in  
 re usitata, & publica raro sine infamia. damnatum uir-  
 ginitatis propositum, atque in te maxime abominandū,  
 haud frustra a diis tot in te collatis uenerum, pulchritu-  
 dinisq. ornamentis. ingens scelus, abuti benignitate su-  
 perum. Tunc uirgo: Non est omnium, potentissime Au-  
 guste, de diuinis rebus tam alte sentire, atque ita caeli-  
 tum mores luto nostrae mortalitatis imprimere, ut, ex-  
 stinctis libidinis aestibus, & coercitis naturae motibus,  
 quibus ad turpia trahimur, terrenarum rerum speciem  
 dedignemur, diuinaeq. pulchritudinis splendore, quan-  
 ta maxima contentione possumus, assequamur. Multa  
 sunt, fateor, quae animum, corruptionis expertem, &  
 suis sese pennis in sublime tollentem, illecebris delini-  
 tum, & curis inutilibus implicatum, praecipiti ruina in  
 ima deturbant. Aurum, gloria, deliciae, ueneres. Sed,  
 quid est in his rebus tam egregium, tam praeclarum, aut  
 subli-

sublime, quod nos a cælestium rerum amore possit deducere? Pulchritudo quidem, quæ maximum semper apud omnes pondus, & uim habuit, quæ summos, pugnacissimosq. Impetatores, ac præclarissimos Reges, uel in ipsa bellorum rabie, stratarumq. cineribus Urbium æternæ seruituti mancipauit, quæ humili loco natos ad summos honores, ad regimen, ad curulem, ad Regum purpuram, soliumq. perduxit; est illa quidem naturæ donum, sed exiguum, quod innumerabiles mortalium casus, quod paucorum dierum languor, quod breuis sollicitudo, quod triste unius noctis insomnium possit eripere. Sunt apud nos quamplurima Regum, Consulum, ac Caesarum busta nostrorum, & pulcherrimarum monumenta feminarum; ad hæc, si placet, accedite. Licebit profecto intueri ambugstos cineres, exæscas uermibus carnes, pro quibus Oceanum onustum classibus, stridentem silua lignorum; ac cruore spumantem, sparsos cadaueribus cæpos, & funestatos humanis uisceribus amnes, orbemq. terrarum uniuersum sudantem in armis uidit antiquitas. O peruersa hominum studia: o labores frustra susceptos: o impia uota. Præstasset sane, omnium societatem uitasse, seseq. in uastissimas abdidiisse solitudines, belluis ipsis inaccessas, odisse formam crudeliter pulchrâ, quam domestica ciuulum funera, deuastatas prouincias, attritas gentes, funerata opida, populosq. excisos, & ipsos Imperij Duces, lectas animas, certosq. hostium terrores unius femellæ pulchritudini suo litantes sanguine ficcis oculis intueri: & mirabimur gratam esse cælo castimoniam, quæ tot in terra faces exstinguit, tot incendia reprimat, fluctusq. compescit? quæ armorum fragorem, Martisq. fremitum sedat? Dicam amplius, quæ extorquet omnipotenti arma de manibus, & dexteram illam ignibus armatam, fulmina q. uibrantem ligat ad uenturam. Tibi laus, diuina sapientia: nam, quibus olim artibus

tibus fecisti de carnificina sacrarium, de cruce trophaei, uitae scaturiginem de sepulcris, iisdem uirginibus ex egregia forma, & rara corporis uenustate, quae solet fomentum esse libidinis, aureos struxisti gradus ad ueram gloriam. Veinam, maxime Caesar, religionis tibi nostrae splendor illuxisset: agnosceres profecto, molitorem orbis de summo maiestatis suae fastigio in unius descēdisse Virginis uterum, uaguisse in cunis, infantem, caelestium luminum Architectum. O uere secunda uirginitas, immensum cōcepisti, aeternum genuisti. hoc ipsa decus totis uiribus non amplectar? ab huius me suauissima diuelli societate patiar? Nec me pudebit, uerlantem inter Angelos, optare mortalem torum, & a caelesti sponso, qui me sibi aeterno foedere copulauit, ad hominum nuptias, amplexusq. transire? Quid me uinculis terres? Ornamenta sunt ista, non uincula. Quid obiicis fustes? Non expauescit Christianus ad fustes, cuius est spes omnis in ligno. Quid mortem minaris? Quam Dominus meus in Caluario apertis largae misericordiae fontibus gloriosissime obruit. Quid expedis ferrum? Quid equuleos; quid candentes laminas paras? Haec omnia Christus, reuulsis Acherontis liminibus, foribusq. confractis, & capite serpentis obtrito, ne quid ab illis in posterum timeremus, ab inferis rediens, caelo triumphator inuexit. Sed fortasse tua te magis delectant. haec ipsa, quae nobis sunt domestica, contemplemur. Recole ueterum annales: consule historias: & inuenies, summum semper honorem ab omnibus gentibus, duce propemodum natura, habitum esse uirginibus: quandoquidem apud mortales nihil est Virginis nomine sanctius, nihil acceptius, nihil fauorabilius. & Vestales quidem, uestris deuotae diis, qui tamen nihil cum Deo, praeter uanam diuinitatis opinionem, habent commune, quanti sint nominis apud Romanos, ab illis ipsis, quibus circumdaris, lictoribus

bus petito. Interroga has aras, haec templa, forum illud augustissimum, maestas, & funebres Pontificum uoces, squalorem totius Ciuitatis, infaustos laqueos, obruta humo nocentium corpora, maestitium illud, & sepulcrales moles: omnia tibi mutis quibusdā uocibus testabuntur, nihil illis in hac urbe sanctius, nihilq. augustius fuisse, quousque Dei filius Ioues, Mercurios, Dianas, Phoebadas, noctemq. illam saeculorum atram, atque funestam, tristemq. Erebum ab hominum cordibus relegauit, extirpauitque. Vos in medium adducam Tiberinas aquas, quae uirginem in discrimen adductā periculo exemistis. contendebat populus, uiolatam esse: inexpressibile scelus: illa, se contrafecisse, negabat. Senatus uiuam de more defodiendam censebat: illa, iniuste se occidi, clamabat. Quid plura? uos innocentis patrociniū suscepistis, & uicistis: continuistis uos ipsas, seruati pudoris testes, supra naturam uestram, in cribro: & diuinæ praecones sententiae, cuius tribunal innocens appellauerat, non uoce, sed facto, uirginem absolulistis. Quas ego praeterea Claudias, Aemilias, Martias, Cloelias possem accersere? Quid, si Graecorum in annales me effunderem? quo pectore, qua eloquentia, quibus uelateribus Atheniensium uirginum, in pauimento, cruoris adhuc paterni notis purpurato, saltare compulsarum, crudeli triginta tyrannorum imperio, generositatem, aut placatas Iphigeniae cruore auras, fremētisq. pelagi iras, aut cumulatā Camillae uocabula, aut insigne Chalydoniae uirginis spoliū, Cassandrae uaticinandi donum, diuturna Spartanorum, ob uiolatam suarum uirginū pudicitiam, aduersus Messenios bella, & implacabiles furores, aut Daphnes, Dryadum, Napaearum, Lemonidumq. agmina efferam? Dies potius me deficeret, quam deessent exempla: nec solum hoc uirginum, licet earū praecipuum decus est, sed uiduarum, nuptarumque. Quas  
ego

ego Elyſas non tam Byrſa, aemula Capitolij, fundata, quam uita, & fato mirabiles, aut Artemiſias, inter ingentes pyramidum moles, & famoſa ſepulcra lugentes, aut Lucretias, Biblias, Cornelias, Hortenſias, Sulpicias, Porciasque, & eiſdem multas propoſiti feminas, nec ignobiles pudicitiae magiſtras, poſſem recensere, quarum apud nos fama numquam caneſcet; immo uero, ut templa quaedã uetuſtate fiunt ſanctiora, ſic illa diuturnitate temporis carior, illuſtriorque. Sed non uacat ſingula proſequi, immenſumq. opus paucis perſtringere. Finem dicendi facio, id dumtaxat obnixe rogans, maxime Caefar, ut tantam Flauiae gloriam non inuideas, dignam maioribus, dignam litteris, dignam imperio, ac fortuna tua, maiestateq. populi Romani; &, quam mihi coronam uirginitas neſtit, aeternis uernantem floribus, & quouis Indico, Parthicoq. digniorem diademate, ambi-  
 ri a me aequo animo patiaris: ſin minus curioſus tui, at non mihi hoſtis. His Caefar euictus, non amplius cunctandum, pugnandum ue cum obſtinata ratus, uirginem in exſilium pellit, Pontia Inſula circumcluſam, aduerſus Formias CCL. ſtadiis a cõtinenti abſciſſa. Quae ubi decretum accepit, nihil turbata, collecta ſupelleſtile, accitisq. exſilij comitibus, ac focis, in inſulam enauigauit, conſtructisq. cellulis, tranquiliffima frui uita; nunc ſacras legere hiftorias; nunc Chriſti meditari aerumnas; nunc interdum cum eunuchis, ac familiaribus de Chriſti uirtutibus, ſignisq. ſermocinari; modo effundere ſe in preces; nec diu noctuq. intermittere orandi conſuetudinem; &, tamquam in Pontia genita, cellulam ſuam pro deliciis habere teſtem arcanorum, ac precum. Interim Domitianus, cum quindecim regnaſſet annos, & quinque & quadraginta uixiſſet, XI V. Kal. Oëtobris coniuratione facta in cubiculo a Stephano, Flauiae Domitillae procuratore, Clodiano Corniculario, Maximo Parthenij

thenij liberto Saturioque decurione cubiculariorū, septē uulneribus trucidatur, anno a partu Virginis XCIIIX. Fulvio Valente, & Antistio Vetere Consulibus. Illi Cocceius Nerua sufficitur, insignis moderatione Princeps, sed breuitate imperij felicior. Hic, cum antiquasset Domitiani edicta, ac sancita, multi a Domitiano damnati exilio penates repetiuere: sed de Flauiae in urbem regressu nemo scribit: quippe flagrāti cupidine otij, atque in caelestia effusae se ab Insula subducere flagitium uidebatur, ex horrescenti, detestantique lasciuiantis acui luxum, & foedissimas aulae uoluptates, sordesque inter scēnica ludibria, ac tragica funera rerum Romanarum. Ceterū Nerua in IV. suo consulatu, VI. Kal. Feb. inter uiuos desiciente, adoptatus ab illo Vlpus Nerua Traianus ad gubernacula euocatur Imperij, uirpace, belloq. Reipublicae necessarius, reddita limitibus securitate, deuicta Dacia, excisa Ctesiphonte, protritissq. Parthorum pharetris, erga Christianos non mitis. Valerianus, perditae Flauiae deperiens, non furorem continere, aut ueneri ire obuiam potens, impetrat a Traiano, enarrata re multis cum lacrymis, ut compellere ad adoranda idola Nereum, & Archillaeum possit, fidos Flauiae, & sibi non dubios aduersarios: quos si dolo circumuenire, aut lenire blanditiis, aut euertere potuisset, palmam deuictae uirginis non dubie ab se latum iri, sperabat. Ergo, impetrato Augustali rescripto, enauigat in Insulam: & ne adspectu suo Virginis animus offenderetur, exaggerata ira, germanos ad se accersendos curauit. qui, adesse certamen, & mortem non dubie intelligentes, lacrymis oppleti, ac uultibus maestis, rem uirgini aperuere ad fortia adhortantes, mulcentesq. dolorem: mox ad Aureli anum accedunt. quibus benignissime susceptis, ductisq. in secreta aedium infelicitatis suae iuuenis causas enarrat, ostentato pectoris uulnere ex sponsae repulsa: multa illis

ta illis promittit, si uirginis animum in amorem suum, & tori cupidinem reuocent, abnuentibus, econtra, acerba supplicia, & certam necem ostentat. breui finita quaestio, sanctorum animis nihil territis supercilio, minisque, aut flexis pollicitatione. Quamobrem uinculis constrictos, diuq. fustibus caesos, mox Tarracinam transuectos, ablato capite occidi iussit Memmius Rufus, Consularis, sine dubio praestantissimos, Magniq. Petri uexillis, praetorioq. dignissimos. quorum corpora, iussu Flauiae, Auspicius, sublata in nauiculâ, Romam deportauit, obruitq. in praedio uirginis, uia Ardeatina, mille & quingentis passibus procul a moenibus, ad Petronillae tumulû. Sed luctum uirginis, angoremq. cum praesensissent Maro, Victorianus, Euty chiusque extemplo ad eam nauigarunt, ac, solati dolorem, constantissime esse adhortantur, assidui in uigiis & precibus; nec caritate, religione, aut obsequio erga uirginem Nereo, Archillaeq. concedentes, insignes pietate uiri, acerrimiq. deorum hostes, in Christiana militia haud imbelles, mollesue. Interim Aurelianus spem capere, uirginem non diutius passuram solitudines & incommoda, atque exilij acumnas, fatigare precibus deos, ad puluinaria sacrificare, uota nuncupare, offerre dona, haud mitescendo furore inter inane spem, cogitationesque: cum ad eum desertur, recenti Christianorum auxilio in Insulam aduectorum, uirginem alacrius in incoepto permanere, maiora moliri, acriusq. aduersus memoriam tori odium imbibere. Quibus auditis Aurelianus, acerbissime faucius, Maroni, Victoriano, & Eutychio breui perniciem molitur, eosq. de medio sustulit: Nec terendum tempus ratus, statuit inuitae uim inferre, & potiri non tam tori dignitate, quam spondae corpore, sperans, inter amplexus, & oscula exarsuram uirgini uenerem, & rediturum iuuentae calorem, & insitam cupidinem. Sed in tam graui casu non  
in Vr-



in Vrbe ante Flauiorum imagines, oculosq. Senatus, sed Tarracinam nuptiale sacrum, gaudiumq. destinat. Scribit Luxurio germano, ut omnia nuptialia instrumēta domi habeat, utq. nobilissimas, & pulcherrimas quasque municipales inuitet: ipse eo muliebrem mundum, genialem torum, musicos, greges ancillarum, seruorumque, ac pondera auri transmittit. Adsciscit & in comitatum inter alios Seruilianū, ac Sulpicium, optimae spei adolescentulos, ac nobilissimos, sodalesque. Hi paucis ante diebus matrimonium cum duabus puellis, Theodora, & Euphrosyna, Flauiae aequalibus contraxerant: quarum industria uti ad labefactandam Flauiae pudicitiam, expugnandumq. propositum Aurelianus decreuit. rem cum earum sponsis communicat: approbant illi sententiam: ultroq. consilium laudant; interq. Aureliani lacrymas, & promissa, illis negotium commendant. quae, ex Vrbe profectae, Tarracinam deueniunt, eo & paulo ante Flauia fuerat attracta, etsi multis iactata curarum fluctibus, moestaque, non tamen exulis speciem praebens, aut a patria maiestate degener. Vbi inter se ora, oculiq. occurrfauere, stupor ingens spectantes incescit. uidere enim erat Flauiam in pullo uestitu incedentem, calcata maiorum gloria, uix priuatae feminae statum representantē: sodales e contra, insigni pompa fulgentes, multa margarita, gemmaq. lasciuiente caesarie, & purpura fluitante, inter insignia ancillarum corpora, letamq. pubem. maeror, & pudor pariter puellas occupauit, rupitq. prima silentium Euphrosyna, nō iam pueriliter exorsa a matrimonij dignitate, ab auspiciis a maiorum institutis, a nobilitate generis & spe gentilium: ad extremum addens eius nomen dirius in Vrbe excipi, & cum ludibrio: simulq. eam ad ueteris uitae curriculum capeffendum adhortatur. Sed Flauia, trabearum conculcatrice, decorumque, ac omnium cupiditatum uictrix,



excellentissimae uirtutis, maximiq. animi, ac sapientiae,  
 ridere puellarem eloquentiam, & retorquere in auctores  
 stolidè coniecta tela : ostentat uolētibus aciem : & Chri-  
 stiano Marte frangit rebelles puellarum animos, eodem  
 uictoriae cursu Veneris trophaea deiiciens . Itaque red-  
 dita cuidam puellulae uoce, & Herodi Theodoraē ger-  
 mano luce, utramque uirginem ad Christum traxit cum  
 multis ancillis . Igitur Theodora, & Euphrosyna, detra-  
 ctis collo monilibus, proiectis gemmis, & deposito flam-  
 meo, proiectae ad Flauiae pedes, Christum & Regem, &  
 Deum fatentur . iam cupere cominus pro Christo pu-  
 gnam capeffere, & depugnare aduersus Caesares, gene-  
 rose Veneri irascuntur, damnantq. furta Iouis, & Deos,  
 aemulae Flauiani ardoris, amorisq. in Christum, atque  
 Deiparam : illi castissimum sacrarium in adytis pectoris  
 struere, & caste fouere . Decurrunt interim ab Vrbe spon-  
 si, ignari rei, facti ue, lasciuiētes, & iuueniliter luden-  
 tes, cum repente adeuntibus sponfas fulsere uittatae co-  
 mae, & nudata munditiis corpora, ac iuuenili apparatu .  
 non ruentes in amplexum, miscētesq. dexterās, sed stu-  
 pidi adstiterē . Vix abrupto silentio, quacere a spon-  
 sis nouitatem rei, & uestium squalorem, simulq. silentium  
 cōticentibus organis, silentibus fescenninis carminibus,  
 exploso thalassio, diisq. nuptiarum praesidibus, ac nu-  
 minibus patriis . Tunc Flauia illis rem aperuit . multum  
 indignantibus, eius causā inductam mundo orbitatem,  
 & caelibatum, extremum malorum, si illa castitatem tam  
 deperdite adamaret, tolerandum, unius feminae conti-  
 nentia non occasurum orbem : at praeripere spon-  
 sis gaudia, & alterius nuptias funestare, hoc iam improbi-  
 ssimum, & crudele asserere . Sed Flauia recensitis Christi  
 uirtutibus, commemoratoq. nouissimo die, quo homi-  
 num genus ante tribunal regnātis statutum sit ad formi-  
 dabilem tubae sonum, ingressit furentibus amore pecto-  
 ribus

ribus metum : & Euphrosyna, ualidior machina, ut apud amantem ipsa amara, concelebrare Flauiae consilium : & decreta saluberrima esse ostendit : simulq. accersitum Herodem, & puellulam antea mutam, ut dictum est, Sulpicio, Seruilianoq. ostentat. Victa his impatientia iuuenum, & mente ad digniora sublata, fatentur ambo Christum, & religioni castitatem jungunt, summaq. Flauiae & sodalium laetitia, Christianorumq. omnium assensu, a Iuliano, & Caesareo baptizantur. At Aurelianus, diuturna amoris procella concussus, in elegantissima Flauiae specie ignescens, inter spem uoluptatum, & tori impatiens, ubi Tarracinam deuenit, instructo nuptiali apparatu, urgere Sulpicium, ac Seruilianum, rapere in uenerem, monstratis uoluptatibus, prouoluere in eandem cupidinem, ostētans noctem illam uoluptatum largitricem, & spectatricem amorum futuram : simul paribus animis, uotisq. paria conuenire gaudia in tergemino thalamo, in flore praetextatarum, uel fortunantibus, & pie inuidentibus diis, praefatus. Addebant feroci pectori stimulos, & ardorem uiolentiam sponsae irascentis uicinitas inuite cessurae, & per cogitationes expetita toties facies, & augustissimum os procul culmine rerū intra domesticos lares. Sed Sulpicius, Seruilianusq. negant licere hoc sibi per cōtinentiam sponfarum, iam cum Flauia sentientium : nec indomitam uirginis mentem in eius amorem, & cupidinem ullo pacto allici posse : induisse iam, & exilij acerbitate ferociorem redditam : sibi statutum, ac fixum, non perturbare sponfarum animos, nec cum inuitis eluctari : ui aduersus uirginem uti, uel in hoste ferum, immanequē, & maioribus abominabile : ferro corpora, & marte superari, animum uinci non posse, suiq. iuris esse : & arceri procul uiolentiam in cupidinis regno : amantium arma, demissionem, blanditias, dona, lacrymas, & caritatem esse, & fore, in uiolentia acerbis-

bissimum quodque oriri , & cum paenitentia aggressorum, respondentes . Eludere dicentes Aurelianus, & imperitos amorum nuncupare, tenella pectora nondum facibus adusta, nondū pilo traiecta asserere, imberbes nondum amore perstringi, cessisse lacrymulae spōsarum, cessisse gemitibus, nimium indulgisse non intellectis artibus dicere . uique non occulta usurus, parat conuiuium, non ætem opperitur, agit choreas, seq. acrius in uenerem inflammatur . Virgo, uesaniā uiri intelligens, in tanto discrimine, pauida erigit ad coelestia mentem, Christum apprecatur, ut uotam sibi castitatem tueretur; illi prae-parasse thalamum, illi strauisse; in priori certamine uirtricem eius fauore euasisse, non horruisse Caesaris uultum, non iram, nec refugisse squalentem littoris faciem, non desertas arenas, & truces murmurantis pelagi fragores; sed iam grauius instare periculum; de castitate pugnandum, imbellem uirgunculam non staturam aduersus inferentis uim robustissimi iuuenis, & libidinis flamma succensi, procul penatibus, procul gentilibus, nudam & inermem praedatori expositam, praeciso omni auxilio, in eo dumtaxat haerere spem, opem, & uictoriam, stare iugulum, stare pectus aduersus mucrones, & flammās, dentesq. bestiarum intrepidum, auidumq. discriminum, de uirginitate anxium non suauiter torqueri, sed sponsae iniurias sponsi esse, & in sponsum redundare simul & ultionem; iam ignominiam, & uictoriam aequa lance pensari, saeuoq. in certamine praestanda iam promissa, praestandumq. fauorem, multis cum lacrymis, ac gemitibus, religiosissime canebat, sociantibus preces, uotaque Euphrosyna, & Theodora, turbaq. seruientium . moeror ingens, & funestum iustitium penates occuparant: sponsae inter lacrymas, & preces uersari: tristari famuli: ingemiscere sodales . tripudiare dumtaxat Aurelianus, in moerore sponsae gaudia sua attollere, & torui-

toruitatem uultus illius ad arcana noctis ultor differre in solatium sui, praeteritorumq. angorum. sed pro uirginitate Deus decernat, luctantibus expeditum exitium: nam, inter cantus, & organa, ceteris fatigatis, Aurelianus in iactu, rotatuq. corporis saltans biduo, noctibusq. duabus interclusa anima corrui, cōterrita familia, Christumq. Deum fatente. Sed Luxurius, strati germani luctu & uirginum triumpho, in tanto intuentium pauore, Christianiq. nominis miraculo, in immanem rabiem, & praeproperam ulciscendi libidinē incitatus, Flauiae impacior, cuius peruicacia spretum familiae decus, & extinctum fratrem intelligebat, tractis in sententiam nobilissimis iuuenibus, cum dedecore deorum, ac Caesarium, magnaq. cruciatus inuidia ad Urbem decurrit, magistratus adit, Augustum, regemq. sacrorum deprecatur, laesa numina, conculcata iura, spreta Augustorum numina, iniectum publi nefariis artibus, & magico carmine furorem, cum exitio fratris, insignis indolis, nobilitatisque: ouare iam Christianos inter spolia Iouis, & ludibria Martis: cuncta iam ad Christum spectare, & transire ad eius iussa populorum agmina: hebescere econtra cultum Deorum, squalere iam sine uictima aras, sine honore cespitem, sine thure simulacra penatium commemorat. His Augustus non ignauiter acceptis, intentusq. ad curam Reipublicae, cuius statum in ueteribus Deorum caerimoniis firmandum cēsebat, ex arcanis imperij; ac Reip. simulque peregrina religione mutationem rerum portendi, & turbine eodem non sacra ueterum modo, uerum ipsam Remp. euulsum iri credens, arma in Christum parat, stringit in cultores ferrum, uetat dari thura, & hetaerias fieri. intra primordia maiestatis relato inter Diuos genitore parta iam pietatis fama, firmatoq. dominatu uenerationem apud suos, hostesq. quaerens, insaturatae uir ambitionis, nec intra saga in-

fan-

fandos puerorum amores, & secreta libidinum, sitimq. uini oblitus. At Luxurius accusatos impietatis Sulpicium, & Seruilianū Aniano Urbis Praefecto cruciandos tradidit: qui, constantissime in confessione Christiani nominis persistentes, capite plectuntur, tumultanturq. uia Latina, duobus millibus passuum ab Vrbe. Quibus caesis, Luxurius, gaudio triumphans, fratri parat inferias, Tarracinam accurrit: uirgines unanimi consensu, & societate armatas intentato mortis metu territat: iubet uenerari Deos, & sequi maiorum uestigia. Sed uirgines duce Flauia fortiores in ipso minarum terrore spreuere furiosi hominis uoces, qui, tamquam in hostico supellestilem depraedatus, inclusas cubiculo, prostratasque in preces subiecto igne concremauit Nonis Maij. Expirauere laetae, ridentesque, nihil motae, ne uestibus quidem ambustis. dormientes dixisses, non extinctas. Altera die accedens Caesarius, insignis sanctitatis, & ipse martyrij gloria praefulgens, ac Christi miles non imbellis, earum corpora sublata honorifice tumulauit. Et reuera felicem diu Tarracinam in acruis saxorum, bustoq. ueteris coloniae tanto pignore existimabam, cum mihi haec pie scribenti, uoluentique affulsit Flauiae lucis splendor in S. Hadriani ad forum ac de pietate Augustini Cardinalis Cusani purgata ruderibus, atque exornata, reperto illius corpore, medio inter Nereum, & Archillaecum, fortasse mirantis, & generose (quantum irasci caelestibus fas sit in summa pietate) indignantis patriam suam ad tantam animi magnitudinem, triumphorumq. splendorem turpi silentio, & ingrata memoria siluisse, ne signato quidem saxo, aut erecto tumulo, procubantibus in inuictissimae decus ad ima Caesaribus, & Capitolio in pauore, ac ludibrio Paladis, Iouisq. supplicante uel ad stuporem hominum, caelitumque. Sed, quia nō satis erat tantae uirginis magnitu-

gnitudini , ac sanctitati ostentatum esse gentibus corpus, & sacrata pignora, nisi religiosissimo saeculo nostro sub Clemente IIX. instauratore sacrarum aedium, & prisca moris, ac pietatis imitatore, circumferretur triumphali pompa per Urbem, stabilem, nec indecoram sedem nata. siquidem Caesar Baronius, nobilis Ecclesiasticorum annalium scriptor, a Clemente allectus in Cardinalium Senatum, cum sortitus esset Sanctorum Nerei, Archillaeique titulum, dignum disciplina, ac moribus, & religione sua existimavit, primordia dignitatis a caelestium cultu auspicari. lababat ruina aedes illa SS. Nerei, atque Archillaei, ad Appiam viam (ubi Flauiorum (ut fertur) quondam domus, penatesque frequentabantur) & obsita squalore, ac uirgultis sub dio enatis, uaepribusque deformis, priorum temporum calamitatem monstrabat, conuulnerata superiorum Principum memoria, nihil tale (quod maxime decet rectores terrarum) meditantium, celebris olim famae, nec uetustati ignota, Magni Gregorij adspectu, uoceque nobilitata, Sixtus IV. nutantem aevi iniuria instaurarat, ueterum aemulus, nec intra saepta ferocium spirituum mitigator, extenta ad ardua quaeque cupiditate, uel intra saga. igitur rudibus auectis, pariete depicto, & altari quattuor columnis adornato, V. Id. Maij, MDXCVII. indicta amplissima supplicatione praefertur populi triumphus. Sacerdotum humeris sacra pignora circumferuntur. comitantur collegia ciuitatis, ordinum Principes, religiosorum familiae, ac Praesulum manus luminibus accensis, dependente a parietibus peristromate, sericoque apparatu, crectis etiam in circuitu crebris altaribus, uel praesignatis ueterum Augustorum fornicibus, noua tituli magnitudine, in decus, famamque uictoris, uel gemente Apella, id quoque posteris caelare indignum diligenti scriptore existimo, Flauiorum cineribus se ad-

huc urgeri ad lugenda vetusta excidia, aeternique mala  
seruitij compulsus ad exornandas plateas acre proprio  
ad hostilis nominis claritudinem. itur a Sancti Hadriani  
aede, per Tullianum carcerem, & per ima Capitolinae  
arcis, perque busta C. Publicij, extra ueterem Flami-  
niam, sinistrorsum ad Marciana palatia: hinc ante Ie-  
su templum, Alexandri Farnesij Cardinalis clarissimum  
pietatis, ac magnificentiae monumentum, in Ca-

pitolium, & per L. Septimij Seueri, Flauio-

rumque arcus, ac Magni Constantini in

Sacra uia ad ipsam sanctorum fra-

trum aedem, ubi Baronius

cum aliquot Cardina-

libus praestolaba-

tur, proces-

sitque

ob-

uiam sacris pignoribus. con-

data sub ara maxi-

ma asseruan-

tur.

•









# S. CAECILIA

## III.



Obile Caeciliae nomen, & natum ad iura solum supplicatibus terris annuere non obscure uidentur Metellae cognomen, fortunatamque in Republica sobolem, licet incuria scriptorum posteris nō prodatur rerum gestarum magnitudine offusorum, cantuque certaminum. post aeterna Flauiorum trophaea, iam tantae uictoris fama, & praeconia celebrentur, trepidanti ad tam grande molimentum ingenio, assuturac caelesti fauore. Aedes Caeciliae trans Tiberim inter pontem Sublicium, & Horatij Coclitis, cuius adhuc hodie uestigia exstant, uisitur, ipse uirginis nomini dicata. A prima aetate Christianam religionem professā Imperatoris gloriam mire auxit, spretis patriis Diis, ac ritibus, cōsecrata etiam Christo uirginitate, cuius post religionem prima in semina gloria est. assidue Christi res gestas perlegebat, abiectis Poetarum libris, ne mens inter lasciuiam, & turpia pollueretur. amatorij uersus, & fabulae, si legantur a uirgine, nō dubie quatitur castitas, excitatis igniculis sub pudoris cineribus delitescantibus. Euangelium, ac sacrarum historiarum libros semper in pectore, sinuque gestabat, ut, si flamma libidinis, & iactantia, fastusque irreperent, ostentata acie, eductisque auxiliis conciderent. quae ex sacris paginis hauserat, imitatione implebat:  
fru-

frustra enim fatigantur oculi, tempusque teritur, nisi animus lectione ad meliorem frugem deducatur, inciturque ad uirtutem. Ieiunio fatigare membra, ac premere iuuentae florem, cilicio interna affligere, cubare humi . nudum marmor, & perexiguum illi pro strato, subleuare inopiam egentium Christianorum . interim, iam nubilus, procurantibus gentilibus, Valeriano, primae nobilitatis iuueni, uel inuita, & coacta iungitur: quae minime animo consternata geminatas preces effundere, quam demississime ardentissimeque florem uirginitatis Deo commendare, interque organi sonitum ipsa Deo haec, canere: Fiat cor meum immaculatum, ut non confundar. uaria pugna, & dira lucta excitata inter spiritum, metumque, rursus in diuini tota spem auxilij inclinare . nec fugiebat eam ingentis gloriae, famaeque illam esse lauream, quae per discrimina, & cruciatus quaereretur, & diuinum fauorem abesse aliquando, quo affluentius secum omnia trahat. sic Assyrico cingendam uallo Bethuliam permisissam: sic uiduali etiam lacerto sustentatam cum dedecore Euphratis . Hierosolyma tantum dilecta superis, non raro obiecta discriminibus, & sedibus auulsa uel a Maereotide aduena excito, aut Tygride in plana suffuso, aut minitante Oronte, & paullo post superni ardore fulminis obsessore ambusto pristinae asserta maiestati, & gloriae, amorem deprehendi in laboribus . sic se corripit a Christo, sic quoque creptum iri ex daemonum faucibus, atque ex corporis ludibriis pie existimabat . Sed sponsus, Caeciliae pulchritudine non mite faucius, urgere diem, accelerare nuptias, uirginis gentiles prece quaterere, impellere cunctantes, falsus uim furoris, & affixa pectori tela . Cessum iustis precibus, captata ad Orientem solem auguria, tacta ad limen aqua, ignisque, nupta uelata flammeo, in recta tunica, puraueque toga subter occulta uerbenae corona, caelibari hasta, mollito, sparso, turbi-

tutbinatoque crine, ter paternam ante domum circum-  
lata in gyrum, praeunteque tibicinae thalassium occi-  
nente, & accensas praeferebant auspicibus faces, to-  
stumque far, aedium limina uiri lupino, porcinoque adi-  
pe illita foribus lana, lauroque uestitis, tacta lino, saltu  
illata penatibus sponsa, epithalamium, & fescennina  
carmina, multo musicorum ingenio celebrata, cantataque,  
propitiata nubentibus Romana numina Iuppiter, Iuno,  
Diana, Suadela, Venus. infanda omnia Caeciliae uisa.  
uix retentis ira, & lacrymis, ducitur deinde in cubicu-  
lum ad genialem torum gemina fulgentē stragula, quin-  
que coruscantibus cereis aedilicia manu accensis, inter  
matronarum dicta, nuptialis noctis haud arcana reticen-  
tium, iactantiumque secreta tori, & uoluptatum, exclu-  
sis omnibus, nacta silentium uirgo, opportunitatēque, aui  
de soluendam ad cestum proruentem uirum sic affatur:  
Magna mihi res est, carissime, atque amantissime adole-  
scens, magnumque pectori arcanum insidet, quod aperi-  
tura sum tibi, ut suadent coniugalia pignora, & ut Roma-  
nam cum Romano decet, si me celatam hos inter noctis  
horrores, spirantesque maiorum uultus, simul & sidera  
tanti dumtaxat conscia secreti uis: asserēte silentium iu-  
uene, Caecilia, magni in Dei, inquit, sum tutela, ual-  
lorque caelestis Angeli fulmine. is me teneris ab annis,  
& ab ipsis cunis uel inter lactis haustum custodiuit, tan-  
toque studio uirginitatem tuetur meam, ut, si te lasciuo  
amore flammatum, prurientemque in amplexus, & ob-  
scena intellexerit, haud incerte florentis aetatis tuae  
annos, ipsumque iuuentae decentissimum florem con-  
tundet, & lugubri euentu initia thalami funestabit. At,  
si me casto amplexantem amore, nec uirginitatem teme-  
rantem meam uiderit, eadem qua me beneuolentia te  
quoque prosequetur, largosque tibi fauores impertiet.  
Nullum felix aduersus superos bellum. demissione, & ca-  
stitate

ritate mitigantur. Tunc Valerianus, iniecto libidini freno, & pulsa procul Venere: Si uis, respondet, amantissima coniux fidem rebus a te memoratis meam addici plenam, da operam, ut ipse quoque Angelum uideam. non saepe erratur in uisu. Quod si te alterius obtineri amore (auertat id Iuppiter, penatesque dij) si id suspicor ignore (amantis est formidare) senserim, utrumque ultore ferro prosternam, & scelerata corpora hac dextra nudabo spiritibus. uterque suo malo didicerit, quantum iuuenili in pectore uiolati thalami ultio, rabiesque audaciae, ac roboris exsuscitent. nemo inter obscena, & uenerem sanguini nostro illufit: nemo stratae puellarum pudicitiae trophaea iactauit: nec gloriabitur in Valeriani toro Romanam inter pubem non ignoti tot circum astantibus, uidentibusque maiorum manibus. Tunc Virgo: Procul ista suspicio, metusue. non haec Caeciliae mores noscunt, si propter Deum Valerianus non placet, quis placebit? Frustra blandiuntur ceteri, si aduersus Valeriani effulgentissimum nomen, ac pulchritudinem stamus. Non erit difficile, praecellens adolescens, his oculis Angelicam haurire figuram. si mea consilia non spreueris. dira sacra, infaustaue thura, quibus Romana templa fumant, abiiciunda sunt tibi, auertendusque animus a ferali superstitione: Christus est tibi pie colendus, eique dumtaxat sacrificandum, non stratis uictimis, aut madefactis aris, sed submissione, & pietate. Nemo Angelico, Valeriane mi, frui potest adspectu, nisi sacro expiatus lauacro, eiectis gentiliu opinionibus, absterfisq. incredulitatis sordibus. certum in fide praemium. Tunc Valerianus: Quis me saluari abluerit aqua, quis sordes eluerit? Et sponsa: Munus id seni cuidam caelitus mandatum est: ipse haud incuriose tam sacrum implet officium. Et Valerianus, ardens cupidine, & arcani audius deprehendendi, Spiritu iam sancto in eum flante, Caeciliae propitiato precibus, qua,

qua, repetit, in parte quaerendus hic senex? Et Virgo: Tertio lapide Romanis a moenibus abest ad Appiam uia. ibi exposcentes stipem egenos inuenies, quos ipsa semper foui, non ignaros secretorum meorum. quibus pecuniam elargiens, meo nomine dixeris, missum te a me ad Urbanum Pontificem, uelle alloqui hominem, quem postea omni de re, successuque docueris. is sacro te baptismo abluet, fulgentibusque induet uestibus. Reuersus postea cum Angelo me reperiens loquentem, qui tibi, ac mihi familiaris existet, & omnium, quae in uotis habebis, haud difficulter te compotem faciet. Valerianus, noctem eam percipide, impatienterque opperens lucem, nixis genibus cum Caecilia transegit insomnem, multa sperans, uoluensque animo, uetera nunc sacra Deum, uetustissima Pontificum decreta, populi Romani tot per aeuum intemeratas religiones, auspicia, fulminum expiationem, & Etruscae disciplinae libros, quaeque sui tot annorum cursibus pie coluissent, agitare, modo nouae nuptae arcana, & mysteria, illius prudentiam, ac salutaria consilia perpendere, saepe inter precandum illam contemplari mortali angustiore: & fulgore uultus, & sanctitate attonitus, dilucescente iam aurora festinus reliqua in cubiculo sponsa per Capenam Urbe egressus ad Urbanum contendit. Hic Pontiani filius & ipse Romanus Calixto primo successerat, urgentibusque crudelissimis Caesarum edictis nouissime per L. Septimium Seuerum, filiosque renouatis aduersus nos, incentore Domitio Ulpiano Iureconsulto, Praefecto Praetorii, acerrimo Christianorum hoste, uel sub mitissimo, ac moderatissimo Principe, & sacra nostra noscete, inter martyrum sepulturas delitescere, homo multa eruditione excellens, uitae sanctitate illustris, senecta, ac canitie uerendus. qui edoctus de Caeciliae rebus, hilarius, laetusque in genua prostratus, sublati ad caelum manibus, magna lacrymarum



ni profusa, Domine Iesu Christe, inquit, humani generis Saluator, & rector, castorum sator consiliorum, seminum iam fructibus, quae Caeciliae in uotis, pietateque. se-  
uisti, fructuere. haec praeclara ancilla uelut apud sollicitum tibi est famulata. quae enim indomitae audaciae, furorisque. uelut leonem accepit sponsum, ad te, emuncto uigore, expulsaque rabie mitissimum, placidumque uelut agnū destinat. His dictis eximia iuuenis forma, fulgentissimis indutus uestibus, manu librum aureis exaratum notis gestans, illorum se oculis obiecit. pauor ingens Valeriano ex diuino inusitatoque splendore iniectus strato humi, & diuini dextera iuuenis alleuato, legendus porrigitur liber, in quo haec scripta fulgebant. Vnus Deus, una Fides, unum Baptisma, Vnus Deus, & Pater omnium, qui est super omnia, & in omnibus. Amen. Quae cum perlegisset Valerianus, interrogatus ab Angelo, num his fidē haberet. quae cum certissima & uerissima esse respondisset, Angelus euanuit. Tunc Urbanus currentem per se iuuenem acrius ad Christi capeffenda incitat imperata, aperit arcana myfteriorum, mox e sacro fonte sublatum dato osculo, ostentatumque ceteris Christianis ad solatium languentium, pauentiumque, & ad ueteranorum incitamentum feliciter apprecatus, ad sponsam dimittit. Valerianus ostento laetus, & tacito gaudio perfusus; properat ad Caeciliam, ingressusque cubiculum, eam cum Angelo loquentem deprehendit induto candidissimis uestimentis, & perlucide ornato, geminam manu coronam tenente ex uariatis lilijs, rosisque contextam. ingens statim naribus afflatus odor, & suauitas: Meriabar eo cubiculo contineri dixisses. Tunc Angelus coronam alteram Valeriano tradidit, alteram Caeciliae, inquit, Has casto corpore, mentibusque coronas tuemini e caelo auctas. id uobis pro signo erit, neque uetustate flaccescent, nec spoliabuntur suauitate, uobis non nisi conspiciat;

dae, & quibus caelibatus cordi fuerit: & tu, Valeriane, quoniam salutaria Caeciliae monita in pectus demifisti, quidquid in uoris tibi est petiro, aequum quippe est tantam pietatem singulari aliquo beneficio posteris testatam esse. Et Valerianus, sordescentibus iam illi terris ad suprema elatus, fratris salutem & cōsortium deprecatur. magnus hominis amor erga fratrem erat, & mira beneuolentia, concordia inter ipsos tanta, ut nihil felicius, optatiusque, praesertim in tanta fortunarum ubertate, & in ea Vrbe, in qua Quirinus augustorum fundator murorum ipsa cunabula fraterno cruore defoederat. Iusta superis, & digna petitio uisa, & haud difficulter impleta. Vix namque terminatis alloquiis, abeunte iam Angelo superuenit Tiburtius, Valeriani frater, & ipse iuuenis egregiae indolis, gratulaturus germano, cognataeque, ominaturusque felicem, perennemque sobolem ex optatissimo, splendidissimoque connubio. intrantem cubiculum mira extemplo odoris suauitas occupat, & stupor, omnem naturae uim ipsa inusitata odoris fragrantia exsuperante. prolata uox sciscitantis causam, & arcanum. Tunc Valerianus: Quem naribus frater iam captas odorē, precationibus datum est nostris. si ueritati applicaueris animum, & fateri ueram religionem, & certissima sacra uolueris, nec liliorum, nec rosarum adspēctus, tactusue negabitur. gemina insignimur corona e caelo nobis missa, quam intueri tibi fas non est. Tunc Tiburtius: Somnia ne agiturus, an uera tu faris? Et Valerianus: Hucusque torpore fuimus diro, funestoque sopiti, curuatis ante idolorum aras, signaque genibus: Heliogabalo non raro dedimus thura, necnon & Ioui, Martique infauste libauimus: saepe Palladis, Iunonis, Veneris, ac Dianae nomina inuocauimus: quoties inter orgia procaciter lusimus? nulla a Romanis Dijs salus sperari potest, nulla medicina: unus est Deus, qui, quae uoluit, fecit omnia, cuius

cuncta parent imperio. Et Tiburtius, uehementer fratris sermonem admirans, Vnde germane ista doctrina? quae tam noua philosophia? Et Valerianus: Haud inania loquimur. Angelus, Dei benignitate, precibusque Caeciliae meae, hac nos doctrina imbuit. ille praeclari auctor dogmatis, & magister nobis exstitit, nec arcebitur tuis ab oculis, si Christiana ad sacra descenderis. Tunc Tiburtius: Cur ista uidendi Angeli mora iniicitur? cur ipse retardor? Quis me Christianis instruet praecceptis, ut optati compos uoti fiam? Et Valerianus: Spondes ne, frater, abdicare numinum cultum, patria spernere idola, affixoque Christo cruci, proque nobis mactato adhaerere? Et Tiburtius: Quae istae ambages? tua quo tendit oratio? quis finis spectatur? Tunc Caecilia mirari se uehementer dixit, quod tam excellens ingenium, & non mediocre sapientiam idolorum fugerent figmenta, & ariolorum fabulae, ac Numae doctrina cum augurum libris, cum nullum Romanos inter deos, mortuosque discrimen interfuit. Mortali illos uestiri manu, egere hominum adminiculis, ac nullius per se esse momenti, in his potius effingendis Polycleti, Lysippi, Myronis, ac Praxitelis, Scopae, Agelandri, Polydori, Athenodori, Crateri, ac Pythodori, Artemonis, Phidiaeque, ac in pingendis Apellis, Zeuxidis, Parrhasij, Apollodori, Timantis, Androcydis, Eupompi, Therimachij, Protogenis, Myconis, ac Polygnori ingenia celebrari, attollique, quam ipsorum numina, quibus spoliati miseri ipsi iacent, nec cultores suos possunt beneficio afficere. cerni exstructas aras, & alte sublata delubra auro, gemmaque insignita, uarijs distincta signis, quibusnam? Furijs, Nocti, Pauori, Termino, ceterisque portentis. infausta profecto sacra, & nefaria. Excelluisse quidem maiores rerum gestarum gloria, & magnitudine procliorum, & bellicis arbus: at succubuisse deuictarum superstitionibus gentium uictos

uictos deos ab his receptos in domos, in adyta easdem tractas furias, & faces, quibus priores domini, ac famuli miserabiliter conflagrant. Accersitam Pessinunte Cybelem, at ea defendente iacuisse Troiam, arsisseque, adscriptum saxo numen, celebratum Q. Claudiae Vestalis factum, creditumque apud miseros benignitate Cybelis uictas feliciter nostras in Africam legiones, pulsum Italia Hannibalem, Zamésia arua Poenorum tepuisse cruore, triumphasse Scipionem, excandisse Capitolia, Ioui immolasse custodi & tamen eiusdem Capitolij fauillas ab Ioue cum matre uisas, globosque cinerum, seipsum ardentem, semiuultatum, eiectione sede, profugum, & egentem humana ope conspexisse. Cur non restinctos ignes, repulsa tela, & frenatam inuadentium audaciam ipsius numine? Mergi Almone Deorum matrem, festa celebrari, inter orgia, & lupercalia strato pudore decurri, & haec placere dijs? Canes, Ibin, Bouem, & alia impura animalia conciliata aetheri gentilium uanitate sedere in concilio Iouis, comprimi puellas, uolutari per stupra, & adulteria, libidinem iussu numinum expleri in ipsis aris, aut sedente in tripode puella per obscena intrante aura, utero tumefacto in iactatione corporis, ore spumanti enuntiari arcana, & patefieri mysteria, & hoc gloriosum dijs, & dignum numine, id maioribus diuinum uisum, & in hoc diuinitatem locatam? dedecere ista uirginem, & uirginis linguam: nec falsis addictos religionibus animos: esse ista curae ariolis, & Etruscis, genti superstitiosissimae, atque uanissimae: aliud Christianis cordi esse, alio illos magistro uti, alio doctore: certioribus animum insistere, & mentes ad aeterna directas: sapere iam ipsum debere intellectis erroribus: ualere ingenio, ualere prudentia, facile uolenti cognitionem rei esse: quod frater esset amplexus, ipse ne sperneret: capeffendam occasionem dum se offert, fugientem frustra perquiri:

ri: instare mortem, & intumescere mari, tempestatēque minante, confugiundum ad portum: naufragantium ple-  
rumque mare insepultam sepulturam esse: unam salutem  
mortalibus esse, Christo adhaerere, Deumque non incerte  
fateri assuerat. Tunc Tiburrius: Qui animo ista respuit,  
uere brutorum imitatur ingenium, nec utitur ratione.  
Equidem unum Deum Iesum Christum fateor, illique a  
me cultum exhibitum iri confirmo. Tunc Caecilia, com-  
plexa, exosculataque Tiburtij caput, non sine ingēti gau-  
dio, Hodie, inquit, fateor te meum esse cognatū, quan-  
do gentilium superstitionem Christi depulit cum pietate  
fauor. Perge igitur cum fratre ad sacrum suscipiendum  
baptisma, ut abster sis maculis Angelico fruaris adspectu.  
Tunc Tiburtius ad fratrem uersus: Quo me ducturus es,  
germane? Et Valerianus, Ad Vrbānum, repetit, sanctissi-  
mum Antistitem, inter cineres, & ossa martyrum delite-  
scentem. Et Tiburtius, Ille ne Vrbānus, quem sedere in  
fastigio religionis Christianae dicunt? Eius caput diu in  
supplicium exposcitur tot Augusti edictis, si deuenerit  
in scrutantium manus, rabiemque, Gemonias absque du-  
bio, euentuque tristi adspexerit, socios pari poena comi-  
tante. Vidimus cruentos gladios, & infaustas cruces,  
laniata cadentium membra in toruitate oculorum, & mi-  
naci Praefecti Praetorio adspectu. quid iacuit cum Phoe-  
nice portento Semiamira? nec tamen caret Orci aedes  
suetis funeribus, Iessuque. ergo Heliogabali infaustissi-  
mis radijs uiciniae erimus? placentur Syriaca monstra  
Romano sanguine inter lati clauī splendorem, & orna-  
menta maiorum? Tunc Caecilia: Metuenda profecto  
ista poena, nec danda in discrimen praesens aura foret,  
nisi sempiterna alia daretur uita: fluxa haec, & repentina;  
illa beata, & perennis, qua aut dirissime uiuendum, aut  
gloriosissime triumphandum. Et Tiburtius: Ignota mi-  
hi penitus ista philosophia, nec aliā dari uitam, lucēque  
unquam

umquam audiui. Et uirgo: Epicureorum est ista opinio, & explosa sapientum gymnasijs: neque enim id sunt infitiat Academici, & clare quoque tenuerunt Peripatetici, & summus Oratorum in libris de Repub. non incerte testatur: nobis profecto sacratoribus arcanis deditis satis constar, animas immortales esse, uicturas tamen dispari condicione: inhumane quippe nobiscum actum esset a summo rerum conditore, si belluarum more proflata anima, omnis ab interitu sensus exstingeretur: non inepte uel a Poetis (quorum studium plerumque lasciuus & amoribus damnatur) ficta suppliciorum loca, descriptae poenae, & Regia ipsa Inferorum, campique Elysij fuere. Sed, dum praeclare scriptis sapiunt, moribus turpissime errant. nec tam multi ex nostris, & Graecis, barbarisque sibi consciscenda impie nece hisce miseriis, & luci eriperent, nisi aliquam animis requiem post occasum crederent, sperarentue. Sed, dum medicina excedit modum, nec salus acquiritur, in scelere nulla felicitas. Tunc Tiburtius: Quis umquam ex inferis existens talia enarrauit? quis uidit, quis legit oculis? Noscendi non exigua cupiditate accendor. Et uirgo, ait, a patre nullis iniis, nulloque fine rerum omnium Architecto, molitoreque, priusquam globi caelestium orbium fierent, staretque tellus, & extrema lauarent aquae, genitum filium aequali potestate, ab se, filioque productum Spiritum Sanctum, a filio cum Patre statuta omnia, uiuificante, Spiritu Sancto ab utroque procedente. Tunc Tiburtius: Haecenus unum colendum dixisti Deum supra astra regnantem, despicientemque terras: tergeminum nunc proponis: pugnat oratio. Tunc uirgo, effusa in Trinitatis mysteria, multa eloquentia, & magno ardore pellit incredulitatem, effugat ancipitia. Et Tiburtius, diuinam in uirgine speciem, caelestemque admiratus eloquentiam, genibus eius affusus, demisse gratias agit, quod breui ser-

mone



mone expulisset ex animo de trino Deo dubitationem. Virgo erectum iuuenem iterū oratione inflammare, iterum mulcere. Sed Tiburtius, Valerianum respectans, ait, de cetero satisfactum sibi esse, haerere tamen pectori scrupulum non mediocrem de his, qui alia in patria post fata traducunt aeuum, num aliquis ex eo loco ad uiuentes certum aliquid attulerit. Sed cognata, praerupto alterius cum fratre sermone, quem rudem fortasse intelligebat, nec adhuc sistendum in proelio uti tironem, sic Tiburtium est allocuta: Mortuorum anastasis, Tiburti, diuinæ argumentum omnipotentiae, Sibyllarum uaticinio, Apostolorum praedicatione, prophetis testibus, fidelium omnium consensu, postremis tamen temporibus, solisque orbis terrae funeribus reseruatur. Sic enim statutum a Deo est, ut post mundi totius conflagrationem, post ignem e caelo demissum, dissoluta compagine molis huius, & redacto in puluerem mortis orbe terrarum, ad Archangeli uocem, ad nouissimam tubam, mortui qui in Christo sunt, resurgant primi, & quae in monumentis delituerant corpora tabo, & uetustate consumpta flante spiritu, quo uiuunt, omnia rursus uitalem animam trahant, & rediuiua: fecunditate resurgant. hinc rarus ad nos reditus mortuorum ante orbis interitum. Tria namque sunt in praesenti uiuentium receptacula post funus: Primum, ubi noxiorum animi detinentur, perpetuas luituri scelerum poenas, inter feruentia anhelantis gurgitis stagna, interque perennes gemitus, ac lacrymas depascente culpas igne, nec eluente, ut numquam deficiat pabulum saeuientibus flammis, numquam perueniatur ad poenarum, aerumnarumque metam fugiunte termino malorum. ex his specubus nulla impiis egrediendi facultas datur. haec loci natura: haec condicio carceris est: hoc diuinum postulat, sancitque decretum, ut semel ingressi aditu prohibeantur ad superos uetibus coerciti sem-



sempiternis. In aliis duobus iustorum animae cōmorantur, quae uel lustralibus expiantur ardoribus ad gloriam, uel gloria iam fruuntur perbeata, utrumque permittente Deo. ad mortales reditus datur, raro tamen, ne fidei subtrahatur materia iis, quae non apparent, inhaerenti, neue coronae uictoribus, ac credentibus minuantur. Iusti quippe, Tiburti, non oculis, sed spe ducuntur, non sensu, sed fide uiuunt. Ceterum nec suscitantis potestas, nec resurgētium ueritas in dubium uerti potest. potestas diuina est, cui ad nutum obediunt omnia, quae qua facilitate uniuersa ex nihilo condidit, eadem, quae fuerunt, aliquando restituet. produxit, quod non erat; non eriget, quod coniderat? intueri propemodum omnia, quae in hac uniuersitate nascuntur, & occidunt, ut praeunte exemplo rerum ipsarum futurae spem anastasis cōcipias. fige obtutum in hoc caelum: Sol ibi decedit, & resurgit: quidquid siderum est, uide, labuntur, & redeunt: adspice camporum planities, & ueris tempore purpurescentes agros: flores in illis intereunt, & reuiuiscūt: arbores post senium frondescunt: semina corrupta uirescunt, dispersa coeunt, absumpta reparantur. ita in spei solatium nostrae ipsa rerum natura quandam resurrectionem meditatatur certis successionum uicibus, ac serie generationum. Iam uero resurgētium ueritas & ueterum praeconiis uatum, & sacris testata litteris habetur: neque enim ex illis nos sumus, qui ad adstruendam dictis suis fidem, fictas historias prosequuntur Gabieni, Tuberonis, Auiolae, aut ex poetarum cōmentis adducunt in medium Pyriouthum nescio quem, & Theseum, Herculem, Aeneamque Romanae gentis originem, ex inferis ad nos sedibus reduces, post diuturna spacia, quasi ex longinqua peregrinatione remeantes. blanditiae sunt istae theatrales, & fabricata sub ueri specie ficta concinnitate mendacia ex Graeculorum loquacitate, ac fabulis. Vnum nos addu-

cemus ex multis Christum Iesum, immortalis Dei filium, & primogenitum mortuorum, qui post fractos uoluntaria morte inimicorum impetus, post deletam humani generis labem, post opima inferorum spolia uirtute sua nobis restitutus & luci, Iudicisque donatus insignibus, docuit, diem illum, quem tamquam extremum reformidamus, aeternae felicitatis, ueraeque gloriae allaturum primordia. quid mirum? pater est futuri saeculi, & princeps pacis, qui, profusa pro nobis uita, omnium nostrorum mortem affixit cruci, imperioque eius deleta, exterminatoque, e tumulo surgens, ad argumentum uitae uiuentis terruit sepulcri custodes, spirantes strauit mortis satellites, mox regnum perennis uitae stabiliuit nullis umquam ruiturum casibus, nullis interiturum saeculis. His a Caecilia dictis, Tiburtius, ardorem dicentis admiratus, simulque cunabula Christianae religionis, ac firmissima argumenta, non amplius aduersus ueritatem depugnandum ratus, procubuit ad uirginis pedes, cum ssetu, Christum fassus Deum: germanumque alloquens, Abrumpe, (inquit) mi Valeriane, moras: eamus ad S. Urbanum: insolito namque feruore aestuat animus, nec explebitur, donec sacris lymphis immergar, deleta praeteriti acui labe, & abluta conscientia. habeant sibi ciues nostri trabeas, atque palmas: curulibus assideant: laurea effulgeant: mihi Christus instar omnium erit. properemus frater: Christo uiuendum deinceps erit. Valerianus currenti addens stimulos ducit hominem ad Urbanum, qui nouis quotidie praedis exsultans Christianis praeceptis instruit iuuenem, urget ad maiora certamina, septemque dies in Pontificiis castris habitum dimittit ad suos, plenum animorum, atque ferociae aduersus Idola, Christi que amore exarscetem. hinc familia uniuersa ad Christum traducitur, duobus fratribus cum Caecilia quotidie in acie stantibus, ac confluentes ad signa docentibus. Tiburtius, inter Angelo-

gelorum colloquia horas saepe tráfigens, nulli iam concedere, pietate insignis, magnitudine animi excellens, munificentia in pauperes eximius. Recruduerat gentiliū aduersus Christianos rabies, & furor latius bacchabatur, sublimioribus potestatibus auide cruorē exorben-  
tibus: nec in calamitate Reip. luctuosisque Augustorum funeribus caelitum irae intelligebantur. Eboraci effuderat apud Britannos spiritum Septimius Seuerus, infelici senecta, inter turbulenta filiorum ingenia, & infames Iuliae uxoris amores. post mortem eius statim filiorum iurgia, irae, atque aemulatio erupere: nec cessatū ab odiis, donec, Geta in sinu materno iugulato, Antoninus Bassianus Caracalla fasces assumpsit, cruenti exordia principatus a nouercali concubitu, incestoque auspicatus, patre crudelior, Alexandri Macedonis, Syllaeque mirator, Achillisq. luctus, lacrymasque imitatus, Patroclo parentantis, ex Graecorum fabulis, uel crine detonso, feralem dexteram amicissimi sanguine sibi consecrandam ad posteritatis admirationē putauit, madefactamque Germanorum, ac Getarū funeribus deuouit, non mitior Alexandrinis: ostentationeque nuptiarum elusis Artabano, regiaque Parthorum, lugubrem, & infamem sui apud eas gentes memoriam reliquit. sed ipsis Megalesibus inter Carras, Edeßamq. confossus occubuit. pullatoque praetorio Opilius Macrinus, imminētium malorum haud improuidus depulso, purpura circumdatur. Verū nimia eius crudelitate irritatus miles desciscit ad Variū Heliogabalū Antonini falso filium creditum transitione facta, Semiamira impudicissima femina genitum, & Variæ nepotem. sed scortum infandum, & omni lue funestius post ludibria naturae, ac sexus serius, quam oportebat, ad inferos detruditur, sublato ad fastigiū Aurelio Alexandro, in urbe Arcene nato: &, quantum in Heliogabalo uitia praepolluerant, tantum in sobrino uirtutes emicuere:

nec maiorem Syria tulit , licet barbaram ipse originem , & peregrinos natales indignaretur, Metellorū cognationem praeferebat, iuuenis admirabili fortitudine, uel inter tumultuādum exauctoratis legionibus, ac singulari modestia, ac pudore erga maiores, senatumque . Hac uirtutum indole motis in orientem signis, Artaxarem, a Parthis ad Persas translatis imperij fama, gestisque pernobillem, Asiae minitantes, instructumque septingentis elephantis, mille & octingentis curribus falcatis, equitumque cxxx fudit, fugauitque, non sine ingenti Persidos luctu, atque ignominia . Romana prorsus fortunata Resp. atque in aeternum uictura, si tam insigni moderatore uti, fruique potuisset . ille, moribus castus , spreto pompae, fastusque, bonus in omnes, nec Christum Deum dedignatus, in sacrario locatum, inter numina gentilium, indigetesque: unde erga Christianos mitis, atque beneuolus . sed optimum Principem decipere ministri, pessima imperij instrumenta, quibus plus licet interdum, quā ipsis Principibus: nec quidquam magis dominantibus officit . Domitius Vlpianus, a Papiniano secundus in iure dicundo, praetoriā gerebat praefecturam, implacabilis Christianorū hostis, osorque crudelis nostrorum rituum, fabulis Deorum deuinctus. hic edicta in nostros atrociter promulgare: nos maiestatis reos, nos peregrinarum religionum inuentores, nos deceptores hominum, nos Magos, & praestigiatores dicere: instruebatque pari aduersus nos rabie reliquos Prouinciarū praefectos: & se huic dederat Princeps docto homini, & gnauo: unde in nos magnae irae, & crebra supplicia, mortesque . Urbana Praefectura Turcio Almachio erat demādata, Vlpiani moribus simili. uetitumque edicto Christianis, ne trucidatorum ob pietatem corpora humo obruerent, ad maiorem religionis nostrae contumeliam, seu ob uanitatē gentilium. uetus namq. illa opinio increbuerat

rat apud eos, insepultorū animas arceri Stygiis ripis, atque Cocyto, & tamdiu per horrida loca, infernasque sedes errare, tristes, lugentesque, donec ossa sepulcro cōderentur. Sed Tiburtius, & Valerianus, spretis edicti minis, Christiana pietate accensi, inhumatorum ossa colligere, & condere terra, nutantes Christianos confirmare, & accendere, opibus sustentare, & auctoritate amplecti: interque nostros concursu uirtutum, & sanctitatis praecipue eminebant, & nobilitatis insignia ad uenerationem sanctorum transferentes clarissime fulgebant. sed prauo quorundam ingenio deferuntur Almachio ueluti Christianae religionis mysteriis initiati, edictisque Caesarum repugnantes in sepeliundis occisorum corporibus. Missa illico militari manu, rapi Praefes ad tribunal iubet. quos in hunc modum affatur: Cum nulli dubium sit, uos in pube Romana nemini splendore natalium cedere, aut fortunarum ubertate, quam ob causam insignia maiorum, & trabeas, purpuramque tam insolenter, & ignaue calcatis, foedis addicti ministeriis, & opulenta uestra patrimonia tam turpiter heluamini inter greges famosorum hominum, & egentium turbarum; spretisque sacrosanctis Augustorum imperiis, ac patriis legibus, erga eos humanitatis, atque honoris officia praestatis, qui nefarie, impieque aduersus Remp. Deosque sensere? an uespillonis munus patriciam manum decet contra maiestatem ordinis? intelligo equidem, iisdem uos agitari diis, & fanatico conciri motu, oblitos patriae, oblitos Augustalis sacramenti, bellicumque aduersus Deos immortales nimis scelerate canentes. secedite iam, & tam immanis pudeat incoepti patricias animas. iuuentae facilius ignoscimus. Tūc Tiburtius: Gloriosum profecto cōmilitium, maximeq. expetendum memorasti, Almachii. utinam cum his militare, & una albo adscriptis merere stipendia liceret, quorum tu nos socios existimas. uicere iam

iam hi, & gloriosi triumpharunt, aeternis domiciliis illati, summumque (quod est) bonum assecuti, mortalium oculis, animisque absconditum, nec intellectum; spectūque, quod in uisum cadit, nec tamen existit. Et Almachius: Quid est, quod uidetur esse, nec est? Et Tiburtius: Omnia, quae hac rerum mole continentur, animabus incitamenta malorum, ad perpetuos cruciatus per blandimenta uoluptatum subdole deceptis. Et rursus Praefectus: Quid est, quod non uidetur esse, & tamen est? Et Tiburtius: Vita, aut gaudiis exhilaranda sempiternis, aut diuexanda suppliciis. En nō intelligitur ista philosophia, nec in Lyceo, aut Academia circumfertur, hebescentibus philosophorum ingeniis, ad tantae doctrinae altitudinem. etenim, quae animo cernere, longeque prospicere debemus, haud non uere miseris obuentura eludimus, irretiti uoluptatibus; nostroque in luctu, ac funere tripudiantes, falsis ratiocinationibus felicitatem nobis fingimus. Et Almachius: Tua te num fari mente credam? uere ne ratiocinaris? Respondet Tiburtius: Loquor equidem, sed eius ore, quem toto animo sum amplexus. Et Almachius: Constas ne tibi, & intelligis, quae effutis? Et iuuenis: Intelligo, & credo, ac omnia, uti praenuntiaui, permansura scio. Et Praefectus: Cur ego in istis intelligendis hebesco, nec eorum molitorem agnosco? Et Tiburtius: Quid mirum, si animum, terrenarū rerum sordibus inquinatum, ad excelsa non effers, &, tamquam bellua, intētus praesentibus, pastuque satiat, ulterius rimari desinis? non reprehenditur iusti sententia: nec in uituperationem cadit, qui se caelestibus insinuat, triumphata impietate. o uere felices, quibus contigit ista contemplari, atque in animo penitus insigere. Tūc effusus in risum Almachius, dimoto a conspectu iuuenis, Valerianum accersit, perbenigne affatus, iubetque sapientia sua fraternam stultiā abolere, adoratis diis. Sed Valerianus, germano haud  
infe-

inferior, ueritatem dumtaxat ore, & corde confessus, ferocius pugnam capeffit, cōparatione pulcherrima cōpressa uanitate Praefecti, illulusq. idolis. Tunc ambo fratres, uincti ferro, grauiissime, ac diutissime uerberantur. Sed Valerianus inter ictus ita clamare: Optata mihi dies adest, & omni luce iucundior. ecce iam proelij discrimen, & pignora uirtutis. Et praeco ex altera parte buccinabatur: Nolite deos, deasque maledictis incessere. Et Valerianus ad spectatores: Huc ora, Quirites, huc animos intēdite: ne turpis uestra pectora metus irrepāt, ne constantiā labefaciet. standū pro ueritate est. agite, & uim numinis in cruciatibus nostris spectate. cernant iam ignominiam suam Apollo, Mercurius, Iunoque, Christi militibus sine dubio cessuri. uos noscite eorum fallacias, Quirites, & de salute uestra solliciti, Christum quaerite. iam adest. Muebantur animi, & paullatim orta miseratione, exaudiri circumstantium clamor, cum Almachius, fratrum diuitijs inhiās, ex Tarquinij Laecae amici consilio imperat liētoribus, ut germanos ad Iouis simulacrū sacrificaturos ducant. quod si recusarent, ferro conciderent. praepōnitur his Maximus, Praefecti cubicularius, haud infimae sortis uir, praeēntes ad suppliciū fratres, magnitudine animi per motus, caritateq. erga illos, in uia sic alloqui: En infelix praestantia, insignisque uirtus, quibus supplicijs deuouentur? excellensque pulchritudo, ac flos pubertatis liētoris securi proterentur? o generosissimi iuuenes, & uere Romana proles, clarissimaeque germanitatis aeterni amores, cur sic in funera tenditis, uiuentiū auram, & hūc dulcissimum caeli adspectum exhorrentes? mors ergo, atque inferi tanto trophaeo nobilitabuntur? cur ita festinatis, tamquam cenaturi in conuiuio deorum? nulli post fata homini sensus, nulla uoluptas. uiuite, & maerorē totius nobilitatis, spiritu uestro redimite, atque delete. Sed fratres, Christiana faciūdia adorti militare uirum, eo traxere,



xere, ut dilata paulisper morte Christianae religionis ar-  
cana perciperet, intellecturus infinita bona Christianis  
morte afferri in omnem aeternitatem. Tū Maximus, ob-  
secutus fratrum consilio, magnāque in spem ductus  
eorum, quae dicebantur a iuuenibus, in domum salutaribus  
monitis: veritatem intelligit. Interim Caecilia, cognitis  
duorum fratrum rebus gestis, de Maximi quoque ad Chri-  
stiana sacra propensione edocta, gestire laetitia, hymnos  
Christo religiose concinere. nec cunctatur: properat ad  
Maximi aedes, sacerdotum manum trahens. nec mora,  
aut spatium interpositum: extemplo Maximus cum fa-  
milia, lictoribusq. baptismate expiatur: ipsa dilucescen-  
te aurora ita exorditur: Eia agite, fortissimi milites: tol-  
lite iam animos, electa robora bellatium: caelestia intue-  
mini: ac, depulso tenebrarum horrore, clarissimam lucem  
prospicite oculis. arma iam, & pila quatite; ac, certami-  
ni accincti, aduersus humani generis hostem, blādientis-  
que saeculi illecebras ruite ferociter, & concinentibus  
tubis properate ad lauream, qua Iesus Christus Saluator  
noster post certaminum sudores, atque discrimina cerui-  
ces uestras decorabit. Ita omnibus Caeciliae oratione  
confirmatis, Tiburtius, & Valerianus, cum porrigere Ioui  
thura recusassent, ad Pagum (locus est IIII. lapide ab  
urbe discretus) securi percussi, occidere praestantissimi iu-  
venes, longeque omnium praecellentissimi, eximia pa-  
triae, Christianique nominis decora. Sed Maximus, sup-  
plicio praesens, maxima admiratione corripitur. eorum  
animas, caelum petentes, Angelosque circumstantes So-  
le clariore conspicatus: illa crymansque, spectatoribus  
rem enarrauit, Christum palam Deum confessus. multiq.  
rei miraculo, & nobilis uiri adhortatione ad bonam fru-  
gem conuersi, execratiq. figmenta deorum, ac nefa-  
rios cultus, a S. Urbano baptizantur. Nec Maximo diutur-  
na lux

na lux fuit, captus, ac plumbatis diutissime caesus, in cruciatibus expirauit: cuius corpus iuxta sponsum, ac Tiburtium, Caecilia marmore contextit, Phoenicis imagine in tumulo exsculpta. auem hanc ferunt Aegyptiorum fabulae oriri in Arabia, uariato distinctis colore pennis, humatricem patris, ad Heliopolim in Solis templum ab Arabia transuecti, myrrha operi, simulque parentare illi, ac sexcentorum & sexaginta annorum spatio uiuere, rursusque renasci. At Almachius, post fratrum caedem, auaritia faucius, anhelare fortunas, & de his non negligēter perquirere: sed eas pauperum necessitas absorplerat largitate Caeciliae: quam ut coniugem Valeriani non intactam Christianis sacris existimās, in eam magno impetu ferebatur, detecta pecuniae cupiditate. minatur igitur: missisque lictoribus, sistendam concioni curat. Perurgentes ministros, uti sacra faceret, supplicaretque diis, seruata inaeſtimabili pulchritudine, sic Virgo est allocuta: Etsi uos pudet, pigetque, fratres, ac ciues mei, amplexari Praefecti uestri iussa, ut nimis atrociam, uosque maxime abhorrere a talibus intelligā, summo mihi decori est, pro Christi nomine trucidari: quippe, nulla habita aut uitae, aut dignitatis ratione, huius usura lucis praepediri. summā mihi felicitatem, & uberima praemia certo scio strenue dimicantibus ab imperatore meo proposita: & decet pugnacissimos non languide cadere. ita uixi, ut, hunc finem laborum diu augurata, semper optarim. militibus signa deserere fas non est, morteque piatur: & ipsa praemissos iam ad caelestem triumphum cognatum, spōsumque haud ignaua sequar. uos, Praefecti mandata explētes, de me, ac iuuetute mea cogitare desinite. felicior uita in nece quaerenda est. Tunc illi, constantia orationis in miserationem, luctumque reuoluti, lamentari, obsecrareque Virginem, ne florentissimam pubertatem, ne augustissimam speciem im-

L

mature,

mature, ac saeue pateretur absumi, ne ue summa generis  
 decora, annorumque florem obstinate proterer, dedi-  
 gnata auras, dedignata uiuentium adspēctum, oraue.  
 satis luctus, satis maeroris in urbe prospectum, tot in u-  
 num coaceruatis corporibus. arefceret tandem lacryma  
 in curiae oculis. laetaretur forum, tot funeribus attrum,  
 ac squalens. erepta ab orco, inferisque uiueret ipsa: &  
 uita sua exhilararet uirginum choros, uniuerfamque ci-  
 uitatem, familiae calamitatibus ingemiscētem: mulce-  
 ret animi ferociam, & ad suauiora flecteret, praesentibus  
 laeta, nullaue ignoti mundi cupiditate incitata. sapien-  
 tissime a natura mortalitati consultum nihil de diis ul-  
 terius inquirendum, quam quod uetustas firmasset. pro-  
 inde reconciliaretur diis, cumque potentioribus pugna-  
 re desineret, opes, uitā, gloriamque nactura. Sed uir-  
 go, petra pedibus infessa, tamquam caespitio. in sug-  
 gestu, apud castra animi dolorem demens, imbecillita-  
 tem castigans, adhortansque ad meliora speranda, enu-  
 datis fabulis deorum, ac portentosis figmentis, insigni  
 facundia effecit, ut uniuerſi Christum faterētur Regem;  
 Deumque. Et accersitus a uirgine Urbanus, plusquam  
 c c c c. in aedibus uirginis sacro fonte abluit: inter quos  
 praecipue effulsit Gordianus quidam nomine, eminenti-  
 ssimae nobilitatis uir, praecellētisque pietatis, & a-  
 more erga uirginem cunctis praelatus. Post haec uirgo  
 adducitur ad tribunal, ingēti pugnae cupiditate succen-  
 sa, pectore ferox, & insidente numine daemonibus mi-  
 nax, cultoribusque eorum, ac nobilitatem, maiorumq.  
 decora, ueluti oculis, incessu, & ore praefereus, ac Chri-  
 stiana insuper demissione clarior, totque triumphis par-  
 tis, fufisque hostibus Praefecto terribilior. cumque de  
 nomine, origine, ac religione fuisset interrogata, prae-  
 clareque respondisset, offendisse Praefecti animum uisa  
 est Christiana libertate deorum, ac Caesarum iussa par-  
 ui fa-

ui faciens, iactante praesertim Almachio fascium terrorem, & amplissimam potestatem, etiam in ciuium necem; simulque instante, ut, maiestatis accersita, deleret obiectum in deos impietatis crimen, accenso thure, exhibitoque numinibus cultu, atque alienis infortuniis, domesticisque malis edocta, consuleret iuuentae, uitaeque, ne ue animi contumacia, atque elato supercilio, infringeret regnantis clementiam, aduersus deos petulanter garrrens, exsecrareturque tandem Christianas superstitiones, ac pari animi celsitate fateretur errores, reconciliata diis, aeterni imperij praesidibus, atque innocentissima totius ciuitatis testimonio declarata, accusatores, delatoresque praeclare uinceret, nobilissima adolescentia, atque admirabili specie ex mortis faucibus ereptis, ac conseruatis. Cui Caecilia ita respondit: Desiste loqui tandem, Almachi: praeclara ista tua oratione nihil est profectum. non intelligis, quanta sit dignitatis, Christi sponfam censeris. sat tibi est, iactare concessam a Caesaribus potestatem. hac tu inaniter tumes, quae ultra tamen necem facuire non potest. nam, mortuis donare lucem, unius est Dei, o uere aura inflatus uter: quem ubi acu pupugeris, statim deturget. sic tuorum fascium terror, atque securium. misce iam manus: expedi uirgas: ignem accende: acue mucronem: torque faces, hastasque: imple crudelissimorum Caesarum imperia: immitte feras: carnificinam exerce: adsum ego haud puido pectore. spectabis, Almachi, (& quanto cum dedecore tuo, imperatorumque tuorum?) nil fatenti Christum nocuisse tonantis uestri fulmina, aut irati Gradiui hastam, frementis ue Neptuni tridentem, simulque fulsisse inaniter aegida, haesisseque Dianae spicula. heu Graeculae fabulae, & infelicia commenta ad ueritatis occasum. En quā uere apparet in summa te rerum ignorance uolutari, atque in mirabili caligantem

splendore circumferri? lapides, aera, testam, ceram-  
 que tu Deos nuncupas? pelle tenebras, miser: suppo-  
 remque mentis detrude tandem: animumque ad certio-  
 ra attolle: disc: nec pudeat in amplissima potestate sa-  
 pientioris parere praeceptis. Tunc Almachius, multum  
 increpata uirginis audacia, uehementi ira succensus, re-  
 duci eam in penates, ibique balnearum ignibus absumi  
 iubet philosophi personam, quam ad famam sustinebat,  
 oblitus, praelato cultu deorum. acernatur interim flamma,  
 urgenturq. ardores feruentibus aquis. uirgo, Chri-  
 sto plaudens, gratesque agens, spernere turgentium  
 flammaram uim, &, tamquam in amoenissimo loco col-  
 locata, non aestuare, non sudorem emittere, incendium  
 ue sentire, sed, manibus expansis, ac pectore intrepido,  
 ueluti e concione, affari circumstantes, Christi signa,  
 uirtutesque docere, atque ad uirtutem adhortari. Quod  
 ubi Almachio relatum est, praecepit lictori, ut caput ui-  
 ctricæ abscinderet, ne diutius illuderetur maiestas deo-  
 rum, spernereturque. Ille, mandato parens, concionan-  
 tem uirginem naetus, ter in ceruice gladio appetiit, haud  
 pleno ictu, abscessitque, seminecem illam relinquens.  
 manabat cruor, irroransque candorem carniū macula-  
 bat, atque inficere aquam, piorum turba flebili eiulatu  
 circumsonante, ac linteis, spongiisque sanguinem de-  
 tergente. illa, impauida, uel in limine mortis magnani-  
 me intueri proximās, solari aegros, ad Christi religio-  
 nem, amoremque acrius inflammare: accurrentemque  
 S. Urbanum cum sacerdotum multitudine ita est allocu-  
 ta: Trium dierum indutias, Beatissime Pater, a Christo  
 impetraui, ut domum hanc in templum erectam, expia-  
 tamque conspicerem; simulque fortunas (quae adhuc  
 supersunt) Sanctitati uestrae traderem, in pauperum u-  
 sum, necessitatemque. hi namque praecipue uiuenti mi-  
 hi curae fuere. nec iam in occasu obliuiscar. has accipe-  
 iam

iam ipsa laeta ad superna proficiscor. Expleto triduo, feliciter animam exhalauit, decimo Kal. Decembris. Corpus eius, sublatū, in coemeterio Calixti, ab Urbano Pontifice honorificentissime conditum est, inter Episcoporum, ac martyrum sepulturas: quod longo temporum interuallo repertum, uel recenti sanguine perfusum, Paschales I. insignis pietatis, ac nominis Princeps, in aedem S. Caeciliae, cum Valeriano, Tiburtio, aliisque martyribus religiosissime transtulit, aggestis praconiis, ac repetita gloriosissimae bellatricis memoria.







S . B A R B A R A  
I V .



Arbarae genus non ignobile, ac fordium, sed inter Bithynos clarissimum exstitit, Graecae licet originis. Nicomediae nascitur in Bithynia, gētis principis, a Nicomede Rege cōditae, in Astaceno sinu, magnae, atque eximiae postmodum gloriae opidi, sedem ibi locante imperij Romani ad orientem Diocletiano, filia Dioscori, (genitricis nomine iacente in tenebris) cuius opulentissimi, & multi nominis, sapientiae dediti, & philosophiae amanti. pubescens traducitur a patre idolorum ad studia, & disciplinas: exstinctaque matre, Dioscorus ipse gemino fungitur parentum officio: filiam non lanificio, sed philosophiae addicit, perquisitis undique magistris supra privati hominis condicionem. sed Barbara, alma in eā flante aura, auditis Christi uirtutibus, signisque, Ethnicorum fabulas, & portentosa idola haudquaquam numen redolere intelligens, animum ad maiora attollere, interdiu mortalium calamitates animo euoluere, lucem utero oclusam fetido productam semine. hinc primo ex adspēctū aurae uagitus, dolores, molestias, aerumnas, uexationem fortunarum, proelia animi, & cupidines diras, & inexplebiles, trucem Martem, & omnia polluta, foeda, crudelia, & misera; rursus contemplari caelum, cursus, astrorumque uarietatem admirans, alia ignea uidens,

dens, alia argentea, alia liuida, alia omnia, eiusdem tamen naturae, septem exceptis, eundem locum, ordinemque seruantia, illa quoque septem magnitudinis eximia, certis inter se discreta spatiis, uariisimisque motibus, certissimisque, diurno motu, diurnoque spatio ab ortu ad occasum decurrentia; Solem praeterea proprio obliquo se motu uoluentem sub Zodiaco, nusquam hac illac dessectentem, sed semper sub medio, peragentemque annuo hunc motum interuallo, motuque in hoc inaequalitates quasdam perennes, stabilesque habentem; mitigantem etiam eo decursu omnia sub Lunae contenta orbe; Lunam porro ipsam citimam terris, menstruo spatio cursum proprium absoluentem, uagam hac illac ab Austro, Septentrioneque uelocitatem, tarditatemque, certissimis uariantem legibus, illustrataeque ad nos partis maiorem, minorem ue portionem conuertentem, uariasque exhibentem figuras; molem hinc terrarum, gurgites aquarum, fulminum iactus, fragores, imbres, tempestatesque: hinc postea uersare pectoribus causas, ortus, occasusque rerum, arcana naturae perdiligenti exactione rimari, haurire ex philosophorum libris: nec tamen post multos labores, & intelligentiae conatus contentum animum, nec expletam cupidinem intelligere, inter ipsas epulas, lautissimaque Philosophorum conuiuia esurire. laudabat nonnullorum acumen ingenij philosophorum: ceterum abhorreere pugnas, & disceptationes circa exordia, & originem rerum: plus subtiliter, atque acriter disputatum, quam ueram traditam, & haud incertam disciplinam: nec frustra quidquam a natura progenitum: esse aliquem moderatorem, atque architectum, nullius egentem adminiculis, suo omnia regentem nutu, suoque contentum, & felicem numine; Iouem uero, agmenque illud decorum haud tantae esse uirtutis, maiestatis ue, ut talia tamquam diuina eorum in iussa caderet.

caderent, & sapientiam: coepisse eos, & natos esse, fabulis quoque celebres, inter ludibria, & ignorationem mortalium, inter infanda stupra, adulteria, casus amorum, atque obscena mulierum donatos sideribus perpendere. igitur tentanda sibi Christianorum arcana constituit, accersitisque quam occultissime Sacerdotibus, ab his Christiana religione imbuitur, scribente non raro ad uirginem (ut fertur) per Valentinum presbyterum illustrem hominem, assuetum Dioscori frequentare penates, notumque propter grauitatem, sanctitatemque morum Virgini, infortunato Adamantio Origine, qui per eam tempestatem Asiae magister, per crudelitatem Septimij Seueri Leonide patre orbatus, terrarum orbi claritudine disciplinarum, concursuque uirtutum illucescebat, prorsus omni aeternitate dignissimus, & supra reliquos Christianae disciplinae professores eminentissimus: nisi, haereseos facibus adustus subsequenterque saeculis infamis, diuinitatis mysteria, interiectis philosophorum insomniis, fabulisque defoedasset, ad piarum mentium perturbationem concursuro funestis postmodum inter se cladibus orbe, nec contaminasset clarissimum nomen, cum exitio sui, & tripudio inferorum, hostiumque, adeo ut qui plurimos ad martyrij gloriam, decusque accendisset, ipse postea inglorius uix tentato certamine abiret, pristini oblitus ardoris, quando pater Romanam securim in uulnera, caedemque laceffebat, materque subreptis uestibus, cum nondum XVI. annos agentem, ruentemque in occasum astute in penetibus inhibebat, ad sex fratrum solatium, multorumque salutem: inurunt & aliam infelici notam, ne pateretur infanda, ad Aethiopis stupratoris conspectum iniecisse tura igni, diisq. libasse. igitur, surdis haudquaquam Barbarae auribus ad tantam prodigiorum excellentiam, gloriamque, satis docta de origine orbis, & sine, Christo animum, & castitatem uouet:

M

miro

miro illi ardore inseruit: excubat diu noctuque in sacris perlegendis historiis, aut precibus: implet opere mandata: incredibili splendet pietate: nec forma, & dignatione corporis obscurior laeto patre inter filiae decora, & gloriam. sed suspiciosus senis animus (ut plerumque fert ea aetas, experta iuuentae lasciuias, & pruriginem, & casus, simulq. suae non ignara imbecillitatis) ne puella omnium oculis pateret, & ideo succumberet, inter crebros amantium ictus lacerata fama, id quod haud raro cōtingere solet in summa pulchritudine rara cum honestate concordia, & mortalium ingenio haud talia aspernante, pulsari inter risum, & tacita gaudia, angi etiam, & torqueri: quippe si affinium, cognatorumque animis suspicio inhaeserit, lentior, & diuturnior, amantium uero crudior, uehementior, acerbiorque. quamobré Dioscorus excelsam turrim aedificat: eā pro gynaeceo filiae attribuit: honesto saepit comitatu, dimotis iam a latere magistris, ne, specie doctrinae, disputationisque, libarent natae pudicitiam: id genus hominum audax, proiectum in Venerem, &, ut sordidum, spectum, & ideo inter commoditatem, & derisum in amoribus non infortunatum: omnique non improuide consilio occurrit. ceterum puellae nomen, dignitatemque uulgi sermones fama clariore, maioreque (uero ficiis admixto) foras trahere, excitata, uexataque multorum mente, plerique in taedas, & faces exarsere ad pulchritudinis famam Virginis, accolarum ingenio obnoxio Veneri in magna rerum ubertate, caeloque haud mitigante pruriginem, inter cōmoda pacis Bithynia per plures annos in altissimo otio posita, procul omni armorum strepitu, interque delicias, & saeculi luxum, multarum expugnata uirginum castitate acre modico, pollutis ue thalamis, stratoque uiduarum pudore, & modestia inter uiuentium gaudia, impudicorumque risum, tristibus defunctorum animis macrenti-

rentibusque cineribus. igitur in uxorem multorum precibus uirgo expetitur. facilis fuit ad uoluntatem amantium genitor, & liberorum uoto, & filiae caritate, quam, in flore aetatis constitutam, atque immodicis aestuatem ardoribus, credebat haud refugituram oscula, amplexusque mariti, optatum plerumque puellarum uotum, perennemque cupidinem. sed, antequam certum in consiliū, condicionemque descenderet, ad exploranda consilia, mentemque, hac super re alloquendam filiam ratus, in turrim adscendit, complexusque accedentem ad oscula, natam ita affatur. Tantam erga nos, familiamque nostram, & praecipue erga te immortalium deorum benignitatem experior, ut iam uberiora, magnificentioraque, quam pro spe assecutum me cernam, planeque intelligam, euitandum dehinc ingrati erga superos animi scelus, & religioso uoto, piaque supplicatione, uoluntateque his satisfaciendum, ut gratiores se nobis posthac non impie eorum utētibz fauore exhibeant. ego, amatissima filia, talem te, qualem a diis immortalibus apprecatus sum, cerno nunc oculis: obuersantur iam ante oculos futurae insignia gloriae, & dignitatis splendor: intelligo generis famam nostri per decora tua Asiae nō ignotam fore: aetas tua nubilis est, mihiq; ad sustentanda senectae incommoda felicem prolem auguratur, planeque promittit. prudentis, castaeque uirginis est, nō obluētari parentibus, nec maritalem proterue ignem spernere, atque deprimere, hac praesenti tempestate, inter fasces, & iura Romana. multorum circa me ora collaerymantur, multorumque pectora assiduo maerore, cupiditateque tunduntur, qui te, propter egregiā pulchritudinem, dignationem nominis, famamque pudoris, uenustatemque, (felicia parentum pignora, & decora) in uxorem exposcunt: itaque, certis antequam consiliis addicerem animum, (suasit caritas, insatiatusque erga te

amor) rem auribus non subtrahere tuis, ut cognita uoluntate tua, feliciori omine, certiorique desiderio, fauente superum benignitate, taedas auspicarere: nec tibi Asiaticus ciuis, aut aduena Latinus denegabitur. habes a me consilium, filia: imple & tu uota. Tunc Virgo, suffusus rubore genis, demissa uoce, & blanda, uultu hilari, ita respondit: Magna mihi res, carissime pater, & noua obiicitur, magnumque onus impar puellaribus annis imponitur, aliarum sit festina Venus, & accelerata proles: quoniam sic inter hanc temporum licentiam in obscena lubet cupiditates delicere: mihi uero dispar animus, & cupido. satis dignas auspicaturam nuptias intelligo, si ipsa, dumtaxat de me edomitis cupiditatibus, extinctoque illecebrarum ardore, triumphem. hac in palaestra mihi desudandum. res certe difficilis. at in arduo uirtus conspicitur. Venerem, cupiditatum refugium, & corruentium solatium, non ignoro. ceterum in caelibatu aeternum decus, & quies: id mihi in uoto, uel cum discrimine lucis. posthac omnis coram me sermo de nuptiis conticescat. id pro mercede (mi genitor) accipiam amoris erga me tui, quod assecuta, satis superque me abs te amari dixerim. Quo sermone uehementer Dioscorus ob-  
turbatus, deiectus spe sua, cum minime animo reputasset filiam usque adeo addictam castitati, ut, spretis uoluptatibus, quas adeo flagrant<sup>enice</sup>, rabideque puellaris anhelat aetas, reluctaturam<sup>enice</sup> mandatis, imperioque, & ipsi blandienti Veneri, statuit, relictis patria, focusque, externa, longinquaque lustrare, ut, uidendis exterarum gentium moribus, ritibusque, leniret angorem animi ex filiae repulsa, obstinatoque pectori ex absentia sua incuteret desiderium. sed, antequam abscederet, seque itineri committeret, nobile balneum prope turrim aedificandum curat, cum ad ornatum palatii, & gynaecei, tum ad commoditatem filiae, ancillarumque, secetratrice talium balnea-

balnearum antiquitate, nec parca, unde luxus, intemperantia, illecebrae, lautitia, atque inhonesta, apud iuuenes praesertim, puellasque, oriebantur. Quare uidetur mihi summis non immerito laudibus celebrandus in omnem aeternitatē Philippus Austrianus, Caroli Augusti filius, Regum clementissimus, opulentissimusque, ob balnearum usum in uniuersa prohibitum Hispania ad exterminanda incitamenta libidinum, ac malorum. At Dioscorus, accersitis operis, distributa mercede partitus opus, prius magnitudinem, structuramq. architectatus, peregre abiit. Ceterum Barbara, haud tristis paterno discessu, libera ab omni cura, urgere se ipsam, nimis se segnem, & ignauam compellans, quoniam nihil adhuc memorabile pro Christo gessisset: abstinentia euincere seipsam, nimio castitatis studio inardescere ex geminato odio thalami: assiduus se precibus Deo demississime commendare: sibi non ignoscere: nec molliter inter lusus, risumque traducere tempus; sed tenellos annos inter uigilias, preces, silentium, & lacrymas firmare, chlamyde exornata, cilicio interna affligens: deinde Christianos allocutura flamines, relaxandi animi specie e turre descendens, comitata ancillis, diuertit ad balneum, cuius iam haud spernenda attollebatur moles. animaduersoque uitio, gemina dumtaxat ad Septemtrionē designata fenestra, quaesiuit ab Architecto, cuiusnam id consilium esset, cur non tertia fenestra adiiceretur? Responsum, proficiscentis id Dioscori imperio iniunctum. Tunc Virgo: Addite uos & aliam. Tunc operae ostentare mandata patris, & uoluntatem, simul uereri se illius indignationem asserere. Et Barbara: Mihi, nō uobis, si quid peccatum erit, adscribatur. culpa nocentem urget. pro uobis hoc caput haud trepide stabit. sed nullum timēdum erroris dubium. ipsa iubeo. Paruere tunc ministri, moti cōstantia uerborum, uultusque maiestate attoniti. Scinditur in pariete tertia fene-



fenestra, nascentique aperitur prospectus Soli. Ambiens inde aedificium uirgo, structuram cum uoluptate cõtempnatur. Versam deinde ad ortum digito in marmore crucem duxisse perhibent tanta agilitate, & mollitie, ac si in luto fixisset. inde, ingressa balneũ, scaturientem ad aquam alte uestigium impressit. mox, allocuta Christianos, trinae in hypostasis nomine salutari se aqua abluedam curauit, ipso Origene sacro mysterio religiose famulante. reuersaque in gynaeceum, conspectis in larario idolorũ statuis, multa ab his sciscitatur, multaque perquirat. Quibus mutis, silentibusque, indignata uirgo, grauiter infremere caritate genitoris, (quem indignissime his inferuentem uidebat) mox sputum in ora iacit cum cachinno, miseros illos, atque infelicissimos uocitans, qui ipsis oblato thure fidem haberent, nullo lucro, certisque suppliciis. Inde, Angelicos saepe hauriens affatus, incredibili pietate feruere large in pauperes effusis fortunis. Reuerso postmodum genitori, post salutationẽ, & oscula, & ex contemplatione aedificij animaduersa fenestra, indignanti, sciscitantiq. facti auctorem, detecta a fabris Virgo, constantissime respondit, multisque rationibus tergeminam excipiundum ad lumen necessariam esse fenestram asserit, tergemino lumine illustrante mortalem. iactae ambages incussere sciundi cupidinẽ patri. instantique, ut patefaceret arcanum, & secum de philosophia, disciplinisq. cõtenderet: Virgo, almo impleta spiritu, cũ grauissime esset exorsa, trini Dei aperit notionem, & secreta, nec id apud Platonicos (quorum ingenium inter philosophiae professores magis ad caelestia accessit) ignotum asserens, infirma licet oculorum acie ad tanti claritatem mysterij hebescente, probe tamen intellectu apud Christianos, quorum in religione uerissima sententia esset, & certissimae fidei sacra haudquaquam adstruẽta fabulis, & mendaciis. Quibus dictis, inflammatu ira Dioscorus,

scorus, cum non modo filiam, contumaciter sua detre-  
ctantem imperia, uerumetiam impie rebellantem a ue-  
teri, gentilique religione uideret, arrepto gladio, mina-  
cissime in Virginem ruēs, macaturus in penatibus erat,  
adpersurusque sacrato cruore funesta, simulacra dae-  
monum, ni puella saltu celeri, citisque gressibus cubicu-  
lo se proripuisset, ac proximum in mōtem secessisset. Fu-  
giētem persequitur pater: attente uestigia premit. iam-  
que apprehēfuro patefacta repente petra aufertur dirius  
minitanti, indignantique. itaque haesitans omnia cir-  
cumlustrare, & perlegere oculis, sudore oppletus, anhe-  
lansque. factum duobus dumtaxat pastoribus cum gre-  
gibus per accliuia gradiētibus uisum. oborta admiratio:  
unius fuga, alterius cursus, uultus unius pauentis, sed in  
pauore gratissimus, alterius ferocientis, saeuientisque  
trahere in curam nōscendae rei & causae. haud frustra-  
tur Dioscori insania magis, iam non ira modo frementis,  
sed pauidi dedecore sui (ne filia aduentantibus tenebris  
latronis praeda foret, atque in ludibrium raperetur) eo-  
rum cupidinem. igitur de filiae fuga ipsos interrogat pa-  
stores, quo intendisset cursum, quas quaesisset latebras,  
(ira quippe in fractura saxi distulerat a prodigio oculos)  
uerticem num montis, an ima tenuisset, quibus ue occlu-  
deretur uirgultis, antrisque. Mota uni ex his pietas ex  
indignitate fortunae, Virginisque poenarum, si furenti  
praeda patri concederetur, grauiter ingemiscenti, affir-  
mantique, nequidquam sibi uisum. at alter, montana fe-  
ritate usus, ingenio belluino, ex habitu, uultuque Dio-  
scori, Principem ciuitatis facile illum esse cōiectans, au-  
cupaturus hominis gratiam, digito puellā ostentat. Sub-  
secuta cum prodigio ingēti ultione ex imprecatione Vir-  
ginis horribili, uersam namque in lapidem ouem ferunt  
gramina carpentem, tulit imbelle, innoxiumque pecus  
procacitatis, impietatisq. herilis poenas. auaro nullum  
gra-

gravius malum, & pestis, quam fortunarum dissipatio, & iactura. At Dioscorus deprehensae os Virginis pugnis, & tergum calcibus contundit: nec, ut in filia caritatem, aut in Virgine pudorem, aut in femina fragilitatem, uel in puella simplicitatem, uel in pulchra indulgentiam respiciens, trahitur ueluti lymphata perdumos, saxa, uepres, & praecipitia Virgo, discussa caesarie, laxataque per humeros praebente funium usum. uox nulla excepta pauentis, sed tantum Christum celebrantis. constantia filiae acerbior paterno in pectore rabies exsuscitata, altiorique hausta uulnere anima, dum spumat, assultat, furit, & uerberat, maiores ipse ex desperatione, ira que perfert poenas: sentit inexpressibilem dolorē, uehementissimumque cruciatum, rorantem cruore Virginem, laniatis genis, cruribusque, tumente papilla, liuido tergo, cruentatis oculis domum perducit, cellaque perangusta concludit, obductis foribus, interiecta etiam catena, oppositoque custode: arcet ab aditu famulas, quae in calamitate dominae muliebriter flebant, lamentabanturque, ac si occidisset. excludit consanguineos. ipse nullis amicorū mitigatur alloquiis, nulliusque excepta consolatione, aut consilio, dirae pectoribus insidere, piaculum, spectorumque fauor numinum, auitaeque conculcatae religionis iniuria rapere in caedem, & sanguinem, simul ostentari rescripta, edictaque Caesarum, quae Christianorum ritibus, eorumque fautoribus atrocissima supplicia infligebantur. par famulantia Caesaribus pectora rabies inuaserat, nihil Augustis gratius fore putātia, quam si gentili cruore immania, taeterrimaque eorū iussa sancirent. Enimuero Maximinus, huius nominis primus; Thrax, uilissimae homo condicionis, pudendorum natalium, summae, inauditaeque crudelitatis, efferatque prorsus ingenij, ceterum roboris eximij, audaciae terribilis, uastae corporis molis, informisque proceritatis, profun-

profundissimae gulae, perniciosissimaeque uelocitatis per  
 sumum scelus, diramque prodicionem ad opidum Vi-  
 celiam haud longe a Magontiaci in procinctu Germa-  
 nici belli ante aquilas in ipso praetorio trucidato Ale-  
 xandro, Mammeae filio, clarissimo Imperatore, XIII.  
 per annos rem Romanam sapientissime, fortissimeque  
 moderato, terrarum orbi, Capitolioque (dirissimum sce-  
 lus) iura dabat. hic, odio Alexandri, quem a nobis non  
 alienum intelligebat, pietate Mammeae matris, puden-  
 tissimae, excellentissimaeque feminae, (quam Antio-  
 chiae in ardore Perfici belli cum filio aduersus Artaxe-  
 rem proficiscentem ab Adamantio Origene Christianis  
 imbutam ritibus, sacrisque fama uulgarat) impiissimum;  
 atrocissimumque nostris bellum intulerat, ac si Germani  
 nos quoque essemus, quorum terras funestissimo Marte  
 uexabat. itaque non minus nostro, quam Germanorum  
 cruore, Rheni, Albisq. gurgites redundauere, tepuereque  
 Septemtrionis pruinae, Hercynia caeforum cumulos nō  
 fiste lugēte. uiolentissimum armorum fulmen per triē-  
 nium ubique tactis, concussisque grauissimo metu ter-  
 rarum gētibus, in ipsius tandem execrabile auctoris ca-  
 put recidit, tumultuante Africa, & Romano Senatu com-  
 muni cōsensu capeffente arma, uel tribus aduersus Thra-  
 cem Caesaribus belli ducibus acclamatis, ac permissa  
 Rep. ad Aquileiam meridiano tempore, Vrbi, Italiaeque  
 fatum coquens, militari coniuratione cum filio praestan-  
 tissimae pulchritudinis, exoptatissimique mulicri oris,  
 uoracissima, taeterrimaque bellua trucidatur, fera uicti-  
 ma, sed haud ingrata Alexandri, peremptorumque cine-  
 ribus. At Dioscorus, in insania crudescens, extemplo  
 (ne filiae respirandi spatium daretur) adiit Martianum:  
 (is tunc Nicomediae ius dicebat, sex fasciū honore prae-  
 fulgens) rem, ut gesta erat, enarrat: poscit acui mucro-  
 nem, accendi rogi, produci feras, filiamque crudelissi-

mis discrucari suppliciis, uoluptatem suam ex torrendis Virginis uisceribus, corporeque sulturam: non illam ab se existimari iacturam, sed sacrum: dummodo consulere-  
tur Religioni, dumque Caesaribus honos adhiberetur. Si filiam inultam dimitteret, ingentes haud dubie sacra ueterum passura ruinas, cum summa turpitudine. patrem se esse, sed malle carnificem, ne quid execrandum, atque inextinguibile ex offensorum ira numinū Augustalibus tra-  
beis, diuinisq; capitibus contingeret mutatione sacro-  
rum proculdubio portendi excidiū, perturbationemque terrarum dicere. Tunc Marcianus, collaudata hominis constantia, & religione, quoniam Deorum amore filiam perditum iret, sisti ante se uirginem, maxime incitatus reliquorum diritate Praefectorum, iubet, trux ipse ingenio, & a puero exercitus inter arma, infaustosque excisarum urbium cineres, stratorumque acervos, gustato cruore, dextera terribilis, pace funestus, bello excellens; (prouisum quippe fuerat Augusto, crudelissimā molienti carnificinam, esse cum fascibus, iisdem moribus, & diritate mortales) quam etsi male affectam contemplatus, utrimque datis in occursum forte oculis, magnopere obstupuit, repressaue ira, qua paulo ante stolide efferebatur, decora uirginis legere non incuriose corpus excellens, decoram proceritatem, flauentem comam, niuea pectora, & si uestis multum cupiditati oculorum subtraheretur, os augustum, oculosque, & si risus, frontisque affuisset cum benignitate hilaritas, prorsus eximia omnia. itaque miseratus puellae, blande illam pertentat, mulcet cum praeconio pulchritudinis, famaeque, indignantem, uel in calamitate uirginis animum. Vnde, inquit, nobilissima puella, Asiae sidus, decusque Nicomediae, & non imperite almae aequanda Veneri. Vnde, praeclarissima Barbara, tam noua mens, & adeo insanus erga uilem hominem, crucique affixum, amor transuersum rap-  
tat

tat animum? quantū dedecus gentiliis accersitur imaginibus, quantaque paternae inuritur nota uirtuti, & famae? unde feralia ista hausisti dogmata, spretis patriis, quae tot per faecula, annorumque seriem uiguerunt ingrata profecto pro tot beneficiis erga superos existis, qui tantis te decorauere honoribus, seu ingenij, seu fortunae. horrendum piaculum, obliuisci beneficij, pugnaeque aduersus beneficientem. nihil hoc tætrius, nihil inhumanius. nulli fas, o Virgo, post Augustos recentia introducere Romanum in orbem numina: uide, quaeso, quo tua uergant consilia. satis iam poenarum omni in plaga terrarum ex Christianis haustum accepisti. omnes in eos armatae gentes assurgunt: explicatisque uexillis bellant cum his aeternae legionum uires. ipse minacem in uiscera gladium euibrat Augustus: Romana iam cuspis eorum ubiq. sanguine tepescit: defixique nocentium pectoribus adhuc mucrones, & pila tremunt. portentosa superstitio nullo in angulo tuta latet. age tu, modo, Barbara, teipsam respice, metire pulchritudinem, consule iuuentam, cole Iouem, accende ad aram thura, tua manu mulce deos. nihil superis acceptius, quam puellare donum, & simplicitas: e caelo euoca in terras numina: sit in fama, gloriaque nostra haec aetas pulchritudine tua: lustretur iterum deorum peregrinationibus, & numine hoc idem Asiae solum. fortuna tua maior, & felicior omnibus. tuus erit triumphus, tuum decus, bellasse, & uicisse inter fulmina Iouis, hastamque Martis. tu ab Olympo (si perennibus aris, sacrisque mentem applicueris) deorum domicilium eris. Satis diuino in corpore dignū metabuntur hospitium. uno animus metu quatitur. ne iterum aduersis, infestisque animis inter se caelites pugnent, ne cupiditas tui, & gloria formae inuoluant funesta discordia deos, ne suspicio Iunonem infatuet. facile illam aequas, & uenustate, & flore aetatis:



in hoc celsior, digniorque, quia uirgo. at, si te ista urserit infania, teque in abrupta deiicere perrexerint furiae, & dimicare cum diis malis, quam uincere, non pie mactaberis. Cui Virgo: Si morem uestrum, & instituta Romane ignorarem, aut tibi cum Romano aliquo, aut Graeco sermo fuisset, non infelicitur de uictoria sperare liceret: sed apud Christi cultores facile omnis eloquentia spernitur: & ipsum laterum robur, ac flosculi orationis deridentur: nescit Christiana animi demissio succumbere uanitati dicentis, fictis uel laudibus, aut adscriptis praeconiiis. nam omnis adulatio funesta, in ore uero regnantis pessimum uenenum; dum nos ipsi extollimus, elidimur. at tu, dum tuorum attollis, iactasque numen, & decora caelitum, dumque pulchritudinem celebras meam, non intelligis, a te ipso damnari uestra numina: Deus enim rei nullius indigens est, nec capitur forma mortalis. pulchritudo, fluxa res est; & dum uiget, amabilis; ceterum ad breuissimum tempus obteritur. Si in me illustria sunt lineamenta, meae hoc laudi non adscribatur, quae nihil, ut ita essem, contuli, aut potui: illius, qui fecit, gloria profecto eximia; in luto, & ex luto egregiam duxisse figuram: ipsi pro tot beneficiis tuliam libamina, obtuli iam sacra: ipsum dumtaxat ueneror, spretis uestris idolis, quorum fractam uim scio, & impudentiam; de quibus sacra uatum oracula non inconcinne cecinere, obcaecata, muta, debilia, atque obscura uocitantia, nec Dei immortalis, incomprehensibilis; & non nisi inter nubes perspecta mortalitati maiestas Taurorum sanguinem, pecudumque balatum, fumantes ueras, & uaporantia thura requirit: animorum pietate laetatur: id in mortali, quod nobilissimum est, expetit. haec quae uos geritis funesto in cultu, uictimarum poenae sunt, non sacra: Deum petra, metalloque circumuestitis: in ligno ponitis numen: insanum consilium, & stultissi-

ma



ma intelligentiae ratio : & postea gymnasia uestra attol-  
 litis, interq. sidera Philosophorum sectas locatis. enim-  
 uero, si ista creditis, (utinam fides uestra ab his alienis-  
 sima esset) pecudes mortalibus multum antecellūt: hae,  
 etsi uno ictu, luce, & sensu priuantur, captantes tamen  
 auram, Deum opificem sui recte noscunt, secutae natu-  
 ram. homines, omni bellua taetriores, in Deum nefarie  
 armantur; &, quem in excelso caelestium folio orbium  
 calcantem astra, felicissimeque regnantem, nequeunt  
 laedere, uulnerareque, in sectatores, cultoresque illius  
 iras, & furorem effundunt suum. quamobrem, ne defen-  
 sor Christianae ueritati detrahatur, ipsa non muliebri-  
 ter pro defensione Christi religione cadam: satis iam firma-  
 ta aduersus diras, & flammās, mucronemque, & si quid  
 immanius uestra repererit rabies. habes me nudam ab a-  
 micis, & consanguineis, ultro prodirā a patre: non opus  
 est legionibus, non integris cohortibus, aut manipulis,  
 turmisque: nullis murorum propugnaculis uallor: nulla  
 manu circumdor: exarmata in conspectu tuo sum, non  
 Christi tamen nudata auxilio. non desunt, nec deerunt,  
 Marciane, in Christianis castris, atque praetorio, ad Chri-  
 sti Imperatoris, Saluatorisque nostri prolatandum impe-  
 rium, parandamque laudem Scaeuolae, non Coclites,  
 non Curtij, Decij, ac Scipiadae: acrior apud nos animo-  
 rum impetus, & alacrior uoluntas reperitur, quippe qui  
 uitam in miseriis, mortem in felicitate locamus. libet ex-  
 periri nunc animos, uiresque, atque ex puellaris euentu  
 certaminis metiri fortiorum praestantiam, atque uirtu-  
 tem. sed turpis Christiano in ore iactantia: & pugnatu-  
 ros pauca decent. Ecce ipsa, Christi confisa uirtute, sper-  
 no idola uestra, contemno minas: sceptrorumq. gloriam  
 derideo: opto mori, & pugnando uincere: caue tu mo-  
 do, Marciane, ne lentior, mitiorque in decernendis cru-  
 ciatibus esse uidearis, quam ipsa in perferendis. maiori  
 tibi

tibi profecto dedecori erit, uinci a puella. sed noueris, nihil aduersus Christianam pietatem Deos audere tuos. hoc tibi solatium corruisse cum illis. Qua oratione non mediocriter Marcianus incensus, (quippe qui lenitatem suam, non apud Virginem spretum iri iudicarat; simulque pectus forma, ac nobilitate, expulso animis Christiano cultu, eam sibi thoro destinarat) offensus etiam arrogantia uerborum, imperat licitoribus, ut nudatae Virgini diro uerberum ictu carnem dilacerarent, accensisque testulis, crispatoque durissimi pili cilicio attererent plagas. fluere extemplo hiantibus ex uulneribus sanguis, rigari undique corpus, tumescere obices, uterus, femoraeque deglubi: non degener a priori uitae instituto constantia, & generositas prospecta in Virgine cum pietate spectantium. Ceterum tyrannus, adeo afflictam, debilitatamque iubet carcere occultari, maiora, atrocioraque animo uoluens, immitis homo, consultore Dioscoro, & Gerontio Ministro, profigatissimis mortalium, eo furoris, irarumque deuenerat, ut multum honori suo detractum crederet, ni ulcisceretur uirginis fastum, frangeretque pertinaciam. Sed Barbara, inter acerbitem uulnerum, ardoremque, meditari caelestes uoluptates, semper illas aeternas, Christi etiam passus dolores, & regnantis gloriam, simulque aeternos damnatorum, apud inferos cruciatus. mox, *diuiduo* circumfusa lumine, haurit diuinam uocem, forti animo esse iubentem, proposita ante oculos certa sacrati, aeternique thalami spe, & breuissimorum sine, & periodo tormentorum. simulque sensit medicam manum, pulsus procul omni ex corpore doloribus, receptaque ualetudine, integris membris. Erat Barbarae familiaris quaedam uirgo, Iuliana nomine, mirae pietatis, mirae prudentiae, magnae nobilitatis, egregiae pulchritudinis, & eximiae castitatis, quae, miserata Virginis fortunae, illi omnia pietatis officia exhibere: fo-

labatur

\* diuino

labatur aegram, haud questibus, & lacrymis parcens: saepe Diocori immanitatem, Marciani furorem, & Maximini insolentiam damnans: saepe amplexi, oscularique Virginem, & lingere plagas; aegerrime ferens, summam Virginis pulchritudinem tam immaniter, foedeque conculcari. Haec, ubi prodigium in corpore Barbarae animaduertit, ipsamque uirginem in tormentorum saecuitia, cruentissimique procella certaminis audaciorem, fortio-remque, haud abesse diuinitatem rata, de Christianis a Virgine edocta mysteriis, martyrij inflammata cupiditate, ultro poscere in se poenas, & supplicia, prouocare in tormenta sui Iudicem, laudare palam Christum, illumque confiteri Deum, incessare conuiciis Idola, cultoribusque non parcere, Virginem miris laudibus efferre, illam generosissimam, illam inuicti nominis cognomento dignissimam, illam lucem terrarum, & uere Romanarum superstitionum uicticem dicere; seque illi precibus commendare; optare una cum illa non indecore cadere. Et Barbara, egregia bellatrix, iam terribilior hosti assurgere, & constantia, altitudineque spiritus in non dubiae, Christi ob amorem, caedis spem, & cupidinem ceteros trahere. Iterum Marcianus sedet in tribunali, iterum Virginem interrogat. quam bene ualentem contemplatus, iubet id eorum beneficio, & magnificentiae adscribere. cohorratur ad sacrificia, promit non dignam furore suo uocem, sed blandam, & specie pietatis mortiferam. Et Barbara respondit, curatam se non nisi a Christo: illi egisse, acturamque iam gratias: deos uero gentilium non nisi furias, & spectra esse, nec propitia alijs, nec opitulantia sibi metipsis. Tunc Marcianus, crudelius in uindictam ignescens, facibus latera diuexari, sacrumque caput, adeo sublimia spirans, malleo obuerberari iubet. par poena Iulianae inflicta, maledicenti Idolis, Christumque confitenti. Ingens spectaculum angusta in arena

na cernebatur, duarum fortitudine puellarum, fascium proculcari terrorem, & uinci barbaram immanitatem, atrocissimaq. tormenta, & Augustorum eludi iussa, cum ingenti Idolorum ludibrio, plerisque ciuibus ad tantam constantiam obstupefactis, diraque Marciano, ac Dioscoro imprecantibus. At ambarum uox, plena fiducia, elatusque obtutus. corde Christo uota effundebantur, petebaturque auxilium, uigente quidē spiritu, languente carne. Et Marcianus, non eam generositatem, sed cōtumaciam existimans, utrique ubera scalpello ad geminandam poenam effodi, propellique pectoribus innuit. Versae in caelum Virginum lucēs: rursusque caelestis ad mitigandum acerbissimum cruciatum expetitus imber, & dulcedo. rursus effusae preces, & aet̄ae etiam gratiae, uoce altissima, & per omnium reboante aures. Marcianus, suspicatus, distractis Virginibus, grauiorem unicuique geminari dolorem, aut euinci posse, Iulianam, ut minus bellicosam, & tironem, carceribus mancipandam, Barbaram uero, uti gloriosissimam Imperatricem, ingentiumque uicticem cruciatuum, defudatamque non raro in palaestra uirtutum, nudam per ora hominū, uulgiue oculis traducendam, rursusq. flagris concidendam mandat. Sed Barbara, etsi pudentissima, castissimaque, illam ferre pari animi celsitudine ignominiam, qua priora ludibria; precabaturque Deum, ne impudicos animos, & impura pectora nuditate sua satiare: se non nisi ipsi, qui crearat omnia, cuiq. omnia paterent, & genitrici, nudam uisam: regi ab eo caelum nubibus, crebrisque terrarum molem uestiri nemoribus potuisse: si expediret, si illi placeret, uelaret quae turpia, & obscena uisu, nec in adsp̄ctum caderent, dicebat. Vix completa oratione, transscensum ad arcana caeli, flexum diuinum in opem numen. Emissus illico Angelus, qui praecandida ueste obtexit. quae haud intueri fas in femina, auertitq.

tur-

rupritudinem cum perstrieta spectantium luce. Quantem iam Barbaram, & hoc quoque Marte aduersariis superiorem, tangebatur sociae calamitas, & nonnihil obturbare. nec poena corporis, sed animae interitus (si gentiliū rabie, blanditiisque cogeretur deferere pugnam, adoratisque Romanis numinibus, Christo terga uertere) timebatur. Sed animus puellae, semper Dei consiliis, nutibusque intentus, ut iuuari poterat, Iulianam felicem uelle cum palma. Marcianus, imparem se Virginibus intelligens, inter uerbera, ignes, cruorem, laniationemque membrorum furibunde crudescens, impatiens iniuriarum, respicit iam securim: imperat, utrique ceruicem praecidi Virgini, uocans in testem Iouem, & suppliciter Veneri uota exsoluens. Tunc exsultare laetitia Dioscorus, ridere, & Barbarorum more, tripudiare: haud tot ludibriis filiae, cruciatibusque contentus, ipse in conspectu populi ante Tribunal (horrendum dictu, & nefas) uictimae se Sacerdotem profitetur: ducit Virginem ad proximum collem, (qui primi exstiterat testis sceleris, atque furoris) ueluti Dianae ad aram Scythicae, ut sordesceret uetus Aulidis fama, nouo spectaculo, Iephthica uota aemulaturus, sparsurusque, quae genuerat uiscera, polluturusque infandum pectus, dextramque Virginali cruore, daturus nefastis Idolis sacratissimam uictimam, illis tamen non felicem, cum uniuersae ciuitatis gemitu, ipsis etiam maiorum animis lugentibus. At non istis angere Virginis pectus. affixa quippe sideribus, non nisi diuina metiri, & prehensare: quo periculo propior, & caedi, eo maiora gaudia uultu, motuque praecisferre. eadem serenitas oris in socia emicare. tranquillissimae amborum faces oculorum, cum uistis pietate spectantium peccatoribus inter se occurrentes, immensam eundi in amplexus cupidinem, & nouissima libandi oscula, gignere, incitareque simul in proelium. Barbara, non pristini obli-

fa moris, solatur precibus animum: affatur caelum: diuinam elicit uocem, testantem thalami decus, laeta omnia, sempiterna, & maxima. Iraque, consalutata socia; praestantissime inuictum collum protendit, exceperitque ictum, tacterrimo parricida funestante securim. Iulianae inors licitoris est donata manui, & ideo turbis non adeo lacrymabilis uisa: ambae felices decertarunt, ambae gloriosissime uicere, augustissimeque triumpharunt. earum corpora sub noctem Valentinus, (de quo supra diximus) uir eximiae pietatis, submissionisque, sublata, ad Gelasum, duodecim millibus passuum ab Euchaitis distante, honorifice, pieque humauit. Ceterum, indigna tantae dignitati superis sede uisa, alio feliciori caelo, augustiorique urbi diuina clementia, Virginis corpus destinabat, Venetiae, Christianis uel aeternae cunabulis ad id electae arx libertatis, proriente Romano fastigio, immittumque in nos effundente populorum barbariem Sauo, pandenteque sinum in excidia nostra Aquilone, Italiae decus, emporiumque populorum, frustra hoc inter ornamenta Placentia ostentante, iactanteque, clari in Italia nominis opido, Romanorum olim Colonia aduersus Transpadanos. At non laetum sua fecere scelera Dioscorum. reuertentem enim a caede, mactationeque uictimae, dum cum sociis, & comitibus factum effert suum, mortuaeque insultat etiam natae, Christumque impuro ore laceffit, discussum caelo fulmen cum fragore horribili, & uoraci flamma, testatum impietatem, testatumque facinus est depastum, pauidis, exanimatisque, qui circumsteterant, haud leui concusso metu (postquam rem accepit) Marciano. sic nefaria missa felicibus spiritibus uictima, sic parentatum parricidio. non frustra fulminat caelum, euibranturque haud incassum in nefarios irae. Stultum est aduersus superos bellare. aeternus luctus, gemitusque pro uictoria, flammae, cruciatusque pro manibus

nubiis reportantur. Ceterum in hostili terrore, praeclarissimaeque trophaeo Barbarae nos (ut ita dicam) illam pro Christiana Minerua, & Bellona colimus, haudquam aegide terribilem, gorgoneque fulgentem, inter saga, patentesque Iani fores, ac tonantem, fulgurantemque Iouem, adeo, ut pridie Nonas Decembris

(Christianis hic dies Fastis aeternus pro tam

singulari Virginis uirtute, morteque,

inter militarem clamorem, hilari-

tatemque flammariis tactis

igne machinamentis,

concrepanteque

tuba facile

declare

tur.







# S. A G A T H A

V.



Atana ad Aetnae radices sita montis est, Naxiorum olim Colonia, maris fluctibus alluitur, urbs nobilis, & frequens aedificiis, fertilitatis mirae, agris Aetnaeo cinere superfusus, uel ad luxuriam uiti, & pecore exuberantibus, cuiusmodi flammarum globos, & densam nubem Aetna, obtremente solo, pauida metu sui. Ex hoc opido Agatha traxit ortum, nata Vlpio, & Proculo Pontiano Consulibus, in patria maerata posterioribus saeculis ad famam sempiternam, & monumentum. domesticae illi imagines clarissimae: nemo illa in opido nobilior, nec splendidior natalibus: non mediocres fortunae decori nobilitatis pares: multum nomen: pulchritudo postea Virgini inerat tanta, ut Sicilia tota de ea loqueretur, aucta per morum sanctitatem, & castimoniam, excellentesque uirtutes, & sapientiam, procul omni ambitione, & cupidine: id quod in puellari aetate magnos solet excitare fluctus, mortalium animis ad assentationes, popularesque auras molliter captandas pronis. initiata Christianis caerimoniis, uiduata parentibus, curam rei domesticae ita suscepit, ut numquam a pietatis officiis retardaretur, in egenos liberalissima, alloquio mitis, animo demisso, composita ad obsequia maiorum, nulli impacata, uerecunda, & omnium uirtutum genere effulgens,

\* *praelini*

gens, non sinuosis uti uestibus, non gemma capillum insignire, aut unguento linire, sed serico *hyanthini* uelo coloris (quod adhuc adspicimus Catanæ) obtegere, dies noctibus haud raro inter precandum iungere, interdiu solo sæpe procumbere, recitato Dominico eloquio, aut Angelica salutatione: cibum haudquaquã ad satietatem desumere, ne Eurota Lycurgi instituta, disciplinamque ultro iactaret in gloriam sui, iisdem plus aequo turgente praeconiis, extrema Italiae ora, Pythagoræ quondam sectatrice, ex affluentissimo ciborum luxu ad insignem frugalitatẽ reuocata aduenæ uoce, exemploque, uel Mnaeuim, sideraq. Chaldaica, & Minois, ac Lycurgi sepulcra ructantis. Interim oriũ Virgo nacta, fruebatur tranquillissima pace cum Christianis omnibus, Romanorum furore armorum extrema quatiente terrarum. nihil in umbilico nouatũ imperij. prorsus ipsa Christiana res secura, cum gloriæ, & prolis incremento, concurrentibus in ipsa nostra sacra integris nobilium gregibus, & puellarum choris, tanta pietate, feruoreque, ut Dæmones ipsi, nostræ salutis hostes, non mediocriter trepidarint, diffusi artibus, uiribusque, cum extemplo ea cæli serenitas (ne marcescerent otio nostri, & desidia torperent) foedo persecutionis, uel multo antea signis, portentisque prænuntiatae, imbre turbatur, expelliturque. ambobus enim Philippis, patre Veronæ, in urbe filio, in rebelles molientibus arma, Gordiani Augusti manibus datis, Decio, Bubalis in inferiori Pannonia nato, egregiæ uirtutis, & nobilitatis, summa rerum ab Illyricanis copiis in Cæsarem, Augustumque acclamato defertur. is odii Philipporum (quos obscurissimis inter Arabas natalibus dedecentes Romanum nomen, cessis ad auroram Partho regionibus, per infame foedus Gordiani Augusti, & Mesithei generi nobilissimorum sanguine uirorũ percussum, simul ad tegendam uitæ turpitudinem, atque ignauiam Christo

Christo dedisse nomen interpretabatur, uel saecularibus ludis posteritati memorabiles) mite alioquin, moderatumque ingenium in Christianos exacerbauit, tanta odij, ultionisque libidine, ut per biennium, quo regnauit, atrocissimas ediderit caedes, foedatis hoc uno scelere eximii (quibus splendebat) uirtutibus. nemo enim per illam tempestatem illo fuit, aut consilio acrior, aut promptior manu, aut moderatione insignior, imperitandi uel peritia, tantae deinde modestiae, & animi magnitudinis, ut, Patris patriae cognomento contentus, omnem potestatem Senatui communicarit. id post occasum Romanae libertatis inauditum, cuncta Caesarum uorante libidine. Sed, uix Augustalibus insignibus, trabeaque exornatus, ad omnes prouincias (qua ad Tygri-dem, Euphratemque, quaque ad intima Africae Romanum expanditur solum, aut Tanais, Oceanique margine stringitur) dirum, execrandum, scelestumque emittit edictum, quo dirissimis, inauditisque Romanae lenitati suppliciis sterni Christianorum corpora iubebatur. Iamque ipse Decio filio cognomento Etrusco Caesare appellato, demandataque cura scribendarum legum, atque censura Valeriano, acerrimo uiro, insignique duci, in Persas expeditionem susceperat, superiorum felicitate temporum praetumide insolescentes, quibus caesis, fufisque uictoria arma, terribior in Gothos Thraciam, Moesiamque effuse populantes uerterat, non minori uirtute rem Romanam aduersus incognitum hostem tutaturus, nisi obstitisset ultio diuina haudquaquam longum ad tempus dilata: contracto siquidem cum Gothis certamine, filio fortissime dimicante, cum ingenti barbarorum strage, atque inter tela, hastasque expirante, a Treboniano Gallo Moesiaci exercitus rectore, ultro proditus, capessit fugam, cumque equo uoragini illatus nusquam comparuit, miserabili excidio ueterum gesta Deciorum renouans,

nouans, inter hostiles semper acies, ac funera cadentium. At confestim ea Deciani tempestas edicti in Siciliam defertur, cum horribili hominū strage, & uastitate urbium, ita, ut Phalares, ac Dionysij excitati ab inferis uiderentur, uel cum cupidine Punici dominatus, nouis Perillis ad humani generis internecionem subito emergentibus. Decernitur ea prouincia omni frugum ubertate insignis, Romanaeque nutrix olim plebis, Quinctiano, per turpitudinem, & dedecora laticlauij honore insignito. is, in insulam traiciens, alter Verres, omnia uenalia habere, omnium inhiare fortunis, quaestu, & libidine cuncta perpendens, inter oscula, & Venerem facuus, arrogans, & prorsus praetoriis fascibus indignus: &, si pristina Romani Senatus stetisset auctoritas cum integritate, inter decoctores miserrime spiritum duxisset. nam homo nefarius, ex imo ad celsa elatus, cruentis manubiis, repente diues, fortunam, & ludibria eius, egestatemque (qua pridem pressus fuerat) anxie pertimescens, nouum hominem in purpura uestierat. Cum Catanam ergo deuenisset, ut cupiditatem praedandi impleret, imprimeretque libidinis uestigia, auide omnia rimari, & circumspectare, ministrorum sollertia adiutus, qui, iisdem scelerum diris exagitati, in immanem, inusitatamque nequitiam deuenerant. Igitur de Agatha statim edocetur. Splendor natalium, formae dignitas, amplitudo fortunarum, liberalitas, comitas, & castimonia illustrem facile uel praetorio reddidere. Tunc Quinctianus, insita cupiditate, metiri nobilitatem, & pulchritudinem Virginis, uorare fortunam, in spem erigi per facies sibi iungi Virginem posse, haud dedignaturam securium terrorem, ostrique dignationem. statim id impuro homini persuasum, praecipiti in commodum suum mortali uel inter ardua; angitamen pectora, & crude emacerari, nec mitibus turpissimae libidinis facibus aduri, non in forum prodeunte Virgine,

gine, non inhiantibus communicante pulchritudinem, lucemque oculorum. iamque cupiditas in inuidiam, odiumque parietum (queis ingentia Virginis decora faciebantur, tegebanturque) transierat, sed in tacito hominis cruciatu oblatum opportunum remedium, & occasio indagantium diligētia implenda ad uota posse subiici uirgarum metui, uel expugnari precibus Virginem Romanis a sacris, diisque rebellem. auidissime id usurpatum a Praetore, missis licitoribus accersiri Virginem, rapique in conspectum iubente. ipse adspectus facile testium fidem, opinionemque Praetoris transcendit: delitescētes ignes extemplo flammās late fundunt, torrent hominis uiscera, impatienter quietem eripiunt, dum eximiam oculis formam legit, dum haeret uultui, dum ocula reuoluit animo, gaudet, & maeret. prima hominis oratio blanda: (aulicis quippe artibus, & adulationi assuetum ingenium facile effingi, uoluique) multa de nobilitate generis, de pulchritudine, gratia, praeconioque uirtutum, multa etiam de ui, & potestate Augustorum, deque sua erga ipsam beneuolentia commemorātis, perque uerborum amfractus, & ambages taedarum cupidinem, & spem iniicientis. apud scortum acceptus sermo, & gratissima pollicitatio: uilis, & abiecta apud Virgine: spernere quippe uisa Praetorem, & deridere pollicitationes, & uerba, non sine ingenti Quintiani rubore, & tacito gemitu. itaque, ut aulae decus tueretur, simulq. omnia prius experiretur, quam ad tormenta recurreret, Aphrodisiam celeberrimum in insula scortum, sibi accersendam existimauit, facilius circumueniri Virginem posse ratus arte muliebri, eodem sexu non pudorem, munimentū castitatis, inter mulieres secernente. erat Aphrodisia aetate iam in senium uergens, &, sicut pulchritudine in primaeuo flore iuuentae gratiosa, ita in senecta artibus, & libidine maior, haudquaquam mitescente



uenere defectu uirium apud senes, auēta cupidine, do-  
cta per plurium amplexus, & mores uersare ingenium,  
rimari alterius arcana, mollire iras, &, si daretur occa-  
sio, cum sui spe commodi, irritare, fingere, & elicere  
lacrymas, & risum, canere, saltare, uti facetiis, & pro-  
cacitate, usurpare modestiae specimen ad illiciendos,  
euinciundosque adolescentium animos, nouem etiam fi-  
liarum sobole nobilitata, uel castissimae pertimescenda  
proles matri non absimilis, cum lacte haustis artibus, &  
turpitudine, genitrice potior decore iuuentae. ea cel-  
sior, digniorque, quae per plurium uolutata libidinem,  
& amplexus expugnasset iuuenum pudicitiam, corrupis-  
set filiosfamilias, aut inter obscena, agitando corpore  
palmam reportasset. Tam praeclarae cohorti, & uetera-  
nae expugnanda diuinæ Agathae traditur pudicitia, A-  
phrodisia antesignana, ingētibz Praetoris onerata pro-  
missis, si eius opera Agatha, salutaribus consiliis abie-  
ctis, percolendaeque uirginitatis proposito, strata Prae-  
toris libidini succumberet. prouinciam suscepit mere-  
trix, pauca pollicita, &, quasi anceps de pugnae exitu,  
& prope timida, quo acrius Praetoris animum inflamma-  
ret, uotique simul, si compos ipsa facta esset, amplio-  
rem mercedem a Praetore referret: atque ita nobilis Vir-  
go in Aphrodisiae lupanar ducitur. indignissima res cun-  
ctae uisae ciuitati, nobilissimam Virginem, tantae existi-  
mationis, & gloriae, tantae honestatis, & sanctimoniae,  
ciuem suam, scorti nefarij, impudentissimique gym-  
nasiis, ludicrisque mancipari, neque id uetustis tempo-  
ribz Tyrannorum dominante crudelitate usurpatū: ni-  
hil de Phalaride, aut Agathocle tale scriptum, nihil de  
Dionysis auditum: & nunc, togato ab homine, in con-  
tinentia Romana, & sanctissima disciplina, uel talia ab-  
horrente Principe, in summo otio exerceri: non apud se  
Thracum uirginum morem esse: non templa Anaitidis  
cerni:



cerni: nec optari dicenti. Vix indignantis sensus pectoribus oclusus, & ira: at Agatha eo se diligentius, & accuratius praemunire, attollere aggerē amoris erga Christum, excitare propugnacula fidei, in ipsa moenium corona, interq. pinnas, diffundere sagittarios optimarum cogitationum, comportare tela dimissionis, & tolerantiae, facesque caritatis, simulque optimo proposito, arcana cordis custodire, occuraturisque claudere cupiditatibus portas, non negligenter circumspicere omnia, & haud pauide Christo diffidere, altissimamque circum se fossam ducere, uoluens apud inferos, quae cruciatuum genera, quae poenae, aut supplicia in fontes excernerentur. igitur, scelerata tecta intrans, cum plausu a scortatoria cohorte excipitur. apparatus lautum conuiuium, splendidissimae epulae, optima uina, thorus mollissimus, inter odores, & sarta Melitenſi, aut Paestana rosa puluinaria, interque lintea tenuissimi lini sternitur, suspensis ad parietem libidinosis imaginibus scite pictis: blandissima ingeruntur uerba, nunc a singulis, (quo minus uiriū pudor haberet ad sustinendos impetus) nunc ab uniuerso consilio commemoratis passim uoluptatibus inter amorem, & uenerem, omnem mortalitatis sensum ea uoluptate euinci, dulcem inter uitalia mortem, & suspiria: ludentem postmodum circa latera sobolem, & iucundos infantium uagitus, atque blanditias, id diis acceptissimum in tanta corporis dignitate, & in tot fortunae ornamentis, nulla spe, & praemio, certa deliratione iuuentae florem, inter tormenta, & cruciatus obtundere, ne sapientissimis, & Stoicis uisum: daret aliquid iustis aetatis precibus, & uotis: daret amoris Praetoris. Si sciret uti fortuna, felicissimam fore: inter Romanas nurus non ignotam: remitteret rigorem animi: pelleret fronte nubes: molliret obstinata pectora: uelle eadem non semper licere, iactante. Sed, surdis Agathae

auribus, ad oculos uis, & oppugnatio uersa, quibus stratis, facilem patere uiam ad triumphum credere. puellari quippe in pectore acerrimum incēdium exsuscitat apprehensa oculis Venus; &, si prius cogitatio affuerit uoluptatis opinione earum maioris, uberiorisque, quam facta postmodum experientia, prorsus intolerandum. igitur foeda omnia, & turpia obiecta Agarhae. nudata pectora: extensae suggestibus mammae, & lingua, crissatio, tactus, sonus olculorum, amplexus, saltus, & Virgo deiectis ad solum oculis, aut sublaris ad caelū, Christum animo caste amplexari, illum contemplari, debellareque honestate insultantium petulantiam. ita ab hac parte reiectae, fugataeque meretrices, obtrita illa procacitate, & impudentia, uertunt se ad supplicia, & poenas, diriter infrendunt, acerbissima minitantur, uehementissime dolent, non omnium mentibus imperitare Venerem, aut esse castam in Ciuitate, simulque foedissimarum reiectam libidinum suarum societatem, abnegatumque foedus. fatigant Virginem inedia fastidientem ab initio meretricium luxum, quietem lasciuissimis, obscenissimisque cantilenis interrumpunt, sedenti orantique bacchabundae, & meretriciter obstrepunt, & lasciuiter, inhonestissimeque circa ludunt, remittitur oppugnatio collisis machinis: rursus inde accenditur ui maiore, & audacia, meretricibus turpissimum sibi esse iudicantibus in arce impudentiae inter flagrantissimas, turpissimasque libidines, & libamina Veneris, interq. trophaea uictarum animarum, & amantium fletus, ac funera bonorum, uel integris, opulentissimisque patrimoniis ingurgitatis, saepe uincere assuetas, nulla pudoris acie debellatas, tenella a uirgine superari, & fundi. Et Agatha saepe uictrix non dubia de diuino auxilio praestantissime decertare, felicissimamque sibi augurari uictoriam, triumphumque ex dirissimae euentu pugnae, & post homines

mines natos periculosissimæ, multis inter cruciatus, laniationemq. membrorum inuictis, ipsa postmodum stratis libidine. inter omnes enim cupiditates, quibus hominum uita torquetur, nulla impotentior, flagrantiorque Venere reperitur: hæc, uelut Imperatrix, & Gubernatrix, sedit ad clauum, iuraque præscribit turpia, indigna, prorsusque nefaria: pauci tamen illius uim, potestatemque effugiunt, fugiundo (si forte bellum Dei succinctus auxilio (aliter tibi sisus frustra pugnas illi indixeris) potius quam dimicando subactæ illius palmam, trophæumque retuleris. ita pietate Virginis scortatoria superata ludibria, triumphata impudicitia, & meretriciæ diræ. quod intelligens Aphrodisia, tribus & triginta iam elapsis diebus, ex quo uallari, obsideri, & quati Agathæ uirginitas coeperat, fatetur in consilio, uictam se, & omnes artes: fractaque animo, nesciente pudorem uultu, ceterum haud obscuris irarum notis obsignato ad Quinctianum reuertitur: rem gestã cum implacabili dolore enarrat: prius solui posse machinam terrarum, astræue rorari æquoris fluctibus, priusque molliori ferrum, liquatque in plumbi uerti naturam, aut saxa aquæ, torrentisque ad morem, usumque decurrentia fluitare posse, quam uirginis frangi pertinaciam, expugnarique petus affirmãs. Qua ignominia uehementer incensus Prætor, statutam ante tribunal Agatham truci supercilio, & superba uoce interrogat, liberæ ne, an seruilis conditionis esset. Agatha se non alterius imperia sentire, pati uenatales suos probe uniuersæ Ciuitati notos, & genus, respondit. Et Quinctianus: Cur ergo (inquit) seruiles animos, moresque induisti? dedecent talia Virginem: nec in testimonium nobilitatis uerti possunt. Et Agatha, Iesu Christi se ancillam esse, illi obsequia, & seruitium exhibere: nec tamen istam animi religionem cadere in seruitutem, sed in summa felicitate supra Regum factum,

&amp;

& purpuram collocandam, dixit. Et Praetor: Ergo non tuae potestatis es: uerum e duobus in praesentiarum tibi optio datur, aut supplicandi diis, praesertimque Cereri, uestram apud Ciuitatem religiosissime cultae uirginali laetae ministerio, insuetaeque adspectui uirorum, & Augustorum simul iussa capeffendi, aut dirissime profunden-  
 dae animae. in re certa nulla est trahenda mora. Et Agatha: Rogabo Iesum Christum Dominum meum, ut uxor tua (si thoro fortasse es alligatus) talis moribus, & gloria euadat, qualis amorum Regina Venus, quam haedorum fibris ad Paphum placatis, & tu, haud absimilis Ioui tuo, quem uos, maioresque uestri largitorem rerum, & felicitatis existimatis, inter uiscera taurorum, & libamina. Indignatus ad hanc uocē Quinctianus, tundi peracerbe os Virgini ad expiandum (quo dii laceffiri, carpi-  
 que) piaculum iubet. Ad quem Agatha: Imprudenter facis, Quinctiane, (qui prudentis personam simulas, certe praetefers) & haud Romana aequitate dicentis sermonem perpendis, cū omnia apud uos omina uehementer accepta, hisque additam non incuriose gentem Romanam multorum sermo uulgarit, testenturque tot uestrorum uoces Historicorum, & tu contra patrium morem (cum tuis te diis quam gratiosissimum apprecarer, & uellem) praeproperus ruiſti in contumelias, & iram, profecto non sine tacita uestrorum ignominia Deum, qui si numinum uim cōtinent, cur his adaequari dedignaris? si gloria, auctoritateque hebescent, cur, funestatis animantium cruore aris, eorum itis in uota, & iussa capeffitis? uestra iam sum confessione contenta. Lactare caput Praetor, & minitari supplicia, constantissime excipiunda ad tela Virgine stante. Haec dies disputationibus traducta. Virgo iussu Praetoris stricta uinculis, & taetro carceri mancipata. Fama est, euntem in uincula Virginem, tanta exsultasse laetitia, ut ad nuptias, & choreas propere  
 rare

rare crederetur. confirmatis piorum animis ea insigni uultus constantia, atque animi celsitudine, trahitur ad reliquorum exemplum in tuenda religione, dandaque ceruice tenella Virgo, ut intelligatur illud oraculū Prophe- tico ore praenuntiatum, ac sapientissime decantatum, Elegit infirma Deus, ut fortia quaeque confundat, uere,, mirabilis in sanctis suis. Postera luce iterum Virgo ante,, concionem statuitur. iterum interrogatur a Praetore, per nocturnam quietem, & insomnia dirius in furorem incit- tato. laboratum circa uenerationem deorum; ( hic, post nuptiarum repulsam, & post accisam Veneris rabiem, cupiditati, & sceleri praetextus obtendi ) frustra effusis uerbis, & susceptis quaestionibus, respectata uis, & tor- mentorum atrocitas. nudatur uirgo ( hoc dumtaxat ex furore haustum, non ad praemium, sed ad poenam, plus licuisse uirgis, & seruili manui, quam audaciae, & digni- tati hominis) substrictisque palmis suspenditur in equu- leum, uerberibusque grauissime caeditur, animatumque membrorum ebur inducto sanguinis rore maculatur, exu- riturque ardentibus laminis corpus. excepta inter uirga- rum crepitus Virginis oratio, Deum celebrantis, nullam- que ueluti poenam sentientis. Tunc Praetor, in fastu, & tolerantia bellatricis dirius exulceratus, ( postquam se inter cruciatus parui fieri uidet) ministris imperat, ut Vir- ginis mamillas ( quae intactae a uerberum ictu in reli- qua membrorum laniatione praeclarius, iucundiusque effulgebant) obtusa ferri acie ad exaggerandam poenam ( hoc amoris, furorisque datum, postquam ori, & uolup- tati est denegatum, id quod impudicissime anhelarat ) torquerent, & mox abscinderent. itaque inter apprehen- dendum aliquantisper ( cum minime illae tumerent, te- nella uirginis aetate, aut iustam in magnitudinem adole- uissent ) est elaboratum. payere licitorum animi pietate, refugereque manus scelus, & tremere artus. At urgebat  
Prae-

Praetoris rabies, infauftique ignes post irrisum gaudere,  
 bacchariq. strage membrorum. cultro abscissum utrum-  
 que Agathae uber, sparsumque humi diffuente cruore  
 cum gemitu, lacrymisque spectantium. At non auertit  
 Praetor oculos: non pietatis sensu est motus. Tunc Vir-  
 go, Praetorem compellans, Dire, (inquit) atroxque,  
 non te puduit amputare in femina, quod prius infans in  
 matre iuxisti? unde, scelestè, tam immanis barbaries, &  
 tam insatiata cruoris sitis? at, age, perface, quod moli-  
 ris: haud multū id mihi curae: aliae sunt intra me mam-  
 mae, quas teneris ab annis Deo sacraui, quasque nullo  
 uales supplicio extorquere. his demonstrata intelligen-  
 tia, & recte faciundi uoluntas. Ita affecta Virgo, cruore  
 madens, & laniata pectoribus, attrito decoris flore, ad-  
 huc tamen ore egregia, nec fracta animo. iterum (ne af-  
 flictae quies esset) adstringitur carcere, omni curando-  
 rum exclusa spe, opinioneque uulnèrum, exiguo pane  
 (ne deficiens subtraheretur superbo hostis conspectui,  
 tormentisque) ad sustentandum spiritū attributo. Aga-  
 tha, dum membrorum crudescit adustio, dum uulnera,  
 ietusque ignescunt cum ipsius acerbissima poena, reli-  
 giose Christum laudat, mente illum affatur, & poscit au-  
 xilium, cum intempesta nocte Petrus Apostolus, ad id a  
 Deo lectus, seu pie inter caelites a Virgine cultus, seu  
 quia id uisum Deo, ueneranda specie, & cano pilo, cri-  
 spaque barba, cum magna medicamentorum ui carcerem  
 intrauit, praeceunte puero facem extollente. Tunc senis  
 exaudita uox, dicentis: Quamquam dirus, & immanis  
 in te tyrannus fuit, tuorumque captauit in laniatione  
 membrorum laceritiam, & uoluptatem, tamen constan-  
 tia tua, & inuicta uirtute, egregiaque animi magnitudi-  
 ne eoulsque perturbatus est, ut maius, atrociusque insigi  
 ei doloris uulnus non potuerit. ignominia, angorque ar-  
 rogantis est, turpiter uel in potestate alteri celsisse. in-  
 quiem,

quietem, & rabidum animum sua poena, suae dirae torquent, maētandum sempiternis postea apud inferos suppliciis. aderam ipse, (filia) dum inhumane cruciabar, dumque inter ferrum, rabiemque euoluebaris: omnia hausi oculis: nō mihi difficilis curatio uisa. quamobrem ad excipienda te para medicamēta. Tunc Agatha: Quis ad mea curanda accessit uulnera? tuum unde genus? quae ex parte terrarū? nullam corpori meo medicinam ab infantia adhibui. constituta iam hora in extrema, alteri, corpore nudato meo, patefaciam istus? turpe hoc Virgini, nec talibus assuetae: grauius luam, hac lacerata corporis parte, scelerū supplicia meorum: noxiam poenae decent: exhibebo creatori rerum per hos cruciatus, doloresque expiatam animam. Tunc Apostolus: Nulla (excelsa Virgo) uerecundandi inest causa. ipse quoque Christiana sacra ueneror, Christumque Deum colo. Et Agatha: Meretur tua ista non mediocres laudes pietas: est digna misericordia praeconio: nec mihi grauitas, aetasque uerecundiam incutit. quis de te talia suspicaretur? ipsa canities, & religio facile dubium eximunt: nec meorum ista laniatio membrorum, conuulsio ossium, & torrida cum fetore caro, profligatumq. si quid in corpore decus erat, cupidinem spectantibus possunt ciere. cauendum id in integro corpore, dum omnia uigent, & florent: sed ego ob id tua respuo medicamēta, (ne error in repulsa, aut arrogantiae suspicio insit) quoniam Christus est mecum: ipse, si ei cordi fuerit, absque medicina dumtaxat uerbo recrudescētia mea obducere quit uulnera, proculque amandare dolorem. ipsi cuncta parent: cuncta ipse moderatur, & regit: si placet, consulat. Tunc Apostolus, subridens, seipsum, quis esset, aperit: simul uirtute Christi, eam ualentem, ac uegetam corpore esse affirmat. statimque euanescit. Et Agatha, pulsa omni acerbitate, reclusisq. uulneribus, turgentia pectore ube-

Q

ra



ra tractat, uidit fulgentia latera, pectusque; &, deuoluta in genua, Christum submisit, actis pro singulari beneficio gratias, laudat, hymnosque religiosissime canit: saepe iterat preces: quoties se ipsam circumspicit, toties grates Christo agit. At, nudatis custodia militum (qui ad aduenientis splendorem Apostoli, ueluti fulmine iecti, exanimatique, cum ingenti terrore aufugerant) limitibus carceris, foribusque patentibus, multi accurrere ad Virginem, (quippe tanta fortunae indignitas, tamque miseranda innocentissimae calamitas omnium uiscera quassarat) rogantes, obtestantesque, ut subtraheret se exardescenti crudelitati, impotentissimae Praetoris irae, atque libidini, ne ue sineret expleri dirissimi hominis cupidinem, uerteret in rationem, quae fortuito essent oblata, praetergredientem desletura occasionem, ni modo sciret. Sed Agatha, ut erat excelsissimi animi, & imperterritae fortitudinis, Absit a me (respondit) turpis fuga, & ignominiosa salus cum laureae iactura: non patiar euinci me tormentis, illudique cruenta a bestia Christianae constantiae, aut quemquam alium pro me cruciari, sufficit hoc pectus ad hebetandum hostis mucronem: ipsum hostis petat, terga certe non uiderit: cadam non trepide in uestigio, & ut decet Christi ancillam, nulla hoc in certamine dabitur effero homini causa insultandi, laetandi ue. ipse suam damnabit inciriam, non doctus in gradu stare, aut cominus conferere manus. qui se Deo commedit, haud incertos ueretur fortunae casus, proeliique discrimen: agat, dum licet, euibret ferrum, utatur uiribus, terroreque securium Praetor, auersum corpus, frontem, uultusque Agathae uiderit: uos uero recedite, ne pietas apud immanem Iudicem nocentes faciat. sat Agatha ad explendam hominis rabiem erit: ipsa uobis gratias ago, referat Deus: nulla apud illum beneficii etga se, suosque. erit obliuio. XI I. die elapso, rursus Quin-

Atianus moliri Virgini perniciem, rursus furere, dirisque agitari: minatur, cum strepitu deambulat in Praetorio: stantemque ante Tribunal Virginem iterato impetu aggreditur. iubet uenerari Deos, & dare thura cum multa uerborum iactantia: ipso supercilio effulminat ingentes angusto in pectore pressas iras. Sed Agatha, haud pauens, irridere uasaniam hominis, contemnere uerba, dicta spernerenec parcere diis, scelera illis, impietatem, inscitiam, imbecillitatemque obiiciens; Christum dumtaxat fateri, attollere, cuius essent infinitae opes, & aeterna auctoritas, simul non futile illius auxilium, non exiguum benignitatem, non misericordiam, non tenuem potentiam suum testari pectus, quod per eius crudelitatem, & scelus, priuatū mammis, rursus iisdem effulgeat cum dedecore fascium, cum uerecundia, exprobrationeque facinoris annuit. Quinctianus ad tantam generositatem crudelissime dentibus infrendens, cruentam torquens oculorum aciem, terensque labia, percusso manu genu: Videbo, (inquit) utrum Christus opitulari tibi, uimque aduersus Romanam stare, cumque pugnare Caesaribus queat: quamobrem medio in Praetorio magnum accendi rogi, stratoque ardentibus prunis solo, interiectis testulis ad lanianda membra, spoliari Agatham, euinctis que manibus, pedibusque super uolutari, terrorique iubet: dira poena fortissimum quemque exterrente. discisis illico uestibus, (non enim Praetoria rabies lente nudari sinebat) nuda omnium rursus oculis puella exponitur: iniicitur in rogi: ferreis unguibus, & ligneis uallibus per ignem, prunas, & testulas euoluitur, aflata cute: ex natibus, ac femore adeps (quippe puellae, ut in prima iuuenta constitutae, partes eas carne pinguiori, ut assolet, natura magis opplerat) diffuere, stridere, & summare carbones cum suffitu taetro, & odore, exstingui nonnumquam proriente cruore, uenter, & mollia testulis so-

di, & dirumpi, ossa exuri, omnia dirissime uexari . & ministri (annuente Tyranno , in communi ciuitatis gemitu dumtaxat ridente) stratae Virgini recentes , ardentioresque prunas superfundere , substernereque , & uiolenter latera uersare . at Virgo , magnanimo pectore , in acerbitate poenarum non obturbari , uoces ue emittere , aut superiorem uitae cursum femineis eiulatibus labefactare , sed , Christum animo complectens , laniata ouare , ingensque ore gaudium praeseferre , interque uisionem carnis , uimque incendij , atrociore in hostem eiaculari faces , immanemque hominis animam ea insigni , stupendaque tolerantia generose depopulari , uexareque . sed , dum ita Virgo cruciatur , dum torretur , dum omnis in ea affligenda barbaries superatur , excutitur caelestis ultio , armaturque ad ulciscendum facinus caelum : quippe ingens oboritur terraemotus , parietumque quassatio : strataque parte Praetorij , Falconius , Siluinus , & Vlceius , intimi Praetoris familiares , & ministri libidinum , subito oppressi . magnus populo terror incussus : res in prodigiū uersa , attributa Quinctiani impietati , & sceleribus . fit ingens tumultus : itur ad arma : consternatisque ad seditionem animis , concurritur ad Praetorium : uix temperatum a caede listorum . Quinctianus appetitus cōtumeliis , probrisque : & auspicatura uel facinus ingens , & inauditum a sanguine Praetoris efferata plebs anxia metu sui erat , ni cessatum a tormentis foret attonito Quinctiano . Intermortua Virgo in carcerem refertur , subducta spectantium oculis , ne popularis rabies ex cruentissimo spectaculo in Praetoris caedem prorumperet . Agatha , paullisper mitesciente uulnerum diritate , expansis brachiis , apertisque oculis , caelum respiciens , tali est Deum oratione precata : Maximas tibi gratias ago , Domine , qui me incredibili illa tua pietate ab infantia es turatus , elargitusque tot bona , omnes cupiditates , omnesque

nesque illecebras ex mente mea expulisti, quique me uirtricem fascium, tormentorumque esse uoluisti. aeterna ista tua felicitate, & regali magnificētia excipe animam meam. Ita fata, exhalauit spiritum Nonis Februarij, Decio Augusto tertium, & Grato secundum Consulibus, annos xv. nata. Hoc Christianis incolis nuntiato, statim factus in carcerem concursus ad inspiciendum corpus, piis lacrymis a multitudine decoratum, refertumq. odorum copia, ac serico uiridi inuolutū, deinde ad latus urbis Septemtrionem respiciēs, prope Theatrum sepultum. Cum uero a piis iusta fuissent expleta, ecce lectissima iuuenū manus albeni uestitu, facie augusta, & specie corporis eximia. horum unus ante alios omni dignitate maior tabellam marmoream his notatam litteris, & sententia (Mens sancta, spontanea, honor Deo, & patriae liberatio) manu tenens antecedebat, accolis ignotus, sicut & cetera turma, ubi ad Martyris bustum deuenit, adaptata ad caput tabella, euanuit. Tūc piorum turba rursus hymnos circa bustum canere, uelle iterum conspiceret corpus, in angusto loco ualde premi, nec tamē abscedere. Sed Quinctianus, ubi exercendae in Virginē (postquam exspirasse acceperat) impietatis materia defecit, avararum animum ad illius fortunas occupandas conuertit, ueluti, rebellante Agatha a Romana maiestate, eius bona Fisco deberentur, sic, ut aduersus innocentissimam non diritate, ac rabie solum, uerum auaritia, (quae praecipua malorum, nec ullū sine se admitti facinus patitur) certasse crederetur. Ceterum, felici primo uoto, extremam cupiditatem ultrix excepit ira, nullo scelere longum ad tempus effugiunte poenam. In transgressu Symethi namque amnis, Catanensium rigantis arua, equorum morsu, ac calcibus appetitus, sceleratam diro exitu lucem clausit. Accepta ea caedes libentissimis animis, festisque uocibus ab uniuerſa Ciuitate, quisque luisse poenam

nam impurissimum hominis pectus, trucemque animam,  
 & parentatum esse praeclarissimae Virgini, datum in po-  
 sterum documentum pietatis: omnem superis impietate,  
 & crudelitatem esse ingratissimam, omniaque piorum il-  
 lis cordi esse dicere: alij, dum Virginis praeconia memo-  
 rant, dum trophaea, & palmas, triumphosque recensent,  
 uitam meliorem ad frugem, confessi scelus, aut abiecta  
 superstitione, traducere: si qui boni excitati, exemplo  
 Virginis ad fastigium uirtutis auidissime cōtendere. Ita-  
 que occisa Agatha multis uixit, multosque ad Christum  
 traxit, cui posterioribus saeculis, expulsa impietate, func-  
 tisque Idolorum sacrificiis, Constantini Maximi, augu-  
 stissimique, religione, ad testandam inuicti animi magni-  
 tudinem, clarissimamque uictoriam, & ad gloriam Chri-  
 sti sempiternam, ingens a ciuibus templum, aeternaque  
 statuta ara, attributaque fuere sacra, ac sacerdotes, cor-  
 pus uero argentea inclusum capsula quotannis in magna  
 feriarum celebritate, frequentissimoq. piorum illuc de-  
 currentium conuentu oculis exponitur, ad eliciundas la-  
 crymas, (quis enim adeo saxei, ferreiue pectoris est,  
 adeoque ab omni humanitate remotus, ut ad tantū Vir-  
 ginis festum, immaniumq. recordationem tormentorum  
 non illacrymetur?) & pietatem. ostentantur & manus  
 carne adhuc fulgida, oblongae, & pulchrae, non dede-  
 centes reliquam corporis speciem: simul & mammae. ce-  
 lebre quoque prodigium cuiusdam Episcopi religione in  
 osculo manuū animaduersum. Saepe ciuitati salus Aga-  
 thae precibus, meritisque impetrata. crebrae quoque  
 uictoriae, non de hostibus modo Gothis, Vandalis, Mau-  
 ris, Sarracenisque, sed de ipso Aetnaeo incendio. mon-  
 tem illum, Regiam Vulcani, nixam humeris Gigantum,  
 finxere Poetarum fabulae flammaram globos iaculantē,  
 fumique nubes eructantem, accolis ingentem terrorem.  
 saepe Carana obtremuit, saepe expalluit, & saepe sub  
 Aga-

Agathae ductu uicit . enimuero Aetna , insolenter effe-  
uescens, seque in plana suffundens, amnis in morem, om-  
nia circumuastare, populari, urere, excidere, minitabun-  
dusque iamiamque aborbere Ciuitatem, & moenia cir-  
cumassultare uastis stridoribus, densissimaque nubium  
mole, ignisque rotatibus, cum Ciuitas, refugiens ad tu-  
mulum Virginis, commendata illi Ciuitate , focis , aris ,  
templisque, serico sumpto (de quo supra commemorauim-  
us) uelo, explicatoque uexilli in morem, apertis portis  
erupit contra incendium, illud expulit , loco mouit , fu-  
dit , fugauit , intraque uerticem , & claustra infauisti-  
me fremens compulit, coarctauitque. Maior his Agatha,  
angustiorque, quã qui Syracusas olim expugnauit. mor-  
talis facile uincitur , rarus de se triumphus , aut de  
incendio uictoria: adde inter barbaricam feri-  
tatem, uim armorum , luem temporum,  
faces, ferrumque, in excidio rerũ ,  
inter bellicosissimos, ferocis-  
simosque Italiae popu-  
los, exstructas ar-  
ces , erecta  
monu-  
menta, dicata Agathae  
moenia, & ur-  
bes.







# S · E V G E N I A

## V I .



**E**UCLIDEM, nobilem illum philosophum, & in Geometrica principem disciplina, memorant Scriptores noctu Megara Athenas commeari solitum, muliebri uestitu, audiundi Socratis gratia, nequaquā poena capitis, aduersus Megarense Athenas intrantes, ob insigne duarum Ciuitatum inter se odium, atque internecinam rabiem, statuta percussum. audax sane consilium, & amore uirtutis memorabile facinus, sed obscurum, & ignobile in collatu Eugeniae (de qua narrationem incipimus) Virgo noturnum philosophum exercitatione uirtutis uincit, & causa, praestat, & magnitudine animi, & excellentia disciplinarum. haereat igitur glorioso spectaculo Roma, & noscat in prole sua uirginalium armorum terrorem in Iouis olim sui triumphata uasania. Eugeniae Romanae Philippus, & Claudia parentes fuere, praeclarac nobilitatis, uitae exitu felices, & sanctitate morum. affuit & geminus fratrum partus, Auiti, & Sergij, ad splendorem familiae. Antonino Commodo M. Aurelij filio V. & Acilio Glabrione Cōsulibus decernitur Philippo Augustalis Aegypti praefectura. Augustus sanxerat, ut Aegyptus Equitū Romanorum potestate loco Regum regeretur, ob turbida ingenia accolarum, & soli fecunditatem nutriendis bellis aptissimam. igitur Philippus cum uni-

R uersa

uersa familia Alexandriam adnauigat : susceptaq. admi-  
 nistratione , id primum curae homini fuit , adisse templa  
 deorum, effuso ad pernoscenda initia, & incrementa cae-  
 lestium iactante uetustatem regionis , deorsiq. indigena,  
 ac memorante miracula, simul odisse peregrinas religio-  
 nes, & uetita sacra Iudaeis immitte, discordibus illorum  
 ingeniis , & pronis in rixas exacerbato , aduersus Chri-  
 stianos ita ferrum inhiuit , ut moenibus exclusos secure  
 degere in suburbiis pateretur mirator eorum continen-  
 tia, & pacatoris uitae status procul Reip. fluctibus . ui-  
 gebant in homine egregiae uirtutes, animi celsitudo, ae-  
 quitas, comitas, & erga subditos beneuolentia, magnum  
 ingenium , singularis continentia , & in regunda familia  
 prisca seueritas, & mirificus in disciplinas amor, antiqua  
 Rep. dignus , & Catoni laudatus, liberos non in luxum ,  
 & delicias inter effeminata Aegyptiorum corpora, & mi-  
 te caelum: sed in philosophiae studia effundit. Sed Euge-  
 nia, gustata philosophia , ceteris multū antecellere acri-  
 monia ingenij, & gloria uirtutis uel ipsis praeceptoribus  
 superior, depresso Lycei fastu, & Academiae, frustra Mem-  
 phi arcana disciplinarum ambagibus , & hieroglyphico  
 charactere occultante : & iam inclytum nomen peruafe-  
 rat Romam ingestis ardoribus : raptaque in pulchritudi-  
 nis famam curia, exardescit in facies eius Acilius Glabrio  
 Consul, sicut honoribus satiat, sic in clarissima specie,  
 & decantata per ora externorum uenustate non mite ue-  
 xatus . petit in uxorem Eugeniam . affert preces . & ge-  
 nitrix, Auia nomen nō occulte ambiens, amplexari pro-  
 missa , fouere auctoritate sua, filiamque calentem amore  
 castitatis allicere in taedarum cupidinem, & solatia tha-  
 lami non desistit, magnitudinem sponsi ob oculos ponēs,  
 simul & gentilium imagines . Verū Virgo, ad matrimonij  
 nomen horrescens, maternae cupiditati non inuerecun-  
 de obuiam ibat, laudatrix nuptiarum: sed castitatem am-  
 plecti,

plecti, aemula Vestalium, non mediocriter Commodiani Principatus infamia obturbata, & deperditae luxu aulae inter obscena Martiae pellicis; quae forma, & lepore eximia Crispinae Augustae, trecentarumque pelli- cum, totidemq. exoletorum, uel in funere Lucillae Aug- gusti germanae uictrix, tripudiansq. decorata ab amante Amazonis nomine Romanum moderabatur imperium. aderant Eugeniae duo fratres Protus, & Hyacinthus, ab- scissa uiriliter, ignobiles, seruientesque, ceterum inge- nio sagaci, & ad amplissima quaeque idoneo, & dominae excellentia ad studium philosophiae excitati mirifice profecerant, fide erga illam egregij; &, quantum man- suetudine heri, tantum ipsi demissione, & obsequiis certare. Interim Virgo, inter odium nuptiarum, & cu- pidinem castitatis; multa moliens, assumit Christianae librum historiae. forte Thecla illi occurrit, prima inter Christianas feminas pro uirginitate decertans, atque an- resignana in tuenda Christi gloria in atrocitate certami- num, protritoque proconsularium fascium terrore, uictrix inter flammis, serpentes, & bestias, cornuaque taurorum, ut denique uixerat, uicerat, expirarat ipsa castitate feli- cior, ingenti edito Virgo gemitu fortunatam Iconiensem appellauit, atque acriori succensa uirginitatis flamma ean- dem saepe historiam repetere, inter legendum hilari, tri- stisque, & prona in Christum, eiusque sacra. ingens per- discendae legis illius ardor, alloquendique Christianos Sacerdotes puellam inuadit: sed, Christiano moenibus ex- cluso, cupidinem explere non poterat. agit cum geni- toribus, ut, relaxandi animi gratia, liceat bene comitatae egredi Alexandria, ad conspectum Panij, atque Nicopo- lis, ad uber solum, & nobiles amoenitate hortos. uenia im- petrata, Claudia filiam splendidissime comptam multa margarita exornat: attribuit comites, & famulantium turbam: datoque osculo, natam dimittit cum lacryma.

quasi conuersa rerum facie, obductoque nubibus uelo, in ignominiam, & dedecus, in seruitutem, & humilitatem, in inopiam, & egestatem praecipitat, nullo de praeteritis bonis ex tanto naufragio, tantaque procella superstiti, praeter memoriam, ad cumulum, summamque malorum. Intuemini Romanum imperium, (omissis Persarum, Lydorum, ac Macedonum casibus, funeribusque Graecorū) caeli aemulum, quantis agitetur fluctibus, quot uicissitudinibus sit obnoxium. quod fretum, qui sinus, quis eury-  
pus tantos motus, tantos aestus experitur? sint sane maritimi accessus, & recessus tum frequentes, tum maxime turbulenti: huius tamē certamina, & ~~ecertationes~~ <sup>\* conuersiones</sup>, quae in intimis continentur praecordijs, & numero, & uiolentia, ac iactatione longissime antecellunt. Vidimus, quantum ad hostes pertinet, externaque arma, non modo stantem, & uiuentem urbem, sed orbi etiam terrarum imperitantem, & subiectis in uasto ambitu orbis gentibus iura feliciter dantem: & mirati sumus: uidimus eandem, intestinis odijs, per otium, desidiamque conceptis, domesticaque potentia gliscentem, non multum ab interitu abfuisse: & ingemuimus, plus ciuibus in patriam licuisse, quam hostibus, ab illis edita taeterrimae crudelitatis exempla, ne deorum simulacris, ac templis, arisque parcentibus, proscriptiones, distractas nobilium opes, pulsos in exilium Reip. principes, & tot luminibus extinctis, orbem forū, & silentia rostra relictā, aequatas solo affinium domos, interfectos familiares, & atrocissimis supplicijs excruciatos, spoliata opimis muneribus tēpla, ciuium capita rostris affixa, Curiam ipsam (cuius sententiam omnium reges gentium reformidant) eorum foedatam cruore, inundatamque, qui hoc nobis imperium, famamque per gentes clarissimam peperere. ideo ne duas urbes Carthaginem, Numatiamque huic imperio inimicissimas Scipio Aemilianus excidit, ut domestico ipse parricidio occideret?

deret? tresque triumphos Magnus Pompeius egit de tribus orbis terrae partibus subactis, aucta Romani nominis maiestate, ut ignava manu perfide in alieno solo necaretur? milleque Caesar urbibus expugnatis, quingentis edomitis populis, ac decies centenis millibus hostium occisis, & totidem captis, & nauigato Oceano, ut, amicorum mucronibus confossus, laniatusque, Curiae limen foede cruentaret? O inconstantia rerum humanarum. Caesarum clades, luctusque praetereo. sed, quid firmum in terris nutante Roma? nihil est profecto in hac rerum universitate diuturnum: non vires, non diuitiae, non regna: quippe quae uel alienis incursibus attrita cadunt, uel magnitudine sua, & domesticis uiribus obruuntur; nec minus est in pace, quam in bello periculum, hic hostibus moenia, ibi animos obsidente luxuria, quae nouo quodam, & placido bellandi genere uictores sub iugum mittit, & de Caesaribus ipsis spectaculum facit uictis, captiuis, barbaris, & infimae sortis hominibus irridendum. Iam uero, quanta est in uoluptatibus turpitudine? quod maius portentum, quam homines, rationis compotes, ad sempiternum imperium genitos, belluarum more inhiare terrenis, feruere aestu libidinis, ut hostes continentiae, furere more luporum in pares, ut humanitatis omnis expertes, unguentis, & odoribus delibutos, luxu diffuere, ut uirtutum omnium splendoribus destitutos, & caeca uitiorum nocte sepultos? interim tamen & Catones, Tiberones, Coruncanios, Fabricios, Quinctios, Serranos, & Diogenes, & Socrates, ac Platones in sermonem adducere, & ex abdito antiquitatis specuproferre sapientes iuuat, alienae uirtutis praecones, suae hostes, & desertores. Hos ego uiros appellem? sed non est opus cuiusquam uituperatione. fructus namque ipsi tam malae radices, qui perniciem, atque ignominiam mortalibus afferunt, fidem ueritati faciunt luculentissimam. Vnde enim morborum genera in  
corpo-

corporibus, unde uitiorum in animis, nisi a uoluptate profecta? plures occidit crapula, quam gladius. plures strauit libido, quam egestas, cuius tanta est improbitas, ut non modo halita uenenum effundat, uerum etiam concepta luem pariat, & uastitatem. His colligendis fructibus uacent, quorum deprimuntur animi; qui ad altiora erigi nesciunt; quorum obscurata nobilitas mentis infeliciter degenerauit; quos denique ratio propemodum defecit. at, cui cor sapit, maiora bona cordi sint, & esse decet: quibus non modo non inquinatur natura hominis, sed cum magno decoris fenore gloriose ditescat. Ego quidem, amici, cōtinentiae lucem mente intueor: & oblector. subit animum meum tam praestantis formae uirtus, & reficit: cordi loquitur, & suadet. torqueor hoc muliebri cultu, horum inuidæ uagantium. hilaritati, ac cantui. his deliciis excrucior. soluite, quaeso, animum meum his curis maiora molientem. libeat Christi iussa capeffere, & sub illius militare uexillo. quam concinne, quam uere Dei sui uictorias, & trophaea Christiani canunt? pudeat Apis Aegyptum sui: pudeat anilium fabularum in tanta turba decorum. uos auferte monilia, ac torques: abripite hanc purpuram procul oculis meis, in aures istas turpis flammae materiem: tondete promissum crinem, puellare ornamentum, telumque. induam uirilem animum cum pallio, patriis diis illulis: calcabo mortalium luxus, Christi numine armata: exhibebo uirtuti nobilem in uili habitu famulatum. His dictis, assensere germani, magnitudinem animi admirantes, summumque erga uirtutes amorem. laeti consilium Virginis exsequuntur, capillum illi abscindunt, uirilem uestem iniiciunt, unaque intermisti Christianorum agminibus se lateri proficiscentis senis associant: caniturque rursus a multitudine, Via iustorū directa est, uia iustorum parata est. quod ueluti sibi dictum lactissime excepere Eugenia,

errores, assurgit in Magum, reluctantem, uociferantem-  
 que iacit in flammis, periissetque, ni sanctus Episcopus  
 extenta dextera semiustulatum eripuisset. His Helenus  
 supra ceteros conspicuus coenobio inter barbarum can-  
 tus appropinquat. Eugenia cum proximis sermones cie-  
 re, appellare, sciscitari, & elicere uiuendi instituta, ac  
 disciplinam monachorum. oblatus inter ceteros uir qui-  
 dā, Eutropius nomine, familiaris Episcopi, integris mo-  
 ribus, piisque, interroganti satisfacit, nec quidquam il-  
 li subtrahit scitu dignum. mox ingrediuntur monaste-  
 rium. quiescenti per meridiem sancto Episcopo mira in  
 somno species oblata. uidere namque sibi uidebatur ef-  
 fictum mulieris simulacrum, circumferrique honorifice  
 ab hominibus, uel curuato genu cum oblatione thuris,  
 adoratoribus indignantem, hisque deam alloquentem:  
 Ita ne, mortalis femina, nobisque consimilis, pateris of-  
 ferri tibi libamina, dari thura, ac diuinitatis decorari fas-  
 tigio? & illam fastu deposito recessisse a cultoribus, uer-  
 samque ad eum dixisse, Te sequar, donec me ad creatore  
 adduxeris. Excitato a somno Episcopo, perpendenti ui-  
 sum, diuersasque ad partes animum intorquenti Eutro-  
 pius nuntiat, tres fratres excellentis indolis, ac pietatis,  
 foribus adstare sacrum lauacrum cupientes, & adscribi  
 simul albo monachorū, haud societate discreta ob sum-  
 mum, mutuūque amorem. Tunc Sanctus Episcopus,  
 praemonstrante omnia Salvatore, uisum interpretatur,  
 noscitque nomina Eugeniae, Eunuchorumque, intro-  
 missos benignissime affatur: magnitudinem pectoris at-  
 tollit: sapientiam admiratur: iubet praestantissimo ani-  
 mo esse. expositis mundanarum rerum ludibriis, atque  
 inconstantia alacrius pergere cohortatur: mox sacra ab-  
 luit aqua. nec mutationem uestitus in Virgine patitur,  
 gloriosius ratus, in stola inter castra uirorum uinci a fe-  
 mina humani generis hostem. At Eugeniae rectores, co-

S

mites-



mitesque, obruta noctis silentio fuga, tantam iacturam  
 haud sentientes, inter ludentium cantus Alexandriam  
 repetunt, strepitum currus dumtaxat excipientes, & pri-  
 mi agminis antecursores in nouissimo dominā existima-  
 bant, & nouissimi inter primos incedere credebant. sic  
 mutuo decipi errore diuina prudentia finit in uictoriam  
 Virginis. cum ex urbe proceditur Virgini obuiam, facto  
 ad eam cōcursu, tum inanis currus reperitur. tollitur cla-  
 mor percussis manibus, passoque crine. inuocatur Eu-  
 geniae nomen. Eugenia flebiliter per ora omniū reboat.  
 hinc mater, genitorque, hinc fratres in lacrymas, ac maer-  
 rorem ruere, lamentari, gladios, & laqueos in se posce-  
 re, laniare genas, uellere crinen, se humi prosternere, &  
 puluere capita foedare. queritantium ululatibus, uoci-  
 busque aula, urbsque uniuersa respondere, decurritur  
 ad portum, Pharonque: latebrae, & secreta perlustran-  
 tur intentissima cura, totaque Aegyptus ad scrutandam  
 Euginiam insudat: nemo sibi parcit, nemo labores sub-  
 terfugit, ut Philippo, optime de gente merito, satisfiat.  
 simul Eugeniae recordatio, ac Claudiae lacrymae in mi-  
 serationem, luctumque impulerant omnium animos,  
 Ceteris memoria renouata, ex raptu Proserpinae perpet-  
 uo implexae luctu. post multos labores circumfertur  
 rumor, deos, Virginis amore captos, euexisse ad sidera,  
 donata immortalitate, fruiq. illam in consessu numinum  
 aeterna felicitate. gratum id patri, talia saepe audienti,  
 & assueto fabulis poetarum. lenit dolorem, animum ad  
 laetiora dirigit, prolem suam, erecto simulacro, ut indi-  
 getem colit pie ueneratus inter sacrificia, litationem-  
 que uictimarum. Sed Claudia, filiiq. ne deorum qui-  
 dem cognatione contenti haud talia ad animum trans-  
 mittere, sed maerore in dies augefcente, aegre lucem  
 pati, At Eugenia, in stadio uirtutum decurrens, mirifi-  
 ce in Christiana pietate proficere, princeps ad synaxes  
 ire,

ire, ultima excedere, precibus ieiunia, ieiuniis modestiam, demissionem animi, ac caritatem admiscere, omnibus bene uelle, omnium miserescere, laetitiam alterius, omni inuidia profligata, suam credere: patuitque, uirtute difficillima quaeque uinci. illius uero orationi tanta suauitas inerat, ut iratus, ac turbulentissimus quisque facile molliretur, sedareturque. quibus Eugenia uirtutibus ingens omnibus admirationi esse, ostentarique ceteris ad incitamentum uirtutis. exemptoque e uiuis praefecto, coenobij ipsa ad praefecturam euehitur, diu inter dubia iactata, sexum non ignorans, nec honestum ducēs, admiscere se familiae regimini, inter uiros femina. sed; Euangelij oraculo confirmata, capeffit onus, ad ardua, & summa quaeque animum intendens: & tunc minus licere sibi existimabat, cum plus liceret. accesserat suauissimae eloquentiae, tantisque uirtutibus curandorum morborum felicitas, aucta uenerationis fama, ac nominis apud suos, finitimosque. Erat Alexandriae matrona quaedam, Melanthia nomine, nobilissimis orta natalibus, magnisque fortunis, in uiduitate uitam transfigens, adhuc integra iuuenta. hanc, quarta quaque die artuum tremore concussam, uis diurni, ac grauis morbi inuaserat. perquirentique remedia affertur de Eugenia rumor, felicitate curandarum ualitudinū insigni. igitur ad coenobium accedit: enixe obtestatur, ut se adiuuet, seque diuturnis molestiis, ac certo discrimini eximat. mouetur misericordia Virgo, solatur afflictam, medicamentum adhibet, eamque ualentem reddit. agit gratias matrona: Alexandriam reuertitur: deinde, non multo interiecto temporis spatio, in rus proximum coenobio deuenit, ac tria argenti purissimi uasa, grati animi ergo, Eugeniae dono transmittit. abnuentem accipere, cum contra instituta monastica diceret proponi in mensa, aut attrectari manibus monachorum, paupertati, ac pietati operam nauan-

tium, deprecatur, uti Deo offerantur, ponanturque ad ornatum templi. assensum iusta postulanti, dedicatis Deo uasis, locatisque. contrahitur hinc familiaritas, frequentante coenobium matrona: in colloquium deuenitur assidue. sed familiaritate mulieris nihil nocentius, aut funestius. uirtutis admiratio repente in formae illecebras, & cupidinem immutatur. haeret Melanthia ori dicentis, haeret luminibus, amore paullatim praecordia infelicis arrodente. turget, & impatientia amoris saucia, grauiter aestuare, Eugeniam deperire, Eugeniā crebro cingere, uoluere ad acriorem libidinem florentissimam uirginis aetatem, corpus eximium, oculorum suauitatem, & affusas undique ueneres cum suauissimo alloquio. ergo reuoluta in flammās, anhelare scelus, & uiam explendae libidinis perquirere: maerorem, ac morbum subito simulat: Eugeniā accersit: exorat humillime, ut ad se ueniat. accurrit Virgo, solita caritate inflammata: deuenit in Melanthiae aedes: eam decumbentem placide salutat: discedit turba famulantium: ipsa aegrae assidit: tunc ad adeuntis salutationem, ad spectumque expauit amantis anima: motuque intus aestuante concitata, efferbuit: immutatur color: haesitat lingua: defixisque in ore Virginis oculis, uix cohibet manus, uix temperat ab amplexibus. Amor uiolentissimum malorum perhibetur, & in femina intolerantissimum pudoris, atque modestiae. proruit in facinus matrona: ulcus aperit: Virginem in nefas attrahere conatur, ostentatis nuptiis, fortunarumque ubertate: deceptaque uirili illo habitu, sexum occultante, preces ingeminas gemitibus permistas, ardens oculis, & toto corpore contremiscens. Virgo, pudore suffusa, atque attonita, flagitij magnitudine intumescens mulieris audaciam premere, amplexus reiicere, auersari facinus, & ad castiora retrahere nititur. illa magis incalescere, & turpiora ructare, amore uacors,

&amp;

& obuersante in oculis excellentissimae formae uenustate, insaniens. Tunc Virgo: Compesce infelix immanes furores: refrena linguam. tantum ne, matrona, audeas, ut triumphum de Christiano iuvene speres? hos animos Canopus gestat, hac mollitie uiuit? auxiliare, Christe, auxiliare mihi, sanctissima mater, pro castitate depugnanti: uos meae deliciae: uos bona & aeterna possessio. Sic inclamans, prorupit foras, uociferante etiam Melanthia, & uim sibi a iuvene allatam queritâte. excitae famulae adsunt cum uniuerfa familia, contuentes perturbatum dominae uultum noscunt iras, irarumque causas. Eugenia regreditur in coenobium, quantum uictoria alacris, tantum in maestitiam effusa, ob perditos Melanthiae mores, inusitatamque nequitiam. Sed Melanthia, amoribus in odiû uersis, aegerrime repulsam passa fremit aduersus Eugeniam, uindictam expetit, supplicio innocentis pauere oculos parat, cû explere libidinem nequisset. assumpto non exiguo comitatu, Alexandriam festinat: desert Philippo querellâ: factum exaggerat: familiam testem adhibet: inuehitur in Eugeniâ, insanos amores, & perfidas artes perstringens: insedissee uultui illi decoro, atque egregio ori, oculorumque facibus, immanes ausus, ad expugnandum castissimae pudorem: insedissee blandimentis uerborum crudele uirus, in dedecus sui, defunctique mariti, iactat. nefarium modo facinus expiaret Philippus nocentis sanguine, iuste in Christi cultores ferrum distringeret, obliuisceretur insitae clemetiae, iustissimas querellas suas in irritum labi ne sineret. Mouit Philippum matronae auctoritas, lacessiuitque in ultionem facinoris turpitudine natura boni, & sceleratis infestum, & aequi amantem, nec Melanthiae lacrymis, iraeque subesse dolos, & uindictam opinantem. ergo, missis licitoribus, trahitur cum monachis in iudicium Virgo, catenis circumdata. adest Praefectus: ruunt  
in

in spectaculum proximae ciuitates, laeta Melanthia, & torue Eugeniam intuentes, fastum eius, & supercilium ultura in oculis multitudinis, quam in cubiculo, ac strato nimis acerbam, nimis crudam in contemnendis ardoribus suis experta, tacite lamentari. femina post amorum repulsam nihil amarius, aut ad uindictā procliuus. Praefectus adstantem Virginem, oris seueritate minax, & cum stomacho, sic alloquitur: Pessime mortalium, & noxia forma funeste, haec uobis Christus uester praecepta uiuendi perscripsit, haec perpatranda uobis iniūxit, ut thoro nuptae tēdatis insidias, uiduarum pudorem expugnetis, utque arcanis libidinibus debacchemini? haec uestra studia, haec a Coe, Pergamoque doctrina ad explendas uestras cupiditates hausta? Scenica ne tibi, an in hostili solo deprehensa haec matrona uidebatur, ut tam nefarie uim ei inferre conatus sis? num tibi feminae natales, nū splendor, num condicio, ac claritas nominis erant ignota? non ne Alexandriae, Deltae, ac Busyridi hoc patet? scelerati, audacisque incepti lues sine dubio poenas: morte tua reuocabitur a busto paene intermortuus pudor, nō sine Christianorum ludibrio, gloriaque Romanarum legum. Et Virgo, ne agnosceretur, deflectere a paterna facie oculos, & terram intueri: compulsaque respondere, breuiter, & cum modestia disseruit, defenso Christiano nomine cum innocentia sua, caelum, Deumque testata, se omnium, quibus in iudicium accersebatur, innoxiam esse. uersaque ad Melanthiam, Cur (inquit) adhuc me urges, o mulier? num experiri libet, utrum me fortiorem aduersus libidinem tuam, an aduersus calumnias deprehendas? utraque profecto in arena non pauide dimicabo: sed nec conscientiam tuam, nec Deum fallere queis: habebis illum ultorem, quem in me adhuc proterue contemnis. age, instrue fabulam: innocentiam meam malo tuo fateberis. Sed mulier iratior, ac perturbatior, dicenti ob-

ti obstrepere : nihil de peruiacacia remittere : inuocare praefecti fidem , & ancillam in testem ciere consciam arcanorum . quae ex dominae sententia locuta , in Eugeniā crudius ignescit , calumnias , & probra ingerens , magis obturbato Philippo , & iam tormēta respectante , theatro quoque in perniciem innoxiae conclamante , multis cruces , & laqueos , alijs bestias , alijs ignem ad puniendā eam deposcentibus , alijs Oasim , & Meroem , Abaton , ac Philas memorantibus . Tunc Virgo , Quid opus est tere re tempus inanibus ? patiar ne ludibrijs excipi Christi nomen a gentilibus ? an ignominiam meam , casurā in Christianorum excidium omnium , ignauo ipsa pectore , conspiciam ? accusatricis calumnijs peracerbe insultantis occurrere alia ratione nō possum , cum fictis eius lacrymis , & obtestationibus nimium credatur . cogor ( en , uideo ) contra decus , & uirginalem castimoniam aduersus inimicam depugnare : triumphet Christus , prostrata gentiliū credulitate . Sic placide fremens , dirupit a pectore uestem , nudauitque corpus , ostentata mammarum pulchritudine , patrem Philippum , Claudiam genitricem , Auitum , ac Sergium germanos appellans , hisque Protum , ac Hiacynthum ostendens . maxima omnes admiratio cepit . uix sensibus haerere , hircere , atque attoniti stare . Philippus , in amplexus filiae ruens , suauissime osculari , ulnis stringere , uix trahere prae gaudio animam : lineamenta oris , & diuinam formam studiosissime , laetissimeque contemplari . aggeratur laetitia aduentu matris , fratrumque amplexibus . Claudia , ceruici filiae inhaerens , diuelli non poterat ; euiētaque in lacrymas , non fari ; disuauari natam , ori , oculisque intenta : quisque notus , ac seruiens , omnisque turba accurrere , plaudere , ouare , laudes Virgini canere , illam Dianae , illam Isidi aequare . inuitae aurea uestis iniicitur : in suggestu locatur , ad dexteram matris , ostentata populis , nouo miraculo attonitis , & ex con-

ex confefſu deorum lapſam in terras credentibus ad incrementa uirtutum, ueritatisque, agnoſcitur in uultu ſe-  
 dentis Romana maietas: agnoſcuntur & dona naturae.  
 iam animis omnium, oculisque admirabilem Eugeniam  
 ultio diuina, in Melanthiam excitata, clariorem, ac diui-  
 nioſiorem reddidit: quippe reuerſam domum mulierem  
 maectam, atque ignominia offuſam delapſus caelo ignis  
 abſumpſit. quo facto nemo fuit, qui non grauiffime per-  
 tereretur. Philippus, Dei beneficium intelligens, cum  
 filia ſalutem quoque nanciſcitur: baptizatur cum uniuer-  
 ſa familia: Chriſtianos benigne appellat, auctoritate fo-  
 uet, diuitijs attollit, ſtudet omnes in Chriſti doctrinam  
 allicere, grauiffimus auctor ad permouendos animos, uir-  
 tute eius ubique uulgata. Sed quibuſdam Alexandrinis  
 indignum hoc uiſum, genti uaniſſimae, praetiſtijs, ac fal-  
 laciae deditae, addiſtiſſimaeque cultui deorum, multum  
 in ore habenti Iſim, Anubim, Serapidem, & uetera  
 Aegyptiorum monſtra: Romam querellas de Philippo  
 deferunt: impietatis arguunt: dilapſum Chriſtiana ad  
 ſacra affirmant, ueterum rituum, ac ſacrificiorum illuſorẽ,  
 non ſine praefecturae dedecore, contemptuque numinũ.  
 Iamque Antoninus Commodus, Marci philoſophi filius,  
 funeſta terrarum lues, Q. Aelij Laeti, ac Marciae pellicis  
 aſtu occiderat: ſucceſſeratque P. Aelius Pertinax: ſed,  
 ſeneſtam eius aſpernante milite, & Didio Iuliano miſcen-  
 te ſeditionem, & ipſe occiditur: nec Didio longum impe-  
 rium, aut aeuũ fuit: ab omnibus dereliſto uiolenta mors  
 periodus exſtitit, arripiente imperium L. Septimio Seue-  
 ro: Aemilianus, Peſcennius Niger, & Clodius Albinus  
 ad certandum de ſumma rerum aſſurgunt. aduerſus Ae-  
 milianum non magno certamine opus fuit: Niger apud  
 Cyzicum occiditur: Albinus in Gallia, ſed Marte eru-  
 ento. Seuerus, aemulis occiſis, arma in Parthos, Adiabe-  
 nos, atque Arabas tulit, feliciffimeque concertauit. huic  
 mirae



mirae uirtutes, ac uitia inerant, imitatori Hannibalis, pari crudelitate, atque perfidia, in Africa Lepti genito. natale solum, infestumque Romano nomini caelum, licet maioribus eius ciuitate donatis, indiderant odium feroci pectori aduersus Romanam nobilitatem. ultus ad satietatem inimicos, stabilitum filiis principatū existimauit inuicti animi Augustus, patientissimusque laborum, cui externa omnia bene, ac feliciter obuenerunt, prole non felix exspirauit. hic, uictoriis elatus, in Christianos atrocissime saeuit, tamquam ab Iudaeis progenitos, (ut credidit antiquitas) in quos implacabilior furebat, rebellantes a maiestate, & arma turbide miscens: easque tunc clades Apella adiit, ut Vespasiani, Titi, Traiani, Hadriani-que tempora optanda prope fuerint. igitur Seuerus, edoctus de Philippi Augustalis praefecti religione, rebel- lioneque a ueteribus sacris, ueritus, ne in prouincia fera- cissima, perdifficili aditu praemunita, & longa pace, opi- busque luxuriante, res nouas moueret, Christo addictus, „ scribit ad eum epistolam in hanc sententiā: Qui nos qui- „ dem praeceffit diuinissimus Augustus (Commodum An- „ toninum intelligit, inter diuos relatum, in odium Sena- „ tus, addito flamine) cum te sciret esse cultorem deorum, „ & honoris eorum studiosissimum, ipse tibi quoque maxi- „ mum praebuit imperium, & tamquā regem potius, quam „ Praefectum, elegit Praesidem Aegypti, nec te, quamdiu „ uixit, ab hoc iussit remoueri magistratu, sed cum uitae „ tempore esse demensum. Nos autem tibi & hunc hono- „ rem conseruauimus, & non paucos alios adiecimus: sed „ haec, quamdiu fuisti diis amicus. quoniam uero nunc de „ te iactatum est in uulgus, quod & in religione deorum sis „ mutatus, nec nobis bene uelis, iubemus, ut aut, insisten- „ do prioribus, in honore permanear, aut, si deorum cul- „ tum repudiaueris, cesses etiam gerere magistratum, quin „ etiam facultatum subeas ablationem. Philippus, litteris „

T

lectis,

lectis, simulato morbo, mentem Augusti intelligens, occasui inhiantis suo, statuit in animo derelinquere omnia, ac lucem deferere potius, quam a cognita ueritate discedere: fortunas pauperibus distribuit, cohortatus suos ad bene, sancteque uiuendum. Alexandrinos docere non destitit, animo ad omnem pro Christo dimicationē subeundam paratissimo. Cumq. in aduentum Terentij Laeti magistratu se abdicasset, totus fuit in operibus caritatis erga egenos. Sed successor, uirtutem hominis aegre ferens, occulte illi perniciem moliri incepit. palam id aggre-  
di, intutū uidebatur, ob populi erga Philippum amorem: ergo in occulto grassandum ratus, sicarios in hominem immittit, nihil repugnantem, a quibus grauissime uulneratur, subsecuta morte, tumulaturque in Isio, ad aediculam ab ipso constructam, martyrij corona praefulgens, & Ecclesiasticis Fastis celebris, decoratusque. mortem eius grauitur populus tulit, memor Philippi in gentem meritorum, magnarumque uirtutum. Praefectus, ut facinoris suspicionem ab se auerteret, captos grassatores in uincula coniecit. mox, deferuescente tumultu, incolumes dimittit, praetento iussu Augusti. Claudia, extincto uiro squalens, post data parentalia, largiterq. distributas fortunas, Romam ad nauigare constituit. ergo, liberis secum ductis, ad Urbem uenit, lenito eius dolore Senatus prudentia: quippe, cognita filiorū uirtute, Auito Carthaginiesem praefecturam, Africam Sergio mandat, frumentarias Populi Romani prouincias, & subsidia annonae. Sed Eugenia cūctis admirabilior uerterat in se omnium animos: eiusq. domus ipsa docēte Academiam, ac Lyceum representare: & traxerat in amorem Christi, ac castitatis non paucas uirgines, quae, eius se ductui applicantes, una cum ea assidue uigilabant, maceratis pro Christo corporibus, spretis saeculi uoluptatibus, una cū diis, & Reip. calamitates coetui illi perbeato nō medio-  
criter

triter prodesse in tãta temporum uarietate , atque infortuniis quietem, & otium suum respicienti. Ab excessu Seueri, Eboraci in Britannia exspirantis, Antoninus Caracalla simul cum Geta fratre , fasces assumpsêrat cruentos illos fraterna caede, in complexu matris trucidato iuvene, & nouercalibus amoribus infames, nec nobiles cruore Persarum , fraude, & cognationis specie deceptorum, Ctesiphonte , & proximis prouinciis fumantibus, uix equi pernicitate ex inuadentium manibus elapso Artabano . Sed Carrae , Crassianis nobiles bustis, Antoninum , Martialis centurionis dextra confossum , conspexere, arcana Manium, inferorumque scrutantem . Euchitur appropinquante in ultionem proditiõis Artabano, ad imperium militari suffragio Opilius Macrinus , stimulator Martialis in caedem Antonini : sed crudelem hominem cum Diadumeno filio irae militum abstulere, rapti in fauorem Varij Semiamirae filij Heliogabali cognomine fauorabili apud milites Antoninorum nomine. Sed foedissimum omnium monstrum mucronibus eorundem militum conlaceratum, in Tiberim unco trahitur, summa rerum ad Alexãdram Sobrinum Iuliae Mammeae filium, delata, maximum, clarissimumque imperatorem. Verũ iuuenem iustissime imperitantem Iulij Maximini Thracis immanitas, furorque in Germania mactauere . Thracem Aquileia ulciscitur, dum obsidetur munimentum aduersus iracundiã hominis, Romanae ciuitati excidium machinantis. Gordianus, cruentis Principatus initiis, in militari seditione duobus Caesaribus absumptis, in curulẽ attollitur, limitibus pacatis, deuictisque Parthis, Philipporum uictima cecidit: Philippos Decij litauere: Deciorũ mors barbarico conto donatur : filius in acie procumbit : genitor ulginosis locis absimitur : Trebonianũ Galum , Volusianumque filium , Interamnae rapuerẽ milites dirae aduersus Aemilianum proficiscentes in Moe-

fiam. Licinium Valerianum, alieno ductu nobilem, sumpta aduersus Christum arma in Perside foedissime perdidit; captum a Sapore rege, & inter seruitia habitum. Gallienus, stupris, ganeis, & popinis monstratus, infinitas calamitates, & dira perpeſſus, Cecropij gladio confoditur, quam metuendus suis, tam hostibus ſpretus, uel femina in partem imperij tranſgreſſa. tota uis animi, opesque imperij in Chriſtianos uerſae: hi affligi, ac uexari, & miſerandum in modum excruciiari, quaſi eorum caedibus reuiuiceret pater, barbaricae ſeruituti exēptus, aut penſarentur damna Romana, tot prouinciis a corpore Principatus auulſis, & tyrannorum libidini mancipatis. Inter quae Eugenia acriter pro Chriſto depugnare, hortando, ac docendo, quotidiana niſque praedis ditare Chriſtiana caſtra, ac nobiliſſimum quemque in militiam adſciſcere. Sed Baſilla omnibus celebratior exſiſtit, inſignis formae puella, Auguſtorumq. ſanguini annexa; & Pompeio, pernobili iuueni, deſponſa: quae, tantam magiſtram naſta, atque imperatricem, haud ignaue pro Chriſto ſpiritu effudit, Chriſtiano ritu expiata, Chriſto Virginitatem ſacrauit, diſciſſo flammeo, ac depoſito ueſtium ornatu. quod ubi ex ancillae proditione Pompeius cognouit, ſtatim Helenum Virginis tutorem adiit, cunctaque, quae de ſponſa audierat, illi aperit, fremens aduerſus eum, quod puellarem leuitatē, externae ſuperſtitionis myſteriis initiatam, in detrimentum ſui, deorumque iniuriam, ſubdole reticuiſſet. reſpondit benigne Helenus, hucusque magnae ſibi curae fuiſſe res Baſillae, & ipſam quoque, dum tenella fuit aetate, ſed iam adoleſcentem, & annis firmatam arbitrato ſuo uiuere, ac uiſitaturam: proinde ipſam adiret, & arcana mentis ex ore eius eliceret. Pompeius, conſilium Heleni probans, pergit ad ſponſae aedes: pulſat fores: ianitori mandat, uelle alloqui ſponſam: nuntiaret hoc Baſillae, quae, affore

iam

iam proclij tempus existimans, armat pectus, seque in certamen ciet: Pompeij adspēctum dedignata, mandat famulo, ut Pompeio nuntiaret, sibi esse sponsum, celebratis iam nuptiis, & fore: proinde nihil sibi cum illo esse commune. Hoc iuuenis accepto responso, ac repulsa, moram suam execratus, diriter indignari: senatum, ac Principes appellat: trahens amicorum manum, cum in curiam intrasset, sordidatus, ac maestus ita coepit: Pietas uestra facit, Sacratissimi Augusti, Patresque conscripti, ut ad uos potissimum in domesticis meis calamitatibus, non distractis tamen a publicis, confugiam, utque orbitati meae, ac labanti rei Romanae, dirissima nouorū rituum superstitione succurratis. æquum est enim, in curia, auxilio omnium gentium, araque pietatis, præcipua bonorum redundare in ciuium cōmodum, ornatumque. A Sai, Butoque inexplabilis superstitione emanans in Romanos penates se subito intrusit: populatur uet era gentium iura, sancitaque augustalia. habent profani ritus auctorem tanti sceleris Eugeniā, Philippi quondam filiam, instructam Christianorum praeceptis, & aduersus deos immortales, praesides huius urbis, imperiique pugnam impigre cientem. hi sunt, P. C. qui matrimonia dirimūt, penates inducta discordia funestāt, proculcantque honores deorū immortalium, flaminibus nostris illufis, unū id efficere conantur, ut, sublati matrimonij subsidiiis, ac fructibus, occidat Pop. Rom. nomen. quae umquā gens matrimonia, ac liberorum procreationem est auersata? non placent Arabum connubia, sordescunt Romanis aurbus, oculisque Gnidānum, Nasamonum, Garamantum, Agathyrforū, Machlymum, Mosynorum, Messagetarum, Lydorum, Thracumque infandae libidines, ac foedissimae, atque indiscretæ ueneris monumenta: nos diuorum legibus uiuimus, uicturique sumus. an sine sobolis procreatione stare imperium, stare Resp. possunt?

sunt ? unde miles, cohors, centuria, manipulus, & legio, unde equitum turmae, alaeque scribentur, si matrimonijs interdicamur, si abolentur nuptialia sacra? forsitan imperium sine armis, & arma sine uiris haberi possunt ? quid de religione, quid de sacris dicam? an non ne est necesse, sublata religione, ipsum imperium, & summa rerum procurere? quippe fundamentum regnorum pietas censetur: & maiores nostri, sapientissimi homines, nihil inauspicato per tot saecula, in summa rerum uarietate, gessere. hinc Pater patratus, & Feciales, Auguresque, hinc pullarius, uictimarumque litatio, hinc ad superos preces, uotaque, & paludatorum maiestas consulum, imperatorumque, hinc demum in expugnandis hostium urbibus euocatio illa deorum, ad obtinendas, labefactandasque hostium uires sanctissime instituta fuerunt. intemeratam religionem, & placita maiorum subsecuta sunt illa bona perpetua, semperque optanda, inter ciues summa concordia, caeli temperies, frugum ubertas, hostilium uastatio terrarum, clarissimique triumphi sospite Rep. auctaque: & nunc, Christianorum quotidianis piaculis foede contaminati, plectimur ab dijs, aut lue, aut fame, aut interna discordia, strageque nostrorum exercituum. refriximus, P. C. & elanguimus in conseruanda auita pietate, ac primordijs religionum: a supersticiosissimo, & maxime abominando genere hominum superamur, non sine aeternorum numinum iniuria, ac Reip. interitu. en, miser, ad quid publica funera memoro? haeret ossibus, ac uisceribus priuatum uulnus, erepta iam mihi coniuge affine uestra, pietissimi Augusti. haec tam atrox contumelia in has me sordes, lacrymasque proiecit. moueant diuinas mentes uestras maiorum imagines meorum, moueant pro Rep. obitae mortes, aut relata uulnera. uos Cenforiae leges, uos Papias, ac Iuliae appello, uos in calamitate prouoco, ad subsidium amantis senatoris, & rapta coniuge paenitentis: uestra

stra auctoritate iugulate hanc impiam, & gentibus omnibus execrandam Christianorum superstitionem. ipsi arma, ipsi faces in Romani nominis internecionem parât: nec mirum, si, deficiente prole, tripudiat Albis, & tumeat nostra ignominia Tygris. quaeso, sanctissimi Augusti, Patresque conscripti, per inuictum Populi Romani nomen, per felicitatem uestram, & aeterna capita, prospicite impendentes tempestates, subuenite uetustissimis caerimonijs, una cum imperio occidentibus nefario Christianorum piaculo: ne sinatis almam Venerem, genitricem nostram, in ipsa rerum arce, in oculis uestris tam saeue matari Christianorum maleficijs, incitataque rabie. restituite mihi uestra auctoritate, ac numine Basillam toro profugam, & Christianis ritibus mancipatam. uestrum beneficium mihi, penatibusque meis collatum exstabit ad hominum memoriam sempiternam, seruata deorum maiestate, stabilita Rep. firmatisque coniugijs. Post dicta procumbit ad Augustorum pedes, supplices manus tendens, lacrymansque, obtestatus patrios deos, aramque. Decernitur in Senatu, cunctis in sententiam Gallieni euntibus, uti Basilla priori sponso nubat; aut, si abnuat, more maiorum puniatur. idem de Eugenia statuitur, extento puniendi etiam iure in fautores, cultoresque ubique impietatis in deos rumore iactato. Basilla, decreto Senatus accepto, cum in sententia permaneret, taedas ab horrens, sponsumque, iussu Gallieni in uia Salaria ferro transuerberatur. alligantur eodem etiam impetu Protus, & Hiacynthus: iussique adorare Iouis simulacrum, cum illorum oratione illud procidisset dissipatum, ac cōminutum, mandato Nicetij, urbis praefecti, occiduntur. inde accersitur Eugenia, aliorū antesignana, magnisque concertationibus insignis: ad quam Nicetius: Vnde, Eugenia, tam profana carmina, tamque infausti ritus, ad humani generis occasum? ista ne nobis decantas inter ludi-



ludicra Iouis, Martisque, ac Latonae, Dianaeque, calcata  
 diuinitate? an non satis fuit, nefarijs sacrilegijs impleſſe  
 Bubastum, ac Papremum, niſi Romana quoque pectora  
 infatues. cede, infelix, & sociorum ſupplicijs, interitu-  
 que commota, animum ad meliora reuoca. nemo umquã  
 aduerſus deos feliciter depugnauit. noxia ſemper audẽ  
 ti in religione, ac caerimonijs nouitas. Sed ſapientiffime  
 de dijs respondentem uirginem admiratus Praefeſtus,  
 adduci in Dianae delubrum iubet, ſubſequentem ſpicula-  
 tore, inter eundem enudante ferrum, ac Virginis ceruici  
 intentante. Vt peruentum ad aram, ſimulacrumque, iu-  
 betur porrigere thura Virgo, & ſupplicare Dianae, ab an-  
 tiquis uirginali habitu formatae, ab humero pendentibus  
 ſagittis, ſiniſtra arcum retinenti, dextera ardentem  
 praeferenti facem, corhurnatae, Ioue, & Latona editae,  
 caſtitatis inter feras, ſiluasque cultrici. Sed Eugenia  
 mortuam, & detentam inter cruciatus apud inferos a-  
 dorare indignata, Chriſtum tacite precatur, ut deme-  
 ret ex ſpectantium oculis nubes errorum, fleſſeretque  
 in pietatem animos, oſtenſa ueritatis luce, impiorum-  
 que ora obſtrueret ignominia exculti ab illis numinis,  
 cum extemplo ſuccuſſione ſoli quatiuntur fundamen-  
 ta templi, iactatis parietibus, diuulſisque: ſimulacrum-  
 que baſe deiectum in fructa diſiliit, non ſine ira, me-  
 tu, indignatione, ac ſtupore adorantium. multi Chri-  
 ſti diuinitatem laudare, miraculum animo affigere, cae-  
 lo factum tribuere, & pietati Eugeniae. alij praefigijs,  
 damnatarumque artium murmuri adſcribebant, Virgini  
 infeſti, minacesque. incerto ſonitu perſonat locus, inge-  
 minaturque clamor, atque admiratio. concurrentibus  
 alijs ad ſpectaculum reuulſorum fundamentorum, diſſi-  
 pataeque ſtaturae. refertur id Gallieno. excitatur a ſom-  
 no Reip. malis iam diu indormiens bellua uaftrix Ae-  
 gyptia lina, aphronitra, trabeataque ſaga eludens, in pa-  
 triae

triae calamitate, orbisque querellis, ac gemitu, feruet in cruciatus innoxiae, festinat illius caede expiare sacra Romana, adesse deos, & propitios affore, existimans, eorum diuinitate aduersus irrisores defensa. imperat collo Virginis ingens alligari saxum, iactarique in Tiberim. sed moles, Virgine nihil laesa, disrumpitur: ipsa medio in amne animose deambulare, hiantesq. gurgites tuto calcare, apud pios magni Petri renouata memoria, super undas olim uel frementis pelagi gradientis: & Romani Horatium Coclitem, ac Cloeliam in animum, ad spectumque. reuocabant, Virginis facinus, ac magnitudinē contemplantēs. inde, aquis erepta, iacitur in flammās. illa, mire exiultans, ignem manu prehensat: attollent es se globos in aera mulcet: ambustionem non modo carnis, sed ne uestium quidem sentit: stridet immanis tyrannus, & ueluti Postumum, & Aureolum, ac Saporem intuens, terit dentibus labia, & aduersariae triumphis insanit, indignaturque tumultuantia in fauorem illius tam placide coiuisse elementa, non audentibus contraire diis, de quorum honoribus, offensisque agebatur. Virgo, post ignes, & aquas superatas, taeterrimo carcere includitur absque cibariis, potuque, ut ipsa necessitate rerum confecta, miserabilius interiret. sed erupit caelestis lux, tenebris effugatis, aduenientis sponsi, solaturi Virginem, tam strenue pro nominis sui gloria bellantem, depulsa esurientis fame, prostratamque in faciem sic alloquitur: Agnosce, filia, regnantem, agnosce creatorem tuum: ille ego, qui, pro te mortem, & cruciamenta perpeffus in cruce exspirauī: macte pietate, filia, perge: dimica, & uince: stratus tibi caelestis thalamus fulget: felicitatis tuae, ac uique immortalis uadimonium habebis natales meos, morte quoque tua posteritati memorandos. Post dicta euolauit ad caelum, VI I I. Kal. Ianuarij, Nicetio magnitudinem Virginis horrescente, nec non uere uictoriam fa-

tente. intromissus carnifex Christo supplican-  
tem gladio uicttricem interemit. Iustis persolutis, post ingentem la-  
crymarum uim, a matre, fratribusque sepelitur in coeme-  
terio Aproniani, uia Latina: postmodum in Urbem trans-  
fertur, in basilicam duodecim Apostolorum, cum Claudia  
matre, quam, effusissime flentem, in somnis Virgo, insi-  
gnibus collucens uestibus, augustissimaque corona reful-  
gens, consolatur, absterfis lacrymis, ac lenitis angoribus,  
felicitem suam, & thalami decus enudans, prae-  
nuntiansque perennem quietem, curulemque  
ipsi, filiisque in caelo paratam: proinde  
laetissime esset, obliuisceretur mae-  
roris, ac desiderium sui ob-  
litteraret, Deum dum-  
taxat, ac caele-  
stia contem-  
plans.







# S . MARGARITA VII.



Isidarum hinc gens cum finitimis Cilici-  
bus , Pamphyliisque illustretur Marga-  
ritae, seu Marinae, sic quoque a Grae-  
cis dictae, nobilissimo triumpho, clarif-  
simaque laurea. Antiochiae sortitur so-  
lum, & ortum, non obscura stirpe, patre  
Aedesio, Diali Herculis . in puellari aetate orbata geni-  
trice, cuius nomen non tradit antiquitas, a patre nutri-  
ci optimae feminae alenda traditur, quindecim stadiis  
procul Antiochia . adulta, nutricis pietate,uirique illius  
Theothymi, Christiano charactere insignitur . mirifico  
hinc erga Christum exardescens amore, vota quoque il-  
li castitate, alma hinc impleta aura metiri caelum, & per  
stragem, cruorem, laniationemque membrorum perue-  
nire ad Christi solium exoptabat . acueri seipsam tacita  
interdum ad uirtutem, ingentesque aduersus inferos, &  
blanditias hominum iras attollere : incensaue martyrij  
cupidine, intra pectus nō leuem pugnam, ac facile armo-  
rum discrimen uoluere. Interim non pati quietem, haud  
dormiente hoste : aestuantem sentire iuuentae robore,  
sexusque ingenio pruriginem : deprehendere daemonis  
machinamenta, nunc fastu quatientis animum, nunc in-  
ferentis ex acerbitate poenarum, & quotidiani in propo-  
sito castitatis supplicij, aeternique Martis pauorem an-  
te oculos exposita uoluptatum copia . Sed Virgo magis  
Chri-

Christo adhaerere, generosius in acie stare, cum ludibrio a pugna hostem excipiens, celere, expeditumque illi refugium ad sacras paginas, precesque. his, ueluti fulmine, aduersus uim, & insidias uti, atque omne robur in id effundere, ut ocius illatae ab aduersario mēti cogitationes labarent, prociderentque, ne, diu per mentem uolutatae, mortifero animum ictu prosternerent. Stupens ad tantum Virginis ardorem, religionemque cum uiro nutrix, eiusque praestantiam in exemplum aliis trahens, acrius eam erga superos accendebat. Ceterum Aedesium, ubi intellexit a filia, Christianis imbuta sacris, damnari superstitionem suam, deorumque fabulas, haud parce ingemiscens, execrari prolem suam, & diis quodammodo obiiicere, quod, elargiundis Virgini luce, fauoreque, ritus suos perditum irent. Igitur inter irarum fremitum filiam blande appellat, diu mulcet, enarrat maiorum gloriam, religionem, & sacra, deorumque attollit beneficia: uimque Romanam aduersus Christi cultores, simul Herculis nuptias, ignemque ostentat. Etenim tanta priscos miscellos illos superstitio ceperat, ut nō erubescerēt deos suos incestis, adulteriisque polluere, & foeditates, ac libidines in fama, & gloria ponere. Dianiram olim, & Omphalem, aliasque, infernorum debellatori monstrorum, ac triumphatori terrarum, Iouisque comiti, placuisse uenustatis, ac pulchritudinis gloria: quanto magis illum exarsurum in taedas, in summo decore, in uegetissima aetate, suauissimaque oculorum, orisque luce? capefferet istas modo spes, euentumque rerum, famam sui breui locatum iri inter sidera, breuique statuarum, thuris, templorumque decorandam honoribus exoptata aliis famā, astraque per sudorem puluerem, sanguinem, mortisque discrimina in strage Urbium, excidioque terrarum, ipsi inter uoluptates, oscula, amplexus, felicitatemque patere Olympon, & gremium Iouis, Curiamque deorum: quan-



quantum fugiente Daphne splendescit Orontes, tantum Eurymedonta ipsius utero, proleque gloriaturum asserit, polliceturque. Sed Margarita eo effusius deridere, ac detestari simulacra deorum, atque abhorrere a patris uoluntate, quanto foediora oculis, auribusque portenta subiiciebantur. Quamobrem Aedeseus, sic reiectus a filia, infensus illam adspicere, ac crudelius abominari, & detracta uestiū pompa, uix tunicatam errare per campos, ueluti ex choro Lemoniadum unam patitur, ut, iniecto pudore cum desperatione (coaequalibus egregie uestitis) nuditatem suam cernens frangeretur, retorquereturque ad gentilia sacra. Ceterum nutrix, & Theothymus egregie illi animos faciebant, consolari, ac supernarum diuitiarum, pomparumque, admonere: etsi nequaquā his stimulis Virgo egebat, satis per se effusissimo cursu ad Christum cōtendens, animataque. Interim, inusitato terrore extrema, mediaque Ortus, Occidentisq. quatiuntur Romano fulmine proximas gentes torrente, directoq. in Christi cultores. Etenim Aurelianus, post mortē Claudij, praeclarissimi Imperatoris, Gothorūq. uictoris, ac fratris eius Quinctilij caedē, Romani capefferat Imperij habenas cū militari consensu, tū auctoritate Senatus, uir bello fortissimus, manu acerrimus, ad arma promptissimus, cōsilio optimus, fortunatissimusque, ceterū natalibus obscurus, pacis artibus ignobilis, barbara crudelitate formidabilis, exosusque. Hic, primordio Imperij Christianis amicus, eorumque sacris non infestus, postmodum, cum Rempubliacam per dedecora, & foeditates Galieni, inertissimi Principis, ac profundissimae gulae hominis, infelicitatemque Valeriani, apud Parthos proelio uicti, caprique, labantem uirtute, manuque sustentasset, pristinaeque maiestati reddidisset, fufis Persis, stratis Gothorum, Sarmatarumque copijs, accisa Carporum feritate, conculcata Germania, ad Emessam profligatis Zenobia Odonari Pal-

Palmireorum Regis coniuge, Zabbaque socio, recuperato Oriente, sublato triginta Tyrannorum & amplius imperio, frenata etiam Monetariorum seditione, auctoque Urbis pomerio, cruentissime, facuissimeque in Christianorum caedes exarsit, aqua, ignique illis interdicens. Ceterum in belli procinctu in Asiam cum ingētibus copijs aduersus Parthos traiecturus, ad Zenophorium, coniuratione Mnesthei, dextraque Mucaporis, occiditur, in ipsa felicitate, annorumque robore. Haec tyrannorum, aduersus nos facuientium uitae periodus fuit, non sine ingenti Christianā erga rem benignitate numinis. Sic Demitius Nero, dedecus terrarum, post infinita scelera, ereptamque fulgentissimis Christiani nominis luminibus Petro, Pauloque animam, sibi mortem consciiuit. Sic Demitianus suorum insidijs occubuit. Et Hadrianus, cruentissima bellua, nonne horrendo exitu uitam terminauit? Non Antoninus philosophus insidijs caruit, non domestica turpitudine, substeigente se passim amatoribus, & uterum Faustina ostentante, atque ardentissime prouertere in Venerem. Non fortunate mortalitatem Commodus filius expleuit, gladiatoria manu strangulatus. Nec fausta sibi Septimius Seuerus post ciuilia bella, spumante Romano cruore Isara, tepenteque Isico sinu, Cyzicenisque maculatis litoribus, postque Arabum spolia, excisamque Ctesiphonta, deuictos Adiabenos, Orcades, Pictonesque pacatos, sensit. Macrinus cum Diadumeno speciosissimo adolescentulo nōne trucidatur, uilissimus homo, Romanum fastigium dedecorans? Discinditur ferro Heliogabalus, generis humani infamia. Maximini, Decij, Valeriani, Galienus, omnesque nostrorum rituum hostes, diriter maētantur. Nec rebellanti a nobis Iuliano, uadentique in Arsacida, ortumq. Solis Phoebea fana, consulti arioli, exciti manes, adorata Bellona, & perquisita exta, fibraeque profuere, quin hostili in terra, incerti

certi lancea uiri saucius, uolutatusque in sanguine infan-  
dorum persolueret poenas scelerum. Nec gentilibus dū-  
taxat Caesaribus, Regibusque praescriptum est hoc mor-  
tis genus. sed par in Catholicae religionis oppugnato-  
res grassata est lues. sic Valens, sic zeno Isaurus, Anasta-  
sius, Leo Isaurus, Constantinusq. filius, & reliqua mon-  
stra miserabiliter periire, posteritati documentum perpe-  
tuum, ac sempiternum. Sed iam, unde discessimus, no-  
stra reuertatur oratio. Aureliano igitur mouente in Par-  
thos, Pisidarum Prouincia Olybrio, Principi caro, decer-  
nitur, acris, & iracundi animi uiro, audaci, nec dissimili  
moribus, uotisque Augusti. hic per Lycaoniam, Isauriā-  
que in Prouinciam ingressus, recta tendebat Antiochiā.  
Illa die Margarita cum aequalibus ad quendam fontem  
subsistebat, lacto circum uirenri gramine, a uia militari  
non multum secedentem. Igitur Olybrius, iter faciens,  
ubi puellarem turbam adspexit, facile Margaritam pul-  
cherrimam omnium iudicauit, statimque impudicum illi  
adiecit oculum, ex assiduīs sordibus, illecebrisque intum-  
escente libidine. Cunctanter, lenteque agit equum,  
attollit sermone cum proximis uirginis pulchritudinem,  
Dianae aequat, uorat oculis, agitat uim legum, patriam  
seueritatem, censoriam disciplinam sub seuerissimo Au-  
gusto, audet, metuit; in diuersa distrahitur. Sed in tanta  
pulchritudine, non difficile fuit impuro homini succum-  
bere. Mittit equites, qui ad se attrahant Virginem, ue-  
luti hosticum per solum incedens, terramq. Parthorum:  
cui, si seruilis fuerit condicionis, concubinatum, uolu-  
ptates, & oscula; si libera esset, nuptias, & torum pol-  
liceantur. Missi equites, ueluti iumenta aquaturi, facto  
impetu, prehendere Virginem, diffugientibus sodalibus,  
questibus nemora, camposque implentibus. At Marga-  
rita, ubi se circumdatam uidit, seque rapi sensit, uehe-  
mentissime perturbata, lacrymabili adspectu, uoceque

Christi nomen inuocabat, seque illi commédare, ne corpus suum praedatoris ludibria pateretur, ne libidini pateretur, ne uenere nuncupata in irritum uota caderent, & ne margarita, exstincta uirginitatis luce, obscuratoque fulgore, in luto luxuriae calcata sordesceret. Esse illi uirginem matrem, gaudere innuptarum consuetudine, placere illi uirginalem simplicitatem, uirginem se quoque esse, illi dumtaxat seruientem, languentem amore, exultantque facibus: non iam suam iniuriam fore, si raptoris libidine corpus pollueretur, sed sponsi: habere iam fulmina: torqueret contra impietatem, & sacrilegium: tormenta non ab se timeri, uirginitatis gloriam mire aestimari uociferans. Vt deuenit ante Praesidem, inter candorem, ruborem, sudorem, angoremque non intendere oculos, non promere uocem, aut strepere, sed muta os lacrymis rigabat, indignabundaque detorquere in terram oculos, mentequae haerere caelo. Olybrius, inter flagitia, & libidinem exsultans gaudio, attonitusque uirginei splendore decoris, miscere suspiria, uix arcere a uirgine manus, uix continere furorem, auide legit iuuenile corpus, haurit ex insigni proceritate ignem, sentit faces, secumque dolet, non pacatam frontem esse, non benignas lucas, id sibi inuidere deos credere. Iamque ex pudore ingenuum, indomitumque animum, & castimoniâ praesagire, quando Praefectus equitum insufurret illi, nō difficili cursu, nec laborioso uenatu pulchram apprehensam retibus ferā, sed frustra sperari amplexus, cum Christianos capeſſat, colatque ritus, ferum apud hominum genus odium uigere immortale aduersus deos, delicias, torique uoluptates, non raro id experientia monstratum cum infauſto exemplo, & ignominia fascium. omnia illico apud hominem mutata, uariato oris colore, argenteq. anima. Toruo igitur uultu respectat caelum, & minaciter frontem dextra tergit, uoluit iam caedem, anhelat sanguinē,

compellatque Virginem, quae illi patria, sacra, gens, nomen, & insignia essent. Et Margarita, ubi rabiem pectoris, elatamque uocem excepit, laeta, quae prius de Virginitate inter blanditias dubitarat, Antiochiam sibi patriam, Christum Deum, illustre genus esse, & Margaritam uocitari asserit. Tunc Praefectus: Ergo, quem in cruce litauere Iudaei, tu Deum uocas, colisque? Et, annuente Margarita, Olybrius statim ipsam in Praetorium sub custodia praemisit. ipse, prodeunte obuiam Ciuitate, & legione inter signa in media uexillariorum cohorte, Antiochiam intrat, facitque ad Herculis sacrificium patrio ritu. Peractis sacris, cum aduersperasceret dies, Solque in occasum rueret, in Praetorium se recepit, moliens iam supplicia, quae Virginis animum edomaret acri, infestoque certamine ira cum arrogantia, & pulchritudine cum libidine concurrentibus. Insequenti die propositis edictis, denuntiatisque, per praekonem Margaritam pro tribunali sedens accersit, placideque Herculis, deorumque ante aras procidere, dare libamina, parere Caesaribus, parcere aetati, & delicatulo corpori, auertere ab se tormentorum atrocitatem, seruareque etiam inaeestimabilem pulchritudinem iubet, abnegatoque Christo summam felicitatem pollicetur. Margarita, confirmata animo, nec minori elata fiducia, negat, ab se quemquam praeter Christum Deum coli posse, nihil sibi pulchrum uideri praeter Iesum, cuius iam se tutam esse, foreque auxilio, si corpus laceraretur suum, si diuexaretur, caederetur, discerpere, urereturque. id sibi optatum, id expetitum, acceptumque Christo sacrum fore, sperni ab se blanditias escam inferorum, nec dubitare nefarias cum dedecore illius artes in irritum casuras affirmat. Tunc Praefectus iterum rogare, ut deponeret peruiaciam, cederet precibus, cederet monitis; &, ne tormentis peragenda res foret, Romana numina ueneraretur: si id faceret, sponde-

re Augustalem fauorem; & thalamum suum, nihil sibi gratius esse, aut futurum iucundius, quam Iunonis auspiciis ambos laetissime frui opibus, fruique iuuentae bonis, & dulcedine. nihil tale speratum Pitidae, & nouum, eo-que magnificentius dicere. Et uirgo respondit, frustra effundi uerba, sibi nihil acrumnosius uitae, nihil mori; & esse eum Christo exoptatius. Christum ignominioso, dirissimoque affectum pro se supplicio; se pro illo non frange morituram, persoluturamque tanto amoris mercedem, etsi non parem, attamen quam posset dare. Tunc ira concitus Olybrius, spoliari Virginem, nequid ludibrio, furorique deesset, in concione populi, & neruorum scindi uerberibus corpus iubet. Ministri arreptae Virgini stolam detrahunt, suspensaeque in equuleo, afflictae ponderis saxorum pedibus in caedendo corpore uires, lacertosque ostentant. Virgae, ad primos ictus tenellum corpus, depulso candore, rumpentes, laxum cruoris elicuere fontem, inter quassationem, uerberandumque sanguinem circum irrorantes, cruentatis etiam ministris, euibrata miseratione omnium uiscera, lacrymae quoque fluxere apertis cum gemitibus, uocibusque Margaritae duritiem, & contumaciam carpentibus. Sed puella, animo insigni, intenta caelo, Christum pie apprecabatur, ne se in tormentis uitam, neue inter barbaricam feritatem multis circa hianti ore ad uorandum adstantibus canibus defereret, praefata, sibi fiduciam, & uires inesse nullas: illius se posse triumphare uirtute, praebito aliis etiam exemplo Virginibus, ne Tyrannorum minas, uultusque horrescant: laxaret imbrem suauitatis suae, mulceretque ardorem ictuum, roburque ad reliqua perferenda tribueret. Et Olybrius, dum fuit cruor, stridentque Virgae, discissaque carnis frustula dissipantur cum horrore intuentium, obstupescens ad tantam animi magnitudinem, atque constantiam, sublatum oculos sago tegens, submurmurare, ut sibi parceret, saepe-



saperet tandem, ne ue in se tam diriter saeuiret ipsam. At uirgo inclamare, satis sibi mitem uideri, satis amantem sui; sin aliter faceret, merito crudelissimā posse dici: iam ab se sperari salutem animae, iamque per corporis excarnificationem non longe cerni coronam: ipsi uero, idolorumque cultoribus, laxum ad ima Tartari patere iter; quo in sempiternum ab occasu torqueantur. Permissum modo illis, quare in cruore innocentis, quo inferna monstra eorum suppliciis exsaturentur annuebat. Interea ipsa languida uoce uix fari, emananteque sanguine, pallida, uix trahere animam, pectore, luceque tamen non cedere, sed ultro poscere in se supplicia. maius hac animi celsitudine, contemptuque poenarum illarum Romano uulnus, quam si, Parthico telo occidisset, anxie, & minacissime circumspiciens Virginem deponi ex equuleo, inferriq. tenebricoso carceri iubet ad atrociora tormenta dilatare. Et Virgo, crucis se signo munens, summa religione Christum est precata, ut dilueret culpas, utque errata iuuentutis obliuisceretur, simulque uti bellantem aduersus se hostem in conspectum daret. pie caelestia meditatur, & lacerata membra tangit. Offerit se nunc nobis fabulosa de Dracone narratio, maiori impudentia asserta, quam fabula Alexandri Macedonis, aut Scipionis Africa ni falsa Draconum specie elusorum. licuit hoc fingere Graecis, & attexere mendacia, quibus iure iam suo utuntur, non minus factis, quam lingua monstruosi. sed in Christiana historia quis sani iudicii, ac religiosi animi non exsecrabitur scriptoris imperitiam, & puerile commentum? a nobis ita traditur, ut, Catholicae ueritati, & sapientum iudicio firmissime inhaerentes, fidem penes rei auctorem esse uelimus. igitur sub Draconis specie Daemon in Virginem excitur, cum subito ingentis magnitudinis serpens, uel ad stuporem Bragadae, & noui aliquid semper parturientis Africae obtremente tellu-



tellure, erumpere ex imis uisus uariati squama coloris, fusa horribiliter coma, minutis cincinnata serpentibus, dependenteque Venetae conditurae e mento barba, in-torta cauda, & interdum late explicata cum fragore, funesta oculorum luce, dentiumque terribili, & ignito ordine, uastoque oris hiatu, & patulo gutture eructans famiem, & globulos flammaram, odoremque taeterrimum, immensa aluo, e collo Dypfadibus, Natricibus, Praestero, ac Pharea dependentibus, seque amplexu corporum in auras extollentibus, anterioribus pedibus diriter informibus, multiplicis, distortiq. digiti ferreis ungulis, morteque armatis: Inter eundum excipi sibili, infaustusque stridor, quati armi, uerri humus, attollique colla, & tergemina exferi lingua flammam lambens, uomensque. Expalluere uirginis os, uultusque, obtremuereque artus, obrigente coma, labauitque in uestigio pes, trepida caelo figens lucem, spemque salutis flebiliter Christum inuocare, & Deiparam, mox uidere sibi uisam apprehendi, & absorbi a bestia, paulloque post, crepante serpente, incolumem affundi solo. Iraque ex magno timore in summam euadens fiduciam, Christo grates reddere, cum mox, ad laeuam respectans, uidit alium in angulo daemone adspectu fero, immanique, torrida cute, oculis igneis, duplici nexu manibus, cruribusque euinctis trepidantem, & non dubij cruciatus praesferentem signum, quem uidrix uirgo, cui iam uerberum, equuleique dolor, & carcer pro Christo nimis angusta arena uidebatur, crucis iterum armata signo, crine arripit, allidit ad solum, pedeque collum premit, & sentit eiulantis uoces. Satis, o Virgo, poenarum dedi: diu, & saeue crucior. num ista te poena delectat? Retulisti iam spolia: praeclare uicisti: cum uictis iam nullum bellum: generosi est, ignoscere poscentibus ueniam: fratris in interitu mei tripudias: en infeliciter iacet: & ipse quoque iacebo. nimum

mium defenſa Deo Virginitas, nimumque dilecta. Hanc cum labefactare frater tentaffet, ſenſit ultricem dexterā, deditque poenas temeritatis, cum ordinis ignominia noſtri, & praeconio tui. Quaefo, triumphatrix, poena miſceſce alterius, & ne mihi indignare. Tunc Virgo, faſſa ſe Chriſti ancillam, iterum procubuit in preces, gratesque, &, adorato numine, animaduertit ingētem undique miſcere ſplendorem, aſſatam miram ſuauitatem, crucemque tangētem aſtra uiſam, in faſtigio ſubſidente columba inuiſitati candoris, uocem quoque exaudit, pollicentem non dubiam palmam, aeternamque quietem. Virgo, flexo genu, pulſis ulceribus, curata corpore, laetaque prodigio, plaudit numini, non ceſſat illi laudes canere. Conuerſa deinde ad hoſtem, iubet ſeralia aperire arcana, & enudare ſclerum triumphos. Qui cum impetraffet, ut a gutture pes Virginis dimoueretur, ita orditur: Quid uſpiam eſt, quod meo non ſubſit imperio? Me iubente immenſis reboant fragoribus aethera, mugiunt ab imis ſedibus maria, trucibus agitata procellis, ualida grandine, crebrisque niuib. fatiſcunt montes. Ipſam ego machinam terrae multiplici metallorum genere praegnantem, ſuoque pondere luſtantem mecum, his brachiis, lacertisque concutio. Ditiffimus erat Iob, cui omnes, qui ſolem Orientem ſpectant, & numeroſam familiam, & firmiſſimas arces, armentorum greges, & gazam opulētiſſimam inuidebant. Sed, uires meas expertus, extremae fuit omnibus calamitatis exemplum. Fui ego nullo comite, & adiutore, nullis machinis, aut arietibus, teſtis, arcibusque ruina, diſtrictus mucro familiae, armentorum gregibus clades, diuitiis, mercibusque tempeſtas: nihil intantum reliqui: ex purpura deduxi hominem in ſterquilinum; membraque ipſa, quae ſola ſupererant tabem ſpirantia, uiuum maerentis animi ſepulcrum, funisque conſtitui. Interroga Niliaca ſtagna, camposque Taneos,

neos, qui me toties conspexere ad singulare certamen cum siderum rectore congressum. Hic vires omnes exerui meas; conuersis in colubros uirgis, inflatisque cruore fluminibus, ne Moyse uiderer inferior. Mirata est Memphis perpetua quadam scaturigine ranam, non ex coenosis modo paludibus, sed ex Regio etiam conclaui profilientem, quae & terram inficeret paedore suo, & molesta coaxatione aspidum aures urgeret, ad maiorem quotidie portentorum uocem obsurdescentes. Nullus pro me miles in hostem cataphraetus incessit: meis ipse manibus, breui noctis unius spatio, sublati heredibus, Canopum, oramque Paraetioniam adeo lacrymis, & squalore compleui, ut, nablis ubique confractis, cydarique deposita, ululatibus cuncta perstreperet; & sepulcrales faces uiuentibus sertis, Memphiticis pyramidibus coenotaphia humanae infirmitatis monumenta succederent. neque uero debilius mihi in aquis, quam in continenti, potestas. Romam multi cum Paulo, qui ad Caesarem appellarat, naui firmissima uehebantur, hos ego leni aura prouectos circa Melitam insulam consecutus, minaci primum imbrium ui, fulgetris, turbinibusque perterrui: tum ad adspectum meum inhorruit mare: repentini flatus ex diuersis collecti plagis in naui perniciem conspirarunt: quorum impetu disiecta uela, malus deinde, mox gubernacula, frustra fluctus euitate magistro, diffringitur, uasto alueus dehiscens hiatu conspicitur, turgido, spumantique aestu nauigij latera conuelluntur: dumque immanes toto pelago aquarum moles illis reciproco frangerem, uacua hominibus carina arenis illata in minutissima frustra dissiliit. irarum ipse molitor; parensque discordiae, thalami illata suspicione inter coniuges insidiator, affideo male nuptae querellis, nuruum in focus, nouercarum in priuignas, seruorum in heros, ancillarum in dominas stimulator. Quot ego philosopho fucos, quam

opi-

opimum Iureconsulto lucrum, quantum purpurae fastū,  
 & contemptum aliorum, aut quantam ego militi praedā  
 ostento? Ruunt praecipiti cursu, morteque sua trophaea  
 mea nobilitant. caret aeterna Roma tot molibus, & in ful-  
 gore, maiestateque Capitolini culminis tot spoliū a-  
 ceruis, & aegra iam inuidet tot mihi manubias, tātasque  
 uictorias. terris ipsa, ego animis imperito. Summum por-  
 ro mihi ius in amoribus uindico: hic laqueos tendo: hic  
 animorum uincula, & flammās paro, Stygijs temperata  
 caminis: quibus nec lorica, Margiano ferro refulgēs, nec  
 paludamentum obstitit. ardēt animi adulterini coloris  
 obrutu, quo identidem aniles genas, frontemque rugo-  
 sam adsperso, locatis sagittarijs in lacrymae stillis, ge-  
 mitusque calore. Et, quod magis mirere, taedis meis nō  
 inuiti exuruntur: conceptoque in uisceribus igne, aspidū  
 uenenum, dulcem amaritudinem, & blādam mortem pro  
 exquisitis delicijs amplectuntur. Adsto, insomniorum  
 immissor, & specie uoluptatum eludo: texo dormienti-  
 bus mortem: hac acie, ferroque imbellem, & fortissimum  
 quemque prostravi: sublimibus ignobiles, diuitibus pau-  
 peres, insipientes doctis, pulchrisque horridos aequa-  
 ui: haec in omnes ualuit dextera, fulmine felicior, ac  
 uiolentior. Quid referam nefanda tori, & incesta cubi-  
 lis, in uirginali triumpho, ac uiduae pudore me circa  
 plaudente, & promittente silentium? Num senum ardo-  
 res, num potentium artes ordiar, num primas iuuenum  
 flammās, in pube nondum pilo uestita erumpentes? At-  
 texam ne polluta obtutibus templa, & ipsas immortalis  
 Dei aras ordini nostro terribiles, lasciuis assultibus teme-  
 ratas, cum igne singultuum, & nutrimento furoris? Plura  
 necentem hostem offensa turpitudinum iactantia Virgo  
 imperato silentio inhibuit. quo ad inferos dimisso, gra-  
 tias iterum Deo agit, transegitque eam noctem cum in-  
 signi gaudio in caelestia effusa. Olybrius, orta luce, rapi  
 Y in

in tribunal Virginem iubet, undique circumfusa Ciuitate, atque erecta in admirationem. Ipse in illam luminibus directis obstupefcere, admirarique incredibilem oris maiestatem, & torius corporis praestantiam, uel ad iniuriam uirgarum integri, micantisque: conuersusque ad eam, ita coepit: Nosce iam, bellatrix, uel inuita, deorum benignitatem: nosce iam fauores: pugnasti aduersus eos insigni impietate, & stultitia. ignouere ipsi, miserati dolores, miserati cruciatus tuos, teque ad felicitatem distulere. desine iam dimicare: uince, & geminatas ueneres cum beatissimo ore, ac luminibus insere concilio Iouis, ad stuporem deorum, tonantis iam fulmina uittata Sacerdos excrete puellari manu inter fumantes aras, uictimarumque cruorem: cedam ipse libenter, si tu cesseris: iacturam meam, & pudorem in uictoria tua praedicabo. Virgo humanitatem hominis eludere, cum irrisu deorum imbecillitatem obiiciens, & plaudere dumtaxat aeterno numini, illi uictorias, & statuta in contemptum deorum trophaea referens. Tunc Olybrius, acerbissime stridens, detrahi uirgini uestem, in equuleumque suspendi, ac pectus, lateraque facibus diuexari iubet. Sed uictrix egregie supplicium sustinet, multum consolationis, multumque roboris ex Christi cruciatibus trahens: interque uaporem, stridoremque carniū admirabili constantia refulgens, secundam pugnam poscebat. Intelligit ferociā Olybrius, & ipse immiti animo noua moliri supplicia, nouosque cruciatus. Ingens aquae uas in medio statui, mergique in illud uirginem imperat, fumantibus lateribus, circumdatamque undique uinculis, ut nimia aquarum copia spiritus intercluderetur. Extulit uocem in certo Virgo discrimine, numini supplicans, atque in hunc modum effata: Domine Iesu Christe, ruptor uinculorum, & Tartaro triumphato felix ualuarum euulsor, ac suscitator mortuorum, serenas ad me inflette lucas, beni-

benignitatis uberrimum imbrem irrorantes. Sit haec mihi aqua in salutem, sit in ablutionem scelerum, culpaeque. Per aquam nouit mecum mortalitas affusam orbi salutem: aquam aura beata, ac sempiterna fouit post primordia rerum: & fluente ipse Iordanis impresso uestigio sacraſti: me foue, me libera, amantiſſime Ieſu. Ita dicentem merſere liſtores, uiſtricem nimia immanitate urgentes ad clariorem triumphum, cum exemplo concuti ſolum, & ingens ignis ſplendere columna, expandique per aera crux, atque alba columba ore coronam gerens ſuperuolitare Virgini uiſa taſto capillo, ſubſidensque in cacumine crucis, ſic fari: Depulſo diſcriminum metu, quieſce, puella: iam iamque capeſſe coronam: pax undique micat: Deus adeſt. Tunc diſrupta Virgini uincula, & laxatae catenae uel ipſi exultanti, cū geminata gratiarum aſtione. Fama eſt, columbam illā, propanſis alis, in fulgore Crucis iterum canentem numini laudes, ac plaudentē Virgini ſuauiſſimo ſonitu, in has uoces rupiſſe: Huc adſis, religioſiſſima Virgo: huc propera dilecta Deo: intende caeleſtibus lumina: intuereturum, defunctae iam atrociſſima pugna, illic licet quieſcere laureata ceruice: ſtant aeterna palatia: patent iam tibi: illuc cum aequalibus Virginū choris, & martyrum turmis triumphare licebit: illic aeterno aeuo, aeternaque luce beatiſſime fruēris. Ad hanc uocem, admirandumque prodigium, ferunt multitudinem ingentē, pietate, & cupidine martyrij concuſſam, auidamque ſalutis, ſpreta tormentorum atrocitate, ruiſſe ad baptiſma, concelebraſſe Chriſti nomen cum ludibrio deorum, ac Caesarum. nihil hoc Olybrio amariuſ potuit accidere. furē armari legionem, cani ſigna, dataque teſſera ſtatui uexilla iuber, aſuſoque in apertum equitatu, arma, & faeces in rebelles poſcit, infrendens, & truci irarum turbine raptatus in multitudinem impetum facit, ſternit ob-

Y 2

uios,



uios, fodit pectora, proterit iacentes. Illi, laeti, se ha-  
 ftis, telisque obicere, fortiter mori, non gradu moueri,  
 ultro in se librantium tela inuitare, parato iugulo. nec  
 femina, in armorum fragore, tubarumque sonitu, inter  
 stragem, uiro cedere, aut gladios, mortemque formida-  
 re: scisso crine lympharum uolitare, inter pila, hastasque  
 tripudiare, aduersa corpora, ac pectora horrenti ferien-  
 tium mucroni offerre, non ciulatus, non gemitus, clamor-  
 que exauditi apud morientes. id curae bellantibus fuit,  
 ne uiuerent. aggestis in unum corporibus, cumulataq. stra-  
 ge percussoribus ipsis feliciores exspirauere. Olybrius,  
 assidens in cadauerum cumulis, truces oculos circumfe-  
 rens, caelo irasci, & nouam caedem ructans, uertit in  
 Virginem iras, magnitudini eius inuidens, nec uictoriã  
 illius in tanta ciuium ruina ferēs, ne in irritum tot cona-  
 tus caderent: &, de uictoria diffusus, pronuntiat, uiduari  
 ceruicibus Virginem, ad solatium uictorum deorū, sui-  
 que. Lictores, accepto imperio, raptam Virginem in  
 campum (ubi iacuerant trucidati martyres) traducunt.  
 illic miles apprehensae protendi caput, nudariq. collum  
 mandat, multum rogans, obrestansque, ut sui apud Deū  
 reminisceretur, in caelesti thalamo cubans, relata specie  
 circumstantium Angelorum. Tunc uictrix, moram depre-  
 cata, uertit ad spectatores oculos, monens, precansque,  
 ut, abiecto inanum deorum cultu, Christum percolerēt,  
 figerentque in eo salutis spem, memorata clementia, &  
 cruciatuum magnitudine pro homine, & peccatore lato-  
 rum. Versa deinde ad caelum: Summe (inquit) regnator,  
 primordij expers, finisque, tibi laus, tibi gloria: ecce nu-  
 dam, inermemque effudisti in arenam aduersus furen-  
 tium iras, terroresque: &, numine tuo felix, iam uicto-  
 riae metam attingo. imbelli dexteræ a forti milite, ex-  
 pertoque certaminum concessum est. tibi cano: tibi tro-  
 phaea refero, tibi laureas: respice iam, meque secunda  
 aura



aura prosequere: tibi preces, tibi uota dico, sacroque: largire humiliter supplicanti ancillae, gratiarum largitor in tui nominis decus, ut, si quis Margaritae nomen cantu, obsequioque extulerit, aut erectis memoriis honorarit, uel rerum gestarum monumenta historiae mandarit, aut urgente discrimine invocarit, affluat is tuorum ubertate fauorum deletis criminibus, non daemonis insidiis fractus, non fame, non fulmine, aut furore bellorum attritus, peto, regnator aeternae, non meo merito confisa, aut fastu elata, sed in haec me promissa tua traducunt, quibus cultores nominis tui in daemonis, ministrorumque eius ludibrium suauiter beati. summum summa decent. siste me amictam gratiae tuae iubare beatissimis pedibus: tu mihi Deus, tu Pater, tu Dominus: tota in te spes mea haeret. Cum ad hunc locum deuenissem, haesit animus ancipitibus implexus, fuerit ne germana, & uera narratio, an ex rudis scriptoris sensu deprompta. &, licet fas, piumque sit, optima quaeque meditari, opinarique de Deo, cui non est impossibile omne uerbum, & ex cuius uberrimo, perennique fonte cuncta affluentissime in animarum salutem nostrarum emanant, haud decere uidetur summam Virginis modestiam, submissionemque, tam confidenter, elateque caelestia tentasse: & res fabulae similis apparet. hinc nurates animi, & stomachus aduersus auctorem, allatrante huius Virginis monumentis Radulpho Tung, atque inter apocrypha numerate. adeo rebus etiam ueris officit incertitia scriptoris: sed ita tulere superiora saecula, infelici disciplinarum sterilitate damnata: &, si liceat uetustati conferre nostrates, adfunt hac in re dubitantes Iulius Antonius Sanctorius Cardinalis, patruus meus, non mediocriter in Ecclesiasticis rebus uersatus, & doctorum hominum iudicio disertissimo, ac sapientissimo cuique conferendus, & P. Robertus Bellarminus, celebritate, & gloria scriptorum memorabilis, clarissi-

rissimusque, & P. Hieronymus Florauantius, egregij nominis Theologus, quattuorque linguarum peritia insignis, meique amantissimus, ambo ex Societate IES V, disciplinaque. Libuit haec attexuisse, ne in re grauiissima inscitiae, aut ignauiae argueremur, tamquam triuij rumores colligentes, contra dignitatem historiae, cuius anima in ueritate consistit, ac uoluminibus inferentes. Sed ad rem. Post preces quatitur extemplo solum ingenti succussione, adeo, ut multi ex spectatoribus humi prociderent, attoniti, stupentesque, ac uix sensibus haerentes. procubuit & ipse paratus in caedem miles. uoxque Christi inter caelestis regiae apparatus, & fulgentia beatarum mentium agmina perculit cum fulgore audientium aures, oculosque, pollicentis Virgini felicitatem, uotorumque petitionem. Tunc Margarita, laetitia gestiens, uersa ad spiculatorem, Agedum miles, inquit, feri, & cruenta securim, expleto iubentis imperio: non paueat imbelle iugulum, exarmatumque, robusta Romani militis dextera: & gaudia mea mucrone tuo accelera. Tunc pauere miles, recusare facinus, indignari ictum, compescere ferrum incepit. Sed, rogatu uictoris suauiter persuasus, multo cum gemitu, tristis, maerensque, atque inuitus, stricto gladio discindit Virgini collum, x i i . Kal. Augusti. Graeci uictoriam illius xvi. Kal. Augusti Fastis adscribunt, celebrantque. Anima eius effusa per auras, in comitatu Angelorum, ac caelestium spirituum, ad regnatoris conspectum, sinumque transcendit cum eo, beatissime, aeternaeque regnatura, nostri non incuriosa, si inuictae fortitudinis exemplo ad caelestia tendamus.





# S. DOROTHEA

## VIII.



**D**orothea Caesareae, in Cappadocia, celebri opido, & gentis metropoli, nascitur, praeclara familia, haud contemnendis fortunis: quae cū adolescentiae annos attigisset, incredibile dictū est, quanta pietate Christum amplexata eius exarserit amore, Romanisq. haud pauide collum securibus subiecerit. adolecebant cum illa non aetas modo, & eximia corporis species, verum etiam mores castissimi, uita sancta, &, quod augustius in Virgine est, uotum castitatis, in ea praesertim caeli plaga, in qua omnis turpitudine uersabatur inter obscenissimam Venerem, & ludibria corporis, uel in aris praecepta puellis Virginitate, & id in gloria apud Orientis gentes. inerat illi comitas morum cum dignitate: sermo ei non nisi de Christo: nullo corporis ouabat ornatu: assidua in precibus. his clara nominibus Dorothea, facile praetoriis fascibus innotuit. Sappiricus tunc Cappadociam regebat, moribus, & continentia non spernendus, &, si abstinuisset a Christianorum suppliciis, prorsus laude dignus, per funesta, execrandaque ix. Caesarum edicta iactata Christiana Ecclesia. sed ea tēpestare paullatim mitigata in nostros ethnicorum rabies uidebatur. Iunio Maximo iterum, & Aquilino consulibus, ambobus Augustis Diocletiano Iouio, & Maximiano Herculeo barbaricis implicatis bellis,

Germanis turbide, Herulis, Chaibonibus, Alemannis in Martem effusis, & Burgundionibus Gallias vastantibus, rebellanteque in Britannia Carausio, Sarmatarumque incursum afflicta Dacia, Oriēte tamen uirtute Diocletiani pacato, fractis paullo ante ingenti Marte Saracenis, Parthisque, Narsete etiam rege Persarum non audente lacessere Romanas Aquilas. sed ea serenitas, paulatim uersa in nubem, subito obturbata, diu per aera lente uolitans, ad 11x. Diocletiani, & vii. Collegae consularum, & ad ipsa amborum uicennalia foedissimū cruoris, caedum, & fulminum imbrem effusura erat. Ceterum Dorothea, rapta a penatibus, ad Saprimum ante tribunal adducitur: qui, contemplatus Virginis pulchritudinem, & lineamenta, erectamque ceruicē alta repraesentantem, ita cum Virgine est locutus: Magna dudum de te nobis relata accepimus: cuncta nunc, & maiora, praesentia, & oculis deprehēdimus: ideo excelsiora de te expectamus: nec dubia de salute speramus, si aeternorum uolueris amplecti sacra deum, & Dianae ante aras flectere genu, quam apud uos, gentilibus ritibus, quam religiosissime ad Castabalam, in ipso Perasiae Dianae fano, colimus, quamq. in tanta ueneratione, & prodigio sacrificae mulieres, illaeso per prunas decurrētes pede, habent. id imperatum diuilibus rescriptis, & numinū iussis. sic placitum Augustis omnino explodi Christianam superstitionem. quamobrem te accerendā hac de causa putauimus, ut, abiecta hac seruili condicione, ueteribus, patriisque reconciliata diis, fruire hac optatissima luce, &, in praeclari thoro uiri locata, dignam pulchritudine tua Romano prolē gignas imperio. quaeratur uno tempore, cum uoluptate corporis, animae salus a benignitate deorum immortalium. sin aliter, dira, & acerba, atque immania prorsus tibi supplicia manent; belluaeque in morem macmata, deorum offensis, & temeratae religioni sa-

in satisfeceris. abhorrens hoc a lenitate Romana, sed tutum, ac necessarium: cum caritate liberorum antiquius apud nos sit augustale sacramentum, & numen, aequata praesertim, fauore deorum, ipsi Olympo Capitolij arce. sic maiores nos docuere: ita nobis tradere posteris in animo est. Cui Dorothea: Non inepte, Saprici, & procul Romana consuetudine loqueris, nec iniulte faceres sanctis Principum implendis, nisi praepotentiori, augustiorique parendum foret, qui diuersa multum (quoad salutem animarum attinet) a principibus tradit tuis. ipsi parendum iampridem in animum induxi: idque, dum animo spirabo meo, constantissime me tibi facturam polliceor. iustissima ratio suadet, & immensa praemia alliciunt. a uobis, diisque, nec salutem uolo, nec dignor, quorum dirissimus occasus, & semper in cruciatibus trahendus spiritus est, qui nec illudentes sibi queunt ulcisci, nec uenerantes digna compensare mercede. quae tu modo tormenta, & minas iactas, facile contemno: tempore enim finiuntur, & morte. alia sunt pertimescenda, quae & acerbitate, & aeternitate intolerabilia sunt, & inuitis ferenda nefariis. haec praecauere, in animo est. cetera superi uiderint, quos non longe a salute mea esse spero, & affuturos in tempore: quorum si gratis animis amplissima metiremini beneficia, non tam impie in nefaria sacra, cultusque descisceretis, honoratis saxi, & bestiiis. Tunc Sapricius, mollem in Virgine animū cum credidisset, & nutantem mentem, ubi ferociter se repulsum uidet, animi dolore incensus, nudari illam, & in equuleum suspendi iubet, ut, intra cruciatus corridente audacia, resipisceret, mentemque ad saniora consilia retorqueret. non enim credere, tenellum corpus statutum aduersus supplicia, & spreturum, quae immaniter obiicerentur, aliter uerbis pugnandum, aliter corpore tolerandū. Sed Dorothea, magnanima uoce, intrepide, sacuiensis



uultum Praefecti respiciēs, Virge (aiebat) supplicia, Romanæ: ne me longa more retarda, quo minus illius perfruar amore, ob cuius nomen, & cupiditatē inter bestiarum dentes, strictos mucrones, uirgarum crepitus, flammarumque globos affligi, uexari, cruciari, laniari, trucidarique non paueo. Quis est (inquit tunc Praefectus) & ubi ille, cuius te ita succensam uidendi cupiditate ostendis? Et Dorothea: Christus Dei filius est, sine initio, & fine, qui omnia complet, molitur, gubernat, & regit, cū uictorici acie, laureatisque bellatoribus, ad dexteram sedet Patris cū almo Spiritu, ubi aeterna caelestis sunt gaudia regni, uernātes, uel sub Boote rosae, uariata lilia, mira florum ubertas, & amoenissimi horti, perpetuo uirentibus uestiti arboribus, & suauissimis ornati fructibus, ibi coronatae Virgines, & caelestium agmina accolarum infinita cum canticis, tripudiisque decurrunt, & sempiternum habent domicilium, nullo uel hostili fragore pulsandum, aut praedatoria uellendum manu, luctu ue funestandū. Et Sapricius, cervicem quatiens: Relinquendae sunt istae fabulae, (puella) & sacra faciunda diis, pulcherrimi te (cum pulchram pulchra deceant) thalamo uiri sociabimus: ne misere, & ignobilitēr pereas. Et Virgo: Nec infandorum aduoluam Idolorum simulacris genu: nec alius, praeter Christum, de uirginitate ouabit mea: quicum perbreui tempore optatas iam diu, & felicissimas aeterna in aula celebraturam me nuptias spero. Tunc Romanus, miratus constantiam Virginis, simulq. miseratus aeratis, in tanto uultus splendore, & elegantia membrorum, & gloria, mitius cum puella agendum, & blanditiis molliundam ferociam ratus, (quippe nobilium pectora facile precibus quatiunrur, minis durefcunt, nescia superiorem pati) ex equuleo depositam, duabus mulierculis, Christae, & Calistiae, a uera pietate, certoq. numinis cultu abducendam tradidit. hac, paullo ante  
Chri-

Christianae, acerbitate, metuque poenarum uictae, muliebriter idolorum ad sacra defecerant, auctae postmodum fortunis, & gratia apud Praesidem: ut hac spe lucri allecti, obcaecatique piorum animi facilius succumberent, & nefarie desciscerent, idola uenerarentur. Sed longe diuersum a uotis Praetoris pugna inter Dorotheam, & mulieres sortitur euentum, uersis in luctum gaudiis, quibus ethnicorum paullo ante tripudiarant animi, captisque, quae tendebant insidias, rursusque ad ea perferenda incitatis, quae antea exhorruerant, supplicia. diu anceps proelium: utrimque summa ui concursum: uictoria demum penes Dorotheam fuit, compulsis aduersariis fatendum ad scelus, expetendamque errati ueniam, horrentibus nocentium pectoribus, cognitoque facinore attonitis, oratione postmodum puellae subleuatis, commemoratis passim ueteribus aliorum Sanctorum exemplis, dicentis, primam in Ecclesia laudem esse, omni carere crimine; proximam, non desperare. sic initia mortalium, progenitoresque, intemperantia, & cupidine pollutis faucibus, opataque arcana scientia, a summo uoluptatum, gloriaeque fastigio in ima miseriarum lapsos, erectos tamen fletibus perpetuis, & paenitentia, locatosque perenni in beatitudine inter primos caelestium ordines, coruscantesque beatarum mentium acies, Petrum Christianae uerticem Ecclesiae fundamentum, basem, lumen, decusque sempiternum impie eadem fecitasse, nec tamen desperasse. Dauidem, tanti nominis Regem, tantis ornatum laudum praconiis, turpiter adulterio baccharum, diriter parricido cruentum refugisse in complexum diuinae clementiae; nec Mariam Magdalenam in turratae fastu comae, oculorumque flagrantia, ac genarum fulgore a Deo suppliciter inter pudorem sui, doloremque, & cachinnos fortasse amantium petentem ueniam a regnantis pedibus fuisse reiectam: Matthaeum, infami grassantem lucro, in-

\* fortasse

ter

ter nundinarū fraudes, rapinasq. subito nobilitatū prae-  
 rogatiua Apostolatus, uel Pharisaico indignante coetu,  
 ac praedamnante: Paulum quoque, ferocissime assurgen-  
 tem piorum in necem, molientemque nascenti excidium  
 Ecclesiae, repentino mutatum, & duodecima curuli  
 honestatum: nullum maius, atrociusue exsistere scelus,  
 quam desperatione diuinæ pietatis laudem infringere:  
 ideo Christum sanguineis desudasse roribus; ideo pepen-  
 disse in cruce perpeſsum uirgarum diritatem, laniationē-  
 que ceruicis; ideo hiantia laterum uulnera, perforatas-  
 que manus, & traiectos immaniter ferro pedes ostentaſ-  
 se, ut nulli erranti paenitentique spes ueniae praecideret-  
 tur; nemoque errata deplorans sacuum aliquid moliret-  
 ur. Oratione Virginis certam in spem ueniae traductae  
 mulieres, expulso pauore, iam ingentia agitare, uelle mo-  
 ri, datisque generose ceruicibus expiare piaculum, atque  
 eluere ignominiam certa pectorum perniciē: mox accersi-  
 tae a Praefecto, interrogataeque, quid cum Dorothea e-  
 gissent, an obstinatum fregissent mentem, mitigassentque  
 ferocem animum, ingenti edito gemitu, proriente etiam  
 lacryma, pristinā, execrantes impietatem, Christum cō-  
 fitentur, irrisis Idolorum sacrificijs. Concitatus tunc ra-  
 bie Sapricius, animique percitus dolore, turgentibus ue-  
 nis, emicantibusque luminibus, imperat circumdari am-  
 bas uinculis: protinusque demissas in cuppam (ni itera-  
 ta impietate Christum abnegarent, dijsque sacra face-  
 rent) torteri praesente Dorothea, quo alto pectori ex a-  
 trocitate spectaculi terror incuteretur. itum in ignem im-  
 pauide a mulieribus, ueniam dumtaxat a Deo exposcen-  
 tibus: nullus effusus gemitus, timorisue editum signum.  
 Dorothea illas iuuare uoce, attollere animos, demere  
 cruciatu, commemoratis caelestis aulae uoluptatibus, &  
 aeterna pace post breue tormentum. at mulieres ad extre-  
 mum aestu nimio interclusa uoce, inclinatis ceruicibus,  
 ueluti

ueluti gratias agentes laetae, ridentesque effluere animas. Tunc Praefectus suspendi iterum in equuleum Virginem, iterum uoce agitari mādāt. Laetissima Dorothea, & ueluti inter tripudia, & cantilenas, dūcente choreas. Sed Praefectus, fictam ad tempus constantiam, magnitudinemque animi credens, his Virginem compellat: Infelix, percitaque furore, laeta sic facie, ac lumina circūfers, & quasi inter cruciatus, poenasque triumphans dolorem ocludis? Vnde id haustum? nulla simulatio, elatissima feminarum, Romanae te securi subduxerit. haud talia Cappadoci pectora, spiritusque, recrudescit seruilis animus, gaudetque propriorum in laniatione membrorum. his te misera credis in immortalī fama fore, his contemnere iussa diuorum? tantum ne roboris, tantumque fallaciae magico carmini inest? sic te uel tenellam docuere hostes deorum, ex fetore Iudaico, sordibusque prognati, perque detestanda sacra traductam aduersus Augustos, patriosque firmare deos iniecta aeternitatis spe? noscite mortales, qui urbem adoratis aeternam, Diuorūque animas, Christianorum fastum: deprehendite tacter rimae superstitionis consilia. Tunc Virgo: Laetādi causae subeunt plurimae: sed duabus potissimum exulto: ereptis daemonum ex faucibus, dolo, & ministerio tuo, in eas praecipitatis angustias, duabus illis innoxijs; & ipsa iam iamque praecurrente ad fruendam cum illis perennem illam felicitatem. in hoc etiam tibi gratias ago. At Praefectus pendenti ex equuleo Virgini subiectis latera facibus aduri, ingentique saxorum pondere pendientia membra affligi iubere. Et Virgo eo laetior ouare, tranquillāsque oculorum faces in Praefectum dirigere, uoce quoque Idolorū imbecillitatem atterere, eleuare cruciatus, irridereque Praefecti conatus his dictis. Labas iam, Saprici, & consilio nutas: furor iste tuus incertum ad finem non incerte iactatur, nullae supersunt dijs iam tuis  
ad me

ad me domandam uires : hebescit ipse iam mucro ; flammarumq. uis irridetur. o quam uilis Romanorum potentia deorum : o quam fuitiles irae numinū. Laesa parcut, ulcisci non ualentia : unius puellae pectore Romana maiestas obscuratur, atque eluditur dirissima tormentorum uis, cruentissimaque rabies. profecto nihil apud nos sine numine geritur. uictōres iam undique euadimus : quidquid horrendum, atque immane adstat, proterimus, Iouemque uestrum infame ludibrium, uel inter ferri aciem, ipsaque in morte gloriose prosternimus, atque in extrema Chaos ciulantem deuoluimus. & tu, infelix, de me triumphum speras, credisq. Christianae Religionis proteri robur posse, ac tantum pietatis ardorem tuis donare diis, applicarique nefastis aris? Vehementius, terribiliusque hac oratione conuulneratus Praefectus, incussa desperatione, fremere, indignarique : imperat deponi ex equuleo, obuerberarique irridētis os, cum exprobratione. tundatur, inquit, maledicum os, diis, Caesaribusque non parcens. Fessis aduersariis, non satiata rabie, superati Praefecti furores, & omnia circum attonita uisa, multorum pectoribus inusitato quodam horrore perfrictis. Haud celebratura deihinc Cappadoccia Mithridatis Eupatoris quondam domini ausus Bosphorana laurea Scythicaque pernobiles per vi. & xl. annos uim Romanā ferocissime laceffentis tot naualibus, terrestribusque copiis, aut Hypsicratiae patientiam miratura Persica amictae, equoque insidentis inter ignotas gētes, nec Romanorum fragore concussae armorum, uel ipso pallente Hydaspes, trementeque Arfacide. At Sapricius, diu inter dira, & ancipitia cruciatus, haud incerte tādē euietus, recurrit ad nouissimum illud effugium, uti Virgo extremo supplicio plecteretur ; recitata etiam sentētia ex tabella, more maiorum, in hunc modum, uniuerſa audiēte Ciuitate: Dorotheae, puellae, arrogantisſimae Romanorū numinum

minum contemptrici, rebelli a maiorū sacris, cuiusdam »  
 Crucifixi insaniēti amore, elatā cervicem in amantis cō- »  
 temptum, abscindi iubemus. Recitato per praeconē de- »  
 creto. exultans Virgo gratias Christo agit, quod se tan-  
 dem uicttricem inter tormentorum acerbitatē, blandien-  
 tisq. illecebras aduersarij, caelestem ad thalamum euo-  
 caret. Mox digredienti a concione, tendentique ad mor-  
 tem, quidam Theophilus declamator, non infimae inter  
 aulicos cōdicionis, Praefecto acceptus, nec paribus gra-  
 uis, qui saepe Virginem de sponsi sui opibus, de maiesta-  
 te, deque amoenissimis hortis in illa immensa liliorum,  
 florumque ubertate praedicantem audierat, sit obuius:  
 atque ex aulae derisu, fastuque patrio, Eia, dixit, ad  
 sponsum iam properas tuum, Dorothea, trans sidera?  
 adeo ne patria tibi ista sordescit, sicque penates exhor-  
 res, metita caelum, & astra? an liliorum fortasse illam ad  
 sedem ignotam nobis, patentemq. dumtaxat caelestibus  
 odor, ac suauitas attrahit, uel uerecundante Panchaia,  
 nec iam serpentes in sui tutelam armāte inter tot raptorum  
 manus? quam tumide delicias illas Praefecto coram  
 commemorasti? quam plena manu, & Asiatico pectore,  
 pulchritudinem florum, ac fructuum copiam extulisti?  
 num uera affaris? an obcaecata insania ista somnias? Tūc  
 annuenti Dorotheae, & maiora affirmanti, subridens  
 Theophilus, Non parua (respondit) horum uidendorum  
 teneor cupiditate: equidem maxime laetarer, in hoc tuo  
 splendidissimo nuptiarum apparatu, gaudiisque partici-  
 pem fieri rosarum, pomorumque, canescente praesertim  
 mole niuium Argaeo, hibernoque fidere tota obrigente  
 Cappadocia. Promittente Dorothea, iterum subortus  
 gētili risus cū cachinno. profecto illa nihil infelicius fuit  
 actate apud mortales: adeo aduersus ueritatem obualla-  
 uerant superstitione animos, ut omnia, suas praeter fabu-  
 las, inania ducerent, spernerentque: credere agmina deo-



rum immensa, furta Iouis, & adulteria, ac stupra, nunc tauri speciem, uehementis trans mare Europam, usurpantis, nunc aureum affudentis nimbum in puellae gremiū, interque caeli fragorem tonantis intra Iunonis lacertos impudicissime bacchantis, obscena insuper Phoebi, decantatosque amores, & catenatos ante currum illecebris deos, Gigantum bella, concussum Olympum, monstruosos partus, luctam illam Martis cum Venere foedam, atque ignominiosam, caeloque donata animantia, uersoque belluinam in formam homines, exfutaque humanitate corticibus arborū circumuestitos, quae, ueritate certiora, ludibrio habebant. omnia illa sua sacra redolere Venerem, & uoluptates: & ideo creditum his, & adscripta fastis: nostra, castimoniam, & sanctitatē repraesentantia, ut nimis a mortalium gustu remota, exterminari, damnarique. hac de causa in nostros grauis irarū moles, aeternumque bellum: nostris illi uulneribus confecti cecidere: ipsi uicti uicimus. utinam hac nostra tempestate par uirtutis exsisteret aemulatio, & non degener a maioribus animus. laeti praeterita attollimus, nec praesentibus erubescimus, torpidi, languentesq. in religione, properante iam nouissimum in excidiū orbe. At Dorothea, haud satis longa impetrata a carnifice mora, in genua procumbens, suppliciter precatur, obtestaturque Deum, ut ad ostendendam magnitudinem, gloriamque, occludendaq. simul impiorum ora Gentilium, singulari prodigio non insueto benignitati, suaeque magnificentiae, promissum impleret ab se factum, exsolueretque obstrictam fidem, quam non diffisa uirtuti, fauorique caelesti obligasset infide illudenti Gentili. demissa statim caelo beata mens puerili desumpta specie, habituq. tergemina illi rosam, totidemq. in orario deferens poma suauitatis, odorisq. miri, quae per illum ipsum puerum datis mandatis Theophilo transmisit. mox, protenta ceruice, impauide



pauide ictū excepit VIRI. Id. Februarij. relaxatus e corporis uinculis animus illico superna petiit, reliquiae honorifice a Christianis tumulatae fuere, tanto partu feliciter, nec immerito exultantē Cappadocia, aut ulli in Oriente gentium, prouinciarumque inuidente. At puer, digressus a Dorothea, properans in Praetorium, Theophilum, cum sociis, illudentem Virgini, spernentemque promissa offendit. quem cum tetigisset a latere, in partemque seuocasset, Haec tibi (inquit) dona sanctissima Virgo Dorothea mittit, nec infida tibi, nec auara. legit haec ex sui hortis sponsi. si plura optas, patefacta iam uia per eius cruorem, marte tuo scrutaberis. stupor ingēs aulicum incescit, motusq. sensu hiscere, & tremere. mirari simul pueri in dicendo constantiam, atque prudentiam, latentemque in uultu lucem, insuetamque mortalibus speciem: inspicere quoque poma, ad magnitudinē, pulchritudinemque atronitus; naribusque non raro ad mouere rosas; credereq. brumam in ueris mutatam initia, & Piscem in Tauri transisse signum, uersosque caelestium motus orbium, & cuncta in aduersa decurrere astra. Euanescente mox puero magis magisque pauore, admirationeque prostratus, enarrata sodalibus re uociferans, Christum, audiente praetorio, confitetur, improbatque Deorum figmenta, & Augustalia sancita. captus a ministris cum in confessione ueritatis fortissime persisteret, post acerbiter equulei, ictum uerberum, ardorem ignis, capite priuatur, uicturus aeterna in saecula, cum ea, quam stulte antea eadem perferentem contempserat, cuiusque precibus nulla in parte oculorum hebetata acie Solem fuerat contemplatus; salutaribusque illustratus radiis Virginis famam, & celsitudinem cum laude, & praemio non mediocri sui. quem utinam nostrae aulici tempestatis imitarentur, reiectis illecebris, expulsaq. procul ambitione, qua immaniter exu-

sti, in omne facile scelus labuntur. enimvero desisterent  
 innoxium circumuenire calumniis, aut iugulare inuidia;  
 non principem, dominumque scelerate adularentur; non  
 pietatem effugarent; non insultarent religiosis; non al-  
 terius famam amarulentis uerborum ictibus cruentarent;  
 non pudicorum lectis, non cæsto Virginum nefarie infi-  
 diarentur; nec tanta odiorum mole inter se cõcurrerent,  
 luctarenturque; nec auro graues denique gestarent ma-  
 nus, abusi fauore dominorum in inopum perniciem, nul-  
 lo spoliolum aceruo expleta uoragine, cum bonorũ, ma-  
 lorumq. omnium perturbatione. Haec annuisse sa-  
 tis. optime orbi consuleretur, si his monstis  
 careret. Sed in questu, & deploratione  
 remedij parum: &, ni animus, ad  
 meliora reuocatus, uirtutem  
 depereat, frustra dicen-  
 sium uoces effun-  
 duntur.







# S A G N E S

## I X .



Aius in describēda Agnetis uita exsur-  
git opus , & rerum gestarum magnitu-  
dine , & triumphorum gloria , generis-  
que splendore , longe , multumq. Cap-  
padoci antecellente Romana , praefer-  
tim inter tot aeternas scriptorum uo-  
ces , & diuina monumenta , qui de Agnetis praeconiis fu-  
sissime , integerrimeque scripsere , quique adeo cunctis  
praestitere mortalibus scriptorum uarietate , disciplina-  
rum excellentia , acumine ingeniorum , sanctitateque ui-  
tae , & fama , ut posteritatis sint miratura potius saecula ,  
quam aemulatura . utcumque sit , iuuabit pie audentem  
religio . Agnes patriam suam Romam ostendit , utroque  
nata Christiano parente , praeclaris natalibus , inter la-  
ticlauium , & purpuram . forma corporis in Virgine ad-  
mirabilis , excellensque inter aequales sanctimoniae ,  
modestiae , castitatisque fama , non rudis eloquentia , ta-  
citurmitas mira , ingens mansuetudo , & demissio , uultus ,  
corpusq. lasciuia , & munditiis prorsus carens , haud cri-  
spato crine , delibuto ue unguentis , nec aurae commisso  
lasciuienti ad ostentationem , pompamque : praetexta  
membra uestire , omne illi studium in Christo fixum , illi  
uota castitate , paria celsitudini , ardoriq. animi pecto-  
ra asferre . xiiij. annorum bellatrix , uiratrix , triumphatrix  
pulso

pulso Ioue, debellata Vesta, profligata Venere in conspectu populi Romani, ante aras penatium, & Capitolia, prima tirocinij rudimenta aduersus libidinem pugnans, securisque minas deposuit, orta iniuria a iuuenili prurigne inter purpuræ fastum, & opes. nā Symphronij tunc Praefecti Urbis filius, ætate florens, egregia corporis pulchritudine, audaciaque insignis, doctus per illecebras, & meretricios amplexus attentare praetextatarum pudicitiam, coniectis in Agnetis lineamenta oculis, cum fortuna illi puellam inter aequales incedentē, reuertentemque litterario c ludo, in usu id apud Romanos, & pulchrum non ignorare cunabula gentis, gloriam, ac fastigium, & sacra, (Cornelia Magni Scipionis ~~forte~~ mirae eloquentiae, ac famae in Vrbe ueluti Athenis in Academia publice haud multis ante saeculis professa) **T**in eo puellari comitatu facile principem uenustate, & formae decore iudicauit inter procacia sodaliū dicta, subsecutoque haud incerte omnium assensu, ac murmure, ad astra Virginis speciem tollentium, paullatim serpere libido, & spes irritari per taedas fruendae Virginis, ab oculis ad animum traducta prurigne arescentia ingentem pectora traxere flammam, mutuatur ab amore consilium, temeritate, & libidine ducibus. Non semel obuiam Virgini uiarum occurrit ad compita: nutrit in adpectu furorem: mox decurrit ad Virginis parentes, haud eos dedignatos credens sortem, & fortunam nuptiarum: multa pollicetur: exposcit Agnetem sibi in uxorem: adfert pretiosissima ornamenta, purpuram auro intertextam, aureis distinctam clauis, uniones, margaritas, gemmata monilia, armillasque: tacitam uim, suspiria, & preces miscet: ostentat patefcentia pectoris uulnera, & ardorem: nō ab se uile scortum ambiri, sed nobilissimā Virginem sibi parem, non ad libidinem, (cum facile inter alterius oscula, amplexusque sese posset effundere) sed ad torum, mul-  
tarum

\* filia

† obicisset

earum se prece puellarum allici, postpositis omnibus, uni Agneti animam, immensosque seruaturum ardores: omnium aliarum sibi gloriam, & decora abiecta, & uilia, ac sordida uideri: unam Agnetem mēti suae imperaturam, moderaturamque: id sibi esse in uotis, id sperari a diis, id promitti a Virginis pietate, benignitateque praefert: assentirentur modo ipsi, paterna id auctoritate stabilirēt, & ne se int empestiuo, ac lacrymabili fato inter florentissimas opes, & familiae spes, inter aestuantem ignem eximi sinerent: casurum id in praeclarissimae dedecus Virginis, & in aeternum summae, inauditaeq. diritatis monumentum, Romanum a Romanis occisum, amantem ab amata, iuuenē a puella, nullo suo commodo, praedicans. Conterruere istae uoces, & postulata utrumque Virginis parentem, cum eos nō fugeret auersam a connubio filiae mentem, animumque augustioribus rebus applicitum, non incerteque intelligentes ista flamma Virgini lucem, & usuram temporis ereptum iri. tamen, ne contemnere uiderentur iustas iuuenis preces, (cum miseratio quoque pulsasset pectora ex dolore, & impatientia adolescentuli, in ordine praetextatorum aut principis, aut nemini cedentis) omnia in Virginem reiecere. Irrisa a Virgine postulata, reiectae preces, repudiata dona cum stomacho, perculso iuuenis pectore, imminuta spe, non strata cupidine. Saeuius aestuabat incendium, pugnare amor, impellere, & urgere furem. haud quaquā primo concursu uerti in fugam, & pelli puellarem fastum, mora hebescere illam ferociam intra lacertos, & nimbos lacrymarum, languere uerecundiam, & modestiam crebros inter assultus, artesque, pulsanda pectora dum multa intus feruescerent, dum iuuenta, uenus, calor, sanguis, fortuna, & spes omnia quaterent, dum trepidatur, dum consilia coquuntur, Virginem suopte ingenio praecipitem in uenerem, & uoluptatem gaudere amātium angoribus,



ribus, & quantem lacrymas conspiciere, haurireque gemitus, facile praeterea inter obiectam nubibus frontem, inter fulmina oculorum, minas, & sonitum uocis, celare manifesta gaudia, amplexari praesentia, anhelare futura: generoso praeterea iuueni turpe esse, cedere uix pugna tentata, & non magnanime prima uibrantis tela excipere: sortem illam, & cupidinem facile meretricia intra pectora, & obscena deprehendi, implerique: at Virginis circa uallum dies, noctesq. inuigilandum: per aestus, algores, imbres, gelu, iniurias, derisum, ludibria, insomnia, per cruorem, per dura, acerba, ancipitia, & ardua uadendum ad palmam: esse iam ipsi ingeniū, amplas suppetere opes, nomen, dignitatem, honores: esse amplissimas illi fortunas, fatalem amantium machinam ad expugnandam pudicitiam, quassandamq. obstinationem animorum, praecipiti in auaritiam, & cupiditatem muliebri genere, ante oculos obiiciens: denuo itaque instat, tentat omnes aditus, rimatur occlusa, rapit in eandem cupidinem puellae gentiles, amicos, ancillas, circumcursare penates, obsidere fenestras, atria, & cubicula uorare oculis: saepe fores, saepe paries pro teste, & pro amante fuere audiundis questibus, haustisque osculis: demum, gentilium decora, & maiorum ornamenta secū trahens, ipsius fruitur Virginis adspectu, ea illi omnia elargitur, cum affatur uoce tremula, lingua haesitante, sermone blando, rupto saepe suspiriis: ad extremum, cum trepide causam suam perorasset, enarrassetque postulata, clicuit arcanam indignabundae Virginis uocem, Vnde (dicentis) tanta audacia, os ita importunū, frons adeo perfricata, degeneres preces, impia postulata, ac uilia dona? Sic nota Romano Romanarū castimonia Virginum? sic perfecta tibi maiorum exempla? ita ne in luce gentium, arceque rerum, & in tanta legum seueritate attentamur? abscede a me, pabulum mortis, fons, & origo

origo scelerum cur inutilem trahis morâ ? alius me multo & nobilitate, & magnitudine opum praestantior, gloriosior, excellentiorque te praeuenit amator . is pretiosissima mihi concessit ornamenta , quibus Ecbatana carent , quae nec uidit Halys , aut Memphiticae neuere manus : is me suo subarrauit anulo , cuius aeterna prosapia, aeterna decora, immortales opes : is dexteram meâ, aures , colla uastis margaritis , & multa micante gemma insigniuit , auro intertextam uestem iniecit cum baccato monili : ingentia auri pondera , nulloque cōsumenda aeuo , ostentauit , pollicitus est , donauit . num illi uiolanda fides , abrumpenda nuptiarum spes ? an alius illi praefendus in tanto gloriae splendore , in tanto maiestatis fastigio , perpetuaque annorum serie ? is mihi thalamum strauit , crexitque , cuius iam pectore sentio ardores , resonantia exaudio organa inter Virginum cantilenas , & choreas : eius ex ore mella libaui , & lac : casto me ille fouit amplexu , miscuit corpora purpuratis meis cruore genis : cuius Virgo mater , genitor caelebs nulli cognitus feminae ; cui caelestium famulantur agmina beatorum , cuius pulchritudinem Sol , Luna , astraque mirantur ; cuius odore uitales mortuis afflantur aerae , & robur , uiresque debilibus ; cuius denique inexhaustae opes , & diuitiae : illi fidem soli seruo , totoque me illi pectore trado : quem cum amo , casta sum ; cum tango , munda : cuius in toro caelibatus , & soboles , sine gemitu , doloreque partus . ad quid inanes istas lacrymas , & uota effundere ? mori potius generose statutum , quam alienae libidini succumbere . Hoc responso ueluti altissimo ictus uulnere , omni iam profligata spe , amantium arce , & receptaculo , uultu maetissimo , deiectis luminibus , obtrementibus cruribus , nulla uoce , attonitus , & mortuo similis , domum repetit : occlusoque cubiculo , ubi dolor , & rabies , alio praefertim sibi praelato amante , ( id quod

altissime elatum iuuenis in pectus descēderat) laxare uocem, infelicissimum se appellare, incusare numina, dirasque sibi imprecari, caelum insuper crudele, immania fidera, unum in se uibratam omnem uim armorum, in se omnes faces, funesto suo casu expiatis amantium diras omnium, placatosque deos, sibi pro toro pheretrum, pro risu lacrymas, pro gaudiis luctus, pro sobole maerores aeternos, cruciatusque, omnia sui in excidium coniurasse fata, omnem aliorum acerbiter fortuna sua oblitte-  
ratam, atque transscensam: eiectum quidem Regno Tarquinium, ceterum impleto uoto; Clodium, temeratae religionis accersitum, libasse oscula amarac, amatae fuisse dilectum; Mundum, exilio damnatum, at per figmenta deum, & Dialium sordes expleta libidine, in gremio requiesse Paulinae: omnes denique inter angores, luctus, & tormēta aliquid habuisse gaudij, solum se inter amantes diri statutum infelicis amoris prodigium dicere. Vbi uero post gemitus, questusque lassata torpor membra occupabat, per quietem omnia illi ficta, & ad uota obiici, excitus in spem, rursus interrupta quiete, deprehēsa ueritate, ruere in gemitus, maerorem, iram, & desperationem. Igitur non cibum sumere, non affari amicos, fugere lucem, gaudere solitudine, obsitus squalore intabescere, tendereque ad occasum uel inuitis haerēte pectoribus ad uulnus alte exulcerandum amatae imagine, interdum flebiles uoces, & uasta expromere suspiria, & perstratum huc illuc uersare latus. quassati omnium animi gentilium hoc infortunio, ingentique familia occupata maerore, maestitia omnia, & silentia: sed mater omnium superare maestitiam maestissima, ac lamentabili uoce, & murmure, lauare lacrymis languentis ora nati, osculari faciem, tergere frontem, fouere pectora, caussam, & arcana doloris exquirens. par cura patrem urgere. fateretur, aperiret, (obtestabantur) quo uiscera ictu sauciarentur.

tur. omnem insuper acerbiter intus funestam, erumpentem facile mitigari: non esse desperandum de salute, quidquid gentiles imagines, quidquid purpura, fascesque possent: promittere eius in gaudia, & imperata uersum iri: exsueret modo pudorem in amplexu parentum: ne reticeret occultam uim ueneni, & mortis afferere. Ingemiscente iuuenē, (id illi pro uoce erat) recursum ad Medicorum disciplinam, artesque, obseruato uenae iactu, & decursu. non difficulter deprehensum uulnus, ulceratum cupidine pectus, & transfixum amore animum graue malum, si longior remedij mora afferretur, & non dubium occasum parentibus affirmare. Physici, exquiritur amatae nomen, & genus. statim Agnetis gloria, splendorque, circumstantium ad aures fertur. conclamatum ab uniuersis, dignam Virginem, cui, ob morum suauitatem, comitatemque, cum animi moderatione, & altitudine, uel morte amantium parentaretur. dignissimam iuueni flammam, dignamque mercede esse, non comparandam Antiochi in adamanda nouerca furori, si existisset Heroum ad tempora reiecta Helenā, nobilissimam armorum causam, Romanarum profecto pulcherrimam, gloriosissimamque. Symphronius, posthabita persona, & fascium terrore, demisse adstare puellae ad ianuam, prehensare parētes, aggredi precibus Virginem, ne tantam filij sui pietatem, tantumque ardorem occidere, extinguique sineret, neu florentissimum iuuenem, Romanae pubis decus, tantaque indolis, animorum peruicacia perditum iret, neu egregiam nominis exstimationem tam crudeli rusticitate foedaret, responderet amori, fortunis frueretur amplissimis, perque faces, ludibria, & casus uersato amante, ideo datam a diis egregiam speciem, inusitataque decora, quo uerteret aliorum in commodum, & uoluptatem, cum insigni nominis gloria, communicaret tot bona, moderaretur animi fastum, regnaret, imperaret,

ritaret, cum salute amantis . acceptum diis immortalibus Populi Romani nomen, & famam ; per illustrem sobolem late fundi, nec dona conculcari sua, nec impari, barbaro ue, sed Romanam Romano nupturam edisserens : ad haec pollicitationes addere, perque penatium obtestationem deorum, & augusta sceptrā, perque Virginis salutem, & speciem demisse illam rogare, obsecrareque, commemorata etiam breuiter infelicitate sua, si unicus intempestiuo fato eriperetur filius, quod haud dubie futurum esset, si pristinae ipsa opinioni insisteret. Haud mota adspectu, aut precibus Virgo : par priori redditum responsum : turpe esse, fidem semel datam fallere, nec unam duobus uno tempore nubere posse. Hoc pacto reiectus Praefectus, non incuriose rimari, explorareque nomen, genus, fortunas, gloriam, & patriam sponsi Agnetis . diu inter iram, doloremque sollicitè in id incumbens, cognoscit a familiari, Agnetē ab incunabulis Christianis addictam sacris, praedicantem Christum esse suū sponsum, Zoroastricae haud ignaram disciplinae . Fugatae extemplo e fronte nubes, pulsusq. pectoribus angor, & restituti Praefecto spiritus, patefacta uia ad extorquendum per uim, quod precibus fuerat denegatū, Augustalibus iam exstantibus edictis aduersus Christianos . Enimvero Diocletianus Iouius, Maximianusque Hercules, quassata Babylonia, Tygride subacta, Arfacidarumque fastigio prostrato, excisis Quadis, Gothis, Carpis, Bastarnisque, ac solutis tepente accolarum sanguine Istri pruinis, arescentibusque Maurorum aruis barbarico cruore exsaturatis, atrisque purpuratis arenis, prolatisque Imperij finibus, pace ubique gentium, praeterquam eorum in pectoribus, tranquillissima parta, Romae x i. Kal. Maij, splendidissime triumpharant ; collatisque inter se consiliis, inexpiabile Christianis indixere bellū, ne mollesceret summo in otio ferri cupido, animorumq. fero-

ferocia languesceret . Itaque Diocletiano 119. & Maximiano 111. Cōsulibus, Nicomediae duobus edictis Christianorū scripta flammis absumi, abolitis sacrificiis, Christianisque ritibus, Ioui, Martique offerri iura, & repugnantes dirissimis cruciari suppliciis iubentur : mox, peractis uicennalibus, per uniuerſas gētes dirus mucro perstringitur, infinita caede funestatis Prouinciis, corporibus discissis, auulsis membris, truncatis ceruicibus, decurrenteque amnis in morem trucidatorum sanguine. insignes relati a pugnantibus triumphī, crebrae uictoriae, nobilissima trophaea : summa inter cruciatus, mortemque ostentata animorū constantia, summa uirtus, irrisae poenae, ultroque accersitae, cum ludibrio Augustorum, ingentes praedae partae, & clarissima spolia, uel in Caesareo gynaeceō, Augustarum frontibus augusta cruce micantibus, superata persecutorum audacia, retuso mucrone, aut hebescente acie : demum cruentissimis proeliis concursus, praeclarissimeque. a nostris debellatum, compulſus priuatam ad uitam depositō trabearū fulgore Diocletiano, & Maximiano . Igitur cum fremitu missi, qui Virginem ad tribunal attraherent : magnus circa Virginem parentum, aequalium, ancillarumque subortus fletus, repercussis manibus, passoque crine . At ipsa Virgo, interrita, uultuque laetissima, affari, placideque suam lugentes uicem consolari : ac, certa de uictoria, ipsis licitoribus dignatione oris, corporisque uenerabilis, ad Praefectum accessit. In eximia Virginis forma, adſpectuque, aduersarij mollita ferocitas, & ingeminata erga filiū caritas, non in uilia, & pudenda labantem . oratio quoque mollis, & blanda, longo captato initio : mox minae additae, & respectata uis cruciatuum, omnibus a Virgine illuſis. Postera die paribus laboribus insudatum haud feliciore euentu . si horreret sacra thalami, si castitas tantopere illi probaretur, si Geganiam, Vereniā, Canaleiā,  
Clau-



Claudiamque aemularetur, si cuperet Sibyllae nomen, & famam, expulsi Christianis ritibus, & ferali damnatarum artium murmure, Vestae ante aras obuolueret genua: esse illi locum, uel ad famam, uel ad gloriam: asseruari in eo sacrato Virginum coetu ignem perpetuum, ac sempiternum, Romanique fatale pignus Imperij Palladium, Troianas inter flammās, cineresque creptum: nihil illi posse honorificentius, augustiusque accidere: triginta annorum uirginitatē posse ingenti sua gloria claudere: non spernendum illum sacratum Virginum cōuentum, queis submitteret fasces aeterna Senatus, Augustorumque auctoritas: de uia cederet, & triumphorum intra gaudia, splendoremque tantum tribueret: hoc non dedignatas uel nobilissimas, pulcherrimasque aëuo in omni, ostentare. Cui Agnes: Filij paulo ante tui nuptias sum detestata, alijs fortasse non spretas: qui etsi in uestigio labat, & patrio ad occasum more decurrit, utitur tamen benigno caeli adspectu fulgentis, non aura, luceque priuatur, uiget opibus, specie, roboreque iuuentae. hunc Christi ob amorem spreui, dedignataque haud immerito sum: compellor nunc saxeis, aeratisque flectere genu idolis, in summi contemptum Dei? atrox impietas, summum scelus, inexprabile nefas. etenim apud omnes gentes desciscere a religione horrendum piaculum, & merito, Christianis uero non modo id funestū, sed prope absque spe reconciliationis. nō enim in fictili structura, aut artificis manu elaborata, diuina Christi consistit maiestas. is pedibus astra premit, ipse nos motu, & aura donat, & ab eo pendent omnia: ipse principia statuit rerū, & certo in ordine locauit: Vestam istam Pythagoreorum haud infitior non solum uolui circa ignem, ueluti aeternae uirtutis imaginem, a Numa Rege amico (ut uestrae fabulae canunt) Nymphis, Camoenisque constitutam, uerum etiam igne cremari sempiterno, iam uestrorum ab  
occasu



occasu patiendorum non incertū cruciatuum pignus ha-  
 betis: de Regina, & dea uestra nullis conspecta uiris sup-  
 plicium apud inferos sumitur. idem & uobis illius cultor-  
 ribus manet. alia mihi mēs est, & multum ab inscitia, er-  
 roribusque uestris diuersa. non nisi Christum colere, &  
 illi seruire, in animo est. si illius ob nomen, amoremque  
 tormenta subeam, id mihi in fama, & gloria. Quam Prae-  
 sectus elate loquentē admirans, simulq. excipiens, Puell-  
 larem (inquit) istam aetatulam quam uelim ratione fir-  
 matam? magnis contumeliis inuicta deorum numina fa-  
 cessis: tolero haud impatienter. damus id nimis tenellae  
 aetati, damus pulchritudini: noli, quaeso, Agnes, teip-  
 sam eo infania deiicere; unde iustas numinum iras sen-  
 tias. trahit aliquando omnia debita secum ultio: laces-  
 sitque dii rebellantes dignis solent mactare suppliciis;  
 quos antea insanientes multa miseratione pertulerunt.  
 Cui Agnes: Ne tibi mea contemptum aetas pariat: fides,  
 & religio haudquaquam percens annorum lustris, sed  
 consilio nititur: & mens accepta Deo magis, quam spa-  
 tia aetatum: nullum apud te, tuosq. deos deprecor gra-  
 tiae locum. si quid ipsi a me uelint, me alloquentur: eo-  
 rum non horreo adspectum, nec reformido congressum:  
 satis eorum noui imbecillitatē, & nudata robore pecto-  
 ra, & saepe delusa terga, spretamque dexteram, satis in-  
 scitiam, & fraudes: id per te agunt, id moluntur, in hoc  
 ardentissime, cupidissimeq. incumbunt, ut omnia secum  
 in exitium trahant, paresque secum sentiat omnis mor-  
 talitas poenas. at tu frustra desudas, ruetque in irritum  
 tam impiāe spei uotū: nec ipsi in suscepti discrimine bel-  
 li, signorumq. mox conferendorum terrore fortunā suam  
 laetanter excipient, meq. sibi cessisse tripudiabunt. cun-  
 ctā iam belli ipsa felicitis omnia, certaeq. pignora uictō-  
 riae habeo: quandoquidem eo in pectore, ubi Christi ef-  
 florescit amor, uigetque pietas, nullus insidet mortalium

pauor, certusque inest de uestris diis, tyrannorumque crudelitate triumphus, & palma. Et Symphronius: Duorum iam tibi eligendorum optio datur, aut aliis cum uirginibus patrio ritu, ac pietate procumbendi Vestae simulacrum, aeternosque focos, aut ad gentilium dedecus turpiter in lupanari inter multorum amplexus, & libidinem amittendae pudicitiae: & ad aceruandum dolorem, facessendamque insigniorem contumeliã, a tuo arcebitur congressu sacrilegum Christianorũ genus, ut horum impiis denudata carminibus, ad summã Christi tui turpitudinem, caelestisque (ut dicis ipsa) ludibria tori, inter infanda, atque obscena uerferis. Et Virgo: Ideo sic scelerate faris, sicque crudeliter fremis, tamq. impia, & indigna Romano homine minaris, quia Dei mei nondum clade tua es uirtutem expertus, tremendique roboris ictum: at perspectae mihi illius opes, summa potestas, notaque benignitas, & largiter cõmunicati fauores, omnem tui, idolorumque timorem eximunt, penitusq. propellunt. extenta meũ in auxilium, fauoremq. Iesu Christi dextera tonat; iam fulminat: a nullo corpus uiolabitur meum: multoque cruore uadenti ad facinus pudicitia stabit Agnetis, emicabitq. alterius cum perniciẽ caelestis mucro, nec indignas libidini dabit inferias: nõ fragilis pro me obicitur murus, non tuorum ariete deum, non ullo fraudum, scelerumque machinamento quassandus, aut minarum sternendus, uellendusque terroribus: assurgant licet aera in proelium, capeßant marmora pugnas. hominum haec funduntur in usum, saepeque his plateae sternuntur, effulgentque inter tessellati operis, uermicularique emblematis pretium pauimenta domorum, & curiae. pro, quam neglecta deorum turba, quam uile agmen, quam praefracta acies, nulli metuenda bel-lanti sub Crucis uexillo? Tunc Praefectus, uehementer indignatus, exsui uestibus Virginem, & ita nudam duç

in lu-

in lupanar, perque bucinatorem inuitari ad scelus impudicos, simulq. his poenis deorum expiari diras, soluente noxam puella iubet: Sed nudatae Agneti, (cum undique lasciuia a iuuentute ad spectaculum auidissime, cupidissimeque concurreretur, iamque omnium mente agitentur, uoraréturque inaeſtimabilis decora pulchritudinis,) laxati fudere se crines, frustrati spectatium lucem, atque cupidinem, obrecta niue. non animaduersum prodigium caeca apud pectora, & auida ultionis, & haud affixum Martiae gentis animo, si intellectum, haud adscriptum ueneficiis, damnatoque carmini, nec itum tantum in dedecus dehonestatis pudicorum oculis, mentibusque nullius uerecundia uirginalem excellentiam, gloriamque, & gentilicia insignia tuente. Virginem Romanam, nobilissimo genere, decoreq. pulchritudinis splendidissimam, tantae modo gloriae, & famae, singularissimaeque pudicitiae, & nulli Virginum, matronarumque inferiorem, quod iniustas alterius flamas represisset, & impia amantis uota spreuisset, infregissetque nefariam spem, & quod se dignam patria, dignam maioribus ostentasset, trahi ad infame prostibulum inter scurras, saltatores, mimos, lenones, scortaque impurissima. non ista sancita Senatus, non praecepta maiorum, qui omnibus uirtutibus, tum castimonia praecipue excelluere, quique muliebrium nudationem membrorum, ne in rebelles quidem, captosq. usurparunt. mortuis semel Vestalibus hoc ignominiae uulnus a Milesijs (cū desperatione diriter in uiscera saeuirent sua) ad terrendas reliquas hoc miserabili, ignominiosissimoque spectaculo inflictum: luce functas, animasque haec poena perstringere, non uiuentes, quae tamen nimis inhumana, nimis crudelis, atroxque in ciuem, & Virginem uisa. at non uirginitati uis, & signa inferebantur, nec data telsera. concinentibus tubis, emissarij, gladiatoresque in pudicitiae arcem, aeternumque domici-

lium impurissime, crudelissimeque immittebantur, nec eminentissimū castitatis fastigium conculcari, proprium ue extirpari feminae decus, nec tam infame sacrum diis, offerebatur, mactabaturque ea Veneri, ac cupidini uictima, inuicti Quirini legibus nō modo de pudicitia corporis, oculorumque, sed ne uerbis labefactaretur obscenis perfancte prouisum. pro scelus, non iam Spartana id agebatur in Vrbe inter pancratium, ac luctā puellarum, foedissima Graecae libidinis, atque impudētiaē monumenta, ac perpetuas infamiae notas. non iam Babylon, Naisamones, foediq. Arabum populi, cognatae ueneris soboles, iura orbi dabant. stabat Senatus, & Capitolij culmina uiscebantur, monstrabanturque aedes Pudicitiae, & sacra Vestae, & tamen tantum usurpari facinus, nefasque; & adefse, qui probarent scelus, & flagitium, attollerentque supplicium laudibus inter indecentissimos iuuenum risus, libidinem, ac procacitatem, tripudiaeque meretricum, lenonumque, quasi eorum nefariae artes eo pignore nobilitarentur, meretricibusque summae, excelsissimaeque Virginis societate turpitudines, & dedecora sua non uelata modo consentibus, sed apud omnes gentes illustrata, collocataq. in gremio honoris, famaeque. fuisset hoc tolerandum Caligulae, Neronis, Othonis, Vitellij, Heliogabali, Galienique temporibus, quorū insatiata, scelerataque libido per dirissima, foedissimaque flagitia, inter crocotae, mitraeque ornatum, ac inter strophij, psaltriique lasciuiam, uariatorumque mollitiem fasciolum sanctissima uetustatis iura, Caesarum nomen, remque Romanam fuerat depopulata, orbemque terrarum eadem flagitiorū lue, & corruptela dedecorarat. At ista Diocletiani, & Maximiani modestia non norat: quibus etsi Christianum nomen quam maxime inuisum esset, ingrata tamen semper fuere turpitudinis, & libidinis exempla; &, si a Christiano sanguine continuisent am-  
bo ma-

bo manus, omnium superiorum Caesarum gloriâ transcendissent. ea illorum fuerat rerum gestarum magnitudo, ea continentia, & felicitas, roburque pectorum, & audacia. At Virgo, ad fornices Circi Agonalis, ubi aedes illi nunc dicata conspicitur, non digna moles tanto certamine, & arena, (licet ad lupanarias Suburranas Caesario in monte scortis olim constitutus esset locus) tracta, Dei Angelum paratum inuenit, qui terribili eam splendore circumdaret, obtusa intuentium acie, & flammae in more emicante pariete, profusa demisse ad preces albens caelitus demissum sibi uestitum membris adaptat, nudaque operit, singularibus pro summo beneficio actis, spóso gratiis. is uestitus adeo iustam Virginis staturâ occupabat, ut ad id data opera omnino factus crederetur: tantusque emicabat cādor, ut haud caeleste dubitaretur id opus esse. nefarius ille locus Virginis honestatus adspēctū mutarat faciem, & usum: sacellum, non lupanar, iam uideri. rigabatur Virginis lacrymis pro aduersariis effusis, qui scortantium luxuria, & affluentia nolutatum inundarat: piissimas uoces excipere, qui meretriciâ procacitatem exhauserat: sacra a Virgine, summae castitatis, ac puritatis honestari, qui nonnisi nudata lasciuium membra uiderat. At Praefecti filius, cuius gratia Virgo in iudicium trahebatur, uehementer afflictus, anxiusque, uotis suis incassum effusis, erectus in spem uictoriae, uel in inuitae triumphandi Virginis amplexibus, stu proque, decurrerat ad locum, succinctus solita audaciū, atque in ganeis exercitatorum cohorte elatus, tripudiās, & scomma iactans, praemittit tamen ex sodalibus nonnullos delectos, seu ut Virgini acriorem facesseret contumeliam, ex multorum osculis, amplexibusque, seu ut repulsam ulcisceretur, aut occultiori aliquo consilio teneret prurientem libidinem praetextu humanitatis. sodales, incitati stimulis dicentis, suo pte simul ingenio, & longa

longa exercitatione deiecti in uenerem, tantaque in Virginis pulchritudine impotenter exardescentes, ferociter, impudenterque irrupere in cellulam, elusa maiorum continentia, ac ueluti ferrei saeculi duritie non mediocriter improbata. Sed intransibis obiectus cum terrore splendor, refrigerata uenere, contusisque spiritibus: exemplo trepidis pectoribus relatus extra limina pes, demisso etiam ore cum admiratione. Verum Praefecti filius, atrocius in furem, & libidinem ruens, irridere sodalium merum: fractas uires, languidos animos, & torpida pectora damnare: non tentatum ob ignauiam proelium, non concussum puellae uallum, non praelibatam Virginitatem: sed non eo dignos praerogatiuae fauore; non tam rara, excellentique pulchritudine: fato sibi eam portendi palmam expugnatae Virginis: haud tantam sibi inesse molitiam, aut puerilem spiritum: pollere audacia, ualere uiribus: non insuetum talibus bacchari, nec reformidaturum (quae adorauerat) toruam oculorum aciem, & turbata ora, aut iniiciundas pectori manus: exciperent modo ipsi ignaui, imbellesque, & non digna soboles Romana eiulantis Virginis uoces, pulsataque anhelitu pectora, uisuri insuper raptae, protritaeque trophaea uirginitatis: decorasque tanti fastus, tantaque maiestatis exsuuias iuueniliter, tumideque iactabat: mox, agētibz furiis, iugreditur ad Virginem, nixis demisse genibus apprecantem: & haud quaquam scintillanti luce conterritus, ipsiusque Virginis facie, Solis aemulante fulgorem, audaciter ad Agnetem, nec data salute, amplexandam, quasi Laidem, aut Floram, Gentiam, aut unam ex uulgaribus scortis, festinanter accurrit, cum subito, non dimota Virgine loco, & haud illa tacta, ueluti ictus fulmine, praeclusis faucibus, miserabiliter allisus humo, exanimis concidit. longa interim tracta mora, solita ad obsidendas mulierum ianuas, inuigilandumque stupro, sodalium caterua, exstimans



stimans iuuenem Virginis esse in amplexibus, frui tranquillitate lucis, amorisque, praeteritas aerūnas, ignemque largissime crebra inter oscula, interque lacrymulas excusatae audaciae, & rigoris, ac petitaē ueniae solan-tem, incusare seipsam, quod a pristina impudentia in optatissima occasione turpiter, pauideque degenerasset. tortis etiam suspicione, atque inuidia animis, cum unus, iuueni longa amicitia, paribusque moribus illi carior, gratulaturus audaciae, atque illecebris cellulam intrat: sed, exanimem conspicatus iuuenem, suffusam pallore faciem, terribilesque intuentibus oculos, & rigentia di- rum in modum membra, turgida labia, spumaque opple- ta, pietate, ac dolore saucius, inclamat, Accurrite, Ro- mani, pientissima gens, accurrite: iacet extinctus flos Romanae pubis. impudicissima meretrix in alterius tri- pudiat occasu. haec praemia feralibus ex Christianis sa- cris Roma refert? en, antequam iterum patria cremetur, cinereisque ualletur aggeribus, maestate nocentem, uer- tite in auctorem scelus. Statim ad hanc uocem ingens exorta perturbatio, metus, rabies, & admiratio: incen- tae uoces effundi, fremitus, & disae exaudiri: pars no- xiam rapi ad caedē, & unto in Gemonias trahi, clamita- re, pars innocentem credere, & propulsatam iniuriam iusto deorum iudicio, non illatam: pudicitiam uel in sa- crilega, patriorumque contemptrice numinum caelo ca- ram: infandam poenam, & degenerantem a maiorum castimonia nimis crudelem superis uisam, & ideo uersam in auctorem: haud tantum habere uirium magica carmi- na differere. Sed aduentu Praefecti omnia subito mu- tata. decurrebat ille, audita filij morte, non praecun- ti- bus licetoribus, non praelatis fascibus, non purpuratus, sed exsanguis facie, tunicatus, oppletusque lacrymis, inter amorem filij, & desiderium, interque uindictae cupidi- nem. longus quoque comitum ordo, & ipse lugubris, cū  
multo



multo squalore . excitis etiam lacrymis ad ostentationem , maestos praefesferre uultus , oculosque , ac supplices manus tendere ad populum , Iouem , Martem , Quirinum , indigetesque Deos obtestantium . Praefectus , ubi ad exanime cadauer adstitit cum amicis ; En , inclamans , dirissima feminarum , Medusa peior , & nocentior , iusta iam dolori soluisti , magicique ui murmuris per funera meorum impudicitiae parentasti ? Haec saepius ingemians , osculari filium , & abluere faciem lacrymis , & fouere artus : deinde , plorans , parcensque haud gemitibus , rimatur ab Agnete causas interitus , & originem . Cui pia Virgo : En , qualem sibi filius optarat tuus , sortitus est exitum . militabat inferorum Principi : perauide illius imperata compleuit , & dignam meritis mercedem tulit : stratus suo malo , sua libidine iacet . aliorum primo in occurso cecidere uires , cessit audacia cum stupore , ideo procul ab illis pulsa cacodaemonis uis , atque potestas : ( nemini enim cruenta illa bestia , nisi uolenti per flagitium , & scelus nocere potest ) certae quoque grates moderatori rerum sunt actae : is mihi beatam mentem cum candidissima hac cyclade misit , ut beneficio suo turpitudinem , & impudentiam uestram procul eijceret , notaretque : is florem intemeratae meae seruauit castitatis , quam nutricis ubera suggens illi noueram . huius caelitum irumpentium oculis offusus splendor furentes libidine in preces adegit animos : at perfricata impudentissimi filii tui frons , impurus animus , & furibunda libido , nullis est refrenata miraculis , nullis absterrita ostentis : nec me Virginem ciuem suam , clarissimis ortam parentibus , nec inurbane , incurioseque educatam existimauit , sed inter stridiorum irarum , illecebras libidinum , intolerandaque fremitum audaciae , ruit in immane nefas , exarsitque inaudito facinore , & tamquam bellua , acerrimis morsibus , intolerabili impetu , uehementissimaque rabie , ac

bie, ac summo furore, grauissimoque incurfu, & feritate, & libidinem exasperauit, inflammauitque suam: ideoque regnantis fulmine stratus, Veneri suae infelici libauit occasu. Tunc Praefectus, seu temeritatem suam agnoscens, indigneque in Virginem peccatum innoxiam credens, seu necessitate adactus, traductus etiā in spem sanctitatis Virginis, recuperandi filij, uersus ad Agnetē: Ex hoc intelligam, haudquaquam maleficio tuo filium occidisse meum, si in id Angelum precibus attraxeris, ut sospitem, ualentemque mihi illum reddat. quod affectus, haud incerte omni te sceleris suspicione liberabo. Et puella: Quamquā non ista ritus recipient uestri, ac pectoris angustiae, nec de nobis benemerita umquam uoluntas, tamen, ut cunctis summi patefcat gloria, numenque Dei, haud grauare tuas in preces descendam. Vos hinc igitur abscedite omnes, ut solitas, dignasque Deo perferam uoces, & uota. Abeuntibus omnibus, Agnes, ut erat mitissimi ingenij, & femineo nequaquam more uictoris, praesertim tantis laceffita contumeliis, animo uere Christiana, deuolutis iam ad preces aduersariis, hoc in triumpho ponens, uincere officiis, & pietate, genibus solum premens, demississime, & multa cum religione, ac lacrymis, Christum pro luce, auraque extincti iuuenis impartiuunda, afflandaque iterum membris apprecatur. Haud difficulter exceptae preces: adimpleta statim petitio: missus e caelo Angelus, puellam, pie flentem, consolatur, erigit, ostenditque Christi peramplum erga ipsam fauorem: iubet laetanti animo esse, neminem in terris existentem Christo cariorē Agnete praefatus: mox iacentem aura, & uita donat. Tunc, Virgine ouante, Romanus, extincta penitus, qua antea impotentissime, nefarieque deflagrat, libidine, demisso uultu, humilis, ac pudibundus, Virgini gratias actis, deprecatus iniuriam, & audaciam, foras prorumpit, uociferans, inania esse deo-

rum simulacra, taeterrima sacra, inanes cultus, & funesta tura, omnia profana, & obscena, extorum, fibrarumque ridendam inspectionem, his nonnisi superum conciri iras, & luem, ac fatum in pectora uiuentium rapi: expertum se esse poenas, expertum immania supplicia: omnes deos, & Romana numina nihil aliud esse, nisi furias, & scelus, secū arsisse, secum uolutata per ignes, & gelu, acerbissimosque cruciatus, multorumque uidisse amicorum, gentilium, atque affinium spiritus: unum reperiri Christianorum Deum, perennem, sempiternum, ac beatissimum. Qua re audita populus obstupescere, alter alterius ora cōtueri, quati ancipitibus, uarias trahi in partes; hiscere, mussitare. Hoc animorum motu auguribus, sacrificulo, dialibus, aedituis, flaminibusque nuntiato, tantus stupor, tantaque superstitiosus subiit animos ulciscendi libido, ut uniuersi ad locum decurrerint, conclamantes, haud incertis signis iram portendi deorum: non per ambages supplicia cani uētura: egere expiatione populi Romani nomen: esse iam profanata uetustissima sacra, caelo accita, caeloque auctore instituta: caerimonias Quirini, Numaeque, unius conciliati sideribus, alterius deorum congressu uerendi, temeratas nefario unius salatricis scelere, impiissimoq. sacrilegio: affusa caelo ancilia, tripudia sollicitissima, haruspicinam, Cerealia, leetisternia, Solitaurilia, Lupercalia, Parilia, Saliorum instituta, ac Saturnalia, Quinquatria, augurale ius, disciplinamque, & ipsa Quirinalia spreta, quae maiores tanta religione, uenerationeq. in dirissimorum discriminibus belorum constituerant, unde illis immortale decus, nomenque cum propagatione imperij ad cōfinia terrarum partum, nunc in anilem, contemptamque sectam, magicis artibus famosam, tam turpiter, nefarieque a ueris, patriisque numinibus descisci: uexandam, affligendam, discrucandam, trucidandam, perpetuisq. inferorum suppliciiis

placandam quam protinus magam, eiusque crude-  
re parentandum offensis diis, placandosque maiorum ma-  
nes. Quibus uocibus inflammata plebs, prona in crude-  
litate, inconditis passim clamoribus perstreperet, uoci-  
ferari, fremere, minitari, exposcere ad necem Virginem,  
nunc Medeam, nunc Circe, immutatis hominum men-  
tibus, compellans. alta pressit cura animum Praefecti:  
eximi fauore suo discrimine Agnetem non posse: acce-  
ptaeque par referri gratiae. ueritus tamen Augurale iu-  
diciū, & calumniam Pontificum, in superstitionissima  
Ciuitate, relicta concione, tristis abscessit, in Aspasium  
Vicarium reiecta re. Hic, subdoli, ac turbidi ingenij, mi-  
rae artis, additissimus patriis caerimoniis, & ob id no-  
stris infestissimus, popularem auram captaturus, satisfac-  
turusque flaminum precibus, dictisque, magnum illi-  
co accendi rogi, puellamque in eum coniici iubet. Lae-  
tabunda, & haud trepide ingrediente Virgine, bifariam  
secessere flammae, cum non exigua spectantium clade.  
Vnde acerbior uulgi ira, clamorque maior, ac terribilior,  
discrepantibus uocibus, mistisque stridoribus. discursa-  
re circa plebes, iactare ligna a longe, non audere comi-  
nus accedere, ac maledictis, uocibusque laceffere. nobi-  
litas ad tantam pulchritudinem, ac tenellam aetatem mi-  
serescere clarissimae Virginis, incitari religione deorum:  
nemo palam tueri, & pauci in occulto damnare. At Agnes,  
extentis per flammam palmis, ita, caelum intuens, fatur:  
Omnipotens, adorande, colende, tremende pater Domi-  
ni nostri Iesu Christi, tuum aeternis nomen cantibus ex-  
cipio, quia per unigenitum Filium tuum frustrata sum  
impiorum manus, & illecebras, ac fomenta libidinis im-  
maculato pede calcaui. ecce nunc, leniter flante aura,  
nefariae, diraeque faces extinguuntur; earumque glo-  
bi, undaeque in sceleris euibrantur ministros: ipsi diro  
maetantur incendio. attollo te, pater praedicade, quan-

do intactam, incombustamque per flammarum ardorem ad te peruenire sinis. ecce, quod credidi, oculis haurio: quod speraui, teneo: quod exoptaui, complector: te labiis, animoque confiteor: te totis uisceribus expeto. Eni ad te uado, uerum, uiuumque Deum, qui cum Domino nostro Iesu Christo, Filio tuo, almoque Spiritu, uiuis, & regnas aeuā in sempiterna. Vix completa oratione; ignis amisso ardore frigescit, penitusque emoritur. Quare animaduersa, uulgus magis, magisque cruciari, & in Virginem fremere, & prope cunctanti maledicere Aspasio, quod, trahendo morā, sineret tam impie illudi diis, cum Christiani nominis gloria. Quamobrem Aspasius; impatiens clamorum, & ipse in caedem, & diritatem pronus, iugulum mucrone transfigi, & sic mactari uicticem iubet. Sauciata Agnes sese effundente cruore, magnanime, honestissimeq. (ut uirgini, & Romanae par erat) corruit x i. Kal. Februarij, tumulaturque a parentibus ad uiam Nomentanam, haud longe a moenibus: alia insuper eundem ad locum x. Kal. eiusdem mensis mactata uictima Emerentiana, ipsius Virginis collactanea; quae, etsi nondum lota baptismate, acri tamen Christi succensa amore, auidaue caelestis laureae, dum inter gemitus, lacrymasque, ac defunctae desiderium orat ad tumulum, damnatque magnanima uoce immane in Virginem facinus, patrios execrata Deos, funestosque cultus; & dira Augustorum sancita, a concitata multitudine lapidibus obruitur, collocaturque ab Agnetis parentibus Virginis ad latus, ne, quas uiuas singularis deuinxerat amor, busta disiungerent. At Agnes, inter gaudia sui, caelestisq. triumphos aulae, parentū haudquaquam lacrymas, gemitusque oblita, quorū pectora occasu suo, summo, acerbissimoque dolore transfossa fuisse intelligebat, nocte quadam intempesta his ad tumulum excubantibus, stentibusque, inter splendidiissimas incedens acies puellarū, lectam-

Ictamque sodalium militiam, ipsa dumtaxat extra ordinem, ceteris certo in loco consistentibus, progressa, sese genitoribus exhibuit, ostenditque, solando aegros, attollendoque animos: nam luce se circumfusam aeterna, aeternaque fruentem aura, cum his (quas cernerent) dixit: maerorem, quem ex obitu pertulerant suo, missum facerent: dedecere luctum illum summam, in qua uiuebat, felicitatem. Non multo post tempore non ignobilis aedes in honorem Agnetis ad eius mausolaeum constructa est, quattuordecim nixa columnis, totidem paruarum alio ordine superstantium: sed duae ex alabastrite maximae effulgebant, uarij, ac distincti marmoris lithostrato nobilis, ualuisque aeneis, quas modo in simulacra Angelorum constatas in Sixtino sacello ad Praesepe conspiciamus in Exquilis, quod Sixtus V. erexit operum magnificentia antequi-rati paene par, celeritate non minor: ut in Annalibus nostris fuisse scriptum. Agneti aedem, ac memoriam Constantinus Magnus, saeculorum omnium princeps, & Romanae Ecclesiae amplificator eximius, construxit, rogatu Constantiae filiae, nobilissimae Virginis, quae, insanabili ulcere concuulnerata, in eo fastigio maiestatis, & gloriae uehementissime uexata, nondum Christiana, cum ad Beatissimae Agnetis sepulcrum accessisset, obdormiscens, Agnetis uocem audire sibi uisa, iubentis agere constanter, Christi que capeffere religionem; nec multo post, cum, depulsa uulnere foeditate, deformitateque conualuisset, Christianis expiata undis, concepto castitatis uoto, in eandem opinionem, & cupidine impulsis Attica, Arthemioque Gallicani nobilissimi bello Ducis, filiabus, (cui iam ipsa uirgo, inuita licet, a patre in praemium stratae barbariae, pacatorumque limitum fuerat destinata in coniugem) persancte uixit, non ingrata Agneti, cuius uita est imitata, pieque nomen uenerata, relicto Aeliae Pulcheriae Augustae, Arcadij, Eudoxaeque filiae exemplo incredibilis



dibilis castitatis, summae religionis, rarae sapientiae, augustissimi pectoris, liberalitatis egregiae, praestantissimi ingenij, excellentissimae uirtutis, caelestisq. uirgini sanctitatis, quae, Constantiae generis fulgore par, fastigiorum maior, regundorumque artibus populorum, gloriaque praecellentior, Agnetem praecipuam inter caelites patronam sibi adoptauit, reliquiarum parte nobilitato Byzantio, piis cantibus haud raro Propoetide, Bosphoroque respondentibus, ipsisque Augustis cum flore aulae demississime, religiosissimeque, in magnae, inuictaeque honorem Agnetis, psallentibus. Olim ad eius tumulum sacratarum Virginum coenobium constructum fuit, insignis fama sanctitatis, monasterio quoque S. Laurentij in Fonte in Suburra illius iuribus attributo, ordinis S. Benedicti. ceterum, Sixto xv. iura humano generi dante, locus ille incolae a Virginibus desuit, uel grauitate caeli, uel quia indecorum, atque intutum uidebatur, aucta hominum licentia, inter armorum turbines, externaque bella, procul frequentibus locis, sacratas habitare, & ipsas a pristina sanctimonia degeneres. Sub S. Agnetis patrocinio, signisque, coetus ille Virginum diu militauit, & Agnetis postea nomine extabuit, nouissimae restructis, locoque praepositae: translato primum dominio ad Fratres S. Ambrosij ad Nemus, extra muros Mediolanenses, deinde, ex auctoritate Innocentij ix, ad Canonicos Regulares, ex norma S. Augustini.







# S . L V C I A X .



**I**Nter Romani nominis decus Agnetem,  
& Alexandrinorum fastigium, fidusq.  
Catharinam, fulgebit Syracusarum lu-  
men, atque ornamentum Lucia, maior  
illis gloria, ac nomen, quàm tot Poeno-  
rum exercitus, & duae florentissimae,  
atque ornatissimae Atheniensium classes profligatae, si-  
mulque ingentes illae terra, marique opes, quibus Insu-  
lae imperitarunt, ac iacto uallo Carthaginis muros am-  
biere, & persaepe ipsae seruientes, aliis libertatis lucem  
importarunt, frustra gentilium testimonio, famaue at-  
tollente Archimede, aequantem naturae molimina, &  
sideribus colludentem. Nascitur Lucia Syracusis, prae-  
ter memorabilem loci naturam, ac pulchritudinem Are-  
thusae fonte insignibus: quae se ad Ortygiam insulam a-  
mantibus aquis laetabunda commiscet Poetarum fabu-  
lis decantata, utroque parente nobilissima. Sed mater,  
nomine Eutychia, ob Christianam pietatem scriptoribus  
nota, feliciori omine ad posteros transiit. Virgo, orbata  
patre, genitricis religione sacro lauacro expiatur, tradi-  
turque educanda nutrici, praestanti feminae pietate. Vt  
primum per aetatem licuit, Christo uirginitatem sacra-  
uit, & ceteras addidit uoto uirtutes, miram religionem,  
morum comitatem, & modestiam, incredibilem animi  
summissionem: non fractus illi incessus, non munditiarū

E c

cul-

cultus: neglecta coma, parcus obtutus, castissimi mores inerant, sic, ut non in gremio uiduae educata, aut uiduae filia, (cum nimia interdum caritate, atque indulgentia uiduarum filiae abusae in obscena, & turpia prolabantur) uideretur. Sed Eutychia, ex affinium consilio, inuitam cuidam adolescentulo uirginem spondet, acriter accensa posteritatis desiderio. Interim ipsa non dubio mortis periculo urgeri: quam ita affectam cernens Lucia, desperatis Medicorum artibus, naturaeque remediis, rata exposcendam a superis opem, rogat obnix matrem, ut Catanam contendat, obuolutaque Agathae sepulcro salutem exposcat, non dubie a Deo assecutura Agathae meritis, precibusque. Enimvero Agathae nomen late apud gentes inclaruerat, celebrabaturque praecipue in Sicilia, tanta hominum opinione, ut frequentibus agminibus decurreretur ad tumulū. quin quaginta millibus passuū Syracusae a Catana distant, locatae in promontorio Lylibaei, uastatis iam (quae inter ipsas, & Catanam interiacebant) Urbibus, Megara, & Naxo. Itaque; natae consilio approbato, accingit se itineri mater; ductaque secum filia, cum haud contemnendo comitatu, Catanam intrauit. At Luciam, Agathae aedem ingressam, recordatione fortitudinis, rerumq. gestarum, ingens inuasit ardor, cū martyrij cupidine; mox, contemplata Virginis corpus, crudas mammas, effulgentemque manum, uberrime fleuit. At, cum sacra fierent, recitato Euangelio, quando Marthae, tactu uestis extremae, a Christo est restituta ualerudo, uersa ad matrem Lucia, num ea crederet, speraretque eundem a Deo fauorem Agathae precibus, interrogat: quam cum confidentem reperisset, peracto sacrificio, & abscedentibus ceteris, cum genitrice; ad latus busti procubuit uenerabunda, feruensque ingenti erga Christum, & Agatham amore. Cum intētius oraret, correpta somno, uidit Agatham,

tham, incredibili micantem lumine, uesteque undique irradiante pyropis circumdatam, inter beatarum mentium turmas incedentem, dicentemque sibi: Quid a me petis, Lucia soror, quod ipsa genitrici continuo potes impetrare? fides illi tua opitulata est: ecce recepit ualitudinem: tuque iucundum iam Deo in corpore tuo tabernaculum praeparasti. sicut meo nomine Catana attollitur, ita tuo Syracusae fulgebunt. His dictis euauit. Excitata a somno Lucia, laetam, & uegetem matrem amplexatur; interque gratiarum actiones, & tumuli oscula, atque hilaritatem, rogat, obtestaturque per Deum, & Agathae nomen, ne sibi faces, & thalamum subiiceret, simulque fortunas ad pauperum inopiam, & calamitatem mitigandam attribueret. his se non ingratam caelesti sponso ostentaturâ: dedisse iam, cum thalamum inuitae substerneret, in quo lecta uirginitate obscena passura fuisset cum aeternis aerumnis: iisdem se modo in auras eucheret, nascitura generum nullis egentem rebus, asserens. Sed Eutychia, commemoratis omnium diuitiarum supplementis, laudata quoque industria, ex auctis ab occasu uiri fortunis, filiae postulata in extrema uitae reiiicere, feminea, & uiduali auaritia irretita. Cum risu excepta a filia materna donatio, illusae sordes: nihil in funere laeti, omnia tristitia, funestam donationem, nec adeo superis caram, cum post se trahi non possit: spontanea eos ouare largitate, nec redundantiae liberalitatem inesse, & dona ab inuitis extorta plena inuidiae, & uacua mercede, ac nosci in egestate magnificentiam, & praefertim erga non petentem, ostentat. His Eutychia concussa, filiae cuncta permittit: quae reuersa Syracusas statim muliebre mundum, & uetera gentiliū ornamenta, uendidit, effusa in egenos pecunia. Qua re sponsum animaduersa, quaerit a Luciae nutrice, quid causae sit, ut dotalia ornamenta, tantaque supellex adeo improuide, &

festinato distraherentur. Sed nutrix, ingenio sagaci, & pio, ait, non ideo distrahi, ut iacturam patiantur, sed ut commodiori in loco auctis redditibus cum ampliori familiae dignitate locentur. Qua deceptus ambage uerborum adolescens, desit amplius de uenditione perquirere, ultro sponsae prudentiam admiratus, cum breui animaduersa stultitia, cognoscit omnia absumpta, ac dissipata, simul sponsam Christo dedisse nomen. crudeliter furens, sponsam perduellionis ream ad Paschasium deferret: uiolatam dexteram, sacros ignes, & nuptialia pacta, cum ludibrio Caesarum, deorumq. elusa, exponit. Tum Paschasius Praetor sistendam ad tribunal uirginem curauit. Quam contemplatus, attonitusque diu persiluit, feram hominis rabiæ præcellenti specie mulcente. Mox, alto petito principio, maiorum Luciae attollit imagines, numeratis uallaribus, muralibusque coronis: deinde cū irrisu Christianae religionis eleuat decus: postremo Iouē uenerari iubet, ac diualibus satisfacere imperatis. Sed Lucia respondit, sacra iam ab se facta, & placuisse superis: occursum pupillorum egestati: subuentum uiduarum calamitatibus, & pudori uirginum: iam nihil sibi relictum, nisi corpus, & animā: utrumque stare pro Christo. Tunc Praetor, inter cachinnum, & fastum, Nobis, inquit, ista desine memorare, talia per Christianorū ora decantanda: dedecent Romanum, Augustorum numini, placitisque deorum seruientem: nec facile Martiae genti a diis trahenti ortum est errare. Tunc Lucia: Quod in laude ponis, Paschasi, quodque inter egregia refers, ne uitio mihi uertas: Augustorum ipse nō transgredieris imperata: nec ego Christi sancita temerabo: illi pie obediō: si quid tibi in uotis est, imple: nec ipsa me deferā: tu tuo utere consilio, ipsa meo, & de lapsu quisque uiderit: poena errantis, paenitentia, & supplicium, Tum Paschasius, grauiter indignatus, exclamat: Quae tam pro-

cax

cax lingua, & impudicum os ante Caesarum imagines in ipso tribunali? Ex impudentia uerborum non difficulter agnoscitur loquentis animus, & arcanū: effudisti in coemendis libidinibus, atque in satianda amantium cupidine, patrimonium, dum te fatigauere osculis, & tam alta spiras, nos fortasse territura? Iactantia uerborum, atque oculorum flagrantia, amantium animi fodiuntur. non incertus in flauo crine Veneris triumphus: nec dubij, mites ue in nigra oculorum acie ictus. Et Virgo: Fortunae meae certum sortitae sunt locum, non Caesarei uim fisci, non uiolentas latronū manus pauentes. de pudicitia iam satis patet: sic quippe uixi, ut nemo non modo de scelere, sed ne de suspitione (quae iuuentam, & pulchritudinem comitatur) gloriari queat. clara mihi ex uirginitate gloria, & certa quoque palma manebit. Et Paschasius, ueluti scenam agens, & cum ludibrio caput iactans, Enumera, respondet, amatores, qui polluere animum, decerpere Virginitatem, qui pressere pectora, lacertisq. colla cinxere. cuius acrior, ardentiorque in uenere furor, aut cuius prima roboris, ac lateris gloria? Effare: turpiter fecisti, at non turpiter dixeris. Etenim, qui, quae ue pudoris limen transscenderit, frustra postea de uerecundia laborat. Tunc Lucia, rubentibus genis, & decentissimo uultu, audaciae Praetoris occurrēs, Nefario, inquit, uoto turpem narrationē anhelas: at ipsa in hoc quoque tibi satisfaciam. Vos estis castitatis depopulatores: uos ueritatis fores ferro, & facibus exscinditis: uos stupris inuigilatis, torique fidem conuellitis: uos piorum mentem feralibus sacris uexatis: cui non faceffitis iniuriam, uel cuius mentem nō saeuissime oppugnatis, rapinis inhiantes, bacchantesque innocentium sanguine? uestris piaculis, uestrisque diris superum iras inflammatis; mortalem tendentem ad superos, pari scelere in ima detrahitis.



hitis, non degener a matre proles, non absumilis morum.  
 Sed quid a Venere sancti, aut pudici? quam uosipsi, haerentem Martis complexibus, rete cum adultero captam, expositamque nudam Concilio deorum scribitis? En, nō ne in posteritate iidem obsceni sensus, & turpia facta cernuntur? Genitricis uestrae, almaeque, ut dicitis, deae, dehonestamenta improbatis, & tamen pocula illi libatis, & accenditis in ara ignes: uolentes mactari nulla prosequitur miseratione: excusandus in ignorantia error, in consilio plectitur poenis, animi peruersitate, non casu peccante. Me tu impudicam nuncupas, licet gentilium imagines adeo sint illustres, ut me non patiantur in obscuro peccare: me ut scortum compellas, nec animaduertis id in me damnare, quod tu in portentis deorum scelerate adoras, iniquus nō dubie censor. Habes igitur a me uiolatores castitatis, & nefarios stupratores, non iam in occulto, sed in luce obuersantes. si scelerati, si in culpa deprehensi, perdendi sunt: sin minus, ipsa innocens, & pudica cum ignominia tui, idolorumque. Tunc Paschasius minitabundus, In concione, inquit, mima insultat: sed cessabunt uerba, dum deuentum erit ad uerbera. Et Lucia, Dei uerba nullo pacto profligari posse ostendit. Et Paschasius: Num tu Deus es, ut uerba tua in irritum nō fluant? Et Lucia: Nequaquam uim, numenque impleo Dei, ceterū illius ueneratrix: nec memoria excidit mea,  
 „ quod ipse discipulis dixit, Dum steteritis ante Reges, &  
 „ Praefides, nolite cogitare, quo modo, aut quid loquami-  
 „ ni: dabitur enim uobis in illa hora, quid loquamini.  
 „ non enim uos estis qui loquimini, sed Spiritus Patris ue-  
 „ stri, qui loquitur in uobis. Tunc Paschasius: Sacra ergo  
 tu implebis aura? Et Lucia: En, Paschasi, alloquor ego  
 te femina uirum, rea ante tribunal statuta, & armatum  
 Praectorem, inter infesta signa minantem, puella: sed, ne  
 indigneris: nam Deus ipse, candor aeternae pulchritu-  
 dinis,

dinis, qui orbem uniuersum condidit uerbo, sustinet digito, moderatur nutu, secundat adspectu, cuius tu frustra nomen demoliri conaris, tecum loquitur in puella. miraris? Noli, obsecro, tecum ipse uario cogitationum aestu iactare; & quod superni spiritus infirma roborantis, & fortia prosterntis uirtute fit, humanis artibus, ingenio ne adscribere. Eloquar clarius, Hexapulo, Achradina, Euryaloque audientibus: ipse, cuius hic caussa agitur, dum impij scelerum architecti uitam, & pietatem cariorem spiritu extorquere nituntur mihi, me tuetur, me firmat, obiectu sui me protegit: denique in me ipse tacitus sese insinuans, totamque peruadens, tali me sibi nexu, uinculoque coniungit, ut, dum tu Deum uiuum petis per probra sacrilega, & infanda scelera, agar ego per tormenta diuersa. dum ipsa eius caussam cōtra te asfero, uindicoque, loquatur ipse. Habeo ego mortale hoc spoliū, quod utinam in illius gloriam dilaceretur a te, & discerpatur in frustra: habet ipse contra ad piarū mentium ulciscendas iniurias immensam potestatem: habet ad retundendum animorum uestrorum fastum sapientiā, qua rationes cōuellat, captiones irrideat, arguta sophismata diruat, argumenta dissoluat. ex hoc corpore, & tali spiritu, ex hac imbecillitate, & tanta uirtute unū quid arte diuina coalescit, & surgit, quod tu nunc exerces, & agitas. Admirabilis plane, ut ita dicam, coniunctio, atque focietas: me interrogas, respondet Deus, Deū perquiris, lacerer ego: nimirum ille fidem nobis suā adstrinxit, uerboque illo firmauit, quo rerum uniuersitatem excitauit ex nihilo, & ex confusa illa, & uasta mole secreuit, fore, ut corpora castam, & incorruptam uitam uiuentium templum essent Spiritus Sancti, ubi ipse iucundissime uersaretur, quodque totum infusus per singula mēbra permearet, ac regeret. quid tu nunc, inepte Praetor, importune pius obicis impietatem quasi altius hu-

mano

mano fastigio sustulerim, caputque profanum in ipsa penetralia diuini numinis inuexerim, unde aeternae mentis spiritum impudenti ore deductū impudentiori etiam affirmem suam in me sedem, soliumque collocasse? Sed, quid apud illum de pudore disputo, qui libidinem sibi suam pro Deo finxit? An credet uirgineum pectus, animosque caelesti numine afflari, cieri diuino spiritu, sedem esse sapiētiaē, lucis inaccessae domicilium, qui, impuritatis amator, inter terrorem uirgarum, & licentiam armorum, aestuque libidinis abreptus, nihil habet cum puritate, pietateque commune? Age igitur, cuius se curim, exerce furorem tuum: crucia, torque, lacera, proscinde martyrem. templum Dei destruere paras, & incendere. dum nocere studes, beneficium praestabis; &, qui ratione non poteras, fluitans in luto luxuriaē, & undis irarum, experimento fateberis, uel diis tuis inuitis, atque lugentibus, corpus uirginis sedem, & templum esse Spiritus Sācti. Tunc Paschasius: Iubebo te trahi in ganeas, ubi scortata Spiritus Sancti praesidio, ac numine nuderis. Et Lucia: Inuita anima, & pectore auersante peccatum, labes minime contrahitur: uoluntas spectatur, assensusque: nec, si tura mea manu ad aras accenderis, tuisq. libaueris diis, mihi ad dedecus, & piaculum adscribetur: &, si me uiolari iusseris, geminabitur laurea, ad gloriam, magnitudinemq. triumphi. Et Paschasius: Aut capeffenda sunt tibi iussa diualia, libandumque Ioui, aut in palaestra Veneris turpiter expirandum inter scortantium turmas, & infames greges. Abnuente Lucia; & hominem iridente, accensus ira Praetor mandat acciri lenones, ex humanae carnis laniena quaestum facientes, dum teruncij, pro scelus, meretriciū corpus aestimatur, ne a sanctissima quidē parte corporis repulsa libidine. laeti ad Praetorem lenones accedūt. quibus Praefectus: Abripite puellam hanc, & gancis uestris consecrate, uel

reuel inuitam, diis amorum praesidibus seruituram: tuba robustorum iuuenum animos ad certamen accendite: contueantur spectaculum Syracusae: nemoque a foribus arceatur: illi uictoria adscribetur, in cuius gremio & amplexu saltatrix animam efflauerit. Tunc lenones, accepta a Praetore facultate, Virgini cum plausu se circumfundere, & uerbis, gestuque corporis tangere pudorem, recensere trophaea, & euictas multorum animas inter blanda uoluptatum. Reiciienti Virgini dicta, nec mouenti gressum, lenones manus iniiciunt, ui abstracturi, cum Spiritus almus Virgini incumbens immobilem fecit: instar montis. nituntur ui euellere scelerati: cedunt irae superis, cedunt cupiditas, & humanae uires. undique funibus Virginem euinciunt: colla, bustum, crura, latera, pedesque uinculorum asperitas premit. applicatur trahentibus Praetoria cohors: iunguntur multa bouum iuga, & equi: quisque robustus extendere ad uincula dextram: inutilis iam omnium labor, fractaeque uires: nec, si reuixisset Archimedes naturae elusor, inuentorq. machinarum, de Lucia gloriari posset. prius Caucasum, aut Imaum, Alpesque manus illa moliretur, quam digito de loco Luciam propelleret. Praetor, post infinitos labores, conatusque, accersiri magos, & hariolos, effusaque circum carmine pandi secreta caelestium iubet. Ciuntur ex inferis manes: lemurum nomen inuocatur: totaque Plutonis regia in auxilium exposcitur: adspergitur lotio, & oleo puella, deductis uirga circulis, soloque adpressis notis, si forte ueneficia dissoluerentur. magicum eructatur carmen, mistum stridoribus. At Virgo magis magisque consistere, & eleuare furentum labores, Praetorem compellans: En, Praefecte, manu iam Dei mei opes deprehendisti, meque templum uiuentis Dei esse uidisti: & adhuc insanis? tam obtuso animo es, ut, qui cum pugnes, non intelligas. adolescentulae corpore tot ui-

res, robustaeque manus eluduntur: & tu in sententiâ op-  
 pugnandae ueritatis perseueras? Etiam si alia decem mil-  
 lia uirorum adiunxeris, labores omnes frustra susceperis:  
 eritque penes me uictoria cumulata triumpho. Agnosce,  
 imbellis, fragiles deorum tuorum uires, & illusa terga in  
 infantulae pugna: interroga, & scrutare, miser, quid in  
 Aemo Mars tuus agit, quid Iuppiter in Tarpeia molitur,  
 quid Vulcanus in Aetna parat in auxilium tui, cultorum-  
 que solatium me ad unam expugnandam, ubi fulmina, &  
 sudâtia cruorê arma, & fatalia tela? Cede iam, Paschasii,  
 fatere Christi potentiâ, depulsa errorum nube. quid a diis  
 sperandum sit tuis, calamitate tua, & dedecore didicisti,  
 iam stupentibus Syracusis, & tota obtremente Sicilia.  
 At Paschasius pallens, rubensque, circumlato truci ob-  
 tutu in Virginem, suspirare, minitari, stridere, accendi  
 protinus circa rogum, & mole pyrae uallari iubet. Ac-  
 censis Lucia facibus non sentire ardorem, non uestium  
 combustionem, laeta, plaudensque amplecti flammâs:  
 Praetoremque interpellans, Breuis, inquit, hora certa-  
 minis superest: iam meta laborum & palma tangitur:  
 stabo paullisper praecincta hic flammârum globis, ad so-  
 latium piorum, ne in posterum atrocitatem supplicij pa-  
 uescant, utque impia multorum uota inaniter cadant, ad  
 iniuriam deorum, & Christi Saluatoris mei gloriam. Hoc  
 sermone Paschasius ictus, non quietem capere, non se sel-  
 la tenere, obuoluere corpus, iactare ceruicem, manibus,  
 & uoce perstreperere, atque insanire. Cuius dolorem non  
 amplius ferentes amici, flamma ab latere dimota, mucro  
 ne appetiere Virginis guttur. Nec tamen sauciata Vir-  
 go loqui, & precari destitit: uersaque ad circumstantes,  
 Ecclesiae pacem ominata, Diocletianum, & Collegam  
 eiurasse imperium, seque tutelarem Syracusis a Deo da-  
 tam, sicut Catanâe Agatham, praefatur. Adhuc loquen-  
 te puella, ex auctoritate Senatus, trahitur deuinctus fer-  
 ro Pa-


ro Paschasius, Romae peculatus accusatus, repetundarumque, luens infandorum scelerum poenas. Et Luciae non prius defuere aerae, spiritusque, quam sacrum uiaticum desumpserit. Tunc, laeta, Idibus Decēbris ad caelestia proficiscitur, memorabili ad posteros gloria, famaue ob curandorum aegritudines, morbosque oculorum, nullo certo id auctore asserente, sed certis prodigijs (quae deprecantibus feliciter obueniunt in dies) nec pietati credentium est deroganda fides, atque auctoritas. Sunt, qui alteri eiusdem nominis Virgini id tribuant, quam ferunt erutis sibi luminibus, pudorem, extinctis amantis igne, atque furore ex uenustate oculorum subito enatis, retinuisse; tamen Syracusanae supplicat orbis. At Luciae, erectis in confessione memorijs, diu Syracusis in patria honoratum nomen, atque reliquiae: sed a Carthaginensibus Piratis, Maurisque, a Carthagine usque ad Atlanticum Oceanum occupata Africae ora, captis, direptisque Syracusis, magnaue cladium mole afflicta Sicilia, Basilius Macedo Graecorum Augustus, filiusque Constantinus, uaria in bello usi fortuna, uicti, uictores ue, cum deficientes in Sicilia Ciuitates grauiter ulsi essent, depopulati reliqua ornamenta, quibus barbarorum rabies pepercerat, aut certe abstinuerat, Luciae corpus Constantinopolim transtulere. Acerbissimum id Syracusis uisum, magnisque lacrymis deploratum, uix ex tanto thesauro, (quo opulētissima Ciuitas gloriabatur) post moenia strata, euerfa Praetoria, & Regias, Opidumque ipsis Syracusis in aceruis tectorum sepultum, calceo Virginis relicto, quem sollemniter, religioseque inter hymnos, & supplicationes quotannis incolae in publicū educunt. Sed nec Byzantium post rapinā diu tanta felicitate, bonoque laetatum est, rebellis saepe a Petri Ciuitas primatu, inquires animo, & ipso furore perturbator, semperque Romano fastigio minax, uel usurpata arrogantissime ma-

iestate iubendi tam electa , caraque Christi membra non mercebatur . Motis enim post primam nostrorum Principum expeditionem ad stabiliendum Hierosolymorū imperium, pulsandaque barbarorum circa inuadentium arma, nostris uiribus, cū se infesta, more suo, Graecia obieciisset, impio polluta scelere, sub ingratisimo Principe cognato cruore perfuso, irritatis, auersisque in se nostrorū iris, capto Byzantio, prosligatisque, qui obstiterant, attritum, sublatumque est Graecanici culmen Imperij, Romanis legibus uicto populo datis . Hoc quoque poenarū nefastis Graecorum ex animis, impietateque exhaustum ad par rapacissimae genti referendum, renouandamque illi uersa uice Constantis, Constantini iunioris filii, memoriam, qui, barbaricae ferociae, igniumque spectator, amissa exercitus non exigua parte, Romanam Urbē, Italiamque crudelissime, auarissimeque diuexarat, paucorum dierum acerbitate ducentorum quinquaginta octo annorum lustris abolitis, quæ in nos saeuierat barbarorum sitis, rabiesque, inter reliquas manubias Luciae corpus ab Henrico Dandulo, clarissimo Venetorum Imperatore, Graecanicae & ipso teste diritatis, anno cto c xcii. Venetias deportatur. Utinam, inuictæ, felicesq. Ducum animæ, caeloq. receptæ, eadem religiosa pectora uestra subisset cogitatio asportandi illinc quoque Constantini Maximi, utriusque Theodosij, Tiberij, Pulcheriae; Eudoxiae, reliquorumque Principum corpora . quanto enim gaudio tripudiasset, Italia? ac quāti pompa triumphi, gremio, lacertisque porrectis, conditorem, amplificatoremque suum Vaticanæ angusta moles, Diuorum uerenda sedes excepisset? heu in seruiente solo, quorū uix uniuersus fuerat olim orbis capax, barbarorum pedibus proculcantur, obsita squalore, sine ara, sine cerco, inter abominanda sacra, sceleratamq. superstitionem. At Luciae corpus locatur primum in aede Beati Georgij, mox

pro-



proprio nomini fanum ad Regium canalē attollitur; ubi integris membris, uiuida carne, & augusto habitu oris quasi dormiētem uidimus, ueneratique sumus. Sed Mētensium clara, potensq. in Galliis ciuitas, Leucis, Eburo-nibusque uicina, Augustae olim maiestati annexa, nunc Franciae iuribus, ac principatui contributa, tantam Venetiis dignitatem, gloriamque haud immerito inuidet, pro certo affirmans, moenibus suis, caeloque Luciae corpus contineri, asseruarique, ex Constantinopolitana direptione illuc transmissum. Insinuata Pio V. res, clarissimo haereticae perfidiae, ac Turcici fa-stus conculcatori, dum Romanum conderet Breuiariū: sed silentio transmissa, & prudenter. Haec ex auctoritate P. Rober-ti Bellarminij, doctissimi ho-minis.





# S. CATHARINA

XI.



N obscuris, ac difficilibus rebus quoniam non modo punctum attigisse, sed bene etiam dubitasse multum est, quod tenuis magnarum rerum cognitio exactae cognitioni rerum communium praeferi merito debeat, nemo nobis iure succenseat Catharinae uitam aggrediētibz, hoc est inter martyres & Virgines maximae, (quas hucusque descripsimus) si non trita multorum scriptis, & antiquissimorum monumentis, sed uix paucorum laboribus delibata proponamus. Quamquam enim Beatorum inter se merita, palmasq. conferre solius est Dei, qui corda scrutatur, & renes, si coniecturis agere licet, tantum inter ceteras martyres emicat Catharina, quantum orientia sidera praestant occiduis, quantum ceteris montibus Synas inaccessus, legifer, religione praecipuus, & exiguus magnorum cinerum tumulus. Hinc fortasse factum est, ut, dum tantarum uirtutum Virginem silentio veneratur antiquitas, amisit paene posteritas, cui & antiquorum silentium, & recentiorum ficta narratio fidem abrogant uera scribenti, quasi non tam ueterem Catharinam describere, quam nouam obtrudere uelle uideatur. tot, tantaq. igitur trophaea uictricis, aeterniq. nominis fama ita fabulis, anilibusque intermixta narrationibus traduntur, ut legenti facile cum indignatione, & risu

risu stomachus cieatur, dum per inscitiam, adulationem-  
 que scribentium eius genus Tyriditarum fastigio, imagi-  
 nibusque annectitur, postque Armeniaca trophaea, &  
 Mygdonicas laureas Romano quoque sanguini misce-  
 tur, maternumque per genus Constantini effingitur Ma-  
 gni neptis. nec minus fabulosa enarrantur, quae de im-  
 perio, susceptisque post obitum patris fascibus, fugaque  
 eius in Aegyptū, ne, subditorum precibus coacta, (quip-  
 pe quae Dianae, antequam Christianis esset initiata sa-  
 cris, castitatem uouisset) nuberet Arsacidae. Alij tradi-  
 dere, Virginis parentes Costium, & Alexandram inter  
 Alexandrinos nobilissimos fuisse, magnis, uetustisque  
 opibus, multisque clientelis. Sed Alexandram, praeter  
 egregias animi, corporisque uirtutes, sanctitatemque,  
 Lagaetarum sanguine clariorē. hinc datum fabulae no-  
 men, locumque existimamus, quando scriptōres, Roma-  
 norum inscij annalium, factorumque, Catharinam, seu  
 Aecatharinam, (sic in uetustis codicibus nuncupata legi-  
 tur) Regis fuisse filiam asserunt, illiusque matrem Sabi-  
 nellam uocant: scribunt etiam, genitorem diuali rescri-  
 pto exfulare apud Cyrenas iussum, integris tamen fortu-  
 nis, respectu coniugis, additis exilij caussis, tamquam il-  
 lius fiducia isse ad saga Achillē, lacepsisseque uim Roma-  
 nam suo haudquaquam fidentem Marte, nec cōmendat-  
 um maiorum suffragiis, ipsum e contra Costium fama,  
 uotoque populorū pristinis Regibus aequante. Ipsa Vir-  
 go Alexandriae nascitur. a prima aetate cum mirifica in-  
 doles in ea eluceret, cura, studioque parentum clarissi-  
 mis traditur instruenda Oratoribus, atque Philosophis,  
 breuique tantum in disciplinis profecit, tantumque ui,  
 & altitudine excelluit ingenij, ut doctissimum, ac diser-  
 tissimum quemque superaret. Erat illi oratio grauis, ple-  
 na spirituū, sententiis admirabilis, miram redolens sua-  
 uitatē, adeo, ut tumidus, iratusque facile flecteretur, lan-  
 guensque.

guensque ad capeffendâ uirtutem incitareris. Ad haec ; gnara Graeci, Latini, Hebraeiue sermonis, eximia deinde memoria, id quoque inter diuina, non celsum hac in parte Simonidi, Cyro, aut Senecae; nullius denique inſcia facultatis, diſciplinaeque. quidquid enim illuſtres docuere Athenae, aut Canopus monſtrauit, aut Chal-daica tradidere monumenta, occultaque Magorum, egregio ipſa peſtore perſtringebat. quo plura diſcere, eo ardentius in diſciplinas rapi: indignari interdum, lamentariue de fortuna, quod non ſe ad Platonis tempeſtatem, aut Ciceronis ſaecula tuliffet, quibus tanta diſciplinarum gloria floruit. Igitur, haud ignara matre, Chriſtiana ſacra ſuſcepit, multum eluſtata deorum fabulis, atque portentis. exinde acri Chriſti amore Regia peſtora caluere. aucta in immenſum fruendi Chriſti cupiditas, quem ſibi ſponſum, nullis praemiſſis auſpici-bus, ardentibusque facibus, ipſa dumtaxat tota exardeſcente, adſciuerat. Ergo, reiectis Poetarum fabulis, inſomnijsque philoſophorum, ſacris inſudare paginis, ef-fuſaque in preces ingenti lacrymarum ui, Chriſti crucia-tus, aerumnas, ſigna, amorem, pietatem mortalium erga genus aſſidue perlegere, & meditari, atque in ima peſto-ris demittere: tota mente, animoque in id incumbere, ut Chriſto ſe quam integerrimam, ac diligentiffimam exhi-beret, ſpretis multorum blanditijs, & Regulorum connu-bijs, depreſſisque adulantium uocibus domeſticorum, qui aulica licentia toro alligatam heram, & hinc ſobole florentem, exoptabant. Nec multo poſt, cum exſtinctam matrem effuſe luxiſſet, Chriſtianoque more parentaſſet, familiam optimam circum ſe habere, demere quae redûdabant, caſtam uirginem dedecere luxus non ignara, ef-fuſa in pauperes, prodigens, quas multo ſudore maiores aceruauerant, fortunas: ueſtitus illi interior ex ſerico cãdido: ſic ipſi multa poſt luſtrorum curricula intactum ui-

dimus, si libet famae credere, purpura externa protegente: flaua illi coma, & decentissima, tactusque lenissimi, haud quaquam inflexa calamistro, aut in obeliscum erecta: nec externus in ore color: excellens specie facies, Solis non dubie splendoris, ac pulchritudinis aemula: oculorum tanta suauitas, ut nihil supra: frons augusta. grata haec uulgo, non spreta sapientibus, augustiora, morum sanctitas, pudor, castimoniaque reddebant. Grauis ad haec incessus cum maiestate, & decore: numquam uox degener, aut arrogans, neque scurrilis lusus, risusque. Hac felicior, gloriosiorque Virgine Alexandria, quam terrarum busto Praedonis, Sesostris curribus, & xiv. Ptolemaeorum serie, ac ccxcv. annorum sexque mensium dominatu uidebitur abolita etiam Berenices, Cleopatraeque memoria. His moribus Catharina, & hoc concursu uirtutum late per hominum ora uolutari, cum ingenti stupore, & gloria. multarum accensa uisundae Virginis cupiditas puellarum, & iuuenum. incassum suscepti labores, & gressus, tantam pulchritudinem claudente pariete, foris raro uisam: adeo popularem auram Christi iam tota spernebat. Eodem ferme tempore, Diocletiano, & Maximiano post innumerabiles uictorias, clarissimaque trophaea, postque immensas Christianorum strages, inexhaustamque cruoris sitim deponentibus imperij fasces, Constantius, & Galerius, cui Valeria Diocletiani nupserat filia, Augustalia susceperunt insignia, partitoque inter se orbe Romano, Galerius duos sororum filios Seuerum, & Maximinum xi. Kal. Martij, Tribuniciae potestatis, Caesareaeque dignationis participes fecit, denuo in Christianos renouato odio, aemulus parentum crudelitatis, Roma Seuero destinata, Maximino Aurora, & Euphratenfi margine concessis: qui, profectus in Orientem, ueluti Arsacidam, ueterem aemulum, & pristinorum cladum luctu torpentem, nec sine rabie aduersus Roma-

Romanos stridentem bello quassaturus, omnem furem in Christianos uertit, omniaque caedibus funestauit, trux ipse ingenio, auunculi, Augustorumque exemplo magis magisque irritatus, qui, pacatam, trepidantemque natus Seleuciam, donaque mittentem Persam, in Aegyptū diuertit, ut Alexandriam proximo Diocletiani bello in rebellione Achillis reuulsam prope sedibus, & multo nudatam ciue, deformatamque ruinis, instauraret. datum id conditoris memoriae, simul ut Memnonis Regiam, Auroraque cubile inuiseret, adiretque Hammonium diu per saecula silens oraculum, aemulus Alexandri; aut per *Gyrenaeas*, & Paraetonium Africam sui iuris faceret, *\* Cyrenas* deleteretque his ex Prouincijs Christianum nomen, aut cultores per suppliciorum diritatem ad funestum deorum cultum reuocaret, cum in Oriente nulla Christianae pietatis feracior, aut erga Christum religiosior Aegypto, Thebaideque, Prouincia exstiterit, totque Memphis, licet barbara superstitione Isin, Osyrim, Apim, Hammoniumque diu coluisset, lumina sanctorum tulerit, ut eam post se Roma secundam non indignetur. At Maximinus, dirissime in Christianos faciens, ut peruenit Alexandriam, proponit edictum, minis armatum, plenumque terrois, quo uniuersae gentes ad Paraetonium, ac Pelusiacum uergentes cornua, ad uota dijs nuncupanda, sacrificandumque euocantur. Rursus intumuit cruore Nilus, atris suis aquis, arenisque sanguine peremptorum obturbatis, uel ipsa Marcotide miserorum questibus, uocibusque respondente. Fit sacrificium ad aram Serapidis uetustissimo in templo a Sesoistre Rege constructo Bryaxis artificis molitione, centum boum, Augustale donum, mugitibus bestiarum obtremente Alexandria, & concussa Pharo. Strata Romano more lectisternia, supplicatum per cruorem, & diras Ioui, Bellonaeque, patrio ritu inter Romanam superstitionem sistrum pulsante indigena. Ip-



se Augustus, trabea tus, oblato ture, curuatoque genu supplicare, turicremisque ignibus uocare in uota deos, tumidus arrogantia, ac pectore sidera sibi contingere uisus, par Ioui, Gradiuoque, delubrum totum personare cantibus: nihil ad magnificentiam, aut pompam praetermissum: itum in omne nefas, quo mortalis gratiam scelerati Principis aucuparetur. Relatum id Catharinae: mota iusta ingenti animo indignatio: sperni numina: taetro-rumque iri in uota idolorum: caelestem honorem saxis, furiisque impertiri: nullius generositatem esse pro Christo, pugnareque aduersus impietatem Caesaris, & Caco-daemonum insidias: uim, & machinamenta, omnia obtorpuisse metu: ouare haud dubie cum deuicto Christinae pietatis nomine, stratoque trophaeo, impiorum rabiem, & diras: id sibi indignissimum, & non ferendum, nullam opportuniorem affuturam inseruiundi Christi occasionem, aut tuendae religionis, promerendaeque laurae: multis id concessum uirginibus, summorum gloria natalium, rarae pulchritudinis, magnarumque opum, famaeque: sic ad Antiochiam Teclam, Flauiam Tarracinae, Alexandriae in gentili sua terra Poramienam, in Vrbe Caeciliam, Martinam, Priscam, Basillam, Eugeni-am, Agnetem, Catanae Agatham, Cyzici Faustam, aut in Asia Eutropiam adeo tenellam, inter tela, & mucrones, reiectis ad terga manibus, impauide, generosissimeque, spectante genitrice, concidisse: se uero degeneraturam seu earum a pietate, seu exemplo? pie fremere, seque ad capeffendam haud incerti discriminis pugnam incitare. ad uenientibus postmodum tenebris, cum per noctem intensissime, demississimeque numini supplicaret, commendaretque Virginitatem; (ob id enim non parum sollicita, haud inscia ingenij Caesaris, non placide aegrescebat animo, uehementissimeque tristabatur) Deipara, clarissimo circumfusa splendore, se ei per speciem obtulit, in  
ulnis

ulnis lactentem filium infinitae pulchritudinis, maiesta-  
 tisque gestans, quae apprehensam Virginis dexterâ tan-  
 to lumine offusae, trepidantisque, ac inusitato adspectu  
 attonitae, filio placidissime intuenti Virginem, porrexit,  
 infertoque digito praecellētis pulchritudinis, summique  
 anulo pretij filij sponfam, nurum sui pronuntiavit; dem-  
 ptaque animi formidine, & felicissime sperare, & torum  
 castissime asseruare, praebereque se in posterum priori  
 haud indignam acuo iussit. Mox, ad superna redeunte  
 Deipara, ad auroram excita Virgo, contemplataque anu-  
 lum, prae laetitia ingentem lacrymarum uim effundens,  
 tripudiansque, uota iterum rata fecit, seque totam Chri-  
 sto deuouit, haud minori erga Deiparam amore exarde-  
 scens. Quamobrem, ingenti martyrij inflammata cupi-  
 dine, geminatis ad Deum precibus fufis, multisque lacry-  
 mis, Crucis signo munita, plena fiducia, & spei, magni-  
 que animis, honestissimo assumpto comitatu, festina pro-  
 perat in certamen, aditque delubrum. Densa spectantiū  
 corona complebat atria, occupatisque multitudine ual-  
 uis aedis, nullus transeundi, progrediendique dabatur lo-  
 cus, quo ipsa circumferebat oculos laeta, & tristia multo-  
 rum ora, offensos animos, deiectosque euentu rei, & ma-  
 gnitudine sceleris, poenarumque metu adactos animadu-  
 uertit in nefas, grande incitamentum caelesti pectori ad  
 effundendam pro Christo animam, ingeminataque pu-  
 gnae sitis, roburque. Accersito uiatore petitus ad Cae-  
 saris tribunal ingressus, accessusque; extenta uirga pate-  
 factus repente aditus in alam secedentibus utramque  
 mortalium agminibus, tantae pulchritudini haerentibus  
 omnium oculis non satiata cupidine, & ardore. Ut per-  
 uentum ad Caesarem, occupatis, (qui proxime curulem  
 circumstabāt) attonitisque dignatione uultus, splendore-  
 que, omisso sacrificio, relictisque aris, uersi in Virginem  
 oculi, atque ora. ipsa adstans, clara, ac suauī uoce, elato  
 gestu,

gestu, ita Principem affatur: Quamquam, quae Augustū decerent, a te ipso prius, Imperator, discere, priusque scire debueras, cum iam alijs imperites, ex teque Romani, quod ad Ortum patefcit, Orbis pendeat imperium; tamē, cum plerique sua aberrent non raro in causa, sapientissimis uestris Oratoribus fideni adiungere fas tibi erat, praesertim quae deorum ad cultum attinent non incuriose Martiam apud gentem tractata, ut ex uestris vetustissimis caerimoniarum libris, Etruscorumque disciplina appareret, etsi hi quoque gravissime, turpissimeque mentiantur, mutis faxis, fictisque signis numen impertientes. a Diodoro uestro (quem uos sapientem haud dubie fuisse non itis infitias) nonne elegantissime traditas uestrorum fabulas deum, nomina, oblatique causam, atque originem turis didicistis? Quid, nonne etiam Romanorum sapientissimus, uestrique parens eloquij Cicero, qui cum uno omnis Graecorum eloquentia conferenda nō est, in suis libris praeclare de diis tractauit: quam grauis, quam facundus auctor, atque concinnus in eludendis philosophorum haeresibus, & populari credulitate in immenso isto deorum agmine? Libuit uera sensisse, scripsisseque consularē in documentum posteritatis: quid mirum, si post mortem summi uiri ex auctoritate Senatus nimium caeci, atque insanientis intra primordia fabularum adiisse flammaram periculum scimus illius scripta, quibus deorū causa, & asserta falso diuinitas tamquam uehementissimo, uiolentissimoque ariete quatuntur? heu, quantum mortalium mentes decipiuntur, quantoque caliginis horrore uallantur? Nimia Beli, Assyriorum Regis, fontis maiorum & cupidinis fiducia sui, & aduersus superos fastu miseri occidimus, monstratis falsis numinibus in funesti erectione simulacri, cultusque, posthabito (cui debebatur) rerum omnium opifce, ac moderatore Deo, qui trinus in mirabili maiestate aeternus, has, quas capramus, fudit,

fudit auras, & aera, lucentesque caeli globos, & nusquā errātia sidera perenni in caelestium motu orbium sua sapientia constituit, qui immensa illa sua pietate hominē, ad sui factum imaginem, ingrate, scelerateque in nefas degenerem, ex caelesti solio cuncta implēs, in terras descendens, editus ex Virgine, & nostra mortalitate uestitus, maectatusque, in statum erexit pristinum, & fastigium; reuulsisq. caeli ianuis, ad eam aeternitatem cunctos perfruendam euocauit. Quae igitur tam dira uos cupido, quae tam densa erroris circumdat incertitia? Gens Romana, tantis iam clara triumphis, eaq. gestarum magnitudine rerum, tērrarum, undaeque domina, obscenissimis, turpissimisque pocula libat monstis, offertq. tura, & lemurum inuocat nomen, cietque infandos ex inferis manes, saxorumque elicit uoces? Nec uos lectisternia, supplicationes, lustrationesque templorum, aut perquisitae fibrae, extaque, morti, & suppliciis eripient sempiternis, hoc miserius, quod cum his, quos colitis, una ultricibus flammis cruciabimini. Nulla religio, ubi nullum numen: nec speranda salus ab his, qui sibi ipsi opitulari nequeunt. frustra uester omnium labor, cum in uoto mercedis, & gloriae dirissimae poenae, ac supplicia manent. Cecinere illa Poetarum scripta, & lasciuiā, uera illa quidem, quantum humanis ingeri mentibus, ac auribus possunt, (prae acerbitate, enim, diritateque, cum aeternitate explicari non possunt) etsi impurae mentes alio traxerint. ipsi iam testes sunt, iamque, quae fabulati sunt, cum horribili cruciatu experiuntur: qui si reuiuiscerent, si existerent, non me mentiri, non fabulosa narrare, testarentur. Diu ipsa inter stultam mortalium scientiam, inter insomnia, interque fabulas Poetarum, ac Philosophorum carui luce, uixique sepulta, fluitansque inter saeuissimas huius saeculi insidias, undique offusa caligine, quassataque errorum, incertitiaeque turbinibus,

nibus, mecum ipsa diis, quos patria colit, naufragantibus. Christi iam benignitate deprehensa ueritate, quae sola in Christo est, late iam, & undequaque emicante Sole, afflantibusque placide auris, fugatis a penatibus, detractisque ex mente idolorum cupidine, & fallaciis, ad salutis portum me recepi, non sine certissima beatitudinis spe. Quamobrem hac de causa ad te accessi, Auguste, ut, intellecta ueritate, damnares impia monstra Romana, ac tantam, tamque immanem, penitusque ab homine abhorrentem impietatem expelleres animo, & feralem a Christianis iugulis mucronē reuocares, clementiamque, quae est unica regnantis uirtus, amplexareris; resipisceres aliquando; animumque inter foedas aulae sor-des, turpissimaque ludibria, & funesta adulatorum uenena natantem, rationis in arce, sedeque collocares; eos imitari Caesares in mentem inducens, qui togati, armatique potius orbis terrae patrocinium habere uidebantur, quam imperium: damnata penitus nonnullorum memoria, quibus nihil umquam fuit in terris asperius, nihil minacius, nihil concitatus, nihilque truci, nihil superbior, aut rapacior, fallaciorque, quorum turpissimum spiritum crudelissimus excepit occasus; simulque, explosa omni idolorum uanitate, fatereris Christum Deum, illumque fascium datorem uenerareris. non enim recenter adueniens apud illum sperneris: tarda poenitentia, si seria, haud ingrata superis, nec sine mercede, uberius in Caesare decus, praemiumque cumulantibus. Raptis omnium in loquentem animis, pars fortuita, pars eloquentiam, pars grauitatem obstupefcere, attollere, caelo lapsam plerique credere, omnia angustiora, quam adspici fas mortalibus, cum, oborto stupore, depressa uox, summa cupido noscendi generis, nominisque inuoluere adstantium pectora. Maximinus, attonitus, iactatusque inter decora, maiestatem, & sapientiā,  
& lu-

& ludibria sui, deorumque hircere, non a uirgine flectere oculos, non promere uocem, prorsus uictus, ac ueluti insomnia agitans: marmoream alias Venerem ab se Gnidii, pictam Coi, aut Dianam Ephesi, & in Capitolio Palladem uisam uoluere. par oris dignitas, & gratia, simplicior habitus, & eo dignior cerni, numen non mortalis existimata. Itaque diu Augustus haesitans, expectantem responsum Virginem sic alloquitur: Augustissima facies, & simillima Deo, tantaque dicendi grauitas dignate, & praealta progenitam stirpe testantur, summaque tua eloquentia praeceptores in perpetuitate, & fama locat. eximia illis laus, talem instituisse audientem: in hoc tantum labas, quod Romana numina, deosque nimis temere, & Christiana petulantia proscindis, largitores tantarum opum, & gloriae: qui si falsi, atque imbecilles (ut dicis) fuissent, nulliusque momenti, nec nostrorum sapientissimos, quos perperam, stulteque interpretaris, nec sacratas uetustatis leges fefellissent. Maiores quippe nostri proculdubio monstrorum debellatores, moderatoresque terrarum, qui tantum ualuere industria, ingenioque, ut prope caelum inuiderit ipsis, has aniles, quas tu proponis, fabulas, & feralia sacra si intellexissent, ad animorum salutem, felicitatemque, aut ad gloriam prodesse Imperij, id quod magni animi uotum est, non flammarum diritate, non mucronibus, inuistisque suppliciorum generibus ex hominum mentibus extirpanda curassent, nisi tu ex mortalibus omnibus sola sapere, & ulteriora rimari gloriaberis. stultum hoc, atque insanum, penitusque abs te remotum existimo, quippe omnis fastus exosus, & fugiendus, *sapientiae* praesertim tanta in Virgine prorsus intolerandus, cui transgredi placita maiorum sine infamia non licet. Cui Virgo: Mortales hae ueneres, quas uides, quasque tantopere attollis, Auguste, si in intima, atque occulta animi recesseris fugata erroris

H h nube,



nube, & omni pertinacia, facile ostentent machinatorem mei, tuique, & mortalium omnium: nam, si in luto haec ducit lineamenta, haec corpora format illustra oculis, & cara obturui, quid de immortalī illa pulchritudine dicendum, quid cogitandum est? Absit, Imperator, a Christi militibus caduca haec, & fluxa traducere ad gloriam: ille est nostra laus, & gloria; ille nostra ouatio, noster triumphus. daemones uestri, quibus uos spectris eludunt, quibus machinamentis oppugnant? facilis est illorum aduersus uos pugna, & non cruenta uictoria, dum animum praecluditis ueritati, dum indignamini id addiscere, quod scire debetis, quodque turpiter ignoratis, dumque inter obscœna tripudiatis, & sordes, dum uolupratibus bacchamini, dumque in luto luxuriae, illecebrarumque uolutamini; nec uos deorum fabulae uestrorum in superstitione euinciunt. uestra siquidem ab illis non incerte fides abesset, si cupiditas, luxusque corruerent: adeo tenui adminiculo spes, uotaque uestra nituntur, nec uagientē ista fugerent infantem, sed pugnat aduersus ueritatem arrogantia, & impudentia pudori luctatur, infernaque monstra in latissimo uos uoluptatum campo, tamquam in ualidissima arce, conclusos, captosque furiose contrucidant, certique de praeda (dum uobis uitam inter laetitiam, & amores largiuntur) aduersus Deum nefarie, diriterque instruunt, armantque; adduntque currentibus ad occasum irarum, furorisque stimulos uestro in lapsu, ruinaeque: multorum quoque, qui eorum repugnant impietatibus, ac non trepide Christi cōfirmati uirtute, tutique numine negotium illis facessunt, exitium anhelantes. Plura dicere uolētem Virginem interpellat Maximinus, nimia dicendi libertate offensus, euictusque rationibus, graue maiestati, graue dijs suis ex silentio, & inscitia sua impendere discrimen, & dedecus praenoscens. Itaque, Virginem intuens, Peracto, inquit, sacrificio, riteque expiatis



piatis piaculis, numinibusque propitiatis, in Praetorio  
 erit tibi seruata arena, puluisque: ibi cum disertissimis  
 nostrae philosophiae magistris de dijs eluctaberis. di-  
 gnum spectaculum Augusto numine nostro, & sapientia  
 tua, ubi uictam, quod deorum benignitas haud incerte  
 promittit, fassuram te spero nostrorum numinum uim,  
 potestatemque, abnegato Galilaeo. Ita, Virgine custo-  
 diae tradita, reuersus in aulam Maximinus, litteras, nun-  
 tiosque omnem per Asiam, Europamque ad summos de-  
 stinat Oratores, magna praemia ostentat, dignam palae-  
 stram, oprandam sapientibus, & nominis, famaeque aui  
 dis, postpositisque alijs Imperij curis in id tantum trahi  
 uidebatur, et si diuulsa cum Maxentio, altero monstro,  
 Maximiani, Eutropiaeque filio, per caedem Seueri so-  
 brini euecto ad fasces, iustaue erga Galerium auunculu  
 adoptato sibi Licinio Daco, appellatoque Augusto indi-  
 gnatio, terribilem, & impurum animum libidine foedu,  
 deditum abdomini in arma irritarent. Igitur, hoc Maxi-  
 mini ad gentes perlato edicto, Athenae, & Rhodus mi-  
 sere suos, nec Babylon, Memphisq. sua portenta retinue-  
 re. quinquaginta inter alios Oratores Alexandriam con-  
 uenere: benigne suscipiuntur a Caesare, ampliori facta  
 pollicitatione, si uicissent. multa de disciplinis sciscita-  
 tur, (quippe haud litterarum nescius, ignotusue Athe-  
 nis) ceterum & pacis artibus ignobilis, & per ebrietatem  
 funestus, nec bello fortunatus, Magorum, haruspicum-  
 que artibus quam maxime addictus, seipsum crudelitate  
 exsuperans. Vocationis deinde eos caussam edocet, in-  
 flammata ad uictoriam, attollit uel inuitus Virginis sapi-  
 entiam, proponit ante oculos caussam numinum, pudorem,  
 atque ignominiam si succubuissent: Motus stomachus  
 uni e Principibus Oratorum Mytilenaeo, ( proprium ne  
 uiri nomen, an ex patria Lesbo desumptum cognomen,  
 ignoro, sic legi in Graeco uolumine mutilato, crebrisque

deturpato lituris, & sine nomine auctoris) uiro sapientissimo, clarissimoque, & per illam tempestatem nemini comparando ob summam nominis dignitatem, disciplinarumque claritudinem, summumque acumen ingenij, sed Graeco fastu, & iactantia uentoso, lingua immodico, prorsus omnia fastidienti, uoxque audita indignantis, minimum ex discipulis facessiturū negotium sapientissimo terrarum nedum tenellae Virgini fabulosis enutritae disciplinis, & apud anus. Laudatus a Principe magno uerborum praeconio, additusque ceteris stimulus ipso Caesare in maius euibrante animos, &, ueluti de uictoria certo, laetabundo, iamque ex irrisa, conculcataque nostra religione trophaeū Mercurio, Mineruaeque locaturo, id pro Babylonico excidio, aut Cresiphontiacis ignibus, thyraque Parthorum, uel sibi felicius augurante. Statuta disputationis die Augusta aula pro arena decreta: mox accersita Virgo, quae per eos dies uehementissime pectora afflixerat, magnisque in auxilium precibus numen expoposcerat: tum uero, haud sibi confidens, Dei benignitate per Angelum cognoscit, se palmam assecuturam, tractis ante currum captiuis aduersariis, strataque Caesaris uanitate. Itaque progreditur in certamen, non puida animo, non pugnae discrimen exhorrens, aut grauidatis fastu pectoribus, sed demissa ceruice modesta, uultu hilari, laetantique. quo magis abscondere, celareque maiestatem, decusque nitebatur: latius emicare oculorum lux, ingeminarique fulgor; simulque spectantium in animis admirationem, gaudia, metum, & pudorem ciere. Maximinus, sublimi in sella conspicuus, gemmata ueste laureatus, militari adspectu, & graui pectore subsidere, latera iuuentutis flos, & robora Tribunorum, Centurionumque, fulgentes Aquilae, falces terror gentiū, & securis circumdare; e contra subsellia Oratores recepere aduersos Virgini. It hac de re fama

fama per Urbem, cum prius Catabathmos, Elephantinos, Arsfionas, Nubas, Megabaros, Napatacos, gentesque finitimas mouisset, sit in Regiam ingens concursus, uarij animorum motus, & uarij sensus, incerta uoluntas, disparia uota, metu, & spe res agitari, pugnantium animi, & cura ipsa ancipitia. Facto silentio, prior Virgo, nondum stricto eloquentiae mucrone, uictrix fauore multitudinis, Caesarem intuens: Num iussu tuo, inquit, haec acies instructa, & pugnatu est, Auguste? Quam inaequalis congressio, & impar Mars? Puellam quinquaginta aduersus Oratores tantae existimationis, tantaeque gloriae sistere? Sed, quoniam ingentes labores non parua merces subsequitur, id unum abs te, Auguste, peto, quod denegare mihi a magnitudine animi tui non erit, ut, si uictoria penes me fuerit, Christiana in sacra descendas. Ad quam Imperator, subagresti uultu, & uere Thracio; Num condiciones pacis, bellique nobis praescripseris? Victorum est ista condicio, & arbitrium. nunc uidebimus, utrum a nobis, an a te uictoria stabit, ausurus ue sit aduersus nos bellare tuus ille Galilaeus, aut audaciâ fortunare tuam? Hinc Catharina ita ab Augusto reiecta, uerso ad oratores sermone: Quando hic, inquit, in amplissima arce terrarum, & a Romana secunda effundenda omnis uis est, acerrimeque certandum, & non dubie famae, dignitatisque faciundum periculum, in tanta intuentium multitudine, turpe uobis, Graecae sapientiae Principibus erit, conticescere. Tunc rursus Mitylenaeus, silentibus ceteris, obstupentibusq. ad tantam dignitatem, atque inaeestimabilem formam, cū omni uenustate, responso arroganti Virginem irridens: Tu ne es, quae magnis diis maledicis, & Academiam, & Lyceum spernis? Tua huc accessimus gratia: aequū erit, te prius audiri loquentem, ut nostra non incertum ad ictum tela euibrentur. Tunc Virgo: Vnde, potentissime, sapien-

sapientissimeq. Auguste, grauissimeque Graeciae confessus, & lecta Romana manus, oratione exordiar? quae principia feram rerum, religionisque? quo media coniciam, quibus nouissima claudam? Quippe, si mihi de diuinis rebus dicendum sit, licet immensam comprehendant mysteriorum segetem, & infinitum quantumuis rudi campum aperiant, in quo uagari libere, & arbitrati suo possit excurrere, nihil tamen aut animum feriet, aut linguam magis impellet, quam Augustissimum illud incarnati Verbi Sacramentum, ubi infima summis, terrena caelestibus, humana diuinis sempiterno foedere connectuntur. Iacebat humi infelix Adae posteritas, & uix orbis terrarum infantiam, uix Lunae, Solisque cunabula uiderat, cum repente, extorris abire coacta, non solum iis, quae olim a Deo liberaliter acceperat, est orbata luminibus, sed, letali etiam confossa telo, & callidi serpentis imbuta uenenis, iis misere seruire cogebatur, quibus iure dominari debuisset. Quid ageret misera? Erigere sese ex tanta calamitate non poterat, nullis aut amicorum praesidiis, aut humanis inuentis medicinam uulneri reperiēbat. Latebat in uenis malum, & nobiliores ipsas animi partes, in quibus residet ratio, ingenti clade prostrauerat. Sed audite pietatis genus numquam auditum quamquam dignissimi eramus, ut in contracto situ, squa-loreque perpetuo relinqueremur, Dei tamen filius, pro sua in stirpem nostram clemētia, ad humanae se naturae miseras demisit, ut nos diuinae faceret consortes naturae, mortem gustauit, ut peccati regnum destrueret; delituit infanulus in praesepio, ut nos in sordibus iacentes, & miserandum in modum disiectos clementiae suae dextera rursus erigeret; ad extremum, ut sua illa admirabili Oeconomia totum illud in integrum instauraret, quod primi parentis scelere male quassatum conciderat, adscenso Crucis patibulo deleuit sanguine suo, quae ad-

uer-

uersus nos erant, acerbissimas syngraphas, & paterni chirographum decreti affixis ligno manibus proscidit. Poterat ne in cuiusquam non dico spem, sed uel cogitationem cadere, ut hominis caussa Deus, uel penderet in ligno, uel inter bestias uersaretur, uel urgēte saeuia hyme puer factus unius diei, cum sit rerum omnium stirps, & origo, gemitus, lacrymasque profunderet. Non fabulas narro: accepimus enim a Spiritu Sancto unigenitum Dei Patris, cum genus nostrum inuisere, & in libertatem asserere decreuisset, delegisse natalibus suis non amplissimam domum, non auro, sericoque uestitam, non superbis ornatam laquearibus, uerum speluncam male materiatam, tenebris squalentem, ac situ, pecudum stabulum, ac bestiarum, lectum non aureum, nec conchyliato peristromate, egregiisque operibus uarium, cunas non ex ebore distinctas gemmis, & multo caelatas artificio, non operosas, elegantesque fasciolas, sed praesepiū non tam feni mollitudine iucundum, quam calamorum aculeis asperum, ut his nimirum armis cladem nostris ceruicibus imminentem auerteret, & de caelo saeuientem in nos iram exstingeret. O amor, ò pietas. Debebat seruus: sed persolvere ingenti pressus aere alieno non poterat. diues erat Dominus, sed nulli debitor: induit ergo formam serui, & Orbis terrae conditor, caelestium domorum architectus, gloriae paternae splendor, diuinam suam lucem uelauit quodammodo susceptae carnis integumento, ut esset pariter humilis, & mirabilis, ut in una, eademque persona diuitias intueremur, & debitū, & domini maiestatem seruili coniunctam humilitati ueneremur. non est circumcisa diuinitas, nec in carnem conuersa. retinuit Deus, quod erat; quod non erat assumpsit. natus est enim a Patre Deus saeculis innumeralibus ante caelum, qui, instante mundi senescentis interitu, nullo uirili semine in unius Virginis utero conce-

ptus

ptus est homo, & paternae iustitiae condignum pretium pro sceleribus hominum non passionis diuturnitate, sed patiēris dignitate persoluit. Enitere, philosophe, quantum potes, uel ipsos, si placet, contemplationis causa oculos effode: numquam tamen incarnati Verbi maiestatem, & latentem in infantia sapientiam pro dignitate reuerere. Est supra caelestes orbes, extra Lunae, Solisque uias immensum aeuum, & ibi pulchrior quidam mundus flammae uiuentis, & uegetae, quae ardorem non habet, sed placida combustionē bonitatis suae radios undequaque diffundens, & uitam, & mentem, laetamque caelo ferenitatem, & uberem solo fecunditatem, & immensa denique beatis gaudia sine ulla sui egestate largitur. Nō est hic flammae globus immensus mole, sed uirtute gignendi pandit se circumquaque, & cuncta complet uastitate sua expers corporis, & quantitatis, lucet a se, a fonte suo, a thesauris maiestatis suae, sibi que gignit coeui lumen, cui si Solem hunc nostrum, quem cernimus oculis, conferre uolueris, eum scintillā quandam perobscuram esse, & ut uerius dicam, caliginem pronuntiabis. Non me latet, reperiri nonnulla in ueterum scriptis huic simillima ueritati: apud Platonē saepe fit mentio de tribus Regibus, huic rerum uniuersitati dominantibus. Orpheus inculcat identidem ternarium illud perbeatum, quod ex summo bono, ex mente, ex mundi anima consistit. Sed haec omnia, Graecorum more, tot uerborum ambagibus celant, tantis contegunt errorum inuolucris, ut contentionis audiores, quam cognitionis, fuisse uideantur. Reges Platoni non eiusdē, sed similis sunt potestatis. nos eandē omnino in diuinis personis agnoscimus dignitatem. Mens Orpheo posterior est summo bono, non aetate solum, sed cōdicionē naturae: nos mentem, & summo coeternam bono, & summum esse bonum asserimus. Fremunt philosophi, & in Christianos ratiunculas

eulas quasdam, quasi amentatas hastas summis uiribus, lacertisque contorquent. Sed, quis illorum aut conatus pertimescat, aut stultam sequatur sapientiam, quos haereticorum parentes fuisse constat? Est quidem aliquis diuinas inter personas ordo, qui tamen similitudinē inter ipsas, aequalitatemque non minuat. Prior est Filio Pater, & proles genitore posterior, sed non naturae gradibus, non temporum consequentia, non dissimilitudine dignitatis, sed dumtaxat origine, ut non immerito a sanctissimis uiris afflatu diuino appelletur lumen de lumine, quia, cum de lumine lumen accenditur, nihil uel de altero diminuitur, uel desideratur in altero, & Filius, quamquam ex aeternitate genitus est a solo Patre ratione quadam nobis incognita, sine ulla tamen perturbatione, aut commistione naturae est illi coniunctus, & ab eodem sola hypostasi, sine ulla distractione, uel auulsione distinctus. Itaque, ut uno, eodemque ictu Ethnicos, Iudaeosque confodiam, non est solitarius Deus, quia in triplici perfecta persona consistit; nec est multiplex, quia trium hypostaseon *in* *uaria* sine ulla diuisione in singulis integra reperitur, ut & mirabilis sit in tāta unitate distinctio, & mirabilior in tanta distinctione communio rerum, atque societas. Quam libenter hic essem diutius, Deique filium orbem utrumque moderantem, siderum plausus, perennes Angelorum laudes, & curuata illi rebellium genua mentis oculis contemplarer: sed eius me reuocant cunae, sollicitant uagitus, & lacrymae, ut demissis in terram oculis intuear hominis caussa in praesepio iacentem, quem sublimi sedentem throno paullo ante conspexeram, nimirum factus est nouus opifex sui, & architectus uilis in praesepio, uilior in Cruce, ut monumenta amoris erga nos sui aeternis consignaret charitis, pietatisque illustres notas non in tabulis lapideis, non in columnis, non in aere Corinthio, sed in excarni-



ficato pectore suo cerneremus incisas. Non tenuit diutius iram Mitylenaeus Graecae iactantiae heros: sed ulterius pergentem uirginem indignabundus excepit. Tu ne stultissima feminarum, coram totius Graeciae luminibus, nihil aut philosophorum grauitate, aut trabali celsitudine, purpuraeque splendore perterrita tantum opus aggredieris? disputas enim nō de elementorum uicissitudine, nec de siderum cursu, sed, quod summae indicium est arrogantiae, de deorum natura, nouosq. inducis cultus, nouos moliris deos, nouam fingis, nobis praesentibus, felicitatem. Testor Saturni solium, numquam me tantis iracundiae stimulis exarsisse, numquam mihi magis inuisos dies, & inquirendo, disputandoque consumptos, quam in praesentia, ubi irrideri quodammodo a puella uiros, uelitari ab adolescentula senes, doceri ab infante philosophos, ipsos de caelo a mortali femina immortales deturbari deos intueor. Dòleo casus tuos, o Iuppiter, uobisque omnibus beatarum Sedium incolae, fletibus potius, quàm altercationibus, tristisque silentio parentarem. Video enim dicacitate puellam, & pulchritudine instructam numinibus bella mouentem: uideo commota auditorum pectora, disiectas e sententia multorum mentes: ardent in uenis spicula tam eleganti collimata manu. quid tandem? Vtinam falsum augeretur animus: extorquebunt non ex praecordiis uitā, sed ex imis uisceribus religionem. Verum nec mihi, nec diis deero: intendam in hac aetate neruos, &, qua maiori potero, animi contentione pugnabo; breuique uerborum ambitu has nouas ambages ex Hebraeorum officina depromptas, ut umbras, laruasque, prosternam. Tribuis ne tantum tibi in hac aetate, ut temere putes, omnes ubique homines ante te in taetra errorum caligine iacuisse, quousque tu e caelo delapsa ueri lumen praeferres? O te miserum Plato: o te infelicem Aristoteles:

teles: quid uobis rerum paene omnium cognitio profuit, quibus prius contigit ex hac uita discedere, quam Catharinam philosophantem audiretis. Euolue diligenter omnē antiquitatem: interroga Graeciae sapientes, Persarum Magos, Syriae Chaldaeos, Sacerdotes Aegypti, Indorum Gymnosophistas, Druades Gallorum de Deī natura quid senserint, & reperies numquam eos in tam diuturna commentatione, in tanta disciplinarum luce, de deorum, quam semper coluerunt, multitudine dubitasse. An non magnam habent isti uim in ingenio, auctoritatem in sententia, pondus in uita? Sed uide, quantum intersit inter puellam assuetam colo, calathisque Mineruae, & sapientem senem studiis, & disputationibus exercitum. Vnum dum adstruis Deum, plures incaute constituis. Pater apud te fons est, & origo diuinitatis: huic cū per omnia Filium aequalem facis, pacis inter homines, caelestesque sequestrum (ut Spiritum illum, quem Sanctum uocas, in praeteritis habeam) non aduertis duos a te diuinitate donari? Quo te uertes? Explica te, si potes ex hoc nexu: profer si quid habes: effare tandem, ut triumphus, quem mihi de Christo concertando peperī, confessione tua reddatur illustrior. Tunc iterum Virgo: Quid mirum, si nihil de diuinis rebus eloquatur, & credat, qui suorum sensuum turpe mancipium, nihil reperiri putat expers sensus: immo uero ita oculis omnia, & imaginationi, quae plerumque fallitur, accommodat, ut, quae illorum aut obtutum, aut iudicium effugiunt, fieri nullo pacto posse fateatur. Deus a uobis, o Graeci, *αδελφοί* dicitur, hoc est penitus occultus, & abstrusus: apud Platonem Timaeus non dubitat affirmare diuinam naturam esse cognitu difficillimam, &, ubi fuerit inuestigata, indicari, atque in uulgus enuntiari omnino non posse. Simonides Hieroni percunctanti quid esset Deus, cum saepius ad deliberandum dierum numerum

rum duplicasset, quid tandem protulit? Rem sibi obscuriorem fieri, quo diutius considerabat. Cedo quid causae fuit, cur acerrimi homines ingenij, & ad dicendum promptissimi, in hac una disputatione de Deo uiderentur elingues? Nimirum abscondita sunt haec sapientibus, & reuelata paruulis ab eo, qui Crucis supplicio stultam fecit sapientiam huius mundi: in quorum sortem si semel transieris Mitylenaeae facile cognosces, in quanta plerique sine lumine fidei, caligine uoluentur: quam uis de illorum numero sint, qui in Academijs, & in Lycaeo buccis concrepantibus scientiam uenditantes exhibent se aliorum magistros, qui numquam fuere discipuli ueritatis. Sed ad rem propius accedamus. Inaudita uobis est unitas Dei? O egregios orbis Doctores: o de philosophia, deque ipso hominum genere male meritos. quid uos docuit Peripateticorum Princeps in Ethicis suis, quem in inuestigatione rerum natura sibi socium adsciuit (ut fabulatur antiquitas) optimum esse regimen Principatum unius. Negabitis igitur admirabilem hanc mundi molem, illustre & domorum, & Ciuitatum omnium exemplar, alio uti gubernandi genere, quam unius uoluntate, imperioque. Lustrate oculis omnia: perpendite animo tot corpora, & loco, & situ, & proprietatibus pugnantia, his tamen inter se legibus nexa, ut pacem seruent in pugna, & concordem discordiam aemulentur. Quis sanae mentis non existimet, haec ab unius tantum uoluntate pendere, qui, ut rebus omnibus uitam conseruaret, inter arma terram radicibus haerentem suis librauit in medio spatio; fluctus indignantis Oceani, ne terram obruerent, minutissimis frenauit arenis; ignem edacissimum, & impatientem socij, longissime a frugibus, a mistis, ab animantibus abduxit, ne absumeret omnia, eiusque ingenitam uim caelo, hoc est solido quodam corpore corruptionis experte, & numquam senescente compescuit.

pescuit. Quanto sapientior uobis Trismegistus, qui, caeli, terraeque theatrum diu contemplatus, aiebat, uideri sibi uniuersum hoc pictam quandam tabellâ eximij opus artificis, in qua licet uirentes riparum amictus cernerentur, speluncarum cœcisi amfractus, recessusque, & liquores perlucidi amniû, & abruptae saxorum cautes, ac impendentium caelo porrecti montium uertices, camporumque uasta planities, eo tamen erât ordine cunâta disposita, ut idem omnino arguerent artificium, eundem artificem, eandem denique magistrâ manum ubique quasi digito commonstrarent. Attollat nunc supercilia Babylon: suspendat India nasum: frontem perfricet Heliopolis: profilient aliqui ex nouis Athenis magistelli, intrudent apud plebeculam in compitis ignota numina: quid tandem lucrabuntur? infamiam. Omnes enim intelligent, hos nouos esse tyrannos, non corporum, sed animorum, qui ratiunculis suis, ut rebellibus armis, id unum studeant efficere, ut, excluso Monarcha Deo, inuisam pro eo in Orbem terrae deorum inducant polycratiâ. At deorum, inquiunt, cultus a mundi nascentis exordio usque ad hanc nostrâ uiguit ætatem. Portentosum mendacium. Afferant, si quod possunt, idololatriæ uestigiû ante Belum, quo apud Assyrios regnante exortam accepimus, cum tamen a molitione rerum plura iam sæcula praeteriissent, in quibus homines soli Deo obtulerât uota, soli adoleuerant tura, ut opem in periculis, rebusque dubiis implorarent, aut contractas animorum sordes eluerent. Nos quidem Enoch proferemus, sanctissimum hominem, & disciplinis nobilem, & annis onustum senem, qui, ut posteritati prospiceret suae, praecepta de uno, ueroque timendo Deo duabus incisa columnis, ne aut aquarum alluuione, aut ultricibus flammis penitus interirent, tradidit hominum memoriae sempiternae. Serpsit idololatriæ lues (non inficior) in dies magis, iisdemque

demque per multos annos est aucta, quibus & hominum aetas incrementis: sed expulit tandem temeritatem sapientia: cessere fulgoribus tenebrae: diluxit: iam patent omnia. neque enim defuere in Asia, Graecia, Italia, Libya, aliisque complurimis mundi partibus uirgines uaticinio inclytæ, quas Sibyllas appellant, quarum carminibus est, quasi machinis quibusdam, bellicisq. tormentis concussus, quassatusque error, ad extremum funditus Christo nascente ueritatis assertore sublatum. Deus bone, quanta in Sibyllinis libris latent mysteria rudibus uelata carminibus? Hos adeant, si qui sunt apud uos inquirendae ueritatis studiosi, & inuenient numinū explodi multitudinem, irrideri idolorum artes, & profana sacra, religionemque nostram non suis modo coloribus adumbrari, sed summis etiam exornari laudibus, praecipue in primis cognitionem unius Dei, quem nunc regnantem in caelo, nunc Virginis utero clausum, nūc uagientem in cunis, nunc sanguine manantem in Cruce, nunc denique omnium hominum causas, & merita cognoscentem proponūt. Quid plura? Tam copiose de Dei filio, eiusque rebus gestis loquuntur, ut non uaticinia fundere, sed texere uideantur historiam. Iam uero, si ad philosophos ueniamus, confectum est proelium. Noster est Mercurius, cui, ob plurimam rerum scientiam, Trismegisti cognomen dedit antiquitas, qui ob eam solum causam Deum affirmat esse *ἀείνοντα*, quod, unus cum sit, nominis notione non eget, quo distinguatur ab aliis. Noster est Socrates, quem sapientissimum uestra cecinerunt ora cula, cui cum esset ab Atheniensibus ex altera parte cicuta, ex altera uero deorum multitudo proposita, cicuta bibenda generose uitam finire maluit, quam ab unius Dei confessione stulte, insipienterque recedere. Noster Aristoteles, qui uoluntario se multauit exilio, ne cogere-  
retur in poenā Socratis incurrere, cuius sequebatur sen-

tentiam. Noster Plato, tam clari, atque egregij nominis philosophus, qui usqueadeo in suis & sermonibus, & dialogis fidem, quam profitemur, expressit, ut passim ab omnibus Moses Atticus diceretur. Quid Tullius Romanae parens eloquentiae, quoties in epistolis ad familiares deridet deos, quos populi metu precatur in rostris? Noster Apollo Delphicus, apud uos inclytae famae: is enim interrogatus an uere dii essent, qui in simulacris respondentes pro diis ab hominibus colebantur, unum respondit tantummodo reperiri Deum, cuius illi omnes leuem quandam similitudinem acceperant. Sed non intelligit Mitylenaeus, qui fieri possit, ut Deus unus sit, & filium habeat diuinae participem essentiae. Audi, non est *ἰσότης* Patri filius, sed *ἰσότης*: proprietates est in illo diuersa, non natura: substantia est una, sed subsistentia triplex. Nec quaeras in Deo nuptialem thalamum, uariumque sexum: non imbuitur alieno semine parturiens uterus: sibi ipsi sufficiens est Patris intelligentia, suis plena seminibus, suisque grauidata diuitiis, & gignit, & parit uiuentem prolem, nullis creatae rei terminis cohaerentem, nullis aevi periodis circumscriptam. Quod si puellae fidem non habes, crede Serapidi, qui percunctanti Tullo, num beatiorē se, ac feliciorē agnosceret quemquam inquit:

*Principio Deus est, tum sermo, & Spiritus illis*

*Additur: aequaeva haec sunt, & tendentia in unum.*

Non patiar in tanta rerum copia, & in tam amplo, latoque dicendi campo orationem meam longius euagari. Vos, si potestis, attollite mentis oculos, & inuenietis regionem ubertatis indeficientis, immensosque terrae uiuentium tractus. ibi facile uobis erit despicere fucatam hanc corporum pulchritudinē, quam pro numinibus colitis: spectabitis domum non manu factam, quae suum sibi diem facit negante Sole. Quis aeternorum rosas, ac lilia collium praetereat? purpuratos scilicet martyres, &

can-

cādidatas Virgines caeli delicias secretioris? quae, spon-  
 si praesentia perbeatae, illumque comitantes, quocum-  
 que ierit, splendidos Lunae, Solisq. globos, nec suis qui-  
 dem dedignantur plantis, orbemque ipsum stellantibus  
 insignem astris sublimi uestigio calcant. Quis me centu-  
 riabit, quis in earum numerum adscribet? O diem illum,  
 mihi prae omnibus, qui illuxere, felicissimum: quo, dul-  
 cissime sponse, os istud augustissimum, aeternamque lu-  
 cem hisce oculis hauriam? Ingens post haec in coetu si-  
 lentiū, incredibilis admiratio, fracta spe uictoriae, emun-  
 cto animorum uigore, & iactantia Christianam ad reli-  
 gionem tacita propensio. Pars ergo intueri solum, pars  
 in Virgine fixis oculis hiscere, pars suspicere caelum, fur-  
 timque dare interdum in occursum oculos, alter alterius  
 ora, uultusque prospectare, macrere, sensumq. ferri aui-  
 de in quae pugnant, damnatis, quae defenderant.  
 Quod ubi animaduertit Augustus, ex silentio cladē suo-  
 rum, & aduersariae uictoriam intelligens, magno incita-  
 tus furore, uoce horribili, Quid, inquit, dedistis manus,  
 uicti ne estis, cessistis femellae? ubi iactantia, primoque  
 in congressu audacia, ardorque animorum? Gens uilis, &  
 Graecula tam ignobiliter ante Virginem cadit? Pro pu-  
 dor, ita ne Athenaei gloriam, decusque Academiae, aut  
 Prytanaei fastum, grauitatemque Ariopagi defenditis?  
 Profecto de tumido bellatore nihil felicitis augurabamur,  
 cum non eloquentia, non acumine ingenij, (haec arma,  
 hic mucro disputantium) sed iactantia perstrinxit aduer-  
 sariam. Ecce una aduersus Virgo stetit nuper nutricis ab-  
 stracta uberibus, & tamen cum ignominia Deum, cum  
 dedecore uestro, omniumque, qui circum adstant, de  
 Athenis, Rhodoque triumphum refert? Haecceine a uo-  
 bis expectabamus? Haec ne deorum causa poscebat? Ita  
 ne diuini nostri praesentia numinis requirebat? Tūc Mi-  
 tylenaeus (qui haecenus aduersus Virginem ferocissime  
 stete-



steterat) Nemo, respondit, inuictus a nobis discessit, Auguste, nemo nostra terga uidit: semper praeclare uicimus non minus nobis ipsis decus, quā patriae acquirentes: at in ueritatē pugnare nemo philosophus ausus est, nec nos deinceps audebimus. id enim philosopho propositū inuestigare, & perquirere ueritatem, ea laetari, & frui, non ultro laceffere conuicijs, oppugnareque: nos illā iam apprehensam non ignauiter dimitemus: cessimus praeclarissimae puellae, non imus inficias, cessurique sumus: damus ei manus: praebemus colla catenis: magnum illi decus, & sempiternum Athenarum gloriam, sapiētiamque fusam, stratumque suppliciter sibi apprehensantem genua conspiciere, non minus huius inclytae, inuictissimaeque id laude gestum est, quam commodo nostro, qui ridiculis imbuti religionibus, immo superstitionibus, hucusque impie, nefarieque ipsi (ut nobis arroganter, & reliquis uidebamus) magistri uirtutum, in uasto uitiorum pelago fluitauimus: posthac properare ad litus in animo est, perque sanctissimam huius Virginis eloquentiam, summam integritatem, infinitam sapientiam, per pietatem, religionemque ad Christum confugere, uerum, aeternumque Deum: insciter errauimus: pie agnitū flebimus erratum. id ipse ex omnium Collegarum ore pronuntio, assero, & affirmo. nulla poena a sanctissimo nos proposito auocabit. non indecorum est philosopho, in senecta addiscere: diu sudauimus, alsimusque, dum inepte nimis caelum metiebamur, inanemque auram aucupabamur: non pigebit nunc pro certissima, diuinaque doctrina cruorem largiter effundere: satis errorem nouerimus, si scelus cum paenitentia fatebimur. Tunc Augustus, uirorum audacia terribilior redditus, annuit licitoribus, ut substrictis palmis, pedibusque omnes in pyram conijcerentur. Dum trahuntur ad supplicium, se inuicem cohortari, animos facere, extollere generositate,

tem, Christo gratias agere, laetissime esse, non trepidè mouere gressus, omnesque ad Virginem uersi rogare, obtestarique, ut antequam absumerentur corpora igni, eius manu baptizarentur. Quibus Virgo: Pellite ex animo metum, generosissimi milites, lecta bellantium turma: fortissimum imbellia dedecent: nouistis iam Deum: ite: pugnate ferociter: uestri unda cruoris, sacrarum implebit officia lympharum. eximit Christi clementia, uesterque animorum ardor omne expiationis dubium. Post dicta, iacti in flammam simul omnes concremantur, tactis haud quaquam corporibus, uestibusque, dormientes iudicassetis, non uita functos: is ori candor puniceo admixtus colori, is status, idemque quibus uiuentes effulserat, decus, & gratia inerant. Horum a nece Augustus rursus Virginem blanditijs attentat, stantem adulatione quatit, admouet cuniculos: O Nili, inquiens, decus, o pulcherrima puellarum, o nata dijs, o generosissima Virgo, Romana digna curuli, tenellam quae so respice aetatem, metire modo exoptatissimos annos: noli immaturum nimia tua peruiacia, & crudelitate obtinere iuuentutis florem: flecte parumper animum: molli pectora: honora deos: non ardua, & dira iubemus, tuis non indigna maioribus. etenim, si Ptolomaeorum manes, si cineres fari possent, detestarentur ista tua consilia, & nobiscum profecto sentirent. O Catharina, nobiscum perfruere quae so bonis: a Faustina rege secunda sceptrum: da gentibus iura: magna pollicemur, maiora siquidem dabimus: nemo Augusti circumscribitur uerbis, nemo eluditur, nemo Augustorum damnauit promissa: supplex tibi patria, focis, araeque penatium supplicant, tenduntque manus, ne inani tua opinione hac nobilissima ceruix funesto donec tur uictima lictori, ne cruore tuo madescat solum, lugeatque rursus Cleopatrae ruinas, & miserabile factum Aegyptus: nemo tibi astrorum in fulgore locum negat, ne  
mo in

mo in cella Iouis : uicisti : iam tumida graderis . iam tendis ad Olympum : moderare uictoriam : unum uincens hoc decus, cetera fortunae uis, fatique potestas rapiunt : pugnandum dehinc, si obstinata perseveras inexcusabili sententia, non lingua, sed ferro . illa mulierum acies, & pugna, haec uirorum erit : qui foedera, & pacem nescit, qui spernit, nec Martem habebit . Tunc Virgo, amare subridens : Bellandum est, inquit, Auguste : pax cum dijs nulla placet : desine tu blanditijs labefacta re uirtutem . dolosa mens haud scelere caret . habet me Christus sponsam : ipse mihi parens, & sponsus, ipse deliciae, gloria, amor, opes, & delectatio : dum illius animo decora euoluo, incredibiliter illius flagro amore, lanqueo cupiditate : iam illi fidē, & dexteram obligauī, eius apud signa iuraui, professa militiam aduersus inferos, quorum tu ductor, ut mihi hodie uideris, exsistis : professa etiam uirginitatem, non desciscam, non praelij aleā subterfugiam, omnis licet in me uis exsurgat Romana, petantque nudata pectora Cydonum, Parthorumque sagittae, fodiantque Sarissae Macedonum : mihi plures perferenti cruciatus haud incerte duplicabitur merces : inter aduersa deprehenditur amor : in felicitate exiguum amicitiae meritum, & amoris : non uulnera, mortesque pauet Romana iuuentus, quo ciuicis, muralibus, uallaribusque coronis effulgeat, quo in se ciuium ora trahat, quo ue insigni trophaeo penates exornet : nec Christiani in iustissimo praelio ob iustissimam causam signa, acciemque deferent, Imperatorisue sui Imperatorum, Regumque Regis gloriam indefensam, atque abiectam relinquent. Quibus auditis, Maximinus, furore succensus, iubet nudatam alligari equuleo Virginem, ferreisque scorpionibus dirissime, immanissimeque concidi . abrepta illico purpura, sublatisque uestibus, ostentatus populo candor, ostentata quae decent oculos, altissimo

stupore concussis omnium animis in excellentissima, atque admirabili pulchritudine. Nuda Virgo, substrictis pedibus, colligatisque fune brachijs, in tenella carnetum liuore, dirisque funium notis, suspenditur in equuleum, inde caepta uerberari. Obtremuere primum ad impetum in intentandis ictibus licitorum manus, horruereque scelus auersantium dira imperia, & funesta. mouerat quippe uel in ferreis percussorum pectoribus, assuetisque caedibus, miserationem aetas, forma, dignatio, & innocentia. Saepe excussae manibus uirgae, saepe inuassum effusae, & si corpus attentassent, exiguam inferre plagam, quamquam tenella membra uel leuissimo ictu mortifere sauciabantur. Sed Maximinus, scelere audax, in iracundia perseuerans, temulentus, impius, acerbè Virginis cruciari constantia, admirari decora, suspirare, inardescere, uictum se, & spretum indignissime ferēs, uerbis ministros compellat, urget, iubet immaniter rebellem diuexari. pauidi ad uocem, & supercilium Principis ministri, postposita humanitate, miserationeque, caeco impetu auersum corpus petere, ingeminareque uires: concrepitabant uirgae, sonitumque repercussi reddere scorpiones, scindi nates, & femora, tundi uterus, conuulnerari pectora, rapide proruiere extemplo sanguis madefacta humo, scissaque cutis, & carnis frustula horribiliter dependere, aut auulsa misceri cruori, tristibus omnium animis, uix cohibito fletu Tyranni ob metum. Dirus Imperator inter Virginis cruciatus cachinnari, haud sincere tamen gaudium sentiens, quandoquidem cruentissima, libidinosisimaque bellua integram, uiuentemque Virgine[m] paratam Veneri & amplexibus non caesam uelle, idque Veneri, suarum faultrici cupidinum, & spoliatrici castitatis obijcere, quod se in elato aduersariae supercilio, fastuque non amice torqueret; alteram Helenam, Cleopatramque, immo clariorem ut uirginem sibi

sibi ostentatam ad poenam, datam in manus ad suppli-  
eum dicens. At Catharina, uersa ad caelum luce, inten-  
te Christum apprecari, ad tolerandam poenam, & igno-  
miniam uti tribueret uires, atque constantiam, iamque  
eum praeseferre habitum oris ita laeti, excelsique, ut mi-  
nari, insultareq. Tyranno uideretur, nō gemere ad ictus,  
non detorquere corpus, non trepide stare, non denique  
flectere ad preces animum, aut in abiecta deiicere: omnia  
augustissima in Virgine uisa. Sic detritam Virginem Ty-  
rannus obscurissimo adstringit multū ad ima defosso car-  
cere, squalēti undiq. pariete, nitrumq. sudante, abnegatis  
per xij. dies alimentis, apposita etiā custodia. ipse, cū ma-  
gna equitū manu, & nō exiguo ariolorum comitatu, Ca-  
nopicum ad ostium, cxx. stadiis ab Alexandria distans  
proficiscitur, Serapidi sacrificaturus, exsoluturusq. Her-  
culi ad Heraclium uota, captaturusque auguria, & omi-  
na belli, quod summis uiribus per Asiam aduersus Ma-  
xentium, Constantinumque apparabatur; simulque in-  
specturus multitudinem eo per fossam Alexādria decur-  
rentium, etsi superstitiosum animum cupido uexaret ui-  
dendi Casij templum Iouis, magnique busta Pompeij, ut  
clarissimo Romanorum Imperatorum magnifice parēta-  
ret, Hadrianum Caesarem acmulaturus. Sed Cathari-  
na, carissima Deo, hand plagarum, famisque sensit acer-  
bitatem, & tenebras. diuina clementia euincitur Maxi-  
mini crudelitas: missi quippe Angeli splendidissimis col-  
lucētes facibus expulere tenebras, curauereque Virgi-  
nis corpus, simulque alba columba (nihil felicius augu-  
rium, aut dignius simplicitate, amoreque Virginis erga  
Christum) apportato cibo, depulso ieiunio, fameque  
expleta, reficere, recreareque afflictam. Interea secreta  
thalami, parsq. regiae a Caesare potior interrupta quie-  
te faustissimo augurio ad ingentia exciri, abiectoq. pur-  
purae fulgore non pauidē prouere in ferrū, & dare cer-  
uicem.

uicem. Etenim Faustina Augusta (ita uocant huius auctores historiae, profecto apud ueteres, grauesque Romanarum rerum scriptores duas dumtaxat Faustinas reperies, Antonini Pij uxorem, & alteram Marci Aurelij, utramque inter diuas relata[m] gentilium superstitione) moribus eximiis, castissimisque, mira pietate, & grauitate uiro absimilis illius ferociâ saepe inter oscula, amplexusque demulcens, molliensque prurientem in stragem animum, aut inconsulta decreta, quæ per temulentiam euulgatis non prospera, & laeta subditis inferebantur, rescindens pertaesa uiri libidinem, insatiatamque, uenerem, simulque diritatem, ignobilitatemque abhorrens, in nouo Virginis certamine concusso pietate animo uidendae, alloquendaeque in spem, & cupidinem ingentem rapi Virginis, simulque dexteræ iungendae, quippe quæ uiri astutia, ne suspicio iuuenili in animo ex admiranda, inusitataque Catharinae pulchritudine oboriretur, Augustae oculis fuerat subtracta. Sed Augustae pectus, praeter muliebrem cupidinem, res nouas anhelantem, & clarissimum Catharinae nomen, dignitatem, gloriam, commissique certaminis magnitudinem, nouitas somnij, & species mire quaterere: uerum in ipso desiderio cõterretur furiosa uiri mête, & praepropera in caedem crudelibus iussis, & rei difficultatibus, non audet alicui aperire cupiditatem, omnia suspecta, & infida in aula credens, sed aegrescens animo per uaria cogitationum inuolucra decurrere, agitare uiam explendae cupidinis, mentemque ad prouida interdum, audacia, & ardua erigere, aut in timida deuoluere, gemina poena coangustatur, geminoque ictu confoditur. His Augusta inhaerente cogitationibus, ad eam salutandam de more Porphyrius intrat, uir inter Romanos (etsi nescio quid Syriaci potius, ac Phoenicij, quam Romani hoc nomen redolere uideatur, uersû inuaserat barbaries patritia nomina,

mina, & circumuallauerat curiam corruptis moribus, & polluta indigenarum nobilitate) non obscurus, factis illustribus, manu egregius, & in iuuenili aetate consilio non ignobilis, Marte acerrimus, ingenio placidus, alterius secreta recondens, sua non promens, Augusto carus, militibus acceptissimus, apud populum, Augustamq. gratiosus, hic ad Regiam accesserat ab Augusto ad sacrificia excitus, decoratusque Praetoriana praefectura: hunc benigne Augusta exceptum, post salutem sic affatur: fides tua, Porphyri, & egregia uirtus, magnisque saepe in rebus spectata grauitas nō inuitis arcana nobis tecum participanda eliciunt: grauius profecto erraremus, non mediocrem fidelitati tuae inurentes notam, si, quae dicturae sumus, tibi celassemus. magnum amicitiae argumentum est, in communi fortuna, seu fausta, tristiue nō seiungere consilia: probe quoque noscimus, in communicandis secretis obligari enuntiantis fidem, & uitam. At nobis de te illud certum, atque exploratum est, capi humanitate potius, (ut nobilem & Romanum decet animum) quam timore non diuturni magistro officij. ceterum in sincera fide, & in magna cupiditate parcendum loquacitati est: alto ab exordio retexuimus orationem; quo extrema facillima sint. Dudum, Porphyri, postquā recens haec Diana, (sic quippe, qui uiderunt, retulere nobis, neque enim tantae pulchritudini, maiestatique humanam sufficere collationem asserunt) hanc Regiam splendore, & gloria compleuit sui, ingens nos cupiditas, inusitatusque ardor attingendae Virginis dexteræ, decurrendiq. ad oscula incessit: fuimus timore cohibitæ: fregit istam cupiditatem, optatissimumque uotū immanis Tyranni audacia, citusque ad arma furor: at, postquam accepimus ipsius ex ore Tyranni, per iram, oscitantiam, ac temulentiam id uel inuite proloquentis, praeclarissimam Virginis aduersus Graeciam uictoriā, in tor-

men-



mentisque Regiam cōstantiam, acrius desiderium nobis accensum est, intolerandus stimulus additus: nocte etiā hac praeterita uidimus ipsam (res mirabilis) per uisum puellam, augustissime, splendidissimeque uestitam, celeberrimo, sacratissimoque sedentem in Virginum coetu, astanteq. circa candidatorum electissima pube: cumque intueri faciem Virginis, & legere decora optaremus, scintillante fulgore perstricta oculorum acie, hebescenteque uetabamur, uidebamurque uocari ad oscula, sedisse etiam ad latus, non leui in nos fauore collato, quippe quae sua manu auream ceruici adaptarat coronam, cum proximis sermonem ciens, nos quoque respectans, alloquensque, Haec tibi, Augusta, a Iesu Christo corona donatur. Ob id neque pacem pati, nec capeßere quietem, nec frui cibo possumus: euictae sumus: euastamur cupiditate: suauiter, & turbide simul raptamur in uota: alte pectus uisu premitur nostrum, seu id Deus suadet, seu fata uolunt: satisfaciendum nobis est, sequatur postmodum (si superis placet) omne malum: satius in uno uexari, quam perenniter distrahi: sit nobis Catharina in amplexibus: reliquum fata trahant. Porphyrius demisse adoratae non cunctanter, insecitaeque pollicetur Augustae, in omnes se casus, & pericula pro ea iturum, paratum se esse ad iussa, etsi ardua res sit: implenda ad uota pecunia opus esse: hanc haud parce ab se dissipatū iri inter milites refert. Augusta, promissis laeta, miris laudibus commendatum iuuenem ab se dimittit, rogat ut quantocius rem perficiat. Porphyrius, emollito pecunia Centurione, dimotoque praesidio, ad primam uigiliam in carcerem Augustam per manus trahens, elusis ancillis, reputantibus in thalamo captantem quietem dominam, tacitus comitatur. ad ipsum carceris ingressum, prope limen, micātis repercussi fulgore lucis ambo examinati procidere, miraque naribus hausta odorum suauitate

uitate alleuantur a Virgine, iussi benigne, feliciterque sperare. mox, cum sedissent, splendidissimo haerentes Virginis ori contemplabantur laureatum uirginum agmen, & Angelos Virginis ulcera linientes, curantesque, simulque quatuor, & uiginti sapientes ex his, quos Catharinae religio debellarat, straueratque eloquentia. Attoniti ergo, non fari, non mouere corpus, non defletere a Virgine lucem, contemplandoque hiscere. At Virgo, clementer affata Augustam, praenuntiat, intra triduum ipsam euolaturam ad caelum, uidere iam se in illa Dei benignitatem, roremque salutis, conspiciere coronam alte in caput ex Angelorum dependentem manibus, Augustam non alia decere, afferret modo animos, & pectora magnitudini paria certaminis, ne horreret fulmineum Augusti uultum, non praeferuidas iras, respueret infandos amplexus, & pollutos caedibus animos, & os crudele, uerteret ad superos animam, affigeret Christo mentē, illum amaret, illum ueneraretur, illius exoptaret amplexus: plures iam in orbe Romano esse Augustas, magnitudine opum, & gloria pulchritudinis, & sapientia, comitateque (quae fluxa, & leuia omnia) pares, omnes posse ab ea superari, si praeferret immani Tyranno piissime regnantem I E S V M, cuiusque nomen fateretur: egere quidem mortalem illius adminiculo ad uirtutem, & gloriam: at, si modo animum praebat instructum, paratumque, sensurum auxilium, & ardorem, mortisque contemptum, elate, facundeque explicare. Breuiter responsum, & sapienter ab Augusta, non eunte infitias timeri ab se uirum, petere tamen demisse, ut ipsa Virgo, tam cara Deo, se precibus adiuuaret, conciliaretque numini. Tunc Dux Romanus, recollecto animo, fidenter quae rere a Virgine, quibus praemiorum generibus, quibus coronis, uel dignitatibus a Christo milites exorantur, quae illis statuta merces, quae stipendia, quae

post classica quies, & otium, qui uictoriarum fructus: nam, si ampliora Cōsularibus fascibus redderentur, abiecto Augusti Sacramento, daturum confestim se Christo nomen, iuraturumque ad signa, militaturum, pugnaturum, occasurumque pro illius gloria, imperioque, modo ipsa Principatus enudaret opes, praeberet uadimonium, ne deciperet, annuit. satisfactum hac quoque, in parte Romano, connumeratis (quantum sinebant temporis angustiae) Christi opibus, magnificentia, splendore, ac felicitate. Cum ad quartam uigiliam in Praetorio, obstrepente tuba, inuita a Virginis complexu Augusta diuellitur, diu quippe collo inhaerēs cum lacrymis osculari labia, oculos, & mammas suauiter lambere, patefacere Virgini (quantum licebat per externa signa) amorem suum, ardoremque. Dux acceptam Virginis dextram uenerabundus attigit. ambo mox in Praetoriū per Pseudothyrum regrediuntur: sed dispositae per porticum diligentia, iussuque Porphyrij equitum stationi res celari non potuit: quisque modeste, & auide quaerere a Porphyrio, rogareque Augustam, (cum mansuetudine, & comitate mulieris quisque notus inuitaretur ad libere proloquendum) ut expromerent, quo perrexissent, ubi fuissent; quid ue egissent. Sed, Augusta, gynaeceum ingressa, Porphyrius, cui id imperatum erat ab Augusta, (cum trahere moram adueniens aurora nō sineret, nec honestas) accepto de silentio iureiurando, rem omnibus aperuit, hortatus, ut idem ipsi facerent, sequerenturque se Ducem, non spernerent consilium, quod alias ipsi non infelicitè aduersus Arabas, Blemyos, barbarosque essent experti, in hoc profecto utilissimum. Omnes, actis gratiis, repente Christianos se esse fatentur, secuturi Ducem omni in re, uel aduersus Caesarem, si placeret defendi armis religionem; nec se Britannicis, Gallicanisque copiis inferiores esse ostendunt, quas inuictissimus regeret Cōstantinus

tinus, Constantij, & Helenae filius, non hostis, infestusque rei Christianae, aut Christianorum ritibus, sed fautor eorum religionis, & regnator eximius. Dux, laudatis equitibus, celebrataque animi magnitudine, alacritateque, iubet quietos esse, non egere ferro Christi religionem; fatis esse animos, & pectora, addens. Nocte, quae xxi. clauderat diem, Christus, cum caelestibus agminibus, aulaeque apparatu, anhelanti Virgini amplexus, splendidissimum se exhibuit, confirmans puellam, excitansque in reliquum certamen, profuse auxiliū, & opem pollicitus. Ad tantam lucē, beatissimumque adspectum subternit se solo Virgo, pedibus regnantis aduoluitur, piissime adorat, agit gratias, nimis se felicem, nimis beatam se praedicans ob tam singulare beneficiū, minimam se ancillarum, & seruientium eius benignitate euectam in fastigium, adscriptamque non gregariis cohortibus, sed inter principia donatam religiosissime testans. Interim Maximinus Nicopoli, xxx. ab Alexandria studiis seiuncta, (hoc in loco superioribus saeculis Octavius Caesar proruentem cum equitatu Antonium in arma e Cleopatrae sinu, deliciisque emergentem repulerat) Alexandriam laetus, quali faustissima captasset omina, sub noctem intrat, non tamen Virgini mitigatus. Subsequenti enim die, clara uix luce mandat abduci a custodia Virginem, sistique ante tribunal: cuius cum effulgentissimam faciem, membraque integerrima contemplatus esset, in furorem, & iram incitatus, euibrare chlamydem, quater curulem, minacissime strepere, minitarique custodiis, quos absque mora diuersis, acerbissimisque mactari supplicii iubet. Crediderat quippe Tyrannus, post illā diuturnam famem, squalorem carceris, & fetorem, stationemque temporis, & tormēta, queis Virginis decus depopulari curarat, Virginem aut uita functam, aut pallidam, & exsanguem, & macie foedam, confectamque uul-

neribus, uix trahentem spiritum necessario fassuram errores, formidaturamque potestatem, ac descensuram in preces. Quamobrem sua deceptus spe uerterat animum ad supplicia custodum, quasi ipsi, labefactati pecunia; cibaria Virgini subministrassent. Sed, ne alij sua torquerentur causa, Catharinae uel inuitae, fauor arcanae medicinae, caelestisque cibi confessio extorquetur, precanti Augustum, ne innoxiorum suppliciis grassaretur improuide, & sine causa. Tunc Caesar, ne prorsus ab omni humanitate alienus uideretur, placiturusque puellae, cuius libens oppugnabat religionem, inuitus, nolensque laudabat, anhelabatque pulchritudinem, placido uersus ad Virginem ore, ignoscere se custodibus, & satis se ei credere, simulq. rogare illam, ut promeret, quae ei cordi essent, referret, utrum illi fatum, & cruciatus, an lux, & aura placerent? Si priori decreto insisteret, ne cunctaretur; si posteriorē sententiā amplexaretur, procideret ante Iouē, Bellonāque, supplicaretq. diis, annuens. Irrisus a Catharina, non ab alio, quam a Christo, sperante uitā, contemnenteq. deos, & minas, mortem quoque inter felicia annuerante. Feruere iam pectora Augusti, emicare ab oculis ira, motuque corporis horribili, insanis, uastisque uocibus Regia quati cum pauore audientium: nemo indignantis frontem, toruumque supercilium, nemo oris ignem impauide respicere: quisque attonitus trepidare; ita furentem Augustum, coquentemque acerbissimum Virgini occasum funestiora alterius inflammauere dicta. Accesserat namque ad aulam quidam barbarus, Cursafades nomine, praepositus Alexandrinae Vrbi, homo ferox, immitis, caedibus laetus, Marte illustis, pace nefarius, grauis, intolerandus. hic, tumentem ira Augustum cernens, captaturus gratiam, satisfactoriusque & propriae, & alterius diritati, in uasta corporis proceritate, moleque immani membrorum, torue cum stomacho in-

intuens Augustum, exclamat, indignissimum esse, & iam nefas Romanae maiestati, tamdiu ancipiti Marte cum semella certare, formidareque extrema casuum: quae non Persopolis, ac Susa auderent, a Virguncula iam fieri, cum derisu Augustalis diadematis: permetteret sibi rem, concederet istum pulverem, haud tripudiatutam, risuramue in periculo Virginem: barbarum se equidem esse, non cessurum tamen Perilli ingenio, artibusque, arroganter praedicat. Accepta a Caesare facultate, iubet intra triduum obuersas inter se rotas unica substrictas fibula, praecutis undique mucronibus, electaque ferri acie constipatas fieri, & diligentissime, sciteque fabricari. hae funibus, laxatisque ponderibus citissimo euolui cursu, cum stridore infausto, & horribili. Elapso biduo, omnis multitudo in Regiam concurrit, ueluti Olympica, aut Gymnica, & Neptunia uisura spectacula, aut Megalesia ludos, Circensesque, aut Saeculares. cingitur electissima militum manu locus: in medio feralis machina statuitur, lata, sublimisque, collem aequans. Conculsi pauore omnium animi, strata pectora, oborta pietas, & lacrymae: nullum tale apud maiores supplicium uisum nec in dirissimis facinoribus, & nunc in Romana lenitate, praeclarissimae Virgini, quod amaret castitatem, quod Christum coleret irrogari testantium. Augustus in xysto, cum nobilissimis, Cursafadis celebrare industriam, & laudare consilium. Augusta, ex aduerso Caesaris curulis, per hiantes fenestrae rimas, unica cum ancilla, sibi fidissima, anxie circumspicere, miserescere Virginis, fundens lacrymas, opperiensque exitum. Accersitur Catharina: trahitur licitorum manibus, accelerantium gressum ad libidinem Caesaris: sistitur in atrio: agitur in oculis ad incutiendum terrorem dirissimum machinamentum: rursus de colendis dijs, abnegandoque Christo interrogatur: fortissime in proposito perseuerans, nudatur,

tur, cui incitur, imponitur machinae inter duarum spatium rotarum, ita, ut priori caput, os, pectus, uenterque, posteriori rota renes, clunesque dilacerarentur, ipsa non pauida, aut tremente, sed pie Christum obtestante, ne Caesaris insana crudelitas expleretur, frangerenturque terribili machinamento piorum animi: patefaceret potentiam suam tuendis in seruis, aperiret caecorum oculos, pelleret tenebras: non ab se timeri poenas, non occasum, sibi uiuendum in ipso, & moriendum pro ipso iam pridem uotum esse, asserente: si expediret, si conduceret animae salutem, si maiestati placeret, effringeret, dissiparetque uiolentissimum terrorem. Iamque non pia clavicum concinens carnificum ad opus incitabat manus, animosque; iamque illi, accepto signo, non segniter torquere funes, emittebantque pondera, & machinam circumuerrere, cum illico frangi nubes, discindi caelum, luxque ingens effulgurare, quaque aura uisa, Angelusque ad id electus, radijs undique, terroreque circumdatus, caelestem stringens gladium, cum inusitato fragore, fulminis instar, ligneam impetijt molem, contriuitque fibulas disiecto opere, dissoluitque Virginem nihil laesam. saeva strages circum oritur, mistis singultibus, multis occisis, detritisque globorum, frustulorumque uiolentia. Intremuit ad Angelicum ictum solum, concussa regiae fastigia, ac tabulata, fractae Praetorii fenestrae, allisi parietibus humani artus irrorante cruore, cum omnium stupore, & formidine. conclamatum in Vrbe ad arma: sublatum ad caelum Christi nomen: omnesque fere Alexandrini circa Praetorium strepere, facturi uim, si praeuisset fortuna Ducem, & si pristina Ciuitati maiestas stetisset, non incerte rebellatum esset a Caesare: iacta tamen in illum conuicia, & maledicta in ministros. Caesar, in re subita, & insperata pauidus, non tamen leniens iram, acerbissime infremere, addito ingenti truci animae uulnere,

a toro



a toro caepta rebellione. Augusta enim, ad tanti prodigij spectaculum animosior facta, credensque non sine numine augeri rem Christianam, caelitusque defendi, obdurat mucronibus pectus, ultro se discrimini offert, in frequentissimo conuentu, dum Alexandria trepidat, dum arma rapit, dum Virginis ulcisci parat iniuriam, dum omnia prodigij admiratio, terrorque concutiunt, generose alta uoce Tyrannum compellat, accusat impietatis, damnatque immane in Virginem nefas, obijcit omnes diritates, quæ in summa potestate Romanum nomen defoderat, remque publicam perditum ierat, frustra que illud aduersus superos stare, insultareque docet. Maximinus, ad uxoris audaciam sella profiliens, reperiussis manibus, plenus irarum, spumans, & supra humanum turgidus modum, minatur uxori necem, ostentat gladium, nisi superstitionem deponat, ni tutelam Virginis deferat, ni dijs, ut assolet, sacrificet, capeſſatque imperata, & iustissima in Virginem, Christianosque decreta supplicia affirmet; simulque tori splendorem tueatur, impleatque coniugis officium. ferociter contra tendenti Augustæ amputari diriter mammas, abſcindique ceruicem, & cadauer canibus, alitibusque donari iubet. illico abripitur, non permittitur diuturnâ cum Virgine ultro adhortante moram trahere, non amplecti, non stringere, non osculari: sed uoces præcidi non potuere, egregie quippe Virginis infirmata adhortationibus promissisque, extra moenia Necropolim ad busta Alexandrinorum (Vrbis is locus est, non longe a Ciboto portu) laeta proficiscitur, ducente Porphyrio cum prætorianis cohortibus honoris ergo, & si miles libere in Prætorio uoces emitteret aduersus Caesarem truces, Augustæ faustas, nobis non infestas. Etenim Porphyrius, ex animo Christianus, Augusto infensus, pertæsus iam crudelitatem, & ignauiam hominis, id munus sibi desumpserat, ut præbita occasione, ederet aliquid

liquod pro Christo facinus, simul etiam in solatium Augustae, in itinere alter alterius uicem dolere, & se inuicem fraterno amore, & benignitate solari. at Augusta, datis secretis Porphyrio mandatis, atque ad Virginem transmissis salutationibus, nō indigne, post mammarum euulsionem, ferrum gutture excepit 1x. Kal. Decembris. Eius corpus, aduenientibus tenebris, Porphyrius, cum sociis, pie unguentis delibutum honorifice tumulauit, dato oculo, & lacrymis. Maximinus, postera die, in silentio Palatii, & uiduitate tori, maeroreque aulae, uertit animum in Virginis pulchritudinem: ducit eam dignam imperio, & fascibus, dignam thalamo: accenditur acri, & uehementi uenere, exaestuat prurigine, insanit, dum constantiam, dum generositatem, & decora Virginis ante oculos sibi proponit, optat in subactis puellae membris trophaeum erigere, homo impurus, id in gloria, & fama ponens: sperat, non difficulter suae illam assensuram uoluntati, sublata iam Augusta, ueluti acmulla, impatiente societatis toro. Sed, rursus Virginis ferociam, indomitumque uigorem, & in tergemina pugna uictoriam reuoluens, molliter hebescere, & de uictoria paene diffidere. Sed, dum circa Virginem cogitatu cum spe ludit, reminiscitur Augustae, damnat infelices tae-das, inuehitur in mortuam, memoriam auersatur, furit in cadauer, de eo diligenter perquirat, mandat leonum inediae, dentibusque concedi; non inuento (ut innotuit) minacissime stridere. Ergo sterni multorum corpora, nemini ad Necropolim Suburbanorum parci, omnia sanguine commaculati iubet. Eliguntur ad tantum nefas, detrectante Romana manu, stipendiariae barbarorum alae, cohortesque, duce Cursasate mortalium omnium crudelissimo: datur in Praetorio tessera: uellunt a parietibus ferrum barbari, lacertisque tela uiibrantes, pulsantesque umbonibus arma dirissime ululare, omnibus iam esse

esse terrori. Tunc Porphyrius, uacsanum Caesaris con-  
 filium cernens, ne litarentur innoxij, pro Christo iam  
 pugnaturus, ferocissime, elatissimeque Caesarem alloqui-  
 tur, non pauet taxare temeritatis, & obiectare crudelita-  
 tem, tumulatam ab se Augustam, & data parentalia: fe-  
 cisse id iam fateri, ponere in summa existimatione, mili-  
 tiae cingulo se non amplius indigere: capefferet illud,  
 concessos reciperet falces, & arma, Christo se iam mili-  
 tare, & militaturum: non imbellem dexteram fore, non  
 uiles animos: omnem ab se sperni, & derideri uictoria-  
 rum palmam: animaduersurum ipsum, quanta ab se fero-  
 cia, & animi praestantia propter Christianam pietatem  
 exceptum iti certamen, si cervicem uellet, si in membra  
 mucronem acuceret, si produceret feras, pararetque ro-  
 gum, & pyram, cur cunctaretur? Cum obstinato non ua-  
 litura uerba, uisuram spectaculum Alexandriam non in-  
 dignum conditore, decentissimum Romano, ob id sibi  
 paullulum ingeri angoris, non in Vrbe ante rostra, & Ca-  
 pitolium occidere, ante ora Senatus, ut quisque sciret  
 Christianam pietatem uel usurae uitae anteponebam,  
 simulque ut ipse in Tarpeio Iuppiter tonans sui in ludib-  
 rium Romanum hominem uideret praestantissime mor-  
 rientem. Sed uirtutem ubique terrarum suo esse conten-  
 tam praeconio, laetari praetera, hoc non celatum iri fa-  
 cinus Maxentio, alteri portento, cladique, ac pesti Rei-  
 publicae, praegnantium rimanti mulierum fibrias, exta-  
 que infantium ad geminandam inuidiam; nec Constantino,  
 Licinioque, clarissimis Augustis, per barbarorum  
 sanguinem, stragesque uolutatis, ad ulciscendam iaiuriã,  
 orbemque Romanũ ab immanissimorum tyrannide por-  
 tentorum liberandum, dicebat. Effusus a Caesare ingēs  
 gemitus, maledicto astra, diique lacefsiti, quod in eam  
 fortunam, concursumque calamitatum florentissimae  
 aetatis annos, & exordia imperii coniecissent sui. Statim

Mm ex Ty-

ex Tyranni imperatis iniecta socijs uincula, frustra que uerbis attentati securi destinantur: a Porphyrio propter hominis dignitatem, clarissimamque famam, seu ad mitigandam ferociam summa lenitate, seu metu tumultus, ne legiones sociatis cum oppidanis uiribus arma cape- rent, repulsa uis. Sed Porphyrius, audacior, fortiorque inter Tyranni simulationem, & dolos, ueritus ne sui lan- guidis animis proelium capefferent, nutarentue, aut dis- criminis procellam horrerent, ostendit. Augusto frustra discindi membra salua ceruice, se, si quid diriter auderet, si quid cuperet, mactaret reliquorum ductorem, cohor- tatoremque. Quaesita mors iuueni ob pietatem, non pie a Tyrano, impulloribus Peucedio, Quinctiano, & Theot- ceno, ministris libidinum, & facinorum, infensis Porphy- rio ob insignem uiri uirtutem, conceditur, cc. apud illum commilitonibus eo ipso die i ix. Kal. Decembris ferro stratis. Noctem eam, quae insecuta est, Tyrannus diri- ter per inuolucra cogitationum, & insomnia traduxit, haud quaquam frequentibus distentus epulis in sonitu musices apud scorta, gregesque exoletorum, quippe qui interdum trium aemulatione Caesarum ad uirtutem uel inuitus reuocari, ne appareret inferior. Oderat ipse Ma- xentium, tamquam Seueri sobrini interfectorem, uicto- remque Galerij auunculi; timere Licinium Ducem stre- nuum, & manu promptissimum, Parthicis expeditioni- bus clarum; admirari Constantinum, ueluti inter reli- quos indole uirtutum, fauore numinis, generositate pe- ctoris, ac clementiae claritate eminentissimum, interque uictorias, & trophaea pubescen-tem, cuius non obscure gloria angi, simulque reputabat famam sui ubique gra- uem, exagitatamque populorum conuicijs propter te- mulentiam, ac diritatem. quae firmiter euoluens non immerito somno spoliabatur. Sed, uix albescente caelo, e strato exsurgens, nulli familiarium, atque adeuntium salute

salute reddita ; tacitus per xystum obambulare , percurrere aulam , testem Catharinianae uictoriae , triumphique ; inde intrare cubicula , & gynaeceum tortis interdum oculis prospectare , modo corpus thalamo acclinare , crebro suspiria emittens , tergensque frontem : inde , diu cogitationum fluctibus iactatus , aegrescensque animo attolli in aula tribunal , & Catharinam uocari iubet , quae cum grauata catenis accessisset , ingeminato uultus fulgore , Caesar ad fallendum ministris annuit , ut illi catenas detraherent , palmasque exsoluerent , & iuxta suggestum sellulam ponerent : deinde , placide intuens serenato uultu , confecta laetitia , ita illam alloquitur . Et si hosce per dies tot Alexandria funera uidit , deplorauitque , nec sicca habuit lumina Delta , attamen hoc tui ad laudem , decusque ex certa fatorum lege fieri dii immortales uoluere : etenim , quid tantae pulchritudinis praeconio non adscribetur ? Cruentis initijs optatissima , felicissimaque panduntur extrema : uictrix iam , aeternaque per gentium ora decantaberis : & , ne tantis Spartana infletur Spiritibus , ob decus comarum , uultusque Europa Asiaticis impacta litoribus , suisque funerata Troia uisceribus , habebis iam catenatum Romanum Imperatorem . pauci latrones , & Reguli de Helenae pulchritudine certarunt : angustumque Asiae litus unius Graeci populi sanguine maduit : at tu , atrocissimis exempta periculis , caedibusque , trabearum fulgorem calcabis , non iam pellicis impletura locum , sed nostro in gremio cubans , rem Romanam moderaberis , una nobiscum in Capitolio , Palatioque illata Statoris in sinum purpuratorum humeris triumphabis . execranda infaustis nupsit Faustina nobis auspiciis , tulit illa ( ut debuit ) poenas , tu praemia , & dignitatem . quid maius uel a diis sperare , puella , quis ? Pauci cunas mortales honestauere tuas , terrarum orbis fasces , torumque adorauerit , ruet

in obsequia Parthus, non cunctabitur Arabs, Baëtra;  
 Ganges & ultima aurora tuæ famulentur gemmarum ful-  
 gore caesariæ: non Meroes, non Nilus Catharinam ha-  
 bebit, sed Tiberis lauabitur undis, Etruscis ancillantibus  
 Nymphis: in Capitolio tibi uiuenti sedes, a fato inter si-  
 dera locus erit. nobiliora, acceptioraque hæc nobis e-  
 runt, quam Musicana trophæa, aut Hecatompilos lau-  
 rea: non inuidebimus Iunonem Ioui, aut Vulcano Vene-  
 rem, si tu dextera collum cinxeris nostrum, si os, oculo-  
 sque suauitata beaueris. profecto a diis immortalibus  
 felicitati nostræ quis non summopere tributum putau-  
 erit, si Maximinus, diuorum generosa propago, in summa  
 tranquillitate Imperij, Catharinae complexibus, iam ip-  
 sis conciliatæ diis, inhaeserit? Cleopatra uestra, cui im-  
 moderati fuere spiritus, sæpe diem istam somniauit, op-  
 tauit, expetiit: at a promontorio, Epyreoq. pelago Ita-  
 liam adspexit, Romamq. nonnisi mortua, inuitaque in-  
 traui, in ludibrium ostentata: at tu, augustioribus auspi-  
 cijis enata, pulchritudine maior, sapientia excelsior, ca-  
 stimonia diuinior, in conspectu tuo Romanarum genua  
 nurrum plicata uidebis. Age, iam, lux terrarum, cape-  
 se, quod uenustas, & pulchritudo largiuntur, quod for-  
 tuna promittit, quod nostra donant optata, quod nō spe-  
 rat Aegyptus, quod suadet facultas, quod dii uolūt: por-  
 rige nobis dexteram, pignus amoris, nuptiarumque: as-  
 sentire nostris placitis: regamus feliciter sceptræ terrarum,  
 coniuncti corporibus, animisque, una agentes diis im-  
 mortalibus grates pergamus ad Iūdis: propitiemus Iu-  
 nonem: uocemusque in uota Venerem. expellatur diui-  
 ni tandem splendore oris omnis ex Praetorio luctus: e-  
 luantur sordes: purgeturque inhabitantibus Faustinae  
 manibus aula. omnia iam Catharinae liceant: ipsa im-  
 peritet, dummodo diis ne repugnet: iam dies ista prae-  
 miorum, poenarumue iudex erit: inuisa diis, ni sacrifi-  
 caueris,

caueris, ni libaueris, ceruix offeretur: omnia in tua potestate sunt: quid eligendum sit, ipsa considera: affare, promeq. tuum nobis animi decretum. tibi aut hodie uiuendum, aut moriendum est: tuam sententiam exspectamus: interim apprecamur Feretrium uictorem, Phocbum, Martemque & omnes deos, deasque, & uestrae felicem Urbis conditorem, omnesque Pellaeas umbras, ut pectori placida, & tuta tuo consilia irrorent. Catharina breuiter respondit, hoc pridē infixum, cupitumque fuisse pro Christo sanguinem profundere, collumque securi obiiicere, Christum feliciori in patria uidere, omnes pollicitationes, praemia, ac blanditias ab se sprete, spretumque iri, inuidisse se iam sapientibus, inuidisse Augustae, lectissimaeque equitum turmae, fortunatā ob mortem: spem nuptiarum, & sacrificij abiiceret; ferrum, si uelit, optetque, satiaret cruore. Tunc Maximinus, non occulte fassus aduersariae uictoriam, ne iterum turpissimo euentu succumberet, cum ludibrio maiestatis, imperat extra Urbem uictrici demi caput, & expiari sic iras, uotaque nefaria, ratus insignem, gratissimamq. diis uictimam fore. At lictores, cohortesque Praetorianae, & maior equitum pars, Catharinam e Caesaris conspectu furentis auferunt, & deducunt ad carnificinae locum, maestis omnium uultibus, ac tristibus animis: crederes reuelli Alexandriam sedibus, omnia caedibus funestari, omniumque in fatum strictum Romanorum ferrum. Non sic Antiochi uallante moenia exercitu, non magni Caesaris per pinnas fulgurante mucrone, non Urbem Octauio Augusto intrante, aut caedente agmina inermium Caracalla; non diruente muros, spolianteq. Mausolaeae Diocletiano, tantum maeroris, luctus, lacrymarumque Alexandriae uisum, quantum Catharinae uadentis ad caedem exciuerat formae praestantia, & rara dignitas oris, in tot triumphorum splendore. Audierant, legerantque



que saepe Ptolemaeorum in thalamis enecatas Reginaſ, ſororesque, exceperant Cleopatrae interitum inter ſerpentium morſum exſpirantis; ſed prius bacchatae illecebris, molitaeque Capitolio excidium, & ciuilia impli-  
cantis bella, inceſtato toro cum ignominia generis, penatiumque, & tamen beſtiarum rabię refuſiſſe a candore peſtoris, eboreque mammarum, letaleque in brachij uulnus irritatam, inflammataſ, atque abſtractaſ. Catharinam uero, innocentiffimam, caſtiſſimamque, ab homine litari, Caefaris iuſſu rapi ad necem, priuari Alexandriam poſt tot calamitates, hoſtilisque clamorem incurſus, unica gloria; ipſa iam feritate argui Maximinum ad Aemi natū pruinās, aut Rhodopeia ad ſaxa, educatumque in diri adytis templi ſudantis cruore, ac rabie: nihil in homine humanitatis inefſe, nihil Romanae fortitudinis: parcituros, ſi ab inferis exſiſterent, decentiffimae pulchritudini, Solique uenerum uel ipſos Buſyridem, & Cambyſem: placandum unius furorem inſigni uenulta-  
te, cremandum alterum non Hammonis parcentem delubris puellarium facibus oculorum, & nunc a Romano Romana ſecuri inferias crudelitati, dirisque tantum mit-  
ti decus, tantamque pulchritudinem: exhorrituram hoc Hyrcaniam, deploraturosque infinitam crudelitatem, ſi qui ſunt, Anthropophagos, uel per multam impaſtoſ diem, ſtebilitate commemorabant. At Virgo, diuina luce refulgens, dimota per liſtorem turba, genibus nixa, ambabus ad caelum palmis ſublatis, ita coepit. Aeternum ſanctorum decus, alme parens rerum, CHRISTE pie tibi gratias ago, quod me inter diuerberata tentationum procellis aequora tuto in portum complexus reducis tui: extende ad me uiſtricem dexteram, qua Tartari clauſtra effregiſti, quamque pro generis humani ſalute tranſfixam clauis uoluſti: amplectere ulnis me tuis: ecce iam pro te ſanguinem profundo: omnia elue ſcelera,

ne

ne quid nefarij horrendum ante suggestum funestissima die immitis hostis obiciat : adscribe me electissimis uirginum cohortibus : dele omne nefas : huic quoque populo solita tua parce benignitate : perq. immortale nomen tuum , per trophaea , aeternasque uictorias , si quid abs te nomine meo petitum fuerit , da rogantibus : concede quoque , clementissime CHRISTE , ne quis reuulsae ceruici , truncoque illudat , ne quis nuda membra ab interitu respiciat meo : tibi ea dicaui : tua sunt : defende , castitatis auctor , sponsusque uirginum : nihil horum merui , sed tuae confido benignitati . Intonuit densa ex nube uox quatiens spectantiũ aures , euocans ad superna uirginẽ , apparatusq. caelestis aulae , & laureata obuiã prodeuntia uirginũ agmina , instructumq. felicissimi torũ auspicij , gloriaeq. denuntiãs . Tunc Catharina , salutatis spectatoribus , nõ timida , vii. Kal. Decẽb. annos duodeuiginti nata , collum ad ictum extẽdit nobilitato Romano ferro , sanguinis rore cum lacte misto . Additur famae miraculum . corpus Angelico ministerio in Synam per auras , in multo musices sonitu , dulcissimoque concentu , deponatur scaturiente ex membris eius perenni humore curandis languoribus , morbisque salutari , & illuc decurrentiũ pietate nostrorum nullis aut longissimi itineris per barbaras , infestasque gentes , aut externi caeli periculis fractorum per Europam circumfertur , ostentaturque , iamque uertice in ipso Synae edi nocturnas uoces , & diuina cani , circumferrique omni ~~in~~ mortalitate maiora fama est . Ob id Iustinianus , ex sorore Iustini nepos , post Parthica bella , ac lauream Gothicam , spoliaque Vandalica , ad ima montis templum in Deiparac erexit honorem , ad dita etiam ualidissima arce ad compescendos barbarorum impetus , per eas solitudines nimis temere , audaciterque euagantium , collocata ibi militũ statione ad Monachorum , qui ob pietatem , professi castitatem , & pau-

perta-

perstatem ibi degebant, praesidium. At apud Eusebium Caesariensem, non ignobilem illorum temporum scriptorem, non modo tantae gesta uictoris, sed ne nomen quidem fastis adscriptum reperitur, licet memoretur ab eopuella quaedam inaeſtimabilis pulchritudinis, clarissimominis, maximarumque opum, a Maximino in exilium pulsa, occupatis fortunis, taeterrima illa crudelitate uultus fulgore prostrata. En, Arrij fautor, & a Pamphili Martyris, in cuius cognomen transierat, fortitudine degener, quanta Graeco nobis liuore subtraxit reuolutus in laudem suorum, atque potentum, Romano tacite culmini irascens uel Magni Constantini rebus in Italia, urbeque gestis ingrato silentio suppressis in Bosphori decus, famamque? nec satis hoc furenti Caesariensiuisum, nisi sanctum pectus, religionis domicilium, aramque numinis inuictis impietatis notis foede cruentasset. secutus est Procopius, & ipse Caesariensis, haud Eusebio innocentior, cui in libello (quem de Iustiniani aedificijs inscripsit, Mosem, Synam, & miracula memorans) ignota penitus est Catharina, ni fortasse tantae se Diuae nondum mortalium oculis ingerente fulgore beatitudinis ignarus suae, caligansque oscitaret Oriens malis suis semper indormiens. Graeci primum Asiatici uulgauere nomen, gesta, ac monſtrauere tumulum, accurrere finitimae gentes immensis agminibus, haesitq. tot miraculis Oriens. Nouissime Europa illato Orientis gentibus bello, recuperandorum ergo Hierosolymorum audacia, ac pietate Gotthifredi Bolionij, & Boemundi, reliquorumque immortalis memoriae, clarissimique nominis Principum, uictrix in se Virginis nomen, & gloriam traxit, ubique erectis memorijs, statucis aris, consecratisque sacerdotibus, quandoquidem eius auxilio non raro insurgentem in se Perfida, Orientisque barbariem fregit, debellauitque. Vnde merito abolita apud Aegyptios, Phaenices, Arabas,

Arabas, Syrosque Christiana pietate, Graeciaque; post fractam toties fidem, & abruptam concordiam, post sacrilegia, & diras in sacrorum cultu miserrime moriente, apud Latinos nostri iam facta iuris, clarissimis exornatur praeconiis, a barbaris ob summam fortitudinem, ingentesque uictorias magnae cognomen, a nobis inconcussam pietatem, & digna cognomine uota retulit, & relatura est. Vtinā pari Christianae religionis propagandae, illustrandaeque flamma nostrorum Principum animi aestuant, urerenturque. sentiremus profecto caeleste auxilium, magnaeque uictoris patrocinium in securitatem nostram, barbarorumque excidia, inter necionesque. sed nos, infelices, ignauo otio obtorpuimus, atque in ambustae maiestatis cineribus, bustisque maiorum desidentes, fumantia proximarum prouinciarum testā, urbesque. prospectamus, cognatarumque gentium aerumnosos eiulatus excipimus, nec ulla misericordia, aut decore permouemur. Syna, & Hierosolyma seruiantibus, amissa Asia, Africaque, & mortifero ictu sauciata Europa, libet Christianis Principibus, de dirutis castellis, pagisque acerrimo Marte, & plusquam ciuili rabie dimicare? aut frui quiete in communi luctu, squaloreque, & sentire gaudia, ac uoluptates inter cōuiuiorum apparatus, amoenitatesque horrores? instat, urgetque ferocissimus Turca, & ignauia nostra terribilis haurit animo, ac spe fortunas nostras, perque Dacorum, Hungarorumque sanguinem, stragesque uolutatus, Italiae fores quatit, Vaticano inhians, Capitolioque, & nullus interim ex nostris Ducibus, Regumque regibus exstabit Gothifredi, ac Boemundi aemulus? nemoque proelia domini depugnabit? heu, prisca caritas, ardorque Christiani nominis prolatandi: respuimus maiorum certe uirtutes, uictorum dumtaxat heredes; praecaltamque indolem exsumus: quantis olim armatorum agminibus Orontem po-

tauimus? quot legionibus, equitatibusque Halym, Eu-  
 phratem, Tygridemq. traieciimus? quantis classibus ma-  
 ria enauigauimus, undasque Colchidos tubarum cantu  
 terruimus? quoties Taurus signis nostris colla submisit?  
 quoties impalluit Araxes, timuitq. Persepolis? & nunc,  
 languidi, ac fracti, ciuilia excidia, & funera uoluimus,  
 ructamusque; ac flebiles simul Macedoniae, Graeciaeque.  
 uoces, questusque exaudimus, ludimusque in Hungaro-  
 rum calamitatibus, & in Liburnorum, Valeriorumque  
 ruinis, quasi extra discrimina, & aleam positi? Tu, Vir-  
 go, carissima Christo, & in barbarico solo uel hostibus tre-  
 menda, deprecare Sponsum, humani generis Saluatorē,  
 ut, nostra uulnera, aerumnasque, ac Christiani orbis cla-  
 des miseratus, renouet in nostrorum Principum pectori-  
 bus ueteres heroas illos Gotthifredos, Boemundos, V-  
 gones, Raymundos, Robertos, Castriotas, Coruinos-  
 que, propugnacula Catholici nominis, armorum-  
 que fulmina; depositisq. ciuilibus odiis, iris-  
 que, in Turcica bella effundat nulla acui  
 uetustate, aut iniuria obruendos,  
 sed parto gloriosissimo in ter-  
 ris nomine in caelesti-  
 bus regnis cum  
 Christo in  
 per-  
 petuum ui-  
 ſuros.







# S. V R S V L A

## XII.



I Oriens, & immodica sui laudatrix Graecia, tantis Amazonum res gestas laudibus extulere, mirata femineos ausus inuiditate tori, mammaeque adustione Martias animas, diuturno uictoriarum cursu Asiam perterrentes; praeclariori certe sonitu, certiorique praeconio attollantur Britanniae, celebreturque Rhenus, alterae praeclarissimae Imperatrici Vrsulae, de qua acturi sumus, largitricis lucis, ortusque, alter in acerbis bellantium, Martisque fragore aeternae uirtutis fidelissimus testis, miratorque. Verecundantibus ergo, nec hiscere audentibus Themiscyra, ac Thermodonte in silentio peltarum, Vrsulae, sociarumque perpetuo uiuentium armatae pietate acies, & pro pietate depugnata certamina decantentur. Britanniae gentes iam pridem belli gloria claras, potentesque primum nobis aperuit magni Caesaris inuicta, & fortunata audacia, eodem cursu uictoriarum Gallia, Germaniaque concussis, calcato Oceano, obtrementeque Hercynia, rebellantes repressere alij Caesares uictorij, aut claudibus memorabiles, Constantino Magno nimia sua pietate in largiundis Propontidi fascibus rei Romanae grauiusimum infligente uulnus nutare rerum status incipit, demum post infelicia Honorij, Arcadijque tempora sub Valentiniano iij. Constantij Caesaris, Placidiaeque filio,

lio, tantum rerum fastigium, fulgentissimaque Augusto-  
rum maiestas foede procubuere, undique orbe terrarum  
in Romani nominis excidia concurrente saedum serui-  
tium, cladesque uictorum interecione in solatium ma-  
lorum ulturo. tunc & Britanni eodem concussi motu par  
nafragium, fluctusque procidentis quietis subiere. cū-  
que ab Aquilone Scotorum, Pictorumque rabie aeterno  
rum hostium urgerentur, destituti ab Actio, (cui per eam  
tempestatem Romanum nomen nitebatur, clarissimo,  
magnoque duci) Anglorum Saxonum, Vertigernum re-  
gem ad opem ferendam accersunt, ab eoque, depulso ho-  
stili metu, soli ubertate capto perdomiti bello ex auxilia-  
tore hostem, populatoremque patriae ex insperato nacti,  
in Anglorum transiere nomen certo discreti a gente Sco-  
torū limine haud terminatis iris, odioq. apud finitimos.  
igitur in parte Britanniae quidā Dionotus imperitabat,  
Romanis non ignotus, egregie pius, cui Doria erat uxor,  
pari religione moderationeq. insignis; his post multas  
preces, & lacrymas, nuncupataque Deo uota, puella na-  
ta est, quam Vrsulam a sacro baptismate nominarunt.  
haec adhuc tenella, salutaribus parentum monitis,  
crebrisque sacrorum librorum lectionibus excitata, in-  
flammatique, IESV CHRISTO castitatem uouit,  
tantamque sui indolem ostentauit, ac tantum praestan-  
tia uiguit ingenij, ac pulchritudinis gloria, ut late per  
Oceanum, & finitima eius gloriae fama, decorisque eua-  
garetur, tractis in spem, & cupidinem tori finitimis re-  
gibus, inter quos Hereus potentissimi Principis in alte-  
ra ad Austrū regnantis insulae parte filius, uisae nondum  
puellae amore impatienter exarsit, maximisque a patre  
precibus obtinuit, ut Vrsulam sibi matrimonio iungen-  
dam curaret ui, precibusue. pater, unici filij lacrymis  
expugnatus, simul ut duo finitima imperia consensu, &  
mutua caritate coalescerent, amplissimam ad Dionotū  
regem

regem legationem destinat, transmissis muneribus: esse sibi filium florentissima aetate, ualido corpore, animo egregio, exercitum armis, & manu pugnacem, Vrlulae exardescemtem amore: caelitus id afflatum, quo amborum ditio tantis pignoribus aeterna in faedera deducatur: duorum nobilissimorum iungenda iuuenum corpora ad sobolem propagandam, nullum apud se dubitandi locum de repulsa relinqui. quod si abnueret, esse sibi animos, & uires, affuturum ardorem, & fortunam comitem praestantiae, audaciaeque, uiuidum ingenium, & in arma prouum, uel terribile strage finitimorum, haud inerti emarciturum otio: sibi iucundum Martem, amaram pacem praedicare. Quae relata seni ingentem incussere metum, angoremque, uiduato suo toro, puellam, senectae solatium abstrahi longinquam, hostilemque ad gentem, efferam moribus, & funestis dijs addictam: execrabile praeterea, prorsusque nefarium esse, a Christi complexu filiam auellere inferuituram trucidis, impurique iuuenis cupiditati, & exsaturaturam libidines: prius mori satius, ac melius fore, quam tam detestanda intueri: uersare simul diuersas ad clades animum, atque infortunia, pagorum excidia, oppugnationes urbium, sonitum tubarum, eiulatum puerorum, & Virginum lamentationes, stupra, caedes, & funesta bellorum: non se tantis uallatum opibus, eoque aetatis robore, ut ferocissimi hostis arma, & libidinem reprimat: praecaltum deinde animum ubi semel amor quassarit, facesque inuexerit, haud repulsa obtundi, sed acrius accendi, dicebat: rursus, inde de currente in praecordia sanguine, irarum motu inflammari, fremere, & martem respicere: iustissimae causae haud abfuturos superos: saepe id monstratum, nec elusam piorum spem fuisse: parua manu ingentes saepe copias fusas, prostratasque, multis auras, & fulmina militasse, ignem, & Solem stetisse pro pietate: multa  
Dei :

Dei legi, memorarique apud Hebraeos beneficia: non minora apud Christianos, eadem sibi proponere: tutaturum non incuriose thalami decus, & cesti claritudinem CHRISTVM praeter aras, templa, & sacra haud desperabat, sed rursus hebescere ardor natae, patriaeque caritate, frangi spes maestis amicis, & sagum exhorrentibus, non dimitti oratores, non certum dari responsum, non apparari bellum, communiriue arces, aut firmari urbes, si hostis ferro exposcendam coniugem duxisset exercitibus contractis, traductisque in hostile solum. Sed ingens in aula silentium, & metus, ac prope desperatio. rex in maerorem effusus non mediocriter angitur, affligiturque. Qua re animadversa, puella, ut erat sagacissima in coniectura, & ingenio praestantissima, acerbo confossa dolore, his machinis oppugnari sentiens castitatem, & cacodaemonum artem in se assurgentem ad pia disturbanda decreta, simulq. discrimen, excidiumque penarum intentari intelligens, uersa ad preces, & uota, fatigare Deum, misericordiam, & opem implorare, afflictato inedia corpore, & uilibus circumuoluto uestibus, inter multam uigiliam, & lacrymam. his quippe armis haud infcia saepe extortum Deo fulmen, retusamque ultricem hastam, quae ad pianda scelera mortalium torquebatur, humi cubans, non incertum a Deo Salvatore auxilium praestolari. itaque in tam longis, continuatisq. uigiliis, sopore occupata, aperiunte Deo, omnem suae uitae cursum, & periodum praenoscit. ad auroram excita, ore hilarari, in cubiculum intrat ad patrem, iubet bono animo esse, a maestitia reuocat, castigat imbecillitatem pectoris, excitat ad sublimia: uisum illi enarrat: quid respondendum sit legatis, edocet. Qua confirmatus oratione genitor, post lacrymas nimio gaudio excitas, gratiarumque actiones, secum Virginem ducens splendissime uestitam, adstantibus circa lectissimis procerum, iuuenumque

corpo-

corporibus, se oratoribus exhibuit: quos in hanc sententiam, annuente patre, est puella affata: Maximum, & immortale beneficium hodierna die, clarissimi oratores, familiam nostram consecutam, mihi uero nihil gratius ad auram popularem, nihil optatius ad dignitatem sacum, & gloriae, nihil carius ad ambiundum nobilissimi iuuenis connubium contigisse intelligo; equidem optaram id potius a Deo Opt. Max. quam speraram: ea nostrarum est tenuitas opum, ea Anglorum regis parta bellis gloria, fama-que nominis. Sed postquam uota mea Deus benignitate sua fortunauit non possum mihi, ipsi, patri, regno, generi, 'focis', atque aris non quam effusissime gratulari: omnia iam felicia caelo portendi, caelestesque ipsos in nostrum transisse decus intelligo: uerum si quid libere a uiro sponsae, si quid nurui modeste a socero petendum sit, si detur puellae adhuc obrectae flammeo copia loquendi, tria mihi in uotis esse non ibo infitias: quorum, ut spero, cōpos facta, (nec dubitationi relinquitur apud me locus, honestissimis petitis, atque iustissimis) suis me iussis substratam, ancillam, & comitem semper habebit, stabitq. aeterna inter nos pax stabilimen familiae, ac matrimonij. Primum ut Hereus sponsus meus abiecto inaniū deorum cultu, sese ad Christiana conferat sacra; deinde decem ad me uirgines eximia nobilitate, ac specie, castissimisq. moribus transmittat unicuique mille aliis adiunctis, totidemque mihi associatis; postremo ut triennale ad soluendam cestum, celebrandaque Virginalia spatium largiatur. quibus peractis, expletisque, felicissimas nuptias, Deo bene iuuante, auspicabimur cum haud incerta spe prolis, qua utriusque dignitas, & laetitia imperij multa in secula nō interrupta serie propagetur. Habetis a me sententiam: audistis & uota: si sponsus amat, non reiiciet: ut magnanimus amplexabitur. His dictis post lautissimas epulas dimissi legati, Regali munificen-

tia a puella, Regeque honestati, ad Hereum reuertuntur omnia in maius de Virginis pulchritudine, prudentiaque attollentes. ingeminatus sponso ardor, additae faeces. rite namque expiatus dat operam, ut eadem pater sacra amplectatur incensis delubris, comminutis, dissipatisque deorum simulacris, lucis succifis, sublatis sacrificiis, acceptisq. condicionibus percupide in rem incumbit, uno transfodi ictu, nec placide uexari temporis moram respiciens. exspectatione amanti nihil durius; ergo edoquisitae ex tota insula uirgines, & a proximis Galliae, Germaniaeque litoribus accitae, concessio muliebri mundo, ad Vrsulam transportatae; ipsa paterna in ditione habito delectu haud paruam, & iguobilem manum alienigenis adiecit. fama post Vrsulam clariores, Pinnosa, Harbilia, Iuliana, Victoria, Aurea, Vldilia, & Palladia. hae praepositae principiis, communicatis muneribus, ubi conuenere ex uariis gentibus mistae Anglae, Morinae, Saxones, Batauae, Sicambrae, Phrygiae, Venetae, Britannaeque, nondum omnes Christianis sacris additae, patentissimum, & conspersum floribus in campum per classicum coactas, excluso uiro, Vrsula, aurea corona praefulgens, multaue radiante gemma presso crine, purpura uestita auro intertexta, armillata in concionem adscendens, indicto silentio, (cum occurstantes inter se oculi, mutuusque conspectus ingentem admirationem, laetitiam, & uoluptatem conciuissent) benigne, grauiusque alloquitur: enudatis deorum fabulis, & erroribus, docet Christi doctrinam, nutantes in religionem impellit, quatit obstinatas, labantes, ac concidentes erigit, summa praemia, & perennia proponit, tota laterum firmitate in id incumbit, ut Christo se uouerent, uitam breuem multis periculis obnoxiam, animorum cruciatu aeternos, & gloriam, nec torum expertem doloris, ac miseriarum, imperia uirorum saepe iniusta, uiolenta,

lenta, immitia, suspiciosa breuissimam uoluptatem ob-  
scenos intra motus, amplexusque assiduus molestiis ex-  
cipientibus. ad haec tumentes fetu uteros, & exinde cre-  
bras mortes, & funera, sobolisque pariundae, & educan-  
dae labores, uigilias, timores, cuncta praeterea graua,  
noxia, & intoleranda: at, si Christo sponso adhaerent,  
nullum uidualis tori metum, non exstinctarum facum lu-  
ctum, non gemitum, aut pueriles uagitus, non improspe-  
ra, aut ludibria fortunae, non canum crinem, & obfessa  
rugis ora, non excusum dentem, & funesta senectutis,  
sed omnia plena gaudij, omnia referta uoluptatibus, cu-  
mulatas ueneres, & decora, affatim annorum, & gloriae  
affutura differere. Qua cohortatione inflammatae om-  
nes, ruere in baptisma, concelebrare Christum, impera-  
tricem suam miris laudibus attollere, addictae omnes sa-  
cramento, iurauere, alium praeter Christum sponsum nō  
amplexaturas consecrata illi uirginate. laudatae ab Vr-  
sula, & centuriatae omnes, mox lustratae. lectissima pha-  
lanx, iamque pietate, pulchritudine, dignitateque nationum  
uictrix, nihil toto in orbe terrarum uenustius, ni-  
hil ornatiush, nihilque praeclarius, uaria uestimentorum  
genera, ordo, disciplina, opes, fulgor gemmarum, ac la-  
pidum intuentibus admirationem adaugebant. ipsa im-  
peratrix, sicut fortuna eminentior, ita dignatione corporis,  
morumque augustior rapuerat in se omnium oculos.  
concursum ad compita, & itinera ab accolis, regulis, ac  
principibus. stupor ingens spectantium in animis obor-  
tus, nemini in tanta pulchritudine, tantoque in agmine  
puellarum mota uenere, cunctorum strictis religione pe-  
titoribus, multae uirgines aemulatione incitatae, relictis  
aris, focusque sacrae militiae nomina dedere. a Praefuli-  
bus, Episcopis, & sacerdotibus concursum in ea castra,  
quae sanctimoniae dumtaxat, castitatisque patebant. Vr-  
sula, circuitis insulae locis, ad ulteriora animum exten-



dens, Romam, ac Hierosolymam uoluere, ut solū, terrasque Christi calcata uestigiis lamberet, osculareturq. catenas, equulcos, & saxa martyrum infecta cruore, & celebrata omnium gentium ore Apostolorum templa, arasq. perpetuas. itaque Praetorium aduocat, suū desiderium exponit, expostulat ceterarum sententiam. responsum ab uniuerfis, acclamatumque, duceret, quo uellet: se libentissime imperata facturas: sic iurasse, & impleturas. Hoc statuto sponsum accersiri placuit ad regiam: quem statim ad nutum coniugis aduolantem perbenigne amplexa imperatrix itineris rationem, & cupiditatem exponit: hortatur, ut in Regno ipse permaneat ad incerta casuū, procul a periculis, ad generi, patrisq. sustentandam senectā, in tam longinqua sua peregrinatione. omnia se facturum Herceus spondit. mox imperatrix, consalutatis amicis, & affinibus, inter suorum lacrymas, oscula, amplexusque, ad mare deducitur, explicatoque ad auras in praetoria profectionis signo, data tessera, itum in aduersa Germanorum litora, excubias per uices capeffentibus cohortibus, & mutua se aemulatione ad uirtutem accendentibus. Imperatrix omnia ipsa oculis perlustrare. inflammata intempestina cupidine retundere, languentes excitare, omnia prius ipsa pati, quam iubere multum Semiramide, Camilla, Zenobya, Victoriaque matre castrorum, & prudentia, & magnitudine animi nobilior. coetus hic sanctus, cunctis uerendus, immensa sibi caritate cohaerens, uoces castissimae, cantus sacrari, casta peccata, purissimae manus, religiosissima uota, ueri Dei cognitio, & arcana, contra harum (quas memorauimus) castra plena odiis, irisque, referta seditiosis, trucibusq. ac praedarum appetentissimis saepe cruentis signis, funestatisque praetoriis sanguine ducum, aut caedibus comilitonum, ne deorum quidem (quos colebāt) ornamentis, sacrarijsque parcentibus, si consideraueris harum

finem

finem, tristem, & dirum cum ludibrio fortunae deprehendas nec laudato proposito, extensis ad aliena rapiunda animis, aut dominandi siti, caloreq. arescentibus. Igitur, ad Thielam in Germaniam delato uirginali exercitu, moti accolae desertis urbibus ruere, & se obuiam effundere uenientibus, strata floribus uia, & expositis commeatibus, quacumque sacrum incedebat agmen, nouis uirginum supplementis castra repleti. hinc aduerso Rheno ad Rauracos Basileam celebrem, opulentamque urbem accessere. benigne ibi militia accepta refectis corporibus: mox, praemissis, qui explorarent, purgarentque itinera, sublati signis, per Heluetiorum, Raetorumque terras, descensum in Italiam: omnia loca ueneratione augusta pie lustrata gaudentibus Italis, & ipsis ciuitatibus ad spectaculum concurrentibus, depulsis ex animo ira, atque maerore ex eo iucundissimo adspectu, fugataque penitus funestorum ignium, Gotthicarumq. populationum memoria, queis a fato magni Theodosij Italia quassata fuerat non sine barbarorum risu in Capitolij arce, & culmine, Gothico expanso uexillo, non iam fabuloso regnante Ioue. at uirgineae legiones acto ueluti triumpho ouantes Romana maenia ingrediuntur, aggerata omnium laetitia, sine inuidia ueterum triumphorum, in summa felicitate imperij, nunc Asia, aut Africa, Europaue submissee Capitolio supplicantibus, ipso Valentiniano Caesare suspecta Honoriae sororis castitate in tanto spectaculo propitium sibi Deum, caelestesque fauores largiter noscente. Vrsula his diebus supra Augustarum thyras, & fastigium celebrata: duae illi pares in orbe terrarum uisae, Aelia Pulcheria Arcadij filia, & Eudoxia Leonthis Atheniensis philosophi filia, iunioris uxor Theodosij. altera uirginitate, & castimonia, artibusque regnantis, & pietate nobilissima. altera disciplinarum excellentia insignis, aemula Homeri, & Virgilij, Platoni non cedens,

cedens. at sacratum agmen Pōtificio pedi osculo impreso, & ueneratione sacris locis exhibita, uenerandaq. uerustate oculis impletis, ad tantam Romanae urbis magnificentiam, amplitudinemq. obstupescens, amphitheatrique molem, obeliscos, palatia, ambitum thermarum, balnea, Capitolium, arcus, forum, aera, & rostra caelo aequans, persolutis iam uotis, patrias remeare ad terras decreuit. feliciter ei Pontifex Maximus apprecatur, explorato Cyriaci nomine perperam, insciteque in antiquis monumentis exarato ab ignaro Pontificiorum scriptore factorū, & indocto. dedisse illis temporibus orbi iura Leonem Magnum pro certo scimus ex Annaliū lectione, omniumque uocibus Historicorū, haeresum profligatorem, triumphataque saeuientium rabie barbarorum, Catholicae fidei restitutorem, quo nihil eloquentius, nihil sapientius, nihil sanctius, nihilq. praeclarius. At Virgines, accelerato itinere, fama de apparatus barbarorum in dies efferuescente, iterato Basileam deuenere parta ingenti praeda, plurimis ex Italia magni nominis agmini se iungentibus. igitur ad Basileam naues exercitus nactus prono Rheni alueo in Britanniam properare, appulereq. ad Coloniae Agrippinae agrum, opidum Germaniae insigne, olim hybernacula Romanarum legionum, Vbiorumque caput, Iulia Agrippina Drufo Germanico nobilissimo Caesare, uictoreque Germaniae, Arminiique Varianarum cladiū auctoris, progenita, Caij germana, Claudij uxor, Neronis genitrix insigne rerum humanarum exemplum, ludibriumque, coloniae fama, gloriaque exstulerat. maius nomen ex Virginiū pugna, & strage apud posteros assecutum, ad hoc fatigatae nausea fluminis, undarumq. rapiditate Virgines solum apprehēdere: qua tempestate Attila Mundzucci filius, Bleda fratre interfecto, uastator terrarum, Thracia, Pannonia, Maesia, & Germania stratis per infaustas caedibus terras barbarica trahens agmi-

agmina praeter Hunnos gentilem militem, Quadorum, Sarmatarum, Carporum, Rugorum, Gelonū, Turcilingorum, Bructerorumq. in Italiā festinabat haud deterritus Rhadagayfī interitu miserādo, & Alarici felicitate ultro illectus, nōdum tamen Honoriae litteris, ac pollicitationibus ad eū allatis, quae uirgo arcta custodia uallata in atrocissimi hominis caedas impotentissime exarserat, ipsumq. iam diu orbis terrarum imperio inhiantē in funera gentilis terrae, augustissimaeq. urbis exciuerat, quo non obtēto uirginalem florem Eugenio procuratori suo, faede, & contra uitum pudorem, decusq. maiestatis decerpendum tradiderat, impletaq. fetu Constantinopolim amandata a fratre. Verum ea lues Hunnorum incomperta ueterum litteris trans Meotidem Asiaticā incolens Scythiam, atrocitate morū effera, nullius humanitatis, effrenatae ueneris, auri, praedeq. audivissima, enormitate corporum, parteq. oris adusta ferro, aut uulnere deformata, horribilis, proruptis ueluti naturae repagulis, domitis Alanis, Grutungis, Gothisque, & Taifalis suis eiectis sedibus, fugatisque, rapidissimi instar amnis, per populorum ruinas, stragesq. se in Romanas prouincias effuderat, ambobus Augustis terror ingens. tuncq. respirante a cladibus suis Oriente, in Occidentē armorum fulmen contorserat, Coloniamq. primos eius impetus refrenantem ciuitatem memorē Italicae originis, conditorisq. gloriae, arctissima premebat obsidione, hac enim excisa urbe, reuulsis ueluti Galliae, Italiaeq. foribus, facilem sibi aditū in Capitolium spe & cupidine iam uoratum existimare. iamq. Valentinianus inita cum Gothis societate, coactisque legionibus, Aetium uel Hunnicis armis exercitum in Galliam praemiserat, summa illi rerū demandata aduersus barbarum nimiū successu rerum feliciū tumentem, illusa Romani nominis maiestate, illacrymantibus maiorum animis nec ignaue dolentibus, posteritatem suam in  
Assy-

Assyrica gynaeceae, mollioremque Graecorum transisse, laboribus suis, atque sudoribus ad sidera elatam, egereque externa ope non ad propagandum imperium, sed ad salutem tuendam, propulsandumque seruitium. At barbarus, stantem civitatem, & Aquilonem suis exitum sedibus morantem, indignatus, fit certior de uirginali exercitu, laetatur, tripudiat, sperat innocentium saltem cruore explere insitam crudelitatem posse, aut certe mitigare. id immanissimo mortalium operatum, nec raro monstratum uastatione provinciarum, excidiisque populorum, uel adscitis nominibus, cum se Dei flagellum, terroremque hominum iactaret, immissum plectenda ad piacula mortaliū, expetendasque diras. per exploratores omnia diligenter cognoscit: exercitum omnem iubet in armis esse, hippotoxata praecipue delecto, mortifero uel stantibus, uel fugientibus: omnes arma capiunt, intenti signum expectant, anhelant caedes, & sanguinem, & ueluti cum Romanis pugnaturi non incuriose hastas & scuta quater, arma inspicere, & mucronem acuire. at Virgines, nullo iacto uallo, aut constituta statione, dispositis praesidiis, solutae metu in Deo tantum mentibus, animisque defixis, per campos discurrere, captare auras, piisque cantilenis, plausuque Christi praeconia canere. pars sopita somno, pars sermones inter se ferere: aliae in contemplationem caelestium effusae, ipsa inter primas, mire laeta imperatrice certum martyrij, ac uictoriae locum praenoscente, uisque memore, quod eundem ad locum uadens in Italiam per soporem uiderat: Ceterum barbari XII. Kalen. Nouembris ab Attila accepto signo, uirginis castris appropinquant, magno camporum spatio occupato, (ne fuga euaderent) obsessa etiam fluminis ripa, uastis clamoribus circumfudere se uirginibus, uibratisque telis strauere obuias. illae in re subita non frontem antesignanis, principibusque, non

latera

latera hastatis, nō terga triariis munientibus, haud quam consternatae, inuicta pectora trahere in pugnam, caedi obiiicere, nullum timoris signum edere : quem uiua quaeque ceperat locum, cadens obtexit . imperatrix in primo agmine uersari uultu sereno, & ueluti inter choreas, & cantilenas, hortari, confirmare, omnibus adesse, sibi non parcere aduersis maior : omnia statim caedibus foedata, aut maculata cruore . euersus momento temporis, concisusq. florentissimus ille exercitus : traiecta ferro pectora, sparsa uiscera, suffossa ilia, discissi uteri, truncata brachia, terga lacerata, ceruices, & ora faede dissipata, acciso pulchritudinis flore, cumulatque strage in unum aceruum cadentibus bellatricibus, uel ipso casu barbarorum animis, irisque superatis. ab imperatrice retenti arcus, ipsis iam hastis cruore exsaturatis, & compresso furore . nimia pulchritudo, atque uenustas uel in dirissimo Martis discrimine, atque spectaculo barbarorum ferociam represserant. ducta inde ad Regem illius famae, & gloriae non ignarum, adhuc cruorem, rabiemque spirantem primo strauit obtutu nihil territa, & barbaro facile ad uenerem ingenium erat, accensa cupidine per plurium complexus uxorū decurrente, nec immerito belluinis moribus, atque efferae animae parem corporis habitum natura affixerat. uidere namque erat in monstro humilem staturam, propansum pectus, informe caput, paruos oculos, simum nasum, tætrum oris colorem, abrasam barbam, uerticemque canis adpersum, ad haec elatum incessum, trucem uocem, iactationemq. huc illuc membrorū quasi fanaticam . igitur Atrila Virginem nullo fractam infortunio miratus, his uocibus attentat : etsi paucorum facinore, & rabie, una hora nobilissimo comitatu, carissimisque pignoribus orbata, in hanc calamitatem recidisse uideris, ut flenda diu sit tibi : tamen si haec sapientiae deorum, fatoque adscripseris,

Pp

nec

nec te infelicem, aut miseram dixeris, id nactura in tanto armorum fragore, & strage, quod aliae, te nobilitate multo praestantiores, nec specie inferiores diu uotis concupiere puellae. itaque pepercit tibi fortuna, & Mars, inter creberrimum sagittarum imbrem, uibratasque hastas, & nos quoque te ornatissimam, ac florentem uolumus, si nos maritos, & principes non dedignaberis. ipsa nuptiarum nox rutilantibus Capitolij, Italiaeq. flammis splendescet, & Regia ista ceruix Augusto diademate effulserit. hoc inter rara felicitatis ponendum, Attilam terrorem orbis, domitorem Germaniae, stratoremque Augustae maiestatis a nutu pēdere tuo. id sibi dii deposcunt, haec aceruata sociorum strages suadet. quamobrem, nobilissima puella, ne patiare tantam pulchritudinem, oculorumque lucem subita animi obstinatione extinguere: nobiscum iam laeta regna; quidquid enim infauftae lucis pugna, & furor armorum abstulere, uniuersa supplebit Europa: nec ipsi minorem in thalamo felicitatem speramus, quam inter uictrices equitum turmas, concussosque fragore umbones, in concidentium murorum ruinis, concussique pauore mundi. satis superque fortuna adhuc est elargita, largituraque. uel inuitis se nobis profitetur. At Vrsula uix dicendi finem praestolata, ore interrito, Audes ne (inquit) dirissima bellua talia mihi dicta ingerere, aut has (quo minus caelesti sponso potiamur) obiectare moras? cur me a sociarum uirtute degeneraturam putasti? occubere aduersis uulneribus electissimae turmae, & iam laureatae caeli secreta scandūt: & ipsa regina, tanti modo imperatrix exercitus ad unius scythicae ferae mugitum e caenosis paludibus emergentis obtorpesceam? sic uictrix inter crudelitatem, & diras, totque funera captiua nunc barbarae libidini, deuota Christo, pectus, corpusque subijciam? sic blandimento uerborum, atque promissis atrocioribus ad sternendam



dam uirginum pudicitiam, cacodaemonum armis attentor? utere, mortalium crudelissime, fortuna tua: non manus, quibus circumdaris, non arma extimesco: nec ostentatam felicitatem, & diuitias magni facio: multa maiora, certioraque ab interitu assequar. cur cunctaris? Christi miles nec labefactatur auro, nec ferro uincitur. Ad hanc uocem minacissime infremens barbarus, iactansque membra, in Virginem tetendit arcum, &, quo certius periret, aduersum pectus ferit. Tergemino iaculo alte infixio pectori, discisis fibris, bellatrix moribunda prolabitur, magnanima morte religionē, castitatemque testata, nulli uirginum uel Romanarum, externarumque gloria, sanctitateque concedens, coactis tot millibus puellarum omnibus superior. Postero die barbarus; lectis stratarum spolijs, Cordulam, (quae primo barbarorum occurſu, uicta metu, detrectauerat pugnam, repertis latebris) pertaesam ſocordiae, atque ignauiae animose prodeuntem in aciem, in aceruis ſociarum maectauit, ueritusque ne odor cadauerum acra inficeret, congeſta in unum corpora terra obrui iuſſit. ſacratum hinc poſtea ſolum illud, & ueneratione cultum, nobilitatumque miraculis, ſed barbarum ultrices dirae ad Catalaunicos campos, uerſis Romano tergis, magnaque exercitus manu amiſſa, proſecutae, demum euocatum ex Italia inter infames amplexus, libidinem, & uina ſaediſſime perdidere, amatorem bellorum, ſed manu inglorium, addictum augurijs, nullique deorum obſtrictum, haudquaquam illo fatali Martis gladio, quo tantopere gloriabatur, extremam neceſſitatem abſcindentem. Haec plerique ſcriptores, famaue iactantior. At apud Gaufridum Aſaphenſem Epiſcopum abhorrentia a ſuperiori narratione legimus; memorat namque Flauium Maximum aduerſus Gratianum Auguſtum arripientem tyrannidem in Britannia, Auguſti nomine uſurpato, inſi-

gni audacia uirum, pugnacissimumque traiecisse in Galliam ad opprimendum Gratianum superiorum Augustorum, uel animi magnitudine, uel pietate, uel moderatione iuuentae clarissimum, Armoricosque illato terrore sedibus eiecisse pro Gratiano pertinaciter stâtes, duabus Britannicis legionibus transductis ad incolendum opimum, & alêdis exercitibus peropportunum solum munimentum Britanniae aduersus Gallos, si quid infesti a Gratiano ingrueret haud molliter sago desumpto aduersus usurpatorem imperij, incitataq. in arma gente Hunnorum, placuitque Britanniam minorem dici in solatiû, honoremque Britannorum, sibi studiose fauentiû, ementito originem praelata Helenae, Constantinique cognatione, & quia femina ad sobolem propagandam deerat, accersuntur e Connani consilio in Maximi castris militantis praeclaro nomine uiri, interque Britannos nobilissimi, ex Britannia pari numero Virgines ad côiugium. Vrsula Dionoci Cornubiae regis filia, in summa existimatione erat, eminebatque cum splendore natalium, tum excellentissima specie. haec Connano desponsa, aere feroci iuueni incitamentum ad partes Maximi iuandas; lecta XI CIO Virginum manus Londini nauibus imponitur, sua sidera, ac patria tecta, suosq. non amplius uisura. itur in Armoricos, sed coorta procella Thielam in Germanica littora impelluntur, Rhenoque exceptae, Coloniam deuehuntur. aderant in praesidio Melga Pictorum, & Gaunus Hunnorum duces piraticam exercentes, a Gratiano aduersus Maximum acciti, diffiso militi suo rebellionis tabe infecto; feruebatq. motu armorum prouincia, ipsaque urbs, propugnaculum aduersus Transrhenanos, magnis infesta praesidiis, inhorruerat ad Maximi nomen facinorose rebellâtis a Principe, cum se diu tecta imperij cupiditate tumultuantibus legionibus dedisset, Gratianum exsecrâtibus, barbarico interdum habitu

bitu incedentem, barbarorumq. assuetudine deuinctum,  
 quasi patriae uestis, & Romani eloquij usum dedignan-  
 tem. igitur tantam cōspicati faeminarum multitudinem  
 praesidiarij ad amnem decurrunt; &, ubi animaduertit  
 Britannas esse, rati hostium coniuges, filias, sororesque,  
 illico in uenerem ignescunt, ingerunt preces deposito  
 ferro, blandiuntur ab inermibus uicti. Sed Virgines, Vr-  
 sula cohortante, & ferociter ciente pro uirginitate  
 certamen, abominatae preces, atque flagi-  
 tium irritauerunt in se barbarorum iras,  
 rabiemque. itaque ab Hunnis, Pi-  
 &isque circumfusae, uniuer-  
 sae internecione delen-  
 tur, ipsa inter pri-  
 mas caden-  
 te im-  
 peratrice.

L A V S D E O.



R O M A

M D X C V I I



# REGESTVM

•• ABCDEFGHIKLMNOPQRSTVXYZ.

Aa Bb Cc Dd Ee Ff Gg Hh Ii Kk Ll  
Mm Nn Oo Pp.

Omnia sunt integra folia.



---

R O M A E

Apud Gulielmum Facciottum .

M D X C V I I .

## ERRATA CORRIGENDA.

- Pag. 11. lin. 8. intentam, corrige intenta.  
 Pag. 14. lin. 25. maius, corr. maius.  
 Pag. 27. lin. 13. Saburra, corr. Suburra.  
 Pag. 50. lin. 28. laucius, corr. faucius.  
 Pag. 78. lin. 1. gloriosi, corr. gloriosæ.  
 Pag. 89. lin. 11. origine, corr. Origene.  
 Pag. 92. lin. 26. reluctaturam, corr. reluctatura esset.  
 Pag. 102. lin. 25. diuiduo, corr. diuino.  
 Pag. 110. lin. 2. hyathini, corr. Prafini.  
 Pag. 114. lin. 7. adde, alij ferunt quinque.  
 Pag. 121. lin. 10. corpori, corr. corpore.  
 Pag. 127. lin. 20. extractus, corr. extructas.  
 Pag. 130. lin. 6. immitti, corr. immiti.  
 Pag. 133. lin. 6. Perforum, corr. Perfarum. &  
 lin. 12. concertationes, corr. conuersiones.  
 Pag. 135. lin. 4. halita, corr. habita, &  
 lin. 15. inuidia, corr. inuida.  
 Pag. 136. lin. 9. Sabasteno, corr. Sebasteno.  
 Pag. 150. lin. 10. Fetiales, corr. Feciales.  
 Pag. 165. lin. 24. falsa, corr. falsa.  
 Pag. 168. lin. 29. arcnis, corr. arenis.  
 Pag. 181. lin. penult. fortass, corr. fortasse.  
 Pag. 192. lin. 13. sorore, corr. filia, &  
 lin. 15. post. verb. professa ) adde, obiecisset.  
 Pag. 198. lin. 25. subaceo, corr. subacto.  
 Pag. 201. lin. antepenult. omnia, corr. omina.  
 Pag. 206. lin. 15. molitiem, corr. mollitiem.  
 Pag. 210. lin. 7. scelum, corr. scelus.  
 Pag. 235. lin. 12. Cyrenzas, corr. Cyrenas.  
 Pag. 247. lin. 6. nnius, corr. unius.  
 Pag. 256. lin. 4. dedignantur, corr. dignantur.  
 Pag. 258. lin. 31. hac, corr. hæc.  
 lin. 33. factum, corr. fatum.  
 Pag. 259. lin. 11. ipse, corr. ipse.  
 Pag. 269. lin. 4. Persopolis, corr. Persepolis.  
 Pag. 271. lin. 27. Neocropolim, corr. Necropolim.  
 Pag. 272. lin. 28. Neocropolim, corr. Necropolim.  
 Pag. 279. lin. 16. viij. corr. vij.  
 Pag. 282. lin. 5. Persopolis, corr. Persepolis.  
 Pag. 286. lin. 28. Nereus, corr. Hereus.  
 Pag. 296. lin. 5. Cinitatem, corr. Ciuitatem.



# I N D E X.

## A



**ACILIVS** Glabrio, *Eugeni* am sponſam expetiſ. 122.  
*Aecatbarina.* 232.  
*Aedeſius*, *Margaritae* pater. 157.  
*Aelia Pulcheria* *Auguſta*, *Arcadij*, *Eudoxiae*q. ſiſt. 213. 293.

**Agatha.**

*Catanae* nata, nobili ſtirpe.  
*Aphrodiſiae*, celeberrimo Scorto, a *Quinctiano*, *Siciliae* praefide, tradita, ut eam ad ſuam uoluntatem traberet. 113.  
*frustra* ab ea tentatur. 116.  
*perſiſtit* intrepide. 117.  
*carceri* mancipata. 118.  
*ei* mamillae abſcindi iubentur. 119.  
*Petrus* *Apoſtolus* ei uiſus. 120.  
*in ardeniem* roguſ inijci iubetur. 123.  
*terraemotus* a Deo miſſus multos oppreſſit. 124.  
*in carcere* obiit. 125.  
*eius* ſepulcrum, & laus. 213.

**Agnes.**

*Romae* naſcitur. 197.  
*Symphronij*, praefecti *Vrbis*, filium, eam in uxorem poſcentem, ſprouit. 193.  
*Conſtans* in fide Chriſtiana. 201.  
*ex ſui* ueſtibus, & ita nuda duci in lupanar iuſſa. 202.  
*203.*  
*Candida* ueſte ab *Angelo* circundata. 207.  
*praefecti filius* exanimis concidit, cum eam amplexari uellet. 206.  
*eius* precibus reſtituta ſalus praefecti filio. 209.  
*capite* plectitur. 212.

**Alexandra**, *Catharinae* mater. 232.

**Alexandri** *Farnesii* *Card.* pietas, ac magnificencia. 58.

**Ambitionis** deteſtatio. 187. 188.

**Antiochia**, *Margaritae* patria. 157.

## b

*Apollonius.* --



# I N D E X.

<i>Apollonius Tyanseus, sceleratissimus homo.</i>	17.
<i>Archillaens, &amp; Nereus, Comites dati Domitillae.</i>	26.
<i>Archimedes Syracusanus.</i>	117.
<i>Aribemia, Atticaque, Christianae.</i>	113.
<i>Aspasius, Symphronij praefecti Urbis, uicarius.</i>	111.
<i>Attica, Aribemiaque, Christianae factae.</i>	113.
<i>Attilae detestatio.</i>	194.
<i>Augustini Cusani Card. pietas.</i>	56.
<i>Aurelianus Imperator.</i>	159.
<i>Aurelianus, a Domitiano Domitillae in sponsum traditur.</i>	128. mo-
<i>ritur.</i>	55.
<i>Aurelius Alexander, Imp. optimus.</i>	76.
B	
<i>Balnearum, in Hispania prohibita.</i>	93.
<i>Barbara.</i>	
<i>Nicomediae nata.</i>	87.
<i>Dioscori filia.</i>	87.
<i>a Sacerdotibus Christiana fide imbuta, Christo animum,</i>	
<i>castitatemq. uouet.</i>	89.
<i>tum a patre includitur.</i>	92.
<i>baptizatur ab Origene.</i>	94.
<i>a Marciano dirissimis plagis excruciari imperatur.</i>	102.
<i>Julianam secum ad martyrium trahit.</i>	102. 103.
<i>nuda per uulgus traduci iubetur.</i>	104.
<i>ab Angelo ueste praecandida oblecta.</i>	104.
<i>securi percutitur.</i>	106.
<i>Venetias corpus translatum.</i>	106.
<i>Bassila, Pompeo desponsa.</i>	148.
<i>Boemundi laudes.</i>	180.
<i>Byzantium rebelle a Petri primatu.</i>	227.
C	
<i>Caecilia.</i>	
<i>Romana.</i>	61.
<i>a teneris annis Christianae pietati dedita.</i>	61.
<i>Euangelium in pectore gestabat.</i>	61.
<i>nudum marmor illi pro strato erat.</i>	62.
<i>Valeriano desponsata.</i>	62.
<i>Corona ab Angelo donata.</i>	62.
<i>Tiburcius, eius monitis, Christianus fit.</i>	74. accusatus
	<i>securi</i>

## I N D E X.

<i>securi percutitur.</i>	80.
<i>Tiburtij, Valeriani, &amp; Maximi corpora sepelit.</i>	81.
<i>eius sacundia plusquam CCCC. Christiani facti, ab Vr-</i>	
<i>bano baptizantur.</i>	84.
<i>capite truncatur.</i>	84.
<i>Caesar Baronijs, nobilis Ecclesiasticorum Annalium scriptor, a Cle-</i>	
<i>mente allectus in Card. Senatum.</i>	57.
<i>Caesarea, Dorotheae patria.</i>	177.
<i>Catana, Siciliae Ciuitas, Agathae patria.</i>	109. 218.
<i>Catharina.</i>	
<i>maxima inter martyres, ac uirgines.</i>	211.
<i>Alexandrina.</i>	232.
<i>Costio patre, Alexandra matre.</i>	232.
<i>Sabinella matre, quibusdam.</i>	232.
<i>doctissima. 232. 233. &amp; dein.</i>	
<i>Maximino Casari Christum colendum praedicat.</i>	240.
<i>Sapientes conuocati ad disputandum. 243. usque ad</i>	257.
<i>in pyram coniecti.</i>	257.
<i>nudata alligari equuleo iussa.</i>	259.
<i>ab Angelis curata, a columba alba cibus ei apportatus.</i>	261.
<i>Dorphyrium, &amp; Augustus affatur.</i>	265.
<i>rotis impressa.</i>	269. 270.
<i>eas Angelus confregit.</i>	270.
<i>collum detruatur.</i>	279.
<i>corpus in Syam per auras ab Angelis deportatur.</i>	279.
<i>Christianorum ignauia, &amp; Turcarum ferocia.</i>	281.
<i>Ciceronis laus.</i>	238. 253.
<i>Claudia, Eugeniae mater.</i>	121.
<i>Clemens IIX. instaurator sacrarum aedium, &amp; prisci moris, ac pietas</i>	
<i>us imitator.</i>	57.
<i>Constantia, Constantini Magni filia, Christiana facta.</i>	213.
<i>Constantinopolis, rebellis a Petri primu.</i>	227.
<i>Constantinus Magnus, &amp; eius laus 213. Constantij, &amp; Helenae fi-</i>	
<i>lius inuictissimus. 267. Imperium Byzantium transtulit.</i>	285.
<i>Costius, Catharinae pater.</i>	232.
<i>Cursafades, praepositus Alexandriae.</i>	268.
D	
<i>Demas, &amp; Hermogenes, Paulum una cum Thamyride persequuntur.</i>	4.
b 2	Diono.

# I N D E X.

<i>Dionotus, Vrsulae pater.</i>	286.
<i>Dioscorus, Barbarae pater. 87. fulmine petitur ob impietatem.</i>	106.
<i>Domitianus, Imp. malus. 26. trucidatur.</i>	49.
<i>Domitius Vlpianus, I. C., acerrimus Christianorum hostis.</i>	65. 76.
<i>Doria, Vrsulae mater.</i>	286.
<i>Dorothea.</i>	—

<i>Caesareae in Cappadocia nascitur.</i>	177.
<i>adolescens, Christianam fidem amplexata est.</i>	177.
<i>nudari iussa, &amp; in equuleum suspendi.</i>	179.
<i>Deum trinum confessi est.</i>	180.
<i>pendenti ex equo uirgini subiectis latera facibus</i>	—
<i>aduri iussa, ingentiq. saxorū pōdere membra affligi.</i>	183.
<i>securi percutitur.</i>	187.

## E

<i>Enoc Diuina praecepta columnis incidit.</i>	253.
<i>Eudoxia, Leontis, Atheniensis philosophi, filia.</i>	293.
<i>Eugenia.</i>	—

### Romana.

<i>Philippo, &amp; Claudia, parentibus.</i>	121.
<i>ab Acilio Glabrione in uxorem expetitur.</i>	122.
<i>Protus, &amp; Hyacinthus, eius fratres. 123. occiduntur.</i>	151.
<i>in sanandis morbis excellens.</i>	139.
<i>Philippus pater, cum familia, baptizatur.</i>	144.
<i>eius precibus terraemotus oritur.</i>	152.
<i>saxo collo alligato, in Tiberim illaesa praecipitatur.</i>	153.
<i>in flammis iacitur, incombusta.</i>	153.
<i>carcere includitur.</i>	153.
<i>moritur.</i>	153.

<i>Eusebius Caesariensis.</i>	280.
-------------------------------	------

<i>Eutropius, Heleni Episcopi familiaris.</i>	137.
---	------

<i>Eutychia, Luciae mater.</i>	217.
--------------------------------	------

## F

<i>Fausina Augusta.</i>	262.
-------------------------	------

<i>Flauia Domitilla.</i>	—
--------------------------	---

<i>pater Flavianus.</i>	25.
-------------------------	-----

<i>Aureliano a Domitiano in Sponsam promissa.</i>	28.
---	-----

<i>Nerei, &amp; Archillaei hortatu nuptias recusat.</i>	37.
---	-----

<i>Caput uirginali uitta ornatum a B. Clemente.</i>	38.
---	-----

<i>audacter confessi fidem Christianam corā Domitiano.</i>	49.
--	-----

<i>Theo.</i>	—
--------------	---

## I N D E X.

<i>Theodoram, &amp; Euphrosinam, earumq. sponfos Sulpicium, &amp; Seruilianum ad Chriftianam pietatem traxit.</i>	53.
<i>Tarracinae in cubiculo cum socijs concremata.</i>	56.
<i>corpus ad S. Hadriani repertum.</i>	56.
<i>translatum ad SS. Nerei, atque Archibillaei.</i>	57.
G	
<i>Gaufridus, Afapbenfis Epifcopus.</i>	299.
<i>Gothifredi Bolionij laudes.</i>	280.
<i>Graeci, mendaces.</i>	165.
H	
<i>Heleni Epifcopi laudes.</i>	124.
<i>Henricus Dandulus, Venetorum Imp. clariff.</i>	228.
<i>Herens, Vrfulae amore ardet.</i>	236.
<i>Hermogenes, &amp; Demas, Pauli una cum Tbamyride perfequuntur.</i>	4.
<i>Hieronymus Florauitius Theologus insignis, ex Societate Iefu.</i>	174.
<i>Hyacinthus, &amp; Protus, Eugeniae ferui, &amp; comites.</i>	123. occiduntur.
	151.
I	
<i>Iconium, in Lycaonia, Theclae patria.</i>	1.
<i>Iuliana ad martyrium a Barbara uocata.</i>	103. securi percutitur. 106.
<i>Iulius Antonius Sanctorius, Card.</i>	173.
<i>Iuftinianus, ex fopore Iuftini nepos.</i>	279.
L	
<i>Leonis Magni laudes.</i>	298.
<i>Lucia.</i>	
<i>Syracufis nascitur.</i>	217.
<i>Eutychia mater.</i>	217.
<i>adulta uirginitatem Chrifto feruauit.</i>	177.
<i>coram Pafchafio praetore Chriftum confeffa.</i>	210.
<i>a lenonibus tentata, immobilis.</i>	223.
<i>circa eam accendi inbus ignis.</i>	218.
<i>ad caeleftia proficifcitur.</i>	227.
<i>corpus Conftantinopolim translatum.</i>	227.
<i>Venetias deportatum.</i>	228.
<i>Luxurius, Aureliani frater, Domitillam cum alijs Tarracinae concremauit.</i>	56.
M	
<i>Marcianus, Nicomediae Praefes.</i>	97.
<i>Margarita.</i>	
	Antio.

# INDEX.

Antiochia nascitur.	157.
Aedesio patre.	157.
nutricis pietate, Christiano charactere insignitur.	157.
cum in Christiano nomine consiſtendo perſisteret, ab Oly-	
brio praefecto verberibus caedi iubetur.	162.
Et in equuleo ſuſpendi, eiſq. latera, ac peſtus ſacibus	
diuexari.	170.
in aquae uas mergi.	170.
ſecuri percutitur.	174.
Matrimonia a Pompeio laudantur, contra Chriſtianos.	149.
Maxentij deſectatio.	273.
Maximinus Imp. malus. 96. uxorem occidi inſiſt.	271.
Maximus, Praefecti cubicularis, baptizatur. 80. mortuus.	81.
Mediolani Theclae reliquiae aſſervantur.	22.
Melanthia, ab Eugenia ſanata.	139.
Mercurij Triſmegiſti dictum.	253. 254.
Metenſes Luciam apud ſe eſſe aſſirunt.	229.
Miniſtri, Imperij instrumenta peſſima.	76.
N	
Necropolis, Alexandriae locus.	271.
Nereus, Et Archillaeus, comites dati Domitillae.	26.
Nicomedia, Barbarae patria.	87.
Nicopolis, XXX. ab Alexandria ſtadiis ſeiuncta.	267.
O	
Olybrius, Piſidia praefes.	161.
Origenes Adamantius.	89.
Orpheus, de ternario numero.	148.
P	
Pamphili martyris laus.	180.
Pſchales I. Pont. Max. Cacciliae corpus tranſtulit.	85.
Pſchoſius praetor.	220.
Paulus Apoſtolus Iconium deuenit quando. 1. eiſq. perſecutiones.	
Theclam baptizat.	5.
Petrus Apoſtolus Plantillam baptizat. 26. Agathae apparuit. 120.	
Philippus, Eugenia pater.	171.
Philippus Auſtrianus, Caroli V. F. Rex Hiſpaniarum, &c. Bal-	
nearum uſum prohibuit.	93.
Pij V. laudes.	229.
Plato, de tribus regibus. 248. Moſes Atticus.	255.
Plantilla,	

## I N D E X.

Plautilla, a B. Petro baptizata.	26.
Porphyrius, praef. praet.	261.263.
Procopius Caesariensis.	280.
Probus, & Hyacinthus Eugeniae comites. 125. occiduntur.	151.
Q	
Quintilianus, Siciliae praefes.	112.
R	
Robertus Bellarminus, doctiss. homo, scriptor memorabilis, ex Societate Iesu.	173.229.
S	
Sabinella, Catharinae mater, quibusdam.	232.
Sapricius, Cappadociae praefectus.	177.
Serapidis responsum.	253.
Simonidis de Deo responsum.	251.
Sixtus V. Sacellum ad Praesepe erexit: & eius laudes.	215.
Symphronius, Praef. urbis.	192.
Syracusae, Luciae patria.	217.
T	
Ternarius numerus, Diuinitati adscriptus.	248.
Tbamyris, sponfus Theclae.	1.
Thecla.	1.
in muliebri sexu, martyrum princeps.	1.
prima pro uirginitate decertauit.	123.
Iconij, in Lycaonia, nata.	1.
matre Tocchia.	1.
Tbamyridi nupta.	1.
Pauli Apostoli concionibus mota, nuptias spernit, matris, & sponsi blanditias, & minas reijciens, & parui-faciens.	2.
eum uidere <u>cupit</u> .	2.
ab eo baptizatur.	5.
a Praefecto ignibus tradi iussa.	6.
Angelum in Pauli specie caelum petentem uidit.	7.
laetabunda, sponte se iecit in flammas, illaesa.	7.
Antiochiam Pisidiae contendit.	9.
ab Alexandro adamata.	9.
iubetur subijci bestijs.	10.
iterum subijcitur bestijs.	11.
a serpentibus illaesa.	12.
a tauris	---

# I N D E X . I

a tauris illaesa.	17.
Iconium repetit.	18.
Seleuciam deuenit.	19.
nonagenaria obiit.	21.
reliquiae, Mediolani.	21.
Theopobitus, declamator, Dorotheam incescit.	185.
Theobymus, nutricis Margaritae nir.	157.
Tiburcius, Valeriani frater, 67. Christianam fidem recipit. & ab Urbano baptizatur. 74. accusatus, capitur. 77. securi percussus.	80.
Tocchia, Theclae mater.	1.
Trifmegisti dictum.	253. 254.
Tryphena, grauissimae seminae, Thecla in custodiam tradita.	10.
Turcarum ferocia, & Christianorum ignauia.	281.
Turcius Almachi, Praef. Urb.	76.

## V

Valerianus, Caeciliae sponsus. 62. Christianus fit, accusatusque, capitur. 77. securi percussus.	79.
Venetiarum laus.	106.
Veneti Luciae corpus asseruant.	229.
Vrbanus Pontifex.	65. 84.
Vrsula.	
in Britannia nascitur.	285.
Dionote patre, Doria matre.	286.
adolescentula castitatem nouit.	286.
ab Herco in uxorem repetitur.	286.
iaculo in pectore infixio, moritur.	299.

## Z

Zarea, magnus.	
Zeno Isauricus, Imp. pessimus.	21.

